

The Ohio State University



3 2435 05414808 5

کتابخانه دانشگاه تهران  
فرهنگستان ادبی



*Daily*

OHIO STATE  
UNIVERSITY  
LIBRARIES



NC







# مُنْتَخَبَاتُ آثارِ عَمِّ شَهْزَادَةِ

حضور شوکت و فورجناب تاجداری به حالا مسند نشین صدارت عظمیٰ فخرمآلو دولت و عالی پاشا حضرت قلیله  
شورای دولت رئیس دولتی کامل پاشا حضرت قلی جانب عالیارندن عرض و تقدیم بیوریلان تشکر نامه  
و سرقرائی حضرت شهر یاری دولت و نورس پاشا و معارف عمومی ناظری دولت و صفوت پاشا و امور نافعه  
ناظری دولت و ادهم پاشا و اوقاف همایون ناظری دولت و کمال پاشا و دولت و جودت پاشا و دولت و سامی پاشا  
حضراتک و مؤلفین مشهوره دن و یسی و ترکیبی و قره چلبی زاده و مصطفی نجیب و عاصم و عالی چلبی  
و پریزاده صاحب و نعیما و محمد سعد الدین افندیلرک و شعرای بنامدن باقی و حشمت و راغب و روحی بغدادی  
و سروری و فہیم و سامی و عینی و فضولی و عاکف و شرف و فطنت و لیل و اسعد مخلص پاشا و نفی و ندیم و وھی  
و سائرہ نیک مؤلفات مرغوبہ لزدن مأخوذ بعض مواد مفیدہ و آثار منظومہ اشبو مجموعہ مدہ مندر جدر

416

ترتیب  
قسطنطنیدی  
عن اعضای مجلس کیر معارف

در سعادت  
مکتب صنایع مطبعہ سنده طبع اولنشد

سنہ

۱۲۸۸



فهرست کتاب منتخبات آثار عثمانیه

صغیفه اسامی کتب	مواد مندرجه	اسامی مؤلفین
۰۰۱ ضروب امثال		واجد افندی
۰۰۹ قصه دن حصه	صبر سزلق	احمد مدحت
۰۱۰ بودخی	آری ایله سنک	و عثمان جدی بکار
۰۱۰ بودخی	ایکی تلکی	کذا
۰۱۱ بودخی	قورد ایله قوزی	کذا
۰۱۱ بودخی	دیو ایله ایکی تلکی	کذا
۰۱۲ بودخی	ارسلان یاوریلری	کذا
۰۱۴ بودخی	ایکی فاره	کذا
۰۱۵ بودخی	هندیاد شاهلرندن برینک مراقی	کذا
۰۱۶ محاورات حکیمیه	کشمیر شهرینک تنظیمه دائر بر فیلسوف	منیف افندی
	ایله بر بوستانچینک محاوره سی	
۰۲۰ بودخی	بر فیلسوف ایله بر مالیه ناظری محاوره سی	کذا
۰۲۶ مجموعه فنون	حکمای یونانندن سولون	کذا
۰۳۹ بودخی	حکمای یونانندن سقراط	کذا
۰۴۵ بودخی	حکمای یونانندن افلاطون	کذا
۰۵۲ اندلس تاریخی	بیان اسباب فتح افریقیه	ادهم پاشا
۰۵۵ بودخی	اسپانیانک احوال قدیمه سی	کذا
۰۵۷ بودخی	مرور اسلامیان باندلس	کذا
۰۵۸ بودخی	فلاحت	کذا
۰۶۰ بودخی	طب	کذا
۰۶۲ بودخی	جراحه	کذا
۰۶۲ بودخی	صیدله	کذا
۰۶۳ تاریخ دولت علیه	دولت علیه نك قوه بحریه سی	جودت پاشا
۰۹۸ مجموعه فنون	مواد حکیمیه تلماق	.....
۱۱۵ تقویم وقایع	دارالفنون عثمانی کشادنده ایرداولنان نطق صفوت پاشا	
۱۱۸ منشآت عزیزیه	صید تشکرینی حاوی مابین همایونه تذکره	عالی پاشا
	فی آثار عثمانیه	
۱۱۹ بودخی	محمود ندیم پاشایه جواب	کذا
۱۲۰ بودخی	تبریک نامه	کذا



فهرست کتاب منتخبات اثار عثمانیه

صیفه اسامی کتب	مواد مندرجه	اسامی مؤلفین
۱۲۰ منشآت عزیزه	تشکر نامه	عالی پاشا
۱۲۱ بودخی	سلیمان پاشایه جواب	کامل پاشا
۱۲۱ بودخی	تشکر نامه	فؤاد پاشا
۱۲۲ بودخی	سردار اکره جواب	کذا
۱۲۲ بودخی	تشکری حاوی مابین همایونه تذکره	کامل پاشا
۱۲۳ بودخی	مجمود ندیم پاشایه جواب	کذا
۱۲۳ بودخی	مدحت پاشایه مکتوب	کذا
۱۲۴ بودخی	سلیمان پاشایه جواب	کذا
۱۲۴ بودخی	کذا	کذا
۱۲۴ قترینه تاریخی	ذکر مقدمات وقوعه	یاقوای آرکیرو پولو
۱۳۴ تاریخ دولت علیه	بعض تحقیقات	جودت پاشا
۱۳۷ وقایع سلیمیه	یکچری فقره سی	مصطفی نجیب افندی
۱۴۰ رموز الحکم	ترجمه قصیده	سامی پاشا
۱۴۱ بودخی	درس نموبنی آدم و ارتقای او بمدارج کمال	کذا
۱۴۳ بودخی	در خصایص جوهر عقل	کذا
۱۴۳ مغنی الکتاب	حکایه	نزهت افندی
۱۵۳ ترجمه تلماق	بر عمل کتک طریق اعماری	کامل پاشا
۱۵۵ بودخی	اهالیسنک حسن اخلاقی جهتیله تبک دیارینک	
...	کمال معموریتی و سکنه سنک رفاه و سعادت	کذا
۱۵۷ بودخی	سفینه نك انا کیه ظنیله سالانته شهرینه	
...	مواصاتی	کذا
۱۵۸ بودخی	وقایه صحته دائر بعض نصایح	کذا
۱۵۹ منشآت ویسی	توران شاهی عبدالله خان جنکیزی	ویسی
	خضر تدرینه مکتوب	
۱۶۱ بودخی	شیخ الاسلام صنع الله افندی یه مکتوب	کذا
۱۶۲ بودخی	بر صدیق وفا کاره مکتوب	کذا
۱۶۳ بودخی	تصاویر شوق و میلانه محبتی مبین مکتوب	کذا
۱۶۴ بودخی	جمالی زاده یه منصب تبریکنه دائر مکتوب	کذا
۱۶۶ بودخی	وزیر اعظمه مکتوب	کذا



❦ فهرست کتاب منتخب ابواب آثار عثمانیه ❦

صحیفه اسامی کتب	مواد مندرجه	اسامی مؤلفین
۱۶۸ معرفتنامه	حفظ لسان	ابراهیم حقی
۱۶۹ بودخی	تقلیل مقال	کذا
۱۷۱ نعیما تاریخی	در بیان ملک و سلطنت	نعیما
۱۷۵ ابن حمدون	سکان بریه و قبائل و حشیه نك احوالی	صاحب
۱۷۶ بودخی	قبائل عرب	کذا
۱۷۸ بودخی	بدویت حضرتیدن اقدم و اسبق اولدیغی بیاننده در	کذا
۱۷۹ بودخی	اصحاب سیف و قلمك رجحان و تفاوتی	کذا
۱۸۱ بودخی	امتعہ تجاره حددن زیاده رسم و تکلیف وضعی	کذا
۱۸۲ بودخی	ملوک و سلاطینك تجارتیه میل و رغبتلری رعیتیه	کذا
۱۸۵ حاصم تاریخی	مضر اولدیغی	کذا
۱۹۰ ترکسی	بد آنظامات عسکریه	عاصم
۱۹۲ بودخی	ترتیب نصیح و پند با وزیران ارجمند	ترکسی
۱۹۶ سیر ویسی	نصیحت در تحری و تدبیر و تأمل و تفکر	کذا
۱۹۹ سیر نابی	جنیلرک قبول اسلامی	ویسی
۲۰۵ همایوننامه	واقعه غزوة دومه الجندل	نابی
۲۱۲ سلیماننامه	ساعی و تمامك كلام نفاق انجامن استماعدن	علی چلبی
۲۲۱ تاج التواریخ	امتناع واجب اید و کن بیان	قره چلبی زاده
۲۳۶ دیوان	فتح بغداد دارالسلام	محمد سعدالدین
۲۴۰ بودخی	بیان کیفیت طلوع کوكبه اقبال	باقی
۲۴۰ بودخی	سعادت مال خاندان عثمانی	کذا
۲۴۱ بودخی	درستایش مرحوم سلطان سلیمان خان	جودت پاشا
۲۴۱ بودخی	غزل	حشمت
۲۴۵ بودخی	غزل	راغب
۲۴۶ بودخی	غزل	کذا
۲۴۶ بودخی	غزل	کذا
۲۴۹ بودخی	درستان شریف سلیمان پاشا	روحی بغدادی
	غزل	کذا



فهرست کتاب منتخبات آثار عثمانیه

صحیفه اسامی کتب	مواد مندرجه	اسامی مؤلفین
۲۵۰ دیوان	غزل	اسامی مؤلفین
۲۵۰ بودخی	تموزیه	سامی پاشا
۲۵۴ بودخی	غزل	سامی
۲۵۵ بودخی	مهمل و معجم تواریخ متفرقه	کذا
۲۵۵ بودخی	تاریخ قدومیه برای عالی پاشا	سروری
۲۵۷ بودخی	غزل	شرف خانم
۲۵۷ بودخی	غزل	کذا
۲۵۸ بودخی	قصیده عدم	صبیحی بک
۲۶۳ بودخی	غزل	عاکف پاشا
۲۶۳ بودخی	غزل	کذا
۲۶۴ بودخی	غزل	عالی پاشا
۲۶۴ بودخی	غزل	بکجه جی زاده محمد عزت
۲۶۵ بودخی	قصیده	عینی
۲۶۹ بودخی	غزل	فضولی
۲۶۹ بودخی	بهاریه برای سلطان محمود خان	کذا
۲۷۱ بودخی	غزل	فانت خانم
۲۷۲ بودخی	غزل	کذا
۲۷۳ بودخی	غزل	فؤاد پاشا
۲۷۴ بودخی	غزل	سلیمان فهییم
۲۷۵ بودخی	غزل	کذا
۲۷۵ بودخی	غزل	قبولی پاشا
۲۷۶ بودخی	غزل	کامل پاشا
۲۷۶ بودخی	بهاریه در حق هبة الله سلطان	کمال پاشا
۲۷۸ بودخی	غزل	ایلا خانم
۲۷۹ بودخی	غزل	کذا
۲۷۹ بودخی	غزل	اسعد مخلص پاشا
۲۸۰ بودخی	غزل	کذا
۲۸۰ بودخی	غزل	کذا
۲۸۱ بودخی	تخیض	کذا



﴿ فهرست کتاب منتخب اب آثار عثمانیه ﴾

اسامی مؤلفین	مواد مندرجه	صحیفه اسامی کتب
مدحت پاشا	غزل	۲۸۲ دیوان
انطاکیه لی منیف	درستایش صدر سابق ابراهیم پاشا	۲۸۲ بودخی
کذا	غزل	۲۸۴ بودخی
عینتابی منیف افندی	ترجمه خاتمه ولتر	۲۸۵ بودخی
ندیم	قصیده سلطان احمد	۲۸۵ بودخی
کذا	غزل	۲۸۹ بودخی
کذا	غزل	۲۹۰ بودخی
نزهت افندی	غزل	۲۹۰ بودخی
نفعی	در مدح مرحوم سلطان احمد خان	۲۹۱ بودخی
کذا	غزل	۲۹۳ بودخی
نورس پاشا	غزل	۲۹۴ بودخی
وهبی	غزل	۲۹۴ بودخی



## منتخبات آثار عثمانیه

### مقدمه

هر برلسان اجزای اصلیه و شیوه مخصوصه سندن بشقه برده السنه سائرهنك بعض ادوات واجزاسندن مرکب اولدیغی حالده بروقته قدر کسب شهرت و اعتبار ایدوب بعده انقلابات زمان ایله ملای واقوام حقنده بعضاً واقع اولدیغی کی علی التدریج محو و منقرض اولور فقط یرینه اکا قریب دیگر برلسان قائم اوله رق اودخی منسوب اولدیغی ملتك حال و شأنه کوره تدریجاً کسب توسع و انتظام ایدر جغرافیونك تحقیقاتنه نظرا روی ارضده بولسان طوائف مختلفه سکزیوز التمش لسان و بشیك لهجه مخصوصه ایله افاده مرام ایدوب فقط بونلرك اك قدیمی قنغیسی اولدیغی اکلاشیله مامشدر لسان یونانیك اصلی بزجه مجهول اولان پلاژ و فینهکه واسکی مصر و فارس و براهید لسانی اولدیغی و المان و اسلا و ولاتین لسانلری دخی براهمه لسانندن مأخوذ بولندیغی ظن اولمور سالف الذکر سکزیوز التمش لسانك یوز الی اوچی آسیایه واللی اوچی اوروپایه و یوزاون بشی افریقایه مخصوصدر فقط بونلردن چین و عرب و ترك و فارسی و عبرانی و برهمن لسانلری آسیاده و المان و انگلیز و فرانسه و له و روسیه و روم و لاتین لسانلری اوروپاده و ملز لسانی دخی فلنك جدیدده اك زیاده مشهور و مستعملدر لسان ترکی مقدملری يك ناقص و ساده ایکن سلطنت سنیهنك تشکله نبر و عربی و فارسی معا و نیله خیلی وسعت کسب ایلدیکی مثلاً عثمانلورك فتوحات



عظیمہ سی سایہ سنده برقات دھا شایع ومنتشر اوله رق الیوم برنجی درجہ ده اولان  
لسانلردن معدود بولمشدن بولسانک شیوه و تلفظ و افاده سنده زیاده اطافت اولوب  
بوجهتله دیگر لسانلردن پک چوغنه فائق اولدیغی السنه سائرہ یه آشنا اولنلره روشنادر  
لسان ترکی اوزره یازلمش منظوم و منشور ادبیات کتابلری بی حد و حساب اولوب عثمانلورک  
مال سائر دن زیاده بو کامل و رغبتلری وارد بیا خصوص مقدملری سلاطین و وزرا و امرای  
عسکر یه و حتی نسادن پک چوق شعرا ظهور ایدوب خیلی آثار نفیسه براقشاردر منظوم  
و منشور ادبیات عثمانی دنک بر نمونه سی اولمق اوزره کرک فی زمانه او کرک ازمنه سابقه ده یازلمش  
اولان بعض آثار مقبوله بی اشبو مجله ده جمع و ترتیب ایلدم و فائده سی نورسید کان و طنه دخی  
شامل اولمق ایچون الکسهل و ساده اولنلرینی ابتدایه وضع ایدوب معلق و مصطلح اولنلرینی  
علی مراتبهم اشاغی طرفه تحریر ایلدم منتخبات مذکورہ دنک انشاسندن بشقه موضوع  
بیشاری اولان مواد ک مفید و منفهم اولسنه اعتنا ایلدیکندن تاریخ و سائرہ جه معلومات  
نافعه بی شامل اولان مقالات مفصله بی کاملا درج و توسط ایلدم ولی نعمت بی مختار پادشاه  
معارف پرورش - هر یار مراحم کستر افند من حضر تلرینک خلاصه افکار شفق  
آثار ملوکانه لری انتشار علوم و فنونه مصروف و نتیجه آمال مرحمت اشمال  
تاجدار یلری هر صنف تبعه شاهانه لری نک حصول سعادت حاللری قضیه خیریه سنه  
معطوف ایدوکی مسلم و شونیات خیریه ملوکانه نک حیز فعله ایصالی معارف نظارت  
جلیله سنه رونق فزا دولت و صفوت پاشا حضر تلرینک وساطت و دلالت اصفانه لری نه  
متوقف اولدیغی امر غیر مبهم اولدیغندن مشهود عالمیان اولان الطاف و عنایات  
سنیه جناب پادشاهیلری و ناظر مشارالیه حضر تلرینک بو بابده مبذول اولان هم  
جلیله لری عاجز لری کبی وطنه اللرندن کلیدی قدر خدمت ایتک ارزو سنده بولنانلره  
بادی شوق و غیرت اولغله وجیهه ذمت عبودیتیم اولان دعای تزیایدایم عمر و اجلال  
جناب ملوکانه نک تذکار یله ختم کلام ایلرم

در قریه قاضی فی ۲۹ تموز سنه ۱۲۸۸

قسطنطنیدی

عن اعضای مجلس کبیر معارف



## \* ضروب امثال \*

الدن کلن خیری دریغ ایتمه \* آز طمع چوق زیان کتورر \* اومدیغک طاش باش  
 یارار \* ایلاک آتدیغی طاش اوزاق دوشر \* اویور ییلاک قویروغنه باصمه \* اوکمدق  
 حاجی بی دوه اوستنده ییلان صوقر \* آله مظلومک آهنی چیقار آهسته آهسته  
 \* انسانک آلاجه سی ایچنده در \* اوفیکه بالدن طالیدر \* اوفیکه ایله قالقان زیان ایله  
 اوتورر \* آزویرن جاندن ویرر چوق ویرن مالدن \* استیانک بریوزی قاره ویر میانک ایکی  
 یوزی \* آرایان مولا سنیده بولور جزا سنیده \* اوکوز اولدی اورتا قلق ایرادی \* اوکسر  
 چوجق کندی کوبکنی کندی کسر \* آزیده بر خدمتکار طوت \* الله هر کسک قلبنه  
 کوره ویرر \* انصاف دینک یار سیدر \* آلتون کی اولان آدی باقر ایتمه \* اوزاقدن طاوولک  
 سسی خوش کلور \* الک ایله قویمدیغک شیئه طوقونمه \* ادب سزدن عرضکی صاتون  
 آل \* انسان طاشدن پک کلدن ناز کدر \* انسان نسیاندن خالی دکلدر \* آخشامک  
 خیزدن صباحک شری یکدر \* ایتدیگک خیر اور کوتدیگک قور باغه دکر \* ال یاره سی  
 اوکلور دیل یاره سی اوکلز \* ایکنه بی کندو که صوق چوالدوزی ایله \* آتار صنعتی  
 اولاده میراث قالور \* اولوسوزی دکلیمان اولویه قالور \* ایکی کشی لقردی ایدر کن  
 اوچنجی اولمه \* اینجه اله یوب صیق طوقومه \* ایل ایلدن اوستوندر عرشه چیقجه ده دک \*  
 ال اوزادیلان یه آیق اوزادملز \* ایل ایچون یانمه ناره یاق چبوغک صفاکی اره \* ایل  
 بومروغنی یمیان کندینی قهرمان صانور \* ایلاک یکدیکی کپیدن بزده کچرز \* ایلاک اغزی  
 طور به دکلاکه بوزه سن \* اوکسره آجر چوق اما اتمک ویرر یوق \* اتمک بیوی خیرک  
 چوغندن اولور \* آش طاشنجه کنجیه به اولمز \* ایشدن آرتمز دیشدن آرتار \* اوچان  
 قوشدن امداد اومار \* آغلیان چوجغه مه ویرمز لر \* امرود آغا جندن اوزاق دوشمز \*  
 آجی بادنجانی قراغی چالز \* احتمالدر پادشاهیم بلکه دریا طوتوشه \* آج کزمکدن ایسه  
 طوق اولمک اولاد در \* اوله نک مالیده برابر اولور \* اوله که کلان اوله گلش اوله کیدر \*  
 اصلانمشک یغموردن پرواسمی اولور \* آنچه قطوی سویلدر سک کوتوی \* آت آلان  
 اسکداری یکدی \* اسریک دوه نک چولی اگری کرک \* آکسونلرینی برچوروک الما  
 ایله \* آغاج فدان ایکن اکاور \* آلت ایشارال اوکنور \* اتمک چیکتمنجه یوتلر \* اییله  
 قیویه اینلر \* آج ایله اجلی سویلشور \* آیلخه جق اشکه کیم اولسه بنر \* آنم آچق یوزم  
 پاک \* آغزنده بقله اصلانمز \* آله حق ایله ویره ملک اودنمز \* آیاغی صویه ایردی \* اهل  
 کیفه آچدرمه قطنوک قیاغنی \* ارنلرک صاغ وصولی اولمز \* آتش ایله پموغک اویونی  
 اولمز \* اشک قوجامق ایله طوله باشی اوله مز \* آچ طوق کندینی آره انبارنده کورر \*  
 اوراسن ساقی کلچهره نک ابرامی یلور \* اوق میدانده بخور باقغه بکرر \* ایکی جامع  
 ارمسنده قالمش یغمازه بکرر \* انسان گاه اولور طماغی قالدیرر گاه اولور طروبی



قالذیرهمز \* آتش اولسهك جرمك قدر یر یاقرسن \* آغاجده چیقسه پاپوشی یرده قالز \*  
 اوجوزاتك یحنیسی طانسز اولور \* اوجوز سرکه بالدن طاتلیدر \* اوکسزی دوکشلر  
 وای آرق دیمش \* الور مسك عقیده یی مسکی بهاسنه \* ایکی جانباز بر ایپده اوینامز \*  
 ایکی قارپوز بر قولتوغه صغمز \* ایکی ال بر باش ایچوندز \* آق ایچه قره کون ایچوندز \*  
 ایواز قصاب هپ بر حساب \* اگری اوتورهم طوغری قونشالم \* ایکی آت بر قازیغه  
 باغلنمز \* آقر صومر دارطوتمز \* ایلدن وفا زهر دن شفا \* اوچاملر بارداق اولدی \* آت  
 صاحبنه کوره اشیر \* نعلنی سوککه اولمش آت آرار \* ات قانلی کرک ایکیت جانلی \* ات  
 طرنقدن آیرلر \* اناسنه باق قزینی آل \* اغزی خیره آچ \* آماسیپنك بارداغی بری اولز  
 ایسه بری دخی \* ارنلر حاضره قلمش دعایی \* امرودك صاپی وار اوزمك چوپی \* اون  
 چوالی کبی اوردقچه طوزور \* اوجنی بولده یاغه باله ویر \* ال اوپمك ایله اغز اشمنز \*  
 ایولکه ایولك هر کشینك کاری \* کلکه ایولك هر کشینك کاریدر \* ایولك ایله آت  
 دکره بالی بیلر ایسه خالق بیلور \* ایکی کشی دیندن چقجه برکشی جاندن چیقار \*  
 اورومه سنی بیلیمان کلب قیونه قوردکتورر \* الک ایله ویرایاغك ایله اره \* اجل کلدی  
 جهاننه باش اغریسی بهانه \* امام اوندن آش اولو کوزندن یاش \* اکنی بلوایتمه \* اورعبالویه \*  
 آره نرندن صوصرمز \* اوزم چوپسز اولز \* ایکیت لقبیله آکلور \* امانه قلیج قالقمز \*  
 ایلمی یمان بکمی یمان \* الکدن کنی کیرو براقه \* ایکی صوبر اتمک یرینی طوتار \* آتش  
 دوشدیکی یری یاقر \* ایپداون سرمه \* ایپایکی بازاره چیقدی \* اتمکنی طاشدن چیقارر \*  
 آرتق مال کوز چیقارمز \* آچ اسنر عاشق کرینور \* ایوایش آلتی آیده چیقار \* اونسخه نك  
 ازده صوینی ایج \* ایلده عادت بزده بدعتی \* ایکسندیدن صکره دکان آچغه بکزر \* ایکنه  
 ایله قیوقازمغه بکزر \* ایل ایله کلن دوکون بیرامدر \* اوده کی بازارلق چارشویه اویمز \*  
 اونمزی اله دك الکیزی آصدق \* اوغزی آتدق یایمزی آصدق \* آزاجق آشم غوغاسز  
 باشم \* اشكك جانی یانجه آتدن یوروك اولور \* آت اولور میدان قالور \* ایکیت اولورشان قالور \*  
 اسکی دوست دوشمن اولز \* ایکی آرسلان بر پوسته یاقشمنز \* آچدرمه چوالك اغزینی \*  
 آستاری یوزندن بهالی \* آجی آجی یی دفع ایدر \* آقده جق قان طمرده طورمز \* امانته  
 خیانت اولز \* آدامق ایله مال توکنمز \* ایپ اوجی ویرمه \* آلتی قوال اوستی ششخانه \*  
 اینانمه دوستکه صمان طولدیرر پوستکه \* ایچ دیدیلر سه چشمه یی قوروت دیمدیلریا \*  
 آرقه سنده یورطه کوفه سی یوق یا \* آره مزدن قره کیمیی یکدی \* آتش قیش کوننك  
 میوه سیدر \* ایکی چپلاق جامده یراشور \* اگری مکی طوغری سفر ویرر \* انسان انسانه  
 لازم اولور \* یریشور منزل مقصودینه آهسته کیدن \* تیز رفتار اولانك پاینه دامن  
 طولاشور \* ایلدن کلنه اوکون اولز اوده وقتنده بولنمز \* اوغلان آلدی او یونه کتدی  
 چوبان آلدی قیونه کتدی \* ایل ایلك آینه سیدر \* آی آیدین حساب بلای \* اسکی حمام



اسكى طاس \* آي ايشغنده جويز سائلمز \* اجاسز قول اولمز \* اجلنه صوصامش \* ايلك  
 بازار بازاردر \* اغزكي پورازه آچ \* الك ترازوسي يوقدر \* انسان احسان قوليدر \* ايلچي يه  
 ذوال يوقدر \* انسان انسانك شيفانيدر \* الله دين محروم قالمز \* آزچوغه تابعدر \*  
 اول زحمت چكن صكره راحت ايدر \* اولك بيلين آدم آدم صايلمز \* الله قرنداشي قرنداش  
 يراتمش كيسه سني ابرو يراتمش \* آل قشاغى كير آخوره ياره سي اولان قوجنور \* آتشدن  
 اشد در انتظار \* اول دوشون صكره سويله \* ايسو سويلر ايسه ك ايو اشي درس \* كوتو  
 سويلر ايسه ك كوتو اشي درس \* اكجي يغمور استر يولجى قوراق \* آرقه سي محر ابده در \*  
 اسكى يه رغبت اوليدى بات بازارينه نور ياغردى \* اتمك دن قاشق اولور اماهر يوغوردك  
 حقنه كوره دكل \* بيوك لقمه ييده بيوك سوز سويله \* پشمش آشه صوغوق صوقاقمه \*  
 بوكونكى ايشكى فردايه براقه \* بوكونكى يمورطه يارنكى طاوقدن يكدرك \* برپاره ايچون  
 يلدزه كند آتار \* برآغزدن چيقان بيك آغزه ياييلور \* بال بال ديمك ايله آغز طاتليلمز \*  
 بال طوتان پرمق يلار \* بالق باشند قوقار \* برشيك ديبنه طرواكه \* باشه كلن چكيلور \*  
 برمشتري ايچون دكان آچلمز \* برقيوندن اينكى پوست چيچمز \* بر كوتونك يدي محله يه  
 ضررى طوقنور \* بورجلى اولز بكزي صرارر \* پاره يي ويون چلار دودى \* ببرجيدن  
 صور قرنغجك ضررينى \* بو بر كيدشكه احتمال عودتى يوق \* بويله ايام غمك بويله  
 اولور نوروزى \* بو قدر قصور قاضى قزنده ده بولور \* پك قورجالمه سولجه يي چبان  
 ايدرسك \* پنجشنبه نك كلشي چهارشنبه دن بلايدر \* بيلور زسك نه قاش اولديغكى \*  
 بيوك باشك بيوك اولور اغريسى \* بيك نصيحتدن برمصيبت يكدرك \* بوسجاغه قارمى  
 طيانور \* بلكه آتتى اوستندن ايو چيقار \* بوش لقردى قرن طيورمز \* بخشش آتك  
 ديشنه باقلمز \* بردالده طورمز \* پرنجى صو كوتورمز \* برچيچك ايله ياز اولمز \* بر بولتله قيش  
 اولمز \* باب توكلدن آيرمه \* باب رضاده بولون \* بيلنور قدر عبا موسم باران اولسه \*  
 بر عبا وار آتارم نرده اولسه يتارم \* بزد كرمك اوننده دكلز اوننده يز \* بن ديرم بيرام  
 هفته سي اودير منقل تحته سي \* بو بر قوير قلى يلدز در هر زمان ضو غمز \* بريار ييقلمينجه  
 بريار ياپلمز \* پلاوى بين قاشغنى ياننده طاشور \* برى ربرى باقر قيامت آندن قوپار \*  
 بلبل آتون قفسه قويمش آه وطنم ديمش \* بر آچه ايله طقوز جام قبه سي ياپلمز \*  
 بكنين قزينا ويرمسون \* بالجي قزى ده طاطلى \* بولدك بال آلاجق چيچكى \* برپره ايچون  
 يورغان ياقر \* پموق ايلكيله باغديار \* برموم الده درد كه يان \* بكامل اوقيور \* پك  
 اينجلمه قوپارسن \* بول بول بين بل باقر \* پاپوش بولور سه بيرام ايدر \* باغبان بركل  
 ايچون بيك خاره خدمتكار اولور \* برقاشق ايله طقوز آبدال كچنور \* بورجك يوغيسه  
 كفيل اول ايشك يوغيسه وصى اول \* بورج ويرمك ايله يول يورومك ايله توكنور \*  
 براوده ايكي خروس اولجه صباح كچ اولور \* بر كونك رزق ايچون ايكي كون چباله لي \*



بو قلمون کي رنگدن رنگه کير \* بوز اوستنه يازو يازمغه بکزر \* بو او يوننده صقالی  
 بتدی \* بر طاش ايله ايکی قوش اورلنز \* بيوی دوک که کوچکده عبرت السون \* بردن بره  
 کلن دولته خير يوقدر \* بر شيك اوکنه باقه صوکنه باق \* باشه يازيلان کلور \* تکيه يي  
 بکلين ايچر شور بای \* تيجره يوارلندی قباغنی بولدی \* تره جي يه تره صايلنز \* ترکک  
 عقلی صکره دن کلور \* تیمور طاونده دوکلور \* تک کورکله مهتابه چيقار \* تنبله ايش  
 بيور که سکا نصيحت و یرسون \* تيمار سپاهيسي زوکر تلينجه اسکی دفتری يوقلر \* تازينک  
 طوپال اولديغی طوشانک قولاغنه دکش \* ثبوت بوليان سوز حقنده آغز آچه \* ثوابدن  
 قاچکه نگاهه کيرميه سن \* ثابت قدم اول هر کار ده \* جامع يي قلمش اما خراب یرنده \*  
 جامع طور رکن مسجدده نماز قلنز \* چوجق ايله يوله کته يوکک دوشرسه کولر \* چوجق  
 بيوردلی اوصلا نور \* چاله قپوي چلار لر قپوکی \* چوق ناز عاشق اوصاندر \* چوروک  
 ينا تمل طوتنز \* چو قلغه طرو صاچلنز \* جنس جنسه ميل ايدر \* چالمدن اوينار \* جن ايله  
 شيطان بر دکدر \* جن طوتانه بر نسيخه يتر \* جان وير ميجه جانان اله کيرمز \* چيويسر  
 تحته يي روز کار آور \* چشم انصاف کي کامله ميزان اولمز \* کشی نقصانی بيلمک کي  
 عرفان اولمز \* جفاي چکمين عاشق صفانک قدريني بيلمز \* چوق قارشدرمه چپان  
 اوغلی چيقار \* جمله مخالفه قوه خطا دندر \* چيک يمدکه قارنم اغربسون \* چويرقاز  
 يانمسون \* جزای عملکدر چک \* چاکنه اوت طيقه ديگر \* جومر د ايله ناکسک خرجی  
 بر در \* چيقيمق جان دن اميد کيلنز \* چرکابه طاش اتمه \* چوجتدن آل خبری \* جان  
 بوغازدن کلور \* جان جانه باش باشه \* چيووی چيووی يي سوکر \* جان جانک يولداشيدر \*  
 چوبان ارمغانی چام ساقزی \* چوق بيلن چوق ياکلور \* جمله نک مقصودی بر اما  
 روايت مختلف \* جامع نقدر بيوک اولسه امام بيلديکني اوقور \* چوق ياشايان بيلمز چوق  
 کزن بيلور \* حيله ايله ايش کورن محنت ايله جان ويرر \* حق سوزه مجنون دخی راضی  
 اولور \* حق دينجه آفر صولر طور \* حاجی مکده درویش تکيه ده ياقشور \* حق سوز  
 آجی اولور \* حراوردی خرمن صاوردی \* حاضر يمه طاعلر طيانمز \* حلال مال ضايع  
 اولمز \* حبه يي قبه اتمه \* حمامه کيرن ترلر \* حسد قلب عدو اطفله زائل اولمز \* حيله کارک  
 کوزی باشلی اولور \* حلب اوراده ايسه آر شون بوراده يا \* حاضر مز ارك اولوسی \*  
 حاکم سز حکيم سز بلده ده طور مق جائز دکادر \* حکم غالب کدر \* خير ايشنه قارشمه \* خیار  
 آچه سيله النان مرکبک اولومی صودندر \* خصمک قرنبه ايسه ده کنديني مردانه  
 طوت \* خصم خصمه مولود اوقومز \* خسته يه شور با صور ولور می \* خام امرود کي  
 بوغازمه طقمه \* خرمن صوکی درویشلر کدر \* خوی جانک التند، در \* خرسنزک  
 چوغالمسی صوباشنک اهمالندندر \* خرسزاودن اولور ايسه بولنمی مشکل اولور \*  
 خانه آله کندو که همسایه آل \* خان آدم قورقاق اولور \* دردینی صقلین درمان بوله مر \*



دوکش آرسنده یومروق ارانمز \* دوست ایله یی ایچ آتش ویرش ایتمه \* دوستلق قنطار  
 ایله آتش ویرش شقال ایله \* دره یی یاردن اوچوران برطوتام اوتدر \* دوه دن بیوک فیل  
 وار \* دکری یچرده چایه بوغلور \* دکری یاقه مز ایسه مده جوزلیرم یا \* دوکون  
 اوینی بیلز چناق چوملک طاشور \* دکره دوشن ییلانه صار یلور \* دوست اغلدر دشمن  
 کولدور \* دباغ بکندیکی دری یی یردن یره اورر \* دکره بالق بازارلق اولمز \* دلی بال  
 قباغندن اولمز \* دشمنه فرصت ویرمه \* دیلک مکی یوقدر \* دلی یه هر کون بیرامدر \*  
 دشمنی زبون ایدن مدارادر \* دانشان طاغی آتیش \* دانشمیان یولی شاتمش \* دلی یه  
 طاش آکمه \* دوشدیکک یردن قالق \* دیبسر کیله بوش انبار \* دواسر درد اولمز \*  
 دون جن اولوبده بوکون آدم چارمه \* دوه جی ایله کورشن قپوسنی بیوک آچر \* دمیاطه  
 کیدر کن اوده کی بولغوردن اولدق \* دنیا بریاغلی قویر قدر ییله بیلنه عشق اولسون \*  
 دلنجی یه برخیار ویرمشلرا کری دیو بکنماش \* دلنجی براولسه شکرایله بسلنور \* دلنجک  
 یوزی قاره طور به سی طولو \* دستی یی قرد بر صوی کتورنده \* دعوت اجات لازمدر \*  
 دنیا قزغان بن کچه \* دلکنک طولاشوب کله جکی کورجی دکانیدر \* دلکی دلکیلکی  
 اکلا تچه یه دک پوست الدن کیدر \* درزی یه کوچ ایکنه م بائمه \* درزی کندی  
 سوکوکی دیکه مز \* درت اوجنی قوی ویردی \* دوشدک ایسه طپراغه صارل \* درویشک  
 فکری نه ایسه ذکریده اودر \* دعواجک قاضی اولور ایسه یاردمک الله اولسون \*  
 ذوقی خمارینه دکز \* دلیل اولور طمعکار آدم \* رقیب اولسونده نه یوزدن اولور ایسه  
 اولسون \* رافده شکروار اما سنک اغز که کوره دکل \* روز کارک اوکنه دوشن یا کلور \*  
 رغبت کوزل ایله زنکنه در \* زمان سکا اویمز ایسه سن زمانه اوی \* زیتون یاغی کبی  
 اوسته چیقار \* زروه تأویل کوتورمز \* زوره طاغراطیانمز \* زور او یونی بوزار \* زور ایله  
 کوزلاک اولمز \* زنکنک کوکلی اولنجیه دک فقرانک جانی چیقار \* زو کرتدن صاقن  
 کج زنکنه طوقن کج \* زنکین عربه سنی طماغدن آشورر زوگرت او هده یولنی شاشورر \*  
 سوریدن آریلان قیونی قورد قپار \* سویلیندن دکین عارف کرک \* سوروب کیت  
 دیمامش کورده کج \* سن کیدر کن بن کلیه رایدیم \* سرچه دن قورقان طرواکمز  
 \* سرویرر سرویرمز \* سکوتک موسیقی یرینه کچر \* سیل کیدر قوم قالور \* سن قزان سنی \*  
 سیتده پوق یوق \* سویلینه باقه سویلنده باق \* سوز بر الله بر \* سلامت انسان حفظ  
 لسان ایله در \* سویلیدیکی لقردی برانجیر چکر دکنی طولدرمز \* سنک پکمز جی پی طانور \*  
 سنک کوچکدر اما معده بولاندر \* سرماییه یی کدی یه یوکلندی \* سورناده پیشرو  
 اولمز \* سوز آیاغه دوشدی \* شریعتک کسیدیکی پرمق آجیمز \* شجاعت قیافت ایله  
 دکلدر \* شاب ایله شکر بردکلدر \* شیشه یی طشندن یلار \* شیطان قولاغنه قورشون \*  
 شیطان عذابده کرک \* شیق شیق ایدن نالچه درایش بتورن آچمه در \* صادق دوست



اقرباد ن يکدر \* صوبي بارد اقد ه کي بي ديوارده سيرا تليدر \* صاحب سز تحته بي يل  
 آلمز ايد ه سيل آلور \* صبر ايله قورق حلوا اوور \* صولک پشمانلق فائده ويرمز \* صاغر  
 ايچون ايکي کره قانت اولمز \* صقالکي دکرمنده مي آغرتدک \* صاقلان کوزه چوپ  
 دوشر \* صوبي چکلش دکرمنه دوندي \* صمان آلتدن صوبيورودر \* صاحبي راضي  
 اولور دل راضي اولمز \* صباحکي ييه جککي بوکوندن دوشتمه \* صوفي صوغان ييز  
 بولسه قبوغني قومز \* صوبي کورمدن پچارکي صوامه \* صباح اوله خيري کله \* صبر  
 ايدن قواني مولا سور \* صو کوچکک سوز بيوکندر \* صوبولانمجه طور لمز \* صو  
 او يوردشمن او يومز \* صوينه پنج صالتمز \* صوره صوره کعبه بولنور \* صاغر ايشتمز  
 ياقشدر \* صکره يه قلان طوکا قالور \* صورت ه باقه سيرته باق \* صاقله صماني کلور  
 زماني \* صبرک صوکی سلامتدر \* صدقه ويره نک عمري اوزون اولور \* ضرورته يتم  
 جائزدر \* ضايع اولمز ميري ماليدر \* ضايع اولمز اولوک \* طاتلي سوز ييلاني دلکندن چيقار \*  
 طقوز ابدال برقاشق ايله چکنور \* طقوز آيک چهارشنبه سي بر آريه کلدی \* طاغده کي  
 کلور باغده کي قووار \* طوغري سويلياني طقوز کويدن قوارل \* طبلکار باشنده کي  
 صتار \* طمعکار وار ايکن طولاندر يچي آج قالمز \* طاش آتوپده قولونمي يورولدي \*  
 طوشان طاغده کوشمش طاغک خبري اولمامش \* طقوز اوکسز ايله بر مغاره ده مي  
 قالدک \* طوپال اشک ايله کاربانه قارشتمه \* طاغ طاغده قاوشتمز انسان انسانه قاوشور \*  
 طاغ يورومز ايسه عاشق يورر \* طاغ طوشانسز اولمز \* طوشانه قاچ تازي يه طوت \*  
 طقوز کورک بردکنکي \* طامدن دوشن حالن بياور \* طوق آجک حالندن ييلمز \*  
 طوق آغزله سي کوجدر \* طاشي صيقسه صويني چيقارر \* طاشي کدکنه قويدی \*  
 طملايه طملايه کول اولور \* طمعکارک کوزيني طپراق طيورر \* طاشدن اتمکني چيقارر \*  
 طاش يرنده آغزدر \* طور پک صقندن سپرکي يکدر \* طاشتمه صو ايله دکرمن نقدر  
 دونر \* طوغرينک يارد مجبسي اللهدر \* طار يرده يمک ييمکدن ايسه بول يرده طياق  
 يمس يکدر \* طاغ طاغ اوستنه اولور اما او اوستنه اولمز \* ظهوراته تابع اول \* ظاهره  
 حکم اولنور \* عارف اولانه يتبرکل قوقاق \* عقل سز باشک زحمتي آياق چکر \* عقلدن  
 خارج ايش طوتمه \* عالم اغياردن خالي دکدر \* عجله ايشه شيطان قارشور \* عاريت  
 آت بنان تير اينز \* عقله کلين باشه کلور \* عقل ياشده دکل باشده در \* عرب ه قيرلجه يول  
 کوسترن چوق اولور \* عجم قليچ کي ايکي طرفدن چلار \* عذري قباحندن بيوک  
 \* عبادتده مخفي قباحته \* عباس يولجيدر \* علم صاحبنی عزيز ايار \* عاشقه بغداد اوزاق  
 دکدر \* عاشقه نشان درويشه برهان \* عارفه براشارت يکدر \* عارسزندن عارلنور  
 چولده کير صالانور \* عقلاو دشمن عقل سز دوستدن يکدر \* عرفه کوني يلان سويليانک  
 بيرام کوني يوزي قاره چيقار \* عاشق کنديني کور صانور درت طرفني ديوار



صانور \* غریب قوشك یواسنی الله یاپار \* غریب ایکی تڭ دیلی قصه بونی اگری اولور \*  
 غربته او کونمک جامده ترکی سویلمکه بکزر \* غوغا بزم یورغانل اوزرینه ایش \*  
 غوغاده قلیج اودنج ویرلر \* غضب کانجه عقل کیدر \* غریبک دوستی اولر \* غیرت  
 ایمانددر \* غایبه حکم اولمز \* فلکک کرم و سردینی کورمش \* فلاک بویا کیمنه قاون ییدر  
 کیمنه کلک \* فلکک چنبردن کچمش \* فقرالق آتشدن کوملکدر \* فول یوق یورطه  
 یوق \* فرصت یوقسز اغیدر \* فرصتی فوت ایتمه \* فرقتک صوکی و صلتدر \* قاز کلن  
 یردن طاوق اسرکنمز \* قونشونک طاوغی قونشویه قاز کورینور \* قنغی طاش قتی ایسه  
 باشکی اکا اور \* قنغی کون وار که آخشام اولدق \* قپودن قوسک باجه دن دوشر \*  
 قازمه قیوی کمنک دوشرسن \* قرمانک قیونی صکره چیقار او یونی \* قودیسونلر  
 شاهک بو طاغده باغی وار \* قورینک یانده یاشده یانار \* قارده کزده ایزکی بلوا یتمه \*  
 قپوالله قپوسیدر \* قرنجه قدرنجه \* قلبدن قلبه یول واردر \* قولسز کیرن حقسز چیقار \*  
 قرنی طوق کوزی آج \* قردیغک جویز بیکی یکدی \* قیلدن نم قپار \* قازی قوز آکلار \*  
 قیلی قرق یارار \* قان آلا جق طهری بیلور \* قلعه ایچندن قتح اولور \* قاره خبرتیر ایرشور \*  
 قول قصورسز اولمز \* قیریلان قاب یرینی طومنز \* قرانلقده کوز قردیغنی کیم بیلور \*  
 قرق عربک عقلی برانجیر چکر دکنی طولدزمز \* قرنجه نك قنادنمسی زوالنه اشارتدر \*  
 قورد قوجا ینجه کوپکک مسخره سی اولور \* قیونک بولمندیغی یرده کچی یه عبدالرحمن  
 چلبی دیرل \* قاشغی هرکس یاپار اما صاپنی اورتیه یرینه کتوره مز \* قرق ییلاک باشنده  
 برخرسز لغه چیققدق آی آخشا بدن طوغدی \* قورقونی رؤیا کورمکدن ایسه او یانق  
 یاتمسى خیرلودر \* قوزغونه کوزل کیمدر دیمش لر بنم یاورولمدر دیمش \* قزی کندی  
 هواسنه براقسه لر بوریزن باشی یه وارر \* قارتاله براوق طوقنمش ینه کندی یله سندن  
 \* قومه مخنتی جسور ایدرسن \* قناعت توکنمز خزینه در \* قسمتزده وار ایسه قاشغمزده  
 چیقار \* قیماغی یین مانده بی جیبنده طاشور \* قبول اولنیه جق دعایه کسه آمین دیمز \*  
 کل دیکنسنز سنبل شکسنز اولمز \* کلنی استیان دیکننیه استر \* کر مسز کبارک فقرادن  
 فرقی نه \* کیره مز کیمسه افندی ایله قولک آرسنه \* کیر مز دن اول چیقاجغکی دوشون  
 \* کشی حالی ییلسه خوش دگی \* کیمک دوه سی کیمک دعاسی \* کوکندیکنز طاغلره  
 قار یاغدی \* کشی طوغدیغی یرده دکلدرد طویدیغی یرده در \* کوزدن ایراق اولان  
 کوکلدن دخی ایراق اولور \* کوکل کیمی سور ایسه کوزل او در \* کشی سودیکنک  
 یامد حنده یازمنده \* کیمسه نك کوتولکی کیمسه یه بولاشمز \* کوتوکلمینجه ایونک قدری  
 بیلنمز \* کوس دکلین طاوله قولاق ویرمز \* کوتوسوز کم اچه صاحبسکدر \* کسه مدیکک  
 الی اوپده باشنه قوی \* کشینک آدی چیققدن ایسه جانی چیقمسى یکدر \* کل اولور  
 صرعه صاچلی اولور \* کور اولور بادام کوزلی اولور \* کل دینیلان یره کلکه عار ایلمد \*



کله دینیلان یره کیدوبده یرینی طار ایله \* کوپکی اوادورنه سورودرن \* کوپکی آک  
 چوماغی یانکه قوی \* کدی اوزانه مدیخی حکره مرداردر \* کدی بولنمیان یرده فاره  
 چوق اولور \* کوز کورمینه کوکل قاتلنور \* کشی دوشدیک یردن قالقار \* کون  
 طوغدن نه لرطوغر \* کشی رفیقندن آزار \* کوله قونشو که کلور باشکه \* کشی ایتدیکنی  
 بولور \* کوزدن سورمه یی چلار \* کور کورمز اما سزر \* کوز یساغ اولمز \* کمانکش  
 سری کیدر \* کسکین قلیج قاتی کسمز \* کسکین سرکه قابنه ضرر \* کلک قدرینی بلبل  
 بیلور \* کرمک آریه ترلاسی کی یاندم \* کاه اولور عاشق شیدایه دوشراستغنا \* کیمک  
 عربه سنه بنرایسه آنک ترکسنی چاغرر \* کیچه سنی صودن چیقاردی \* کورینان کوی  
 قولوز استمز \* کندی کوزنده کی دیکنی کورمزده عالمک کوزنده کی چوپي  
 کورر \* کارک دلبری هر قدر نازک اولسه نازنین اوله مز \* کارینه باق بزینی آل \* کوکل  
 نه ذک آشی استر \* کندی دوشن اغلز \* کوز کورر کوکل استر \* کل باشه چمشیر طراق \*  
 کلدی یکدی قزلق \* کسه نک آهی کسه یه قانز \* کوزمزی آچالم یوخسه آچرلر \*  
 کیسنی قورتاران قیوداندر \* کشینک رفیقنه نظرا تملی \* کیمی کبری بوله مز یکمه که کیمی  
 صوبوله مز ایچمه که \* کیمی یاغندن پیده مز کیمی یوانندن \* کستانه قبوغندن چیقمش  
 قبوغنی بکنماش \* کوره لم آینه دوران نصورت کوسترر \* لقمه قرن طیورمز خاطر  
 خوشلغیدر \* لقردی ایله پینرکیسی یورومز \* لقردی بیلده سوبله \* لقردی لقردی یی  
 آچر \* لقردی طوربه یه صغمز \* لقردی قارشولقلی اولور \* لیلک عمری لق لق ایله کچر \*  
 مجلسده دیلکی سفرده الکی قصه طوت \* میوه سنی یمده اغاجنی صورمه \* محبت شرکت  
 قبول ایتمز \* مزراق چواله صغمز \* مشورت سنت شریفدر \* مهر کیمده ایسه سلیمان اودر \*  
 مال جانک یونغه سیدر \* موم دینه ایشق ویرمز \* مناره یی چلان قلفنی حاضرلر \* میخانه جیدن  
 شاهد استملر ترشچی یی کوسترمش \* مرکبک قویروغنی غلبه لک یرده کسجه کیمی اوزون  
 درکیمی قصه \* محنتی کندویه ذوق ایتمه درعالمده هنر \* منقل کناری قیش کوننده لاله  
 زاریدر \* مایمونی فرونه آتمش لیاوروسنی آیاغنک آتده آلمش \* نادان ایله یی ایچده  
 صحبت ایتمه \* نه شامک شکری نه عربک یوزی \* نه ده صیوندک ایسه اوراده کیمک \* نه یه  
 وارسک اوقه درتیوز درهمدر \* نادان الندن صواچمه آب حیات اولسه ده \* نه ویرر  
 ایسه ک الایله او کیدر سنک ایله \* نفسکه الو یرسه بورین باشی اول \* نه منجی کسری  
 کی کندو که یونغه \* نه شیش یانسون نه کباب \* نه صقاله منت نه بیغه \* نه یت الخراب  
 نه یت المعمور \* نه اگر ایسه ک آنی بیچرسن \* ناچاره تشکر درچاره \* نبضنه کوره شربت  
 ویرر \* نه ده حرکت اوراده برکت \* نیت خیر عاقبت خیر \* نظافت ایمندندر \* نادان ایله  
 صحبت ایتمکدن ایسه عرفان ایله طاش طاشمق یکدر \* ویره سیه شراب ایچن ایکی  
 گره سیرخوش اولور \* ورق مهرور فای کیم او نور کیم دکلر \* ویر کو الله ویر کو سیدر \*



واراوی کرم اوی \* وارلغه طارلق اولاز \* وارینی ویرن اوتانمز \* ویزن ال درد کورمز \*  
 واردیغی عینتاب ییدیکی یکنز \* وارشنه کاشم تر حنه که بولغور آشم \* هر بر عسرك  
 بریسری وارددر \* هر شینک جهلندن علمی یکدر \* هر قیون کندی بجاغندن اصلور  
 \* هر بر آزک بر چوقلاغی اولور \* هر ایشک عاقبتی عاقله در پیش کرک \* هر کسک کوکلنده  
 بر آرسلان یاتور \* هر کوردیکک صقاللی بی باباک ظن ایتمه \* هر باشک بر دودی وار  
 دکره نجنکده صو \* هنرمقبولدر امامعتبر حسن ادبدر \* هنرسز آدم میوه سز آغاجه بکزر \*  
 هر کس کندو لایقنی سویلر \* هم قاچر هم طاوول چلار \* هر شی ضدی ایله منکشفدر \*  
 هنر صاحبی عزیز ایلر \* هر شی بتدیده لکن اورتسی قالدی \* هر کسه یار اول کیمسه یه  
 بار اولمه \* هر یوقشک برانیشی وهر کیدیشک بر کلشی وارددر \* هر کلاک بر زوالی وارددر \*  
 یاقدیغک چراغی سیوندرمه \* یتش ایکی دره دن صوکتورمه \* یرتجی قوشک عمری آزاوولور \*  
 یاوز خرسز او صاحبی باصدرر \* یلانجنک اوی یانمش کسه اینانماش \* یاری نیلیم  
 بعد خراب البصره \* یو وارلنان طاش یوصون طوتمز \* یغور اولسه کسه نک تر لاسنه یاغمز \*  
 یره باقر یورک یاقر \* یانغنه کرک ایله کیدر \* ییل خرمنسز اولمز \* یوکنی طوتدی \* یرک قولاغی  
 وارددر \* یولجی یولنده کرک \* یان قباغی کبی یانمه طاقلمه \* یلدزمز بارشمدی \* یر تیمور کوک  
 باقر \* یر یارلدی یره کچدی \* یمور طه یه قوب طاقر \* یوروک آت یمنی آرتدر \* یاپی طاشی  
 یاپیدن قالمز \* یاریقندیسنه اوغرادى \* یمور طه ده قیل تمز \* میلان یمین حکیم بوله مز \*  
 یاش قوجار اما کوکل قوجامز \* یواش آتک تپه سی سرد اولور \* یوقلدق چقمق طاشی  
 چیقدی \* یورغانکه کوره اوزات آیاغکی \* یغور دن قاچر ایکن طولویه طوتلدی \* یرینی  
 یلمین سنه ده برقات اور به زیاده اسکیدر \* یاکلش حساب بغداد دن دونر \* یوکنی بولده باجنى  
 صکره استه ( ضروب امثال \* واجد افندی \* )

### \* صبر سزاق \*

آیونک بریسی یاور یله مش فقط یاور یسی او قدر چرکین او قدر ثقیل ایمش که هیچ بر  
 حیوانه بکزه مز ایمش بیچاره آوشو حال دن پک زیاده مکدر اوله رق در دینی دوکک  
 ایچون قونشوسی قار غدنک یاننه کیتش قارغه اغاج اوزرنده اوتوروب طور رکن  
 آیو کلوب ,, امان قارغه بن بو چرکین یاور یی نه پیام بونی خلهقه نصل کوستره یم بن  
 بونی بو غمق استه یورم نه دیرسک ,, دیدکده قارغه ,, صاقین صاقین بویله دلیلاک  
 ایتمه صبر ایت هایدی کیت یاور کی یواش یواش یالامغه باشلا او یقینده کوزلاشور اوزمان  
 سن ده افتخار ایدرسک ,, یوللو برای نصیحت ویرمش بیچاره آیو بو نصیحت اوزرینه  
 واروب یاور یسنی یالامغه باشلا و برمدت یالادقدن صکره یاور ی کوزلاشور آناسی بو حال  
 کوردکده پک زیاده سوندرک قارغه یه مخصوصا تشکره کیدر و دیرکه ,, ای قارغه سن



بكا نصيحت ويره رك صبر سز لغمی منع ايتش اوليه ايدك بن چو جفمی چوقدن اولدرمش ايدم حالبو كه شمدي چو جفم كوزلشدي بنده بونكله افتخار ايتكده يم“ ( صبر چوق فناقلره مانع اولديغی كي بر چوق ايلكلره ده سبب اولوراشته ،، صبرك صوكی سلامتدر“ ضرب مثلی بو حكيمته مبنيدر )

### ✽ آری ايله سنك ✽

آری بركون قوانك ياننده بر سنك كور مسيله غایت حدتله نرك ،، بوراده نه ايشك وار اصحاب عليين اراسنه قارشتمق سكامی قالش به هی الحق دیدكه“ سنك كال ملايمتله سوزه باشليوب ،، اوت حنكز وار چونكه سنك كي متكبر و متلون خلق زیارته كلك صحیحا قباحتر“ ديمش و بونك اوزرينه آری دها زیاد، طـاريله رق ،، عفو ايدرسك دنيا ده بزدن عاقل و بزدن كامل كيم وار در بزم كوزل بر قانونمز وار جمهوريتز پك منتظم بر حالده در بزم كوزل و قوقولو چيچكلردن بشقه هيچ برشی يمين و جنت طعامی كي بال پيارز سز ايسه مردار سكر يقل قارشمدن مردار ،، ديو سنكي سو كوب صايغنه باشلامش ايسه ده سنك ينه ادبی الدن براقیوب ،، ضرری يوق قدرتمز يتديكي مرتبه بزده يشايورز فقرالق عيب دكل لكن سنك حدتلكز پك بيوك بر قباحتر واقعا يالكز پك طائليدر اما يور ككز سرد و دل كز آجيدر قانونكز عاقلانه يالاشدر اما معاملاتكز ده ينه خائلك ايد يور سكر حدتله خلق صوقرو“ كسكين سر كه ينه كندی قابنه ضرر ايدر ،، فحوا سنجـه مؤخرينه كنديكز اولور سكر“ ديو چيقر كيدر ( حديد و متكبر اولدقدن صكره بيوكلك نه ايشه يارار بويله اولقدن ايسه كوچك لطيف و متواضع اولق البته اولادر )

### ✽ ايكي تليكي ✽

ايكي تليكي بر كومسه كيره رك نقدر طاوق و خروس وار ايسه بره قدر بوغدقدن صكره قر نلريني دويورمغه باشلامش بونلرك بريسي كننج اولغله حاضر اله كچمش اولان شو غنيتمدن حقيله استفاده ايتك ايچون حددن آشوري يرو بريسي دخی اختيار وحسيدس اولديغندن يغمانك برازيني صكره يه صاقلامق استرايمش ايمدي اختيار كننجي دخی بوقاعده احتياطدن خبردار ايتك ايچون نصيحت به باشلايوب ،، اوغلم بن شودنياده چوق يشادم و چوق كوردم سبقت ايدن تجربه لم عقلی آرتدردی كل المзде اولان مالك هپسني بر كونده ييوب بتورميه لم برازيني ده صكره يه اليقويه لم دنيا نك بيك درلو حال واردر“ ديمش ايسه ده كننج تليكي قولاق و يرميوب ،، يوق يوق حاضر اله كچمش بونلرك هپسني ييوب بتوره حكيم بردها بورايه كيم كله جك ولوسلم يارين ينه كله لم لكن بورادن صاغ چيغه ييلورميز طاوقلك صاحبي بونی بزم يانمزه براقمز بزدن البته انتقام الور“ ديه رك يدكچه يرو نهايت خسته لنه رق يواسنه كتمدن



اولور کندیسنی عقلی ظن ایدن اختیار تلکی ایرتسی کونی ینه کلوب دوندن ایقویمش اولدیغی طاوقلری رایکن طاوق صاحبی یتشهرک بونی ده او اوادیرر ( انسانک هر چاغده برقصوری واردر کنجارم تاون و خریص اولورلر اختیارلرده حسیسلکدن ممکن دکل وازچکه منزل عقلای اولان ادم نه او یله اولور نه ده بویله )

### ✽ قوردایله قوزی ✽

برچوق قوزیلر بیوکلریله برابر امنیت ورفاهله آغل ایچنده اوتوردقلرندن کوپکاری اویقوده وجوبانلری دخی بر آغاچ کولکه سنده قوال چاه رق اکلنمکده ایدیلر بوارالق آغلاک یاننه برقورد کلهرک هنوز کنج و دوست و دشمنی طائیز برقوزی ایله صحبتیه باشلار زوالی قوزی دشمن طبیعیسنی دوست ظنیله ، امان سن بورایه نیچون کلدک نه ارایورسک “ دیدکده قورد ، چن زار ارایورم چونکه دنیاده قرن طویورمق ایچون یشیل وتازه چندن و حرارتی کسمک ایچون بلور کی آقار صودن دها اعلا برشی اولورمی اشته بونلرک ایکیسنی ده بوراده بولدم ارتق زیاده سی نمه لازم بن فلسفیه نک آزه قناعت توصیه سنی پک بکنورم “ دیدی بیچاره قوزی چوجقلغی و معصومیتی جهتیله اول حائن غدارک بویولده چوجق الدادیشته قاپله رق ، یاسن حیوان اتی یزمیسک سن ده بزم کی او یله برطوتام اوته قناعت ایدرمیسک اگر صحیح بویله ایسه هایدی قرنداش کی برابر او تلایه لم “ دهرک آغلدن چیقار چیقمز قورد دمنکی قناعت وقرنداشلغی براقه رق، زوالی قوزی یی غدارانه پاره لدی ویدی ( سکا یار انمق ایچون صداقت کوسترنلره چارچاق امنیت اتمه انسانی لسانیه تجربه ایتیموب فعلیاتیه دنه )

### ✽ دیوایله ایکی تلکی ✽

دیو بر مغاره ایچنده بولنان دفتینه یی کجه کوندز بکار ایش کونلرده برکون ایکی حیلله باز تلکی یاننه کلهرک برچوق یالتاقلق و صویتاری یلقلرایله دیوک امنیتنی جلب ایدرلر چوق یالتاقلان و صداقت و خصوصیت کوسترمک ایچون زیاده تلاشده بولنانلر اکثریا حیلله باز اولدقلری کی تلکیلر دخی ذاتا حیلله و خدعه ایچون کلدکلری جهته کندی ارالرنده دیوک حماقتدن ناشی پک چاپق الداده بیله جکارندن بحیله بیچاره دیوی ذوقلنورلر و یوزینه قارشو کلنجه کندیسنی پادشاهلریرینه قویه رق عقل و اقتدارینک چوقلغندن و حسننک زیاده لیکندن دم اوره رق هرافکارینی تصدیق و تحسین ایدرلر ایدی نهایت بو حیلله کارلره ارتق کالیه امنیت ایدرک او یخویه یاتدقده ایکیسی بردن اوزرینه هجومه بیچاره یی بوغدقدن صکره خزینه یی تقسیمه قالقشیدیلر لکن ایکی حیلله باز مفسدک اتفاق یالکر فنالغه مخصوص اولوب اییایکده هیچ بروجمله اتفاق ایدمیه جکارندن خزینه نک تقیمی ماده سی بونلر ایچون دیوی بوغمدن زیاده کوجاشدی چونکه ایکسی دخی بر برینی الداتمق افکار رنده ایدیلر شو افکار اوزرینه



بونلردن بریسی حکیمانه براغزله ،، بویاره لر بزم نه ایشمزه یارار بزم ایچون بز پارچه اولانق ده خیرلودر التون و مکوش کی معدنیات هضم اولنمز یا دم اولادی بویله شیلره اعتبار ایتدکری ایچون دلیدر لر بزمه انلر کی دلیمی اوله لم “ دیدکده دیکری دخی کویا بوکلمات حکیمانه دن تأثر ایتش کی طوارنه رق کندیسندن ده حکیمانه یشامق ارزوسنده اولدیغنی کو سترمسی او زینه ایکیسی دخی خزینه یی حالیه براغوب صاوشدیلرایسده اصل نیتلری یکدیگرینی بوغهرق خزینه یه بلا اشتراک مالک اولمقدن عبارت بولمغله عاقبت یکدیگری ایچون قوردقلری طوزاغه ایکیسی دخی دوشه رک اولوم مرتبه سنده یارلندیلر بونلر شو حالده ایکن بریسی دیکرینه ،، سن بویاره یی نه پیاچق ایدک “ دیمسیله اوته کی دخی ،، سن نه پیاچق ایدیسه ک بنده آنی پیاچق ایدم ،، دیو جواب ویردیکنی بالتصاف اورادن یکن بر آدم ایشد کده بونلر شو افکارینی تقبیح ایدنجه تلکیلردن بریسی جوابه باشلایوب دیر که “ طمع خصوصنده سز بزدن اشاغی قانز سکز چونکه سزده بزم کی پاره یی یه مدیککز حالده ینه بونک ایچون بربریکزک جانیه قیارسکز بزم جنسهن ایسه افجه یی میدان تداوله چیقارتمده اولان تهله کی یی دوشونوب بوله جق قدر عقلایدر سزک سعادت امیدیه ایجاد ایتدیککز اچه موجب عقوبت کز اوله یور و سعادت حقیقی کوز کز اوکنده ایکن اچه کی هواشیاته ینه عاشق سکز یلمز میسکز که سعادت ثررته مخصوص دکدر

✽ ارسلان یاوریلری ✽

وقتیه ایکی ارسلان یاوریلی وار ایدی که ایکیسی دخی بریاشده و بر بویده و بر قوته اولوب برابر اورمانده یشار لر ایدی بر کون هند پادشاهی بونلردن برینی آولایه رق دیکری اورمانده یالکز قالدی و پادشاه اوته کنی سرایه کتوروب یومیه برجیلان تعیین ایلدیکندن ارسلانک جیلانی یدکدن صکره کندیسنه مخصوص اولان محلمده یاتوب او یومقدن بشقه بر ایشی یوغیدی شو قدر که بر خادم کندوسنک التونی صاچلرینی طرامغه مأمور اولدیغندن کونده ایکی دفعه صاچلرینی طرار وارسلان بو وجهله انسانه آشدقندن صکره پادشاهه وارنجده قدر سرای خلقی کندیسنی او قشار لر ایدی اشبو ارسلان یواش یواش بیویوب سمیرمش وقوت و قدرت پیدا ایلش و باخصوص پادشاه بونک بویونه التون خلقه و قولاقلرینه اینجیلی کویله طقش اولدیغندن بونک کبری آرتوب سرایده اولان و حسن و نزاکت و قدر و قیمتده کندیسندن اشاغی بولانان دیکر ارسلانلری تحقیر و تخفیف ایتکه باشلادی و کیت کیده خلقک بو اعتباری کندیسنک مزیت و علویتندن نشأت ایلدیکی ظنیه طورینی بیوده بیوده نهایت ،، اگر بن طاغیه کیدر ایسم صرتمی یره کتوره جک بولنمز تام بر پهلوان اولورم “ خلیاسنه دوشیمسیله زنجیری چوزوک اولدیغنی حالده بر کون همان سرایدن قاچوب مقدمکی



اورمانه کتدی بواښاده ايسه حيوانلر شهنشاهی اولان ارسلان وفات ايلمش اولمسیله  
 متعینان هیئت برارایه کله رک مر حومک یرینه دیکر بریسی انتخاب ایتکده اولدقلرندن  
 تاج هوسکارلری میانده ادعای قهرمانی وغرور له مشهر برارسلان انتخاب وترجیح  
 خصوصنده دیکرلرینه تفوق ایتک اوزره ایدی مکر بو ارسلان بریکینک رفیقی اولوب  
 بوسرای شاهیده جان بسله دیکی مدت اومذکور اورمانده ادمانه وقت یکشدرمش  
 ویه جکی برلقه شیئی چوبانلرک سوریلرینی پارملک و بوسرده بلکه حیاتی غیب  
 ایتک کبی انواع مهالک و مخاطراته تصادف ایتکسزین ییه مدیکندن کنديسی  
 ضعیف و فقط سکیرنی وقوی و جنکاور اولقله برابر قان چناغی کبی اولان کوزلرندن  
 صانکه آتشلر پوسکرور و خفت و تخافتی جهته الک دیک و یوکسک قیالره کمال سهولته  
 طرماشه بیه جکی ناصیه حالندن استدلال اولنور ایدی بریکی ارسلان ايسه سرایده  
 تربیه اولمش و او دخی قوت و عظمتنه مغرور بولنمش اولمسیله تاج سلطنته نائلیت  
 مطلقا دیکر یله امتحانه متوقف اولدیغنی کوره رک رفیقنه میدان اوقومش ايسه ده  
 متعینان زحره سندن دنیا کورمش و هر اموره تجربه سی سبقت ایتش و بو جهته  
 رأی جمله عندنده مقبول بولنمش اولان براختیار ارسلان آرایه کیره رک تاج سلطنتی  
 اولا سرایده تربیه اولمش اولان ارسلانک باشنه قویغنی رأی ایلدی هیئت جماعتدن  
 بعضلری در بزا اختیار تنپرور برحریفی اویله جنکاور و انواع مهالک و مخاطرات اراسنده  
 اداره امور جمهوره وقوف و معلومات کسب ایتش اولان برذاته ترجیح ایتک استه یور  
 “ دیه رک مر لدانغه باشلامش ايسه ده مر قوم اختیارک رأی غلبه ایدرک ینه سرایدن  
 چیقمه ارسلانی تحته کچوردیلر مذکور ارسلان بروقت نصلسه حکومت ایتدکن  
 صکره ذوق و صفایه و تکبردن بشقه برشی سومامکه باشلامش ايسه ده خلقه اولان  
 ظلم و خیانتی میدان چیقاره میهرق برطاقم دسیسه و حيله لرله اداره امور چالیشور ایدی  
 لکن حيله چوق وقت دوام ایتیه رک میدان چیقه جغی جهته ارادن پک چوق وقت  
 یکمکسزین مر قومک پویه سی میدان اورمغه ارتق کنديسی انتخاب ایدن اختیار  
 ارسلان خلقه در بن بونک نه مال اولدیغنی اکلامش ایدم لکن دیگری کبی شجیع و غیور  
 و عاقل و کامل بر پادشاهک قدر و قیمتی سزه اکلاتق ایچون عجز و جبانیت و ظلم  
 و خیانتدن مر قومی سزه نمونه کوستردم ایدی بونی عزل و خلع ایتک و بونلرک مقدا  
 استدکلری امتحانی شمدی اجرا ایلک لازم کلدی “ دیمسیله خلق ایکسنی دخی میدان  
 مبارزه چیقاردیلر لکن امتحان چوق سور میوب سرایده بیومش اولان ارسلان  
 قورقوسندن تتریه رک قاچمسیله دیگری اوزرینه وارمغه تنزل بیه ایتیموب تحقیر ایله کفایت  
 و خلق در یوق یوق بوخیثی بوغلی و یار چده یار چده ایتلی “ دیواصرار ایتشلر ايسه ده  
 مر قوم در خیر خیر دشمن بو قدر الحق اولدیغنی حالده اندن قورقه رق اولدرمکه قالقشمق



دها زیاده الحقلقدر وارسون یشاسون چونکه اولدیرمش اولسوق مردانه اولمش اولسی لازم کلوب حالبو که بوکاده لایق دکلدر بن آنی اطاعت التنه الهرق ینه اجرای حکومته مقتدرم “ دیو خلقه ممانعت ایلدی وواقعا هر قوم کال عقل ودرایتله اجرای حکومته موفق اوله رق دیگری ایسه خصمه مداهنه واره صره کند و سنده عنایت واحسان ایلدیکی برکیمک پارچه سنه قناعتله مسکنت وحقارت ایچنده یشامغه قاتلانندی

### ✽ ایکی فاره ✽

فاره نك بریسی کدیله پنجه سندن طولایی عمری دایما مخاطرده بولمسنن ارتق اوصانه رق برکون قوم شوسی بولنان فارهیة ,, همشیره م بن ایی برشی دوشونه یورم کچن کون کتبخانه نك بریسنده برکتابی کوه لر ایکن کوزومه الیشدی که ( هندستان ) اسملو برکوزل مملکت اولوب اوراده بزم هم جنسمز بزم بوراده کوردیکمز معامله دن کوزل بر معامله وامنیت کوره یورلر ایش اوراده ارباب عقولک اعتقادلرینه کوره بر فاره نك روحی وقتيله هند پادشاهلرندن بریسنك غایت مشهور بروزیری اولوب شمدی مذکور فاره نك وفاتندن صکره روحی بتکرار برکوزل قادین قیافتنه کیره جگمش ظنمه قالورسه ارواحك بویله بر قالبدن دیگر قابله حلول ایتمی اعتقادینه ( مذهب حلولی ) دیورلر حاصل کلام اعتقاد مذکور اصحابی بالجمله ذی روحی خوش طوته یورلر فاره لر ایچون مخصوص خسته خانه لر و عمارتخانه لر اولوب تعیین تعیناتلری یولنده ایش هایدی شو کوزل مملکته کیده لم که نظام وانتظامی یولنده وفاره لره ایتد کلری عزت واکرام بر صورت فوق العاده ده ایش “ دیدکده دیگر فاره “ کوزل اما همشیره م عجب او خسته خانه و عمارتله کدیله کیره یورمی اگر کیره یورلر ایسه هیچ شبهه ایتم بونلر آز بروقت ایچنده پک چوق حلول ارواحه موفق اولورلر چونکه بر طرناقده فاره قابله بولنان بر روحی پادشاهلر قابله نقل ایده بیلورلر ایمدی آرتق وار خلیا ایت که اوراده بزمانیت وسلامته بولنه جغز “ جوابنی ویردی بونك اوزرینه برنجی فاره تکرار سوزه باشلایوب ,, یوق یوق بوندن قورقه سکادیدیکم کی بو مملکتک نظام وانتظامی کمالده ایش اوراده بزم کی کدیله رک دخی بشقه جه خانه لری وارا ایش “ دیمسیله دیگری دخی قانه رق عزیمته قرار ویردیله وهندستانه طوغری بر بیوک سیاحت ایده جک اولان برکیمک خلاطلرندن صیریله رق برکون اول ایچنه بندیلر ایرتسی کون کی حرکت ایدزک بونلر ایسه کدیله رک مظالمندن اوصانمش اولدقلری قره دن اوزاقلندقلرند طولایی سوبینه سوبینه هندستانک سورات شهرینه واصل اولدیله ارچه بونلر تجار مثلاً و تجارت غرضیله چیقماش ایدیه ده هندیلر طرفندن کوزل معاملات کور مک ایچون عزیمت ایش اولدقلری جهته بوسیاحت کندولری ایچون کویا موجب سلامت وسعادت ایدی بونلر شهر مذکورده فاره لره مخصوص اولان خانه یه کیر کیرمن اسکانلری ایچون برنجی موقعی طلب ایدرک



مقصوده نائل اولق ایچون بریسی وقتیه مالادار سوا حلیله بریوک برهمن اولدیغنی  
 ودیکری ایسه ینه اومملکتده وقتیه غایت حسنا ورعنا بر قزایدوکنی درمیان ایتدیله  
 وادعازنده اولقدر اصرار ایلدیله که هندی فاره لار اتق بونلرک قهرلرینی چکه میه رک  
 بو ایکی فرنک بزم مملکتده یکیدن نظام قویغسه قالدقه یورلر دیو کندیلری کدی  
 پنجه سندن قاچوب کملشرا یکن اوراده ینه کندی هم جنسلری طرناقلرنده پاره انوب  
 کتمشلردر (انسان حسن امتزاج نه اولدیغنی بیلز ایسه بر بلادن قور تملق ایچون اوزاق  
 یرله قاچسه دخی بلادن قور تملق شویله طورسون دها بیوک بر بلایي کندی یاغیله  
 ارامش اولور)

هند پادشاهلردن بریسی بر نوع مراقه اوغرایه رق بو قدر سرایلو و کوشکلر و باغ  
 و باغچه لک هیچ بریسنده طوروب اوتوره مز و بو قدر چالغیچیلرک و او یونجیلرک ترنات  
 و لعبیاتندن هیچ بریسیله اکنه مز اولدیغندن شودر ددن قور تملق ایچون هندستانک  
 هر طرفندن حکیملر خواجه لر کتورده رک بونلردن بعضاری صید و شکار و بعضاری  
 مطالعاه و قتنی امرار و بر طاقی سیاحت و کیسی زیارت ایتسنی توصیه ایدرک پادشاه  
 جمله سنی یاמש ایسه ده هیچ بریسنک تأثیرینی کوره مامشدر نهایت کونلرده بر کون  
 سراک قپوسنه بر فقیردرویش کلوب قپوجیلره ،، بتون هه ،، تمان حکیملری پادشاهه بر چاره  
 بوله مامشدر دیو ایشتم قالدقم کلدن نی حضوره ،، یقار یکر چاره سنی بن بولورم ،،  
 دید که قپوجیلر قهقهه ایله کوله رک ،، وار یقیل مر دار حر یف بو قدر حکیملر بو کا چاره  
 بوله مدیلر شمدی سنی قالدک ،، دیو قوومق استمشلر ایسه ده پادشاه کیفیت یوقارودن  
 ایشیدرک درویشی طلب ایتکه ضروری حضور همایونه چیقاردیلر درویش حضور  
 همایونه چیققدقه ،، پادشاهم سنک دردیکه برءلاج وارد را کر بوله بیلور ایسه ک بودر ددن  
 مطلق قور تیلور سک او چاره شودر که مملکتک هر طرفه ادملر کوندر و ب اگر چه  
 اصلا دردسز و حالندن ممنون بر ادم بوله بیلورلر ایسه همان کومملکتی الوب کتورسونلر  
 او توهملکی کیدیکک کی خلاص اولور سک دیدی بونک اوزرینه پادشاه هر طرفه ادملر  
 چیقار توب کوشه و بوجاغی کافه ارادیلر ایسه ده حالندن ممنون هیچ بر ادم بوله مدیلر  
 چونکه ثروت و سعادت صاحبی اولان هر کیمه صور دیلر ایسه کیسی حالندن تشکره  
 ثروت و سامانی صاندقدن صکره ،، الحمد لله هر شیئ موجود ایسه ده نه چاره که بر چوجغم  
 وفات ایلدیکندن دنیا باشه زنداندر ،، و بعضیسی ،، چوق شکر صحتم یرنده ایسه ده حرمله  
 ارامز ایی اولدیغندن باشم غوغادن خالی دکلدر ،، و بر طاقی دخی ،، بن شو مملکتک برنجی  
 زنکنی ایسه مده نیلیم ایاغم طوپال اولدیغندن استدیکم کی کزوب یورویه مم ،، دیه رک  
 جمله سی حالندن بر یونده شکایت ایدرلر ایدی خلاصه کلام شو حال ایله کیدن مأمورلرک



کافه سی عودت ایدرک ایچلرندن یالکز بریسی اثنای راهده برآدمه راست گلدی که جوار اورماندن کسمش اولدیغی اودونلری ارقه سنه یوکلنهرک کلور و ترکی چاغیره رق اعلان مسرت ایدر ایدی هر قوم طور بقالم شونک حالی نصلدرد دیویانه وارارق، بابا طور بقالم سکا برشی صوراجغم غالباسنک حال ووقتک یرنده حضور و راحتک زیاده اوللی که بویله ترکی چاغروب کزه یورسک، دید کد، اودونجی کوله رک، "هی هی اکاشبه می وار دنیاده بندن راحت کسه اولور می چوق شکر وجودم صحتده هر کون اورمانه کلور بر یوک اودون کسه رک وقصبه یه نقل ایدرک صاتدقد نصکره اچده سیله راحت راحتم جکینورم، دیسیله مأمور می قوم، تمام اشته بنم ارادیغم ادم سنسک چیقار کوملکنی ویرسی احیا ایدیم هر نه ایسترایسه ک ویریم، دیسی اوزرینه هر قوم، پک اعلا کوملکم اولسه باد هوا ییله ویر ایدم لکن اولیان شیئی نره دن بوله یم" دیدی (باقیکز که سعادت و سلامت ثروته دکلدرد ثروت حقیقی اشته اودونجینک شو حالیدر)

( قصه دن حصه \* احمد مدحت و عثمان حمدی بکر \* )

\* کشمیر شهرینک تنظیمه دائر بر فیلسوف ایله بر بوستانجینک محاوره سیدر \*

کشمیر اهالیسی غایت ملایم و خفیف المزاج آدملردر ملل سائر امور مهمه ایله اوغراشدقلری مثلاً بونلردخی عبث شیلره اشتغال ایدر لر و عاداتا چوجقلر کی عمر کچوروب کندولرینه امر اولنان موادک سبب و علتی بیلر نزوآز برشیدن منفعل اولوب ادناشیئه متسل اولور لر و هر شیئی استهزا ایدر لر و هر شیئی اوندور لر بونلرک بالطبع معارف و صنایعه میل و رغبتلری اولیوب کشمیر دولتی بیک اوچیوز سنه دنبرو پایدار اولدیغی حالده بومدت ظرفنده ایچلرندن نه بر فیلسوف کامل ونه بر شاعر ماهرونه ده اولد قچه اهلیت لو بر معمار و رسام ظهور ایتدی چوق وقتلر صنایع و تجارتی بر درجه اهمال ایلدیلر که بیک سنه دن متجاوز مدته کشمیر اصلزاد کانندن بریسی بعض کوزل البسمیه و چماشوره محتاج اولدیغی حالده بر یهودی یه و یا خود بر بانیانه ( ۱ ) مراجعت ایلمکه مجبور اولوردی فقط قرن اخیر اوائلنده کشمیر ده ابنای جنسنه بکزه مز برقاج آدم ظهور ایدوب ایرانلور دن وهندلور دن تعلم ایلدکلری علوم ثمره سی اوله رق عقل و افکار حه بر درجه اعلایه واصل اولدیلر و معاصر لری اولان شاه دخی بونلری تشویق و تشجیع ایدوب بر وزیر کاردانک اعانه سیله از وقت ظرفنده مملکتی تحت ضابطه یه ادخال و وسائل ثروت و معموریتی استحصال ایلدی کشمیر لولرایسه شونم عظمایی مع الاستهزاتلق ایدوب شاه و وزیرینک و بونلره مشعله راه سعادت اولان ذوات مومی الیهیمک علیه نه تفوهات

( ۱ ) هندستانده اکثریا تجارتله مشغول بر طائفه در که موحد اولدقلری حالده

شیطانه عبادت ایدر لر



ناسزايه ابتدار و تشبثات خيره زينه هر در لوموانع ايقامنه اجنيسار ايلملريه تکرار فنون و صنايع منسى و متروک قاله رق کشميرده هنر و معرفت همان ال و اياقارک بعض حرکات مخصوصه سنه منحصر اولدى شويله که اهاليدين بعضارى سازنده لره هم آهنک اوله رق برزاکت غريبه ايله رقص ايدوب بعضارى دخى بر قورديله نک وضعنه هر هفته بر طرز عجيب اختراع ايدر لردى و ايلچلرنده اويله ماهر کيميا کر لر ظهور ايلديکه اوزم روحى و بوکا مماثل اکسير لر واسطه سيله برق اچ سنه ظرفنده برخانه خلقنى تماميله اطبا و الاجقلو لر يدينه تسليم ايدر لر دى اشته کشمير لو لر شو صنايع مر غوبه لرى سايه سنده همان کافه اوروپا مالکى اچون موده ورقا قص واشجى تربيه و تدارک ايلک شرفنه نائل اولديلر

فقط پايختک لازم اولان تنظيم و تطهيري و آثار حسنه و نافع سنک تکثيرى ضمننده بين الاهالى پک چوق مباحث جريان ايدوب هر کس قولاً بونکله اشتغال ايلديکى حالده هيچ بر اثر فعليسى مشاهده اولنه مز ايدى هندستان حکما سندن منافع عموميه يي التزام ايتمش و نوع انسانک سعادت حاللى و صنايعک ترقي و انتشارى حقنده کمال رغبتله و بلا طائل بيان افکار ايلکى اعتياد ايلش اولان بر ذات کشميرک پايختنه اوغرايوب بيوک بوستانچيلردن بريسيله مذکور شهرک محتاج اولديغى شيلرک تسويه و تنظيمه دائر مباحثه يه کيريشدى و بوستانچى پکين ( ۱ ) و اکبر آبادده ( ۲ ) بولنانلره مماثل کشميرده جسيم و کوزل عبادتخانه لر اولماسى وهم منفعت و همده رونق و زينه مدار اولان منتظم چارشو و بازار لر و جسيم مغازه و دکانلر بولنماسى انظار اجانبه قارشو موجب خجالت اولديغنى تصديق و بيان وشهرک سراپا مشتمل اولديغى خانه لر نظر حقارتله کوريلوب کوزل ميدانلر و چشمه لر و ستاتولر و برملتک شرف و شائى موجب سائر آثار خيره حصولي يهوده آرزو اولنديغنى درميان ايلدى

هندلو فيلسوف کلامه آغاز ايله رخصت و يرر سکز سزه بر کوچک سؤالم وار نيچون نقصان اولان شيلريکزي اکمال ايتيور سکز ديدى بوستانچى دخى نه ياهلم بر چاره سى بولنه ميور کليتلو مصارفه محتاج در ديو جواب و يرد کده فيلسوف هيچ بر مصرفى اولمز ديدى بوستانچى بوفکر باطل چوقدن بزه افاده اولندى بودخى تخيلات عقلا دن يعنى تصوره مستحسن و اجراده عبث اولان شيلر دندر بومقوله تميرات دلفريدين بقمشزد در ديدى حکيم دخى پايختکزي تنظيم ايلک و محتاج اولديغى هر در لو آثار جسيمه نک تأسيس و انشاسنه موفق اولقى مجرد براستکه موقوف اولوب دولتجه

( ۱ ) پکين مملکت چينک پايختى اولوب دنيا ده بولنان شهر لک اک جسيمدر که اهالي سى مليوندن متجاوزدر

( ۲ ) هندستانک جسيم شهر لرنديدر که اسمنه اغرادخى دينور



مصارف ایجاب ایتمز دینلره نصل جواب ویردیکز دید کده بوستانجی هیچ جواب اعطاسنه بيله تصدی ایلمدک عادتت اوزره کولیویردک و هیچ صرف افکار ایلمدک دیدی حکیم بویک تأسف اولور شیدرسزه نصیحت اولسون بویله شیلرده از کولیگز و چوق ملاحظه ایدیکز اشته شمدی بن او فکر باطل عد ایلدیکز ماده نک صحتی سزه اثبات ایده یم دیدی مذکور کشمیرلی غایت نازک برذات اولدیغندن هندلونک بوبابده اولان افکارینی تزییف واستهزا ایلمامکه جبر نفس ایدرک بیلنلنده محاوره آتیه وقوع بولدی \* - فیلسوف \* - سز زکی نک دینونه دیرسکز \* - بوستانجی \* - چوق پاره صاحبی اولمغه دیرز \* - فیلسوف \* - یا کاشکز وار امر یقای جنوبی اهلایسی بر زمان او قدر پاره صاحبی ایدیلر که سزک هیچ بروقتده او قدر شیئه مالک اولمق احتمالکز یوقدر لکن صنعتلری اولدیغندن اچمه ایله تدارک اولنه بيله جک شیلردن هیچ بر یسنه مالک اولیوب حقیقه فقر و ضرورتده ایدیلر \* - بوستانجی \* - اکلادم ثروت اراضی منبته صاحبی اولمقدن عبارتدر دیمک استرسکز \* - فیلسوف \* - خیر اوله ده دکلدر چونکه او کرن تاتارلری ( ۱ ) دنی - انک الک زیاده منبت و محصولدار اولان موافقنک بر یسنده متمکن اولدقلری حالده کمال ضرورت و احتیاج اوزره تعیش ایدرلر ایدی بر مملکتک ثروتی هر درلو صنعت و مهارت کبی طبیعت و صنعته منوطدر یعنی مجرد اراضی صاحبی اوله رق چالشمه دن عبارتدر دنیاده الک زیاده صاحب ثروت و سعادت اولان طائفه الک ایو طوپراغی احسن صورتله زراعت ایدندر و حق تعالینک نوع انسانه اولان عطایاسنک اجل و اعظمی چالشمه نک نزومیدر \* - بوستانجی \* - واقعا اوله در فقط مطلوب اولان شیئن وجوده کلسی اون بیک کشی اون ییل ایشلمکه متوقفدر بونلر نره دن اجرت و یرملی \* - فیلسوف \* - اون سنه متمد اولان محاربه اشناسنده یوز بیک عسکر بسلدیکزمی \* - بوستانجی \* - صحیح بسلدک و مع مافیه دولت بونک ایچون پکده مضایقهیه دوچار اولماشیدی \* - فیلسوف \* - اوله ایسه یوز بیک آدمی هلا که سوق ایلمک ایچون پاره کز وارده اون بیکنی پکندیرمک ایچون پاره کز یوقی \* - بوستانجی \* - فقط بوا کا مقیس دکلدر اهلیدن بر یسنی هلا که کوندرمک اکا طاش قازدیر مقدن اهون کلور \* - فیلسوف \* - بونده ده یا کاشکز وارددر چونکه یالکز اوتوز بیک سواری اون بیک غمله دن چوق زیاده بهالو کلور و حالبو که حقیقتده امور مملکتده استخدام اولدقلری حالده هیچ بر یسی بهالو کلز اهرامک بناسیچون قدما ی مصریین و سورلرینک انشاسیچون چینلورنه صرف ایتدیلر ظن ایدرسکز یالکز صوغان و پرنج بشقه برشی دکلدر بر طاق تنبللری سمرته جکلری یرینه چالشقان ادملری بسلدکلر ایچون



اراضیلرینه نفادمی کلدی \* - بوستانجی \* - سز بنم پک اوزر مه وار یور سکز  
و بنی افناع اینیور سکز معلومکز در که حکمت تصور ایدر وعادت فعله کتورر یعنی  
اهل حکمتک هپ افکار و ملحوظاتنک اجرایی ممکن اوله میوب هر حالده عادت  
بلدهیه تطبیق حرکت ایلمک لازم کلور \* - فیلسوف \* - اکر ادمار دائماً بوقاعدهیه  
رعایت ایلمسه لردی حالا طاغلرده پلامود یرزدی (یعنی حال تو حشده قالور زردی)  
و بدر کامل نه ایدوکنی بیله مز لردی ال جسم بر مصلحتیه شروع ایلمک مجرد بر باش ایله  
بر طاقم الله موقوفدر بونلر اولدیغی حالده موفقیت حاضر در سزده طاش و یتور  
و باقرو کراسته موجود در بو تقدیر جه یالکز براستک نقصاندر \* - بوستانجی \* -  
واقعا بوشیلرک هپسی بزده مبذول والطف الهیه حقمزده زیاده سیله مشمولدر فقط  
بو قدر مواد ایشلمک بیلور میسکز ندر مصیبتار فیه محتاجدر \* - فیلسوف \* -  
بوسوز یکزدن برشیء ا کلامیورم نصل مصرف دیمک استر سکز اراضیکز بالجه  
اهالیکنک تعیشنه کافی شیء حاصل ایده یور و وسائل معموریت و یسار اولان هر درلو  
مواد ایغکز آلتنده یاتیور و اطرافکز ده استخدا مه صالح ایکیوز پیک تنبل طولاشیور  
بو تقدیر جه انلری ایشلمک و مأ کولات و ملبوسانلر یچون اقتضا ایدن اجر تارینی  
و یرمک قالور بونده ده سزک کشمیر حکومته بر مصرف ترتب ایده جکنی کوره میورم  
چونکه کند و اهالیکنزی ایشلمدیککز ایچون عجملره و چینلوره برشیء و یرمیه جککز  
در کاردر \* - بوستانجی \* - فی الحقیقه اوله در بو صورتجه مملکتدن نه اچه  
ونه حبوبات چیقار \* - فیلسوف \* - اوله ایسه نیچون همان بو کوندن ایشکره  
مباشرت اینیور سکز \* - بوستانجی \* - چونکه بو مثلاً و بر یوک آلتی تحریک  
ایلمک خیلی مشکدر \* - فیلسوف \* - پک چوق جان و مال تلفنی مؤدی اولان  
بر محاربه بهیه طیانق ایچون نصل یایدیکز \* - بوستانجی \* - اراضی و املاک  
اصحابی اوزرینه حال و تحملارینه کوره اعانه طرح ایلدک \* - فیلسوف \* -  
نوع بشر حقنده محض مصیبت عداولنان بر مصلحت ایچون اعانه طرح اولندیغی  
حالده انسانک سعادت حالی و شرفنی موجب اوله حق بر ماده ایچون اعانه طرح  
اولنزمی بو نصل شیء سز بویله بر هیئت تشکیل ایلدیککز و قندنبرو اغنیانک فقرایی  
ایشلمکه مجبور اولسنک قولایینی بوله مدیکزمی اوله ایسه سز حالا اصول مدنیتک  
مبادیسند بیه دکلسکز \* - بوستانجی \* - اکر پنج و کان و حیوانات اصحابی  
انجق طوپراق قازمق و یوک قالدیرمق کی عمله لکره قوللانیله حق فقرایه مأ کولات  
و ملبوسات و یرمک اوزره بر طریق بواسق بود، حصول مطلوبه کافی اوله مز چونکه  
بتون ییل بشقه ایشلره مشغول اولان اهل صنایعی دخی ایشلمک لازمدر \* - فیلسوف \* -  
ایشلمکه برسنه ظرفنده یوز یکرمی کون قدر کشمیرده ایش ایشلمز ایش



نیچون بوتعطیل کونارینک هیچ اولمسه یاریسنی تحصیله تبدیل ایتمورسکز و بو جهته ایشسزقالان اوسته لری یوز کون ابدیه عمومیه ده استخدام ایلمورسکز اشته اویله اولسه برشیء بیلینلر ویالیکز قوه بدنیه لریله ایش کورنلریک ازوقت ظرفنده صنعت اوکرنه رک ایچکز ده چوق اهل صنایع ظهور ایدر \* - بوستانجی \* - بودیدیککز تعطیل کونلری عیش وعشرت وسفاشته مخصوصدر و بوندن خزینه یه چوق عادات اولور \* - فیلسوف \* - ماشاء الله نصل یوللو مطالعه کز وار عادات خزینه مجرد ایچنه ک تداولیه حاصل اولور ایش ایشله مستدعی انواع علل واسقام اولان عشرتدن زیاده ایچنه یی تداول ایتدیرمن می سنه نك برثلشده خلقتک سرخوش بولمنسی دوات حقنده خیر لومیدر ظن ایدر سکز بومباحثه خیلی متمد اولدی و بوستانجی نهایت فیلسوفه حق ویره رک بوستانجیلر ایچنده برنجی اولق اوزره بر فیلسوفک سوز یله ملزم اولدی و چوق شیلر یاپه جغنی وعدا یلدی فقط انسان هیچ بروقتده نه هپ استدیکنی ونه ده هپ قادر اولدیغنی یاپر فیلسوف بوستانجی ایله بومباحثه ده ایکن اورادن قفتانلو و اوجی سوری باشقلی و بلاری زنارلی یکر می قدر ایکی ایاقلو کوزل حیوانلر یکدیکنی کور دکده اشته برطاقم کوجلو قوتلو قوجه اوغلانلر بونلردن سرده نقدر واردردیو سوال ایلدی بوستانجی دخی صنوف مختلفه دن یوز بیک قدر اولمیدر دیدی فیلسوف بونلر کشمیر شهرینک تنظیمه یچون ایشلده که نصل ایویرارلر هپ بونلرک اللرینه بر قازمه و ماله و شاقول ویرلمنی نقدر آرزو ایدرم دیدکده بوستانجی بنده استرم فقط بونلرک رهبانیتلرینه نظرا قدر تلری ایش ایشلک درجه سندن عالیدر دیدی یابونلر نه یاپرلر دیو سوال ایلدکده تری چاغر لر شراب ایچر لر ویدکلرینی هضم ایدر لر دیدی فیلسوف باشنی صالیه رق بر مملکت ایچون بونلر نقدر فائده لوشیلر در دیدی و بومصاحبت خیلی سوردی و چوق برشیء منتج اولدی

### \* بر فیلسوف ایله بر مالیه ناظری محاوره سیدر \*

فیلسوف \* - بیلور میسکز بر مالیه ناظری استسه چوق ایو شیلر یاپه بیلور و اشته بونک ایچون یکر می مارشال دن (۱) زیاده نام و شان قازانه بیلور \* - مالیه ناظری \* - بر فیلسوفک بنم مقامه عز و اولنان خشونتی تخفیف ایتک استیه جکنی بیلور دم لیکن بویله بکا عجب و خود پسندلک ویره جکنی هیچ مأمؤل ایتزدم \* - فیلسوف \* -

( ۱ ) مشیرلک رتبه سنه مقابل بر پایه اولوب عددلری محدود دراوولاری فرانسه ده یکر می مارشال اولوب برازوقتدنبروا و نایکی یه تنزیل قلمشدر



خود پسنداك سرك ظن ايتديكز قدر فنا برشيء دكلدر اكر اون دردنجي لوئي ده اندن  
 براز اولسيدي او قدر شان و شهرت صاحبي اوله مزدي مشهور قوليه ( ۱ ) ده دخی  
 وارايدی سزده اكا تفوقله تفاخر ايديكز سزدها اندن زياده مساعد بر عصرده كلديكز  
 انسان دائما كندو عصرينه نسبتله ترقی ايتلیدر \* — مالیه ناظری \* — فی الواقع  
 اویله در بر محصولدار ارضی زراعت ایدنلره انی سوکنلردن زیاده سهولت اوله جغی  
 در کاردر \* — فیلسونی \* — قولایله قله یایله جق فائده لو شیلر هیچ یوقیدر ظن  
 ایدر سکر قولیر بر طرفدن اداره مالیه یی محاربات داخلیه نك و او توز سنه ممتداولان  
 سرقت وارتکاباتك منتج اولدیغی کمال درجه انتظام سزلقده بولدی و بر طرفدن  
 خفیف المزاج و جاهل و بیک او چیوز سنه دنبرو ذهنلرنده اعتقادات باطله پاس طوتمش  
 اولان بر ملتیه تصادف ایلدی زماننده مجلسده بر آدم یوغیدی که قامبیونه ایدوکنی  
 بیلسون و بر آدم یوغیدی که فرق اجناس نه ایدوکنی اکلاسون و هیچ برکسه یوغیدی که  
 تجارتدن خبری اولسون شمدی الحمد لله کتدیکجه علم و معرفت منتشر اولمقده در عوام  
 ناس تحصیل معاش مجبوریتك القا ایلدیکی و دولتك دخی کندو خنقنده خیر لو اولق  
 زعم باطلیه انلری طویدیغی حال جهل و نادانیده در فقط اوسط حالده بولنان اهالی  
 معلوما تلودر و بوصف کلیتو اولدیغندن صاحب ادراك اولان بیوکلی و کندولرنده  
 ادراك اثری اولمیان کوچکلی بعض کره زیراد ارمیه المقده در لوئی ( ۲ ) وقتندنبرو  
 موسیقیده نقدر تبدل اولدیسه مشهور قولیرد نبرو دخی امور مالیه ده او قدر تبدل  
 ظهوره کلمشدر شمدیکی زمانزده الدقیق مقاماتی اجرایه مقتدر اهل فنك عددی  
 ذات فن قدر تزايد و ترقی ایلشدر و علوم حکمیه جه و اداره مملکتجه دخی حال بویله در  
 قولیردوق دوسولیدن ( ۳ ) زیاده شیلر یاپدی شمدی قولیردن زیاده یایلمیدر \* —  
 بویحث اراسنده مالیه ناظری فیلسوفك یاننده بعض کاغذلر کور و ب باقق استدی  
 اشبو اوراق پك چوق ملاحظاتی دعوت ایده بيله جك بعض افکاری شامل ایدی مالیه  
 ناظری بونلری الوب بروجه آتی او قومغه باشلیدی — بر مملکتك ثروتی اهالیسنك مقدارندن

( ۱ ) فرانسه ده دردنجی لوئی زماننده مالیه ناظری اولوب اولوقته قدر پك مختل  
 و مشوش حالده بولنان امور مالیه یی هم اصلاح و تنظیم و همده مملکته بر طاق صنایع  
 جدیده ادخال ایتك و یوللر و قنالر کشاد ایلک کی اسباب معموریتك استحصالیله واردات  
 دولتی تکثیر ایدرک فرانسه نك یکی باشدن احیاسنه سبب اولمشدر

( ۲ ) اون دردنجی لوئی زماننده کلمش فرانسه لی مشهور موسیقی شناسدر

( ۳ ) فرانسه قرالی دردنجی هانری زماننده مالیه ناظری اولوب فرانسه نك محاربات  
 و مضایقه سی اشناسنده بیوک خدمتلا ایتشدر و بونکله برابر اعمار ملککه مدار اوله جق  
 پك چوق آثار خیره ده دخی موفق اولمشدر



و بونلرک سعی و عملارندن عبارتدر - عالمده مصائب عامه اکسک اولیوب هر مملکت بر قایح سنهده  
 بر کره همجوار یله محاربه یه ابتدار ایلدیکنندن تجارت یالکز بوجته تله بر مملکتک کندو  
 همجوارلرندن زیاده صاحب اقتدار اولسنه مدار اولوراشته بوهقوله محاربات وقوعنده اک  
 زنکین اولان دولت وجوه سائرده خصم یله مساوی اولسه دینه اوزرینه غلبه ایدر چونکه  
 اقچه قوت یله متفقلر بولوب عساکر اجنبیه استخدام ایده ییلور محاربات اولزایسه تجارت  
 واسطه سیله مملکتده تجمع ایدن اتون و مکوش بیفائده قالور زیرا بر مملکتده تداوله کافی  
 اتون و مکوش موجود اولور و میزان تجارت حد اعتدالده بولور ایسه آرتق او مملکتک  
 بر نقصانی قالز بر مملکتده ایکی ملیار ( بر ملیار بیک ملیوندر ) مسکوکات بولنسه  
 ارزاق و اجور اتک فیئاتی اوراده یالکز بر ملیار بولندیغی تقدیرده هر قاچه اولور ایسه  
 آنک ایکی قاتی اولور مثلاً اتک قیه سنی اون غروشه الدیغم حالده سنوی یوز بیک غروش  
 ایراد ایله نقدر زنکین ایسدم قیه سنی بش غروشه الدیغم حالده الی بیک غروش ایراد  
 ایله او قدر زنکینم و سائر شیلردخی هپ بوقیاس اوزره در بناء علیه بر مملکتک ثروتی  
 اتون و مکوش ایله اولیوب ذخائرک مبدولیتی و صنایعک کثرتی واهالینک سعی و غیرت یله در  
 چوق وقت اولدی که امر یقای جنوبیده واقع بلاته نهری کنارنده اقامت اوزره بولنان  
 بر اسپانیول الاینک هپ ضابطانی آتون قلیج طاشیدق لری حالده کیه جک کوملکاری  
 ویه جک اتمکاری اولدیغی کورلمشدر فرض ایده لکه هوغس قاپت (۱) زماندنبرو  
 فرانسهده مکوشک مقداری تزاید ایتما مشدر فقط هر نوع صنعت یوزدرجه زیاده ترقی  
 ایتما مشدر ایدی هوغس قاپتک زماندن یوزقات زیاده زنکینز دیه ییلورم زیرا زنکینلک  
 تمتع ایتک و ذوقیاب اولمقدن عبارتدر و شمدیکی حالده بالنفس هوغس قاپتک کندو  
 خانه سندن دها هوادار و دها کوزل و دها منتظم بر خانهده ساکن اولیورم و باغلردها  
 ایوزراعت اولندیغندن دها ایو شراب ایچیورم و منسوجات اصلاح اولندیغندن  
 دها اعلا البسه کیورم و هوغس قاپتک ملوکانه ضیافتلرنده بولانندن دها بالنفس طعاملر  
 اکل ایدیورم اگر اوخسته لغنده کندوسنی بر خانه دن دیگر بر خانه یه نقل ایتدیره جکی  
 وقت ایکی تکرار کلی بر قبا عربیه بنرایسه بن شمدی راحت و نفیس بر قاروسه یه یینیورم  
 آنک ایچنده روزکاردن متأذی اولدیغم حالده ضیا الیورم صرم اوزرینه بویالی بر تخته  
 صندوق اصمق یعنی بر کوزل عربیه یا ممق ایچون مملکتده زیاده اقچه بولنسنه لزوم کورنمادی  
 صنعت لازم اولدی و قس علی هذا هوغس قاپتک خانه سنک طاشلری و شمدی  
 یار سده یا پیلان خانه لریک طاشلری هپ براوجاقدن النیور اولیکی زمانده مردار بر کومز  
 انشاسنه نقدر اقچه صرف اولور ایسه شمدی بر نفیس خانه بناسنه اندن زیاده اقچه

(۱) بوندن تقریباً طقوز یوز سنه اول فرانسهده حکومت ایدن بر مشهور قرا در واولا

پاریس شهرینی پایتخت اتخاذ ایدرک معمور ایدن بودر



کمز و شمعی بر منتظم باغچه یا یدرمق اسکی زمانده قبا صبا بر قاچ اغاج دیکدیر مکدن بهالو کلز اسکی زمانده میشه اغاجلری اورمانلرده چوریر قالورایدی شمعی اندن نفیس دوشمه لری یا پیلور و قوم صحرالرده فائده سز طور ردی اندن آینه لری اعمال اولنیور ایمدی شو فوایدن متمتع اولان البته زنکیندر و بونلری وجوده کتورن یا لکز صنعتدر بو تقدیرجه مملکتی زنکین ایدن اچیه اولیوب انجق عقل و تدبیردر تجارتک دخی تأثیری صنعت کی اولوب رفاه حال و حسن معیشتزه مداری واردر مثلاً هند مصنوعاتندن و یا خود سیلان اطه سنه مخصوص محصولاتدن بر شیئه احتیاجم اولدیغی حالده شو جهته فقیر عد اولنورم و تجارت بو احتیاجی دفع ایتد کده زنکین اولورم و بنم شو محتاج اولدیغ التون و کموش دکل ایدی بلکه قهوه و طارچین ایدی فقط مجرد بن صباحلین قهوه ایجهیم دیو مخاطرات عظیمه یی کوزلرینه الهرق التی بیک ساعتک مسافات بعیده یه کیدنلر انجق مملکتک چالشقان آدمارینک فضلہ سیدر پس زنکیناک چالشقان آدمارک زیاده اولسندن نشأت ایدر ایمدی بر عاقل دولاتک مقصدو وجیهه سی ممکن هر تبه تکثیر نفوس ایلک و خلقتک سعی و غیرتی ارترمق اوله جنی آشکاردر بزم مملکتلرده انانندن زیاده ذکور تولد ایدر ( ۱ ) بو صورتده اناتلاف اولناملیدر چونکه انلر صاغ اوله رق مناسترلره دفن اولندقلری حالده نسل حاضر ایچون ضایع اولوب نسل آتینک دخی اضمحلالنه سبب اوله جقلرندن حقلرنده شو معامله هیئته نسبتله انلری اعدام ایلک دیمکدر مناسترلک تنظیم و اداره سیچون اتلاف اولنان اچیه خالقک امر از دواجه تشویق و تشجیعی ایچون بعض امور خیریه صرف اولنسه دهامناسب اولور فرانسه ده بولنان بعض اراضی غیر محروته یی مناسترلرده چورو دنیلان قزله تشبیه ایدرم بونلرک ایکسینده حراثت اولنملیدر لرا اراضی مترو که دن جر منفعت ایلکه اهل زراعتی مجبور ایتک ایچون پک چوق طریق واردر فقط مملکتی اضرار ایچون یا لکز بر طریق واردر بودخی شوایکی حالک دوامیدر که بریسی قزلری صاغملقلرنده دفن ایتک و دیگری قابل زراعت اولان یرلری زراعت ایتما مکدر هر نه ده اولور ایسه اولسون عقیلاک یا طبیعتک بر قصوریدر و یا خود طبیعت علیه نه برسؤ قصددر بشقه برشی دکلدر قرال که ملتک مدیر صاحب تدبیری اوله جقدر منسوبانه تقاعد لک معاشلری و یر یور و بواچیه تجاره و بعض اهل صنایعه کیدیورنچون اهل زراعتک تشویقی ضمننده معاشلریو قدر بویله اولسه بواچیه ینه دولته عائد اولور فقط بونده ده از یاده منفعت حاصل اولور معلومدر که بر مملکتده چوق دلنجی بولنسی مذموم عداوانور بزه ایکی صنف دلنجی واردر بر طاقی پڑمرده قیافته شهر بشهر کزوب یول اوزرلرنده کلوب کچنلرک رحم و شفقتلرینی جلب ایده جک صورتده فریاد و انین ایدرک جمع ایلدکاری اچیه ایله میخانه یه کیدر زو بر طاقی دخی طرز



واحد اوزره البسه کیوب امانامنه اوله زق خلق اوزرینه ویرکونلر طرح ایدرلر و صکره کلوب  
 منتظم خانه زده رفاه ایله تعیش ایدرلر ( ۱ ) بونلرک بونجی صنفی دیکری قدر مضر  
 دکلدر چونکه یوللرینه کتد کلمری حالدده دولته چوجق یاپرلر اگرچه خرسزدخی وجوده  
 کتورلر ايسه ده عمله و عسکر دخی حاصل ایدرلر فقط ایکیسیده بر فنا قدر که بتون عالم  
 اندن شکایت ایلدیکی حالدده کیمسه وجودلرینی قمع وازاله ایده میور شو قدر اراضی غیر  
 محروسه سی و قولونیلری ( ۲ ) اولان بر مملکتده بویله نه تکثیر نفوس ایدرونه ده ایش  
 ایشلر اهلینک اوضاعنه تحمل اولمسی جای استغرا ایدر دنیا ده اک اعلا دولت ایشه یرامز  
 اها لیسسی الکا زاولاندر وقتیه کلمش اولان دولتلرک بزم قدر التون و کوشلری اولمدیغی  
 حالدده تقلید ایدهمیه جکمز بر طاقم اثار عظیمه ایله ابقای نام ایللرینه سبب ندر ده از یاده آدم  
 ایشلند یکی جهته اداره لری بزمکنندن دهالو ایدوکی آشکار در اهای اوزرینه ویرکو  
 طرحی لازم در بونک طرح و توزیع چون الکا و صورت ایش ایشلکی و تجارتی تسهیل  
 ایدنیدر ویرکونک اختیاری اولمسی جائز دکلدر انجق صدقه اختیاری اوله یلور فقط  
 بر اصول ضابطه تحتندده بولنان مملکتده ویرکونک تحصیل صدقه کی اولما ملیدر مشهور  
 شاه عباس ایرانده پک چوق خیرات و عمارات تأسیس ایلدیکی حالدده هیچ برخسته خانه  
 انشا ایتدی سبی کندوسندن صورلد قدده ایرانده خسته خانه نک لزومی اولمسی استم دیدی  
 ویرکوندر بر مقدار حبوبات و حیوانات و سایر ارا قدر که اسحاب اراضی بولنره مالک اولمیانلره  
 بور جلودر تحصیل اولنان اچقه مجرد بونک بدلیدر ایددی ویرکویالکر اغنیا اوزرینه  
 اوله جغندن فقرانک قزاندیغی اتمکک بر پارچه سنی و قاریسنک ممه سندن چوجقلرینه  
 ویردیکی سوددن بر مقدارینی المق جائز اوله مز فقر او عمله گروهی اوزرینه ویرکونلر طرح  
 اولمیب بلکه انلره ایش بولهرق بروقت ویرکو ویره جک قدر مختیار اولمیرینی آرزو ایتدیر ملیدر  
 بر محاربه اشناسنده بالفرض سنوی معتاد دن الی ملیون زیاده ویرکو ویریلور بواللی  
 ملیوندن یکرمی بیکی ممالک اجنیه یه کیدر و او توز ملیونی قتل نفوسه صرف اولنور  
 ووقت مصالحه ده بالفرض یالکر یکرمی بش ملیون تحصیل اولنور و بو حالدده اشبو  
 اچقه دن خارجه برشی کتمز و محاربه ده اهلاک اولنان مقدار اهای منافع عامه ایچون  
 ایشاد یلوب هر در او اعمالات توفیر اولنور و اراضی لایقوله زراعت اولنور و شهرلر

( ۱ ) صنف ثانیدن مراد پاپاسلردر چونکه بونلر تحصیل معیشت قیدنده

اولیه رق اهلینک اعانه مقننه سیله رفاه اوزره تعیش ایدرلر

( ۲ ) قولونی فرانسزجه اولوب بزده اکام مقابل کله بولمدیغندن حالی

اوزره بقا اولندی معناسی ینه و طنلرینه منسوب اولدقلری حالدده زراعت و تجارت

مقصد یله محل اخره کیدوب اوراده وطن ایدن اهایلدر مثلاً ملل اجنیه دن در سعادت

وازمیرده و محال ساثره ده بولنان اورو بالور کی



تزیین قلنور بناء عليه دولته ويركو ويرمك حقيقته اهاليك ثروت وسعادتي موجبدر وقت محاربه ده ويريلان ويركولر بزم رفاه حال ووسعت معيشتهم اسبابك استحصالي اچون اوليوب بلكه رفاه حالزي وقايه اچون اولميدر دنيا ده الك بختيار ملت الك زياده ويركو ويرندر چونكه الك زياده ويرن الك زياده چالشقان والك زياده زنكيدر اچقه ارزاقك بدلي اولديغي كي اوراق نقديه دخي اچقه نك بدليدر اچقه نك انجق فائده سي برقيوني برالتون ايله اشترايده جك يرده درت چفت چوراب ويا خود امثالي اشيا ويروب المقدن دها قولاي اولديغي اچوندر كذلك برايالت محاسبه جيسنك خزينه دولته در تيوزيك فرانقي بر مكتوب اچنده ارسال ايلسي بر چوق مصارف نقليد ايله كوندر مسندن اهون واسهلدر فلها بانه وقوئم نقديه پك فائده لوشيلدر بو مقوله اوراق بر مملكتك اداره سنجه و تجارت و تداوله طاش او جاكلرنده استعمال اولنان طولابه مشابه اولوب ادملك قول ايله تحريكه قادر اوله مدقلى اجمال ثقيله يي قاندير رهم فائده لوو همده تهلكه لو اولان اوراق نقديه يي براسقو چيالو فرانسه ده احداث ايلدي بوادم في المثل بر طبيب ايديكه خسته رينه لزومندن زياده غايت مقى علاج ويررايدى و بودخى انلر اختلاج اعصاب ايراث ايدرايدى فقط برايو علا جدن لزومندن زياده مقدار استعمال اولنوب بعض مضرتى كور اديكچون انى ترك ايلك اقتضايدرمى بو اصولدن بقيه اوله رق برهند قومپانيه سي قالدى و بودخى الان كافه اجنبيانك محسودى اولوب انكليز ملتته موجب شان وشوكت اوله بيله جكدر ايمدى بو اصول فرانسه ده دخي يوليله اتخاذا اولنسه ايدى سبب اولديغي مضرتدن زياده محسناتى كوريلور ايدى نقودك فيئآتى تبديل يعنى قيمت حقيقه سندن زياده فيئات تعيين ايتك قلمر نلقدر نقود وارزاق موجوده نك مقدار و تداولانك تحملىدن زياده قوئم نقديه نشر ايلك بودخى قلمر نلقدر اتون وكموشك مملكتدن خارجه چيقارلسنى منع ايلك جهل و مسكنت اثارى بقيه سيدر بوهم بورجنى و يرمامك و همده تجارتى غائب ايتك ديمكدر في الحقيقه بورجنى و يرمامكدر چونكه ملت مدبون اولديغي حالده حسابى تسويه ايلسي لازمدر و تجارتى غائب ايتكدر چونكه اتون وكموش امتعه نك بدلي اولدقدن بشقه كندولردخى امتعه دن معدوددر لراسپانيه دخي ديكر بعض دولتر كي اسكى برعبث شئ اولان بواسكى اصولى اتخاذا ايلدى مملكتك فائده سي انجق بو اصولك خلافه حركتله حاصلدر داخل مملكتته برايالتدن ديكر برايالته نقل اولنان محصولات اوزرينه رسومات تحمىل ايلك ايلتلى بربرينه دشمن ايتك ديمك اولوب بودخى شايان استهزا برسوء تدبيردر بو عاداتا بكا طعام كتوريلور ايكن بر مقدارينى اخذ واكل ايتلرچون خدمتكار نرمدن برق اچنى اوطه قپوسنه اقعداد ايلك كي برشيد رشوسوء تدبيرك دفعه چالشلدى فقط عقل بشرى يه موجب عاردر كه شمدي يه قدر بويابده باشه چيله مدى - فاسوفك اغدنده دهالك چوق افكار وار ايدى ماله ناظرى مز اياست



واردی و بر صورتی الدی داشته بو ایلاک دفعه در که وکلادن بر یسنک چنطه سی  
بر فیلسوف چنطه سندن بر شی المشر  
✽ محاورات حکیمه ✽ منیف افندی ✽

حکمای یونان

✽ سولون ✽

اوتوز بشنجی اولمپیادک اوچنجی سنه سی یعنی میلاددن اتی یوز قرق سنه مقدم تولد  
ایدوب الی بشنجی اولمپیادک اوائلنده یتش سکز یاشنده اولدیغی حاله وفات ایلمشدر  
سولون فی الاصل اتنه لی اولوب پدری اتنه ملوکندن قودروسک نسلندن ووالده سی  
اتنه مشاهیر رجالنندن پیر یستراتک اقرایاسندن ایدی اوائل حالنده اولوقت جمع علما  
اولان مصره عزیمتله اورانک اصول حکومت وقوانیننه واهالیسنک اخلاق وعاداتنه  
کسب اطلاع ایتد کدن صکره اتنه یه عودت وکمال اهلیت واصلاتنه مبنی مناصب رفیعیه یی  
احراز ایلدی مومی الیه فوق الغایه رشد وکیاستله متصف اولوب بونکله برابر زیاده  
ثبات واستقامت اصحابندن ایدی وغایت متکلم ومدبر وشجیع ایدی مدت عمرنده دائماً  
وطننک سربشی ایچون زیاده غیور اولوب ارباب ظلم وعدوانه خصومت ایدرایدی  
وخانداننک ترفیع قدر وشائنی پک التزام ایتزایدی ومجرد امور ادبیه وسیاسیه یه حصر  
افکار ایلمک ایچون اسباب طبیعتی تحری واستکنانه ایله اشتغالدن فراغت ایتشیدی  
(خیر الامور اوسطها) کلام مشهورینک قائلی مومی الیه در سولون کچن دفعه ترجمه  
حالی تحریر ایلدی کمز تالیس حکیم الیه معاصر اولدیغندن شهرتی ایشیده رک انکله ملاقی  
اولمق اوزره پالاچه شهرینه عزیمت ایلدی وحکیم مومی الیه براراز مصاحبت  
ایتد کدن صکره ای تالیس تأهل ایتدیککزه تعجب ایدرم تأهل ایتسه کزایدی اولادیکر دنیا یه  
کلوب انلرک تربیه سیله متلذذ اولوردیکر دیه ی تالیس اولانده بوکا جواب ویرمیوب  
بر قاق کون صکره اجنبی هیئتنده تعلیم ایلدیکی بر آدم ایکسی براراده بولندیغی حالده  
زیارتلرینه کلوب اثنای صحبتده بوکونلرده اتنه دن کلدیکی خبر ویردی سولون اتنه ده  
نه وارنه یوق دیو اورانک احوالندن سؤال ایتد کده برشی ایشتمدم فقط چیقدیغم کون اتنه  
اهالیسندن بر دلیقانیلی وفات ایدوب جنازه سنده عظیم جمعیت وار ایدی ایشتدیکمه  
کوره بودلیقانیلی مملکتک معتبرانندن و بین الاهالی غایت محترم بر ذاتک اوغلی ایمش  
وبوذات براراز وقتدنبرواتنه ده دکل ایمش دوستلری اوغلنک وفاتندن هلاک درجه سنده  
متأثر اوله جغنی بیلدکلرندن بو خبرک کندوسندن کتمنی تصمیم ایتشلریدی سولون بونی  
ایشتد کده واه زوالو اد مجفز عجبا ادی ندر دیمکله حریف ادینی ایشتمش ایدم ارنتدم  
فقط شوراسی ایو خاطر مده در که هر کس غایت عاقل وکامل بر ادمدر دیورلریدی  
شو افاداتک اوزرینه سولون زیاده مضطرب اولوب بوددیککز آدمک ادی سولون



اولسون دید کده حریف اوت تمام اود دیدی سولون شوخبردن بر درجه متأثر اولدی که  
اثوابی بر تمغه وصاچنی یولمغه و باشنه اورمغه باشلا یوب و الحاصل کمال یأس و ملالده  
ارتکاب اولنان هر درلو حالاتک هیچ بر یسندن اجتناب ایتدی تالیس بو قدر فریاد  
وتلاش نه لازمدر بو بر مصیبتدر که بتون عالم کوز یاشی دو کسه دفعی ممکن اولز دید کده  
سولون آه اشته بنده بو قدر فریاد و فغانه سبب بویا قابل علاج اولیان بر درده تأسف  
ایدیورم دیدی تالیس نهایتنده سولونک شو و وضع و حرکاتنه کولمکه باشلیه رق عزیزم  
سولون اشته تأهلدن بن بونک ایچون قورقارم الک عقل او آدم لک متأسف اولمیرینه نظر أعشق  
و محبتدن و تربیه اطفالدن متولد اولان کدره الک زیاده پک اولان یورکلرک بيله متحمل  
اولبه جغنی یلورم شوخبرلک هیچ بر یسنگ اصلی اولیوب مخصوص ترتیب اولمش  
اولدیغندن تلاش لازم دکلدر دیدی آتیه لولر ایله میغار اولر (۱) بیننده سالامین جزیره سندن  
طولای مدت مدیده جنک وجدال و وقوع بولدی بویولده طرفیندن پک چوق تلفات اولوب  
بوندن آتیه لولر ده از یاده متضرر اولد قلرندن میغار اولر یندن بولنان مذکور سالامین  
اطه سنک ضبط و استیلا سی ایچون هر کیم حرب تکلیفنه جسارت ایدر ایشه قتل ایله مجازات  
اولنه جغنی اعلان ایلدی لر سولون شو قراردن خوشنود اولیوب فقط بو بابده فتح کلام  
ایده جنک اولسه مجازات مذکوریه دو چار اوله جغنی بیلدیکنندن استدیکنی سولمک  
و بویابده بروجهله مسؤل و معاتب اولماق ایچون کندوسنی دیوانه لکه اوروب عقلنه  
خفت کتورمش اولدیغنی بتون شهره اشاعه ایتدی ردی و برقاج بیت مرثیه نظم ایدوب از بر  
ایتد کدنصره ارقه سنده غایت اسکی و یرتق بر لباس و بوغازنده برایپ و باشنده بر کیرلی  
طاقیه اولدیغنی حالدده خانه سندن چیقماغه بتون اهالی باشنه جمع اولدی لر سولون  
طوغری کیدرک اعلانات قرائتنه مخصوص طاشک اوزرینه چیقوب خلاف معتادی  
اوله رق مذکور ایاتی قرائت ایلدی و کاشکی بن آتیه لی اولیوب ممالک و حشیه دن  
بر محله طوغمش اولیدم اول حالدده هیچ اولزسه خلق بنی پارمقله کویستره رک بوده  
سالامینده عار فراری ارتکاب ایدن آتیه لولر دندر دید کلرینی ایشیدوب دلخون  
اولزدم ای آتیه لولر نه طوره یورز کوردیکمز حقارتک انتقامنی الهلم و بغیر حق دشمن  
النده بولنان مسکن لطیفمزی استرداد ایده لم وادی سنده بر مقاله مؤثره ایراد ایلدی  
شو کلمات آتیه لولره بر درجه تأثیر ایتدی که قرار سابقلرینی در حال فسخ ایدرک تکرار  
میغار اولر علیه نده اعلان حربه قرار ویر دیلر سولون سرعسکر انتخاب اولوب  
موجود معیتی اولان عسکرله بر طاقم بالقجی قایقلرینه سوار اولدی لر ارقه سندن اوتوز  
القی کورکلر بر قادر غه دخی کلدیکی حالدده کیدوب سالامین قربنده بر محله تمور اندی لر  
محل مذکور اهالیسی صورت حالدن بیخبر اوله رق بر طاقم کیلر کلدیکنی اوزاقدن

(۱) یونانستان قدیم شهرلرندن اولوب قورنث کور فزی ایله آتیه بیننده واقع بر شهر در



گورد کلرنده ایچلرینه غلغله دوشدرك حربه آماده اولدیلر و بویک لرك نه مقصده کلدیکنی  
 ا کلامق ایچون قارشولرینه برکی کوندردیلر ایشبوکی آتیه لولرك سفایینه یاقلاشدقده  
 سولون بونی طوتدیروب دروننده بولنانلری اخذ و توقیف ایتدیردی ویرلرینه کندو  
 عسکرندن الک جسرلرینی ارکاب ایله ممکن مرتبه کیزلندکلی حالده سالامین طرفه  
 عزیمت ایلرینی امر ایلدی و کندوسی قصور عسکرله برابر دیگر بر محلدن قاره یه  
 چیتارق مقابله یه آماده بولنان دشمن اوزرینه هجوم ایلدی و محاربه اثناسنده کی ایله  
 کیدنلر قاره یه چیقوب بلا مانع و مزاحم شهری ضبط ایتدیلر سولون بوجله مظفریت  
 عظیمه یه نائل اولدقدن صکره محاربه ده النان اسیرلری بلابل اعاده و غلبه ایتدیکی محله  
 جنك الهی اولان مارس نامنه بر عباد تخانه انشا ایلدی براز وقت مرورنده میغارالولر  
 تکرار سالامینی المق داعیه سنه قیام ایلدیکندن شونزاعک فصلی ضمیمه طرفین  
 لاقدمون شهری اهالیسنی حکم نصب ایتدیلر سولون منازع فیه اولان ایشو سالامین  
 جزیره سنك ذاتاً آتیه لولره عائد اولدیغنی اثبات معروضنده و قتیله سالامین حکمداری  
 اولان ایفسك اوغلاری اولان ( فیلوس ) و ( اوریفاسس ) کلوب آتیه ده تمکن  
 ایتدکلرینی و کندولری آتیه اهالیسی سلاکینه ادخال اولنق شرطیله جزیره مذکوریه یی  
 آتیه لولره ترك ایتمش اولدقلرینی بیان ایلدی و سالامینده برقاق قبر اچدیروب سالامینلور  
 موتالرینك یوزینی آتیه لولرك چویردیکی طرفه چویردکلرینی و آتیه لولره مخصوص عادت  
 اوزره تابوتلرك اوزرینه جنازه نك منسوب اولدیغنی خاندانك اسمی محرر اولدیغنی ارائه  
 ایلدی بونك اوزرینه میغارالولر برشی دیه مامشیر ایسه ده چوق یکمکسزین اخذ  
 انتقام ایلدیلر شویله که مدت مدیده دنبرواتنه مشاهیر جالندن ( قیلون ) و ( میغاقلس )  
 نام ذاتلرك نسللری بیننده ظهور ایدن اختلاف بدرجه اشتداد بولدیکه شهر بالکیه  
 خراب اولق درجه سنه کلدی ( قیلون ) و قتیله آتیه ده زمام حکومتی یدینه المق اوزره  
 بعض تدابیر خفیه تشبث ایتمش اولدیغنی میدان چیقارق کندوسیه هوادارلرندن  
 برقاقی اعدام اولمش و بولردن قاچوب قورتیلانلر ( مینرو ) عبادتخانه سنه التجا  
 ایتشلر ایدی اولوقت شهر کتخداسی بولنان مومی ایله ( میغاقلس ) هر قوم ملتجیلری  
 حق التجاری ضایع اولماق اوزره برایک براوجی ( مینرو ) صمنده و دیگر اوجی اللرنده  
 اوله رق کلوب حاکم لر حضورنده محاکمه اولمیرینه هر نصل سه ارضای ایلدی و بولنر اولو جهله  
 معبددن نزول ایلدکلرنده ایپلر قیرلغله میغاقلس اشته شو حال معبوده نك کندولرینی  
 حیات ایتک استمدیکنه علامت علمیه در دیه رک برطاقنی اخذ و گرفت ایتدیروب در حال  
 بولنلری اهالی قتل ایلدی و تکرار عبادتخانه یه فرار ایدنلر دخی التجاسنه رعایت اولمیه رق  
 همان جله سی اوراده اخذ و قتل اولندی فقط برقاق نفری بعض وجوه بلده زوجه لرینك  
 شفاعت ورجار له عفو اولنوب خلاص اولدیلر ایشو حرکت نامر ضیه حکام و نسللری



حقننده موجب نفرت اولوب اولوقته نبرو جمله عندنده مبعوض ومنفور اولدیلر برقاچ  
 سنه صکره قیلونک نسلی زیاده کسب نفوذ و اقتدار ایدوب طرفین بیننده اولان بغض  
 و خصومت کتدیکجه مشدد اولدی سولون اولوقت حاکم بولندیغندن شو اختلالک  
 نهایت مملکتک اضمحلالنی داعی اولسندن خوف ایدرک منازعه نیک فصلی ضمننده ایکی  
 جانبدن حاکملر انتخاب ایلمک اوزره طرفینی ارضا ایلدی اشبو حاکملر سالف الذکر  
 قیلون خاندانی لهسنده قرار ویردکلرندن مخالفلری اولان میغاقلس خاندانندن برحیات  
 اولنلر کافه مملکتدن نفی و تبعید و وفات ایتیش بولنلرک کیمکری مزاردن چیقار یله رق  
 آتیه حکومتی حدودندن خارجه انداخت قلندی بووجهله آتیه لولر بیننده ظهور ایدن  
 منازعه و اختلافی میغار اولر فرصت اتخا ذیله حرب به قیام و سالامین جزیره سنی تکرار  
 ضبط و تسخیر ایتدیلر شو فساد برطرف اولور اولمز بر دیکری ده اظهور ایدوب بودخی  
 پک چوق نتایج و خیمه یی مستلزم اولمشدر شو یله که فقرای اهالی زیاده مدیون اولدیغندن  
 قانون مملکت اقتضایه پک چوق کسان داینلرینک پنجه اسارتیه کرتار اولوب  
 داینلر بولنلری دنخواه لری وجهله استخدام و یا خود بیع ایدر لر ایدی اهالی شو حاله تحمل  
 ایدم مدیکندن بر طاقی تجمع ایدرک ایچلرندن بریسی بوم موعودده ایفای دینه مقتدر  
 اولدیغنی حالده اسیر ایدلمک اصولنک لغو اولمسی واسپار طه ده اولدیغنی مثلاًو کافه  
 اموال و املاک بین الاهالی مساوات اوزره تقسیم قلنمسی ضمننده یکیدن بر رئیس انتخابیه  
 قرار ویردیلر بو وسیله ایله دخی اتش اختلال بر درجه اشتعال ایلدیکه بر وجهله تسکینی  
 چاره سی بولنه مدی شو ماده نیک دوستانه فصل و تسویه سی ضمننده طرفینک رضاسیله  
 سولون انتخاب اولندی مومی الیه اشبو مأموریت مشکله نیک قبولی حقننده اول امر ده  
 صعوبت کوسترمش ایسه ده مجرد وطنه بر خدمت ایتک آرزو سیله موافقت ایلدی  
 مقدملری دائماً سولون ( مساوات هر درلو منازعاتی دفع ایدر ) دیدیکی جهته هر کس  
 بوکا کنسومر امنه موافق صورته معنا ویره رک فقر اطاقی سولونک بوندن مرادی  
 مالا عموم اهالی مساواته طو تملق و اغنیا ایسه کافه حالاته هر کسک اصل ونسبنه  
 و قدر و اعتبارینه کوره معامله قلنمقدر افکارینه ذاهب اولدیلر شو کیفیت سولونک طرفین  
 نظرنده دخی بر درجه مدوحیتی موجب اولدیکه حکمدار لخی قبول ایللمسیچون ایکی  
 طرف دخی رجا و نیازه باشلیدیلاشته منازعاته مدخلی اولیانلر دخی دفع فساد بوندن  
 بشقه چاره بولنمز اعتقاد یله کمال عفت و استقامت و فرط رشد و رویتی جمله عندنده مسلم  
 اولان بر ذاتک زیر ادا ره سنده بولنلرینه بالممنونه موافقت کوستردیلر سولون ایسه بوندن  
 زیاده سیله تباعد ایدرک اول حالده گروه متغلبیندن معدود اوله جنی جهته قطعا  
 قبول ایتیه جکنی علنا بیان ایلدی دوستلری بوندن طولای کندیوسنه لوم و عتاب  
 ایدرک مؤخر ابونک بر صورت مشروعیه وضعی ممکن اولدیغندن مجرد متغلب لفظی



مآلندن احتراز آشومسندرفیعی قبولدن استنکاف ایلمکز ساده دالاک علامتیدر وقتیلہ  
 ( تیمونداس ) ینہ بوصورتلہ ( اغریبوز ) حکمداری اولمیدی و ( بیتاک ) الیوم مدلولو  
 حکمداری دکلیدر دیدیلر سولون بومقالاتہ اصلا التفات ایتیوب کرک بحق و کرک تغلب  
 طریقیلہ استحصا لاولنان مساند حکومت فی الواقع کوزل شیلرایسہ دہ اول حالہ انسانک  
 هر طرفی ورطہ لہ له محاط اولوب بر کرہ درونہ دخول اولندقدم خروج ایدہ جک یول  
 بولہ مز دیدی والاصل اشبو تکلیف سولونہ بروجهلہ قبول ایتدیر یلہ مدی دوستلری  
 سولونک شو حالی جنتہ حمل ایلدیلر سولون آتہ اختلا لنک دفعنہ سعی و اہتمام ایدرک  
 اول امر دہ اول وقتہ قدر عقد اولنان کافی دیونی من بعد هیچ بروقتہ مطالبہ اولنہ مامق  
 شرطیلہ فسخ و ابطال و مدیونلرک ذمتلرینی ابرا ایلدی وشوقولیلہ اک اول کندوسی  
 عامل اولدیغنی خلقہ کوسترمک اوزرہ پدرینک تر کہ سندن کندوسنہ عائد اولان برمباغ  
 جسمی ترک ایلدی واشبو فسادک منشئ اولان محاذیرک دفعی مقصدیلہ من بعد ادا  
 اولنہ مدیغنی حالہ داینک اسارتی قبول قلنق شرطیلہ عقد اولنہ جق دیونک کانلم  
 یکن حکمنده طوتیلہ جغنی اعلان ایلدی ابتدای امر دہ ایکی طرف دخی شو حکمدن  
 ناخشنود اولوب اغنیابو وجلہ مطلوبلرینک اضاعہ ایدلمسندن و فقرا دخی اموالک  
 مساوات اوزرہ تقسیم اولنم مسندن ناشی منفعل اولدیلر ایسہ دہ بعدہ طرفین دخی  
 اشبونظامات جدیدہ نک فوائد و محسناتی تسلیم ایدوب حتی مؤخرأ آتہ شهرینک  
 منقسم اولدیغنی اوچ فرقہ بینندہ ظهور ایدن اختلافات دفعی خصوصنی ینہ  
 سولونک عہدہ سنہ حوالہ و دلخواہی وجہلہ قوانین وضع و حکومت تأسیس ایلمسنی  
 رأینہ تفویض ایلدیلر جبل اہالیسی زمام حکومت کاملا ملت یدندہ اولسی واوہ  
 اہالیسی وجوہ مملکتدن یالکز برقاج کشینک سرکار دہ بولنسی و کمیجیلر ایکی کروہدن  
 دخی وجوہ انتخاب اولنسی داعیہ سندن ایدیلر سولون شومادہ دہ مآذونیت مطلقہ ایلہ  
 حکم انتخاب اولنمغلہ اولاسلنی اولان دراقون نام ذاتک وضع ایتش اولدیغنی قوانینی  
 فسخ و الغا ایلدی چونکہ قوانین مذکورہ غایت شدید اولوب الدادنا قباحت ایدنلر  
 جنایات عظیمہ اصحابی کبی قتل ایلہ مجازات اولنور ایدی بوش کز مک و برمقدار میوہ  
 و یا خود سبزہ سرقت ایتک عادتاً قتل نفس و ارتکاب کفر و امثالی کبار ایلہ سیان  
 طوتیلور ایدی و حتی قانون مذکورک کمال شدتدن نکایت اولہ رق قان ایلہ تحریر اولنمش  
 دینلور ایدی اشبو قانونک واضعی اولان سالف الذکر دراقونہ نیچون هر درلوجرایم  
 اصحابیچون بلا فرق قتل جزا سنی تعیین ایلدک دیوسؤال اولندقدہ اک کوچک قباحت  
 اصحابی بو جزایہ مستحق اولوب بیوک جرایم ارتکاب ایدنلر ایچون بوندن اشدینی  
 بولہ مدیغدن دیمشدر سولون عموم اہالی پی متصرف اولدقلری اموال اعتباریلہ اوچ  
 صنفہ تقسیم ایدوب حکومت مأموریتلرنده استخدامہ صلاحیت اعطا و فقط کندو



کندیلرله تعیش ایدن اهل صنایعی بوندن استثنایلدی بونلر اشبواشیازدن محرومیتلرینه  
 مقابل اولق اوزره هر درلو تکالیفدن وارسته ایدیلر بیوک مأمورلرک قیدحیات یعنی  
 قباحتلری ثابت اولدقجه عزل اولنماق شرطیله برنجی صنفدن انتخاب اولنمسی وبر  
 اختلال ظهورنده هیچ برطرفه میل کوسترمیانلرک فصاحتلری اعلان اولنمسی وبرزنکین  
 قادین ايله تزوج ایتیش برادمک قوه رجولیتی منسلب بولندیغی حالده زوجیه سی  
 کندوسنک الیقین اقرباسندن استدیکی شخص ايله مقارنت ایده یلمسی وقادینلرک  
 جهازی یالکز اوچ قات اثواب ايله اثاث بیتدن اهون بهالو برقاچ اشیادن عبارت  
 اولمسی وار تکاب زنایدن زوج ویاخود زوج شوفعلاک اجرایی اشناسنده باصلدیغی  
 حالده اعداملری جائز اولمسی سولونک وضع ایتدیکی قوانیندندر کذلک قادینلرک  
 مصارفنی تخفیف ویدیلرنده مرعی اولان بعضی مراسمی الغا واولادی اولمیانلر حین  
 وصیتده تام الشعور اولق شرطیله استدکلرینی وارث تعیین ایملرینه رخصت اعطا  
 ایتدی و ( اذکر واموتاکم بالخیر ) امر جلیلی وجهله امواتک مذمت ایله یان اولنمسی منع  
 ایلدی وبرده اموالی اتلاف ایدنلرک فصاحتی اعلان اولنهرق هر درلو امتیازاتدن  
 محروم اولمسی واختیارلق حالنده پدر ووالده سنی اطعام ایتیانلر حقنده دخی بووجهله معامله  
 اولنوب فقط حین صباوتنده کندوسنه بر صنعت تعلیم ایتماش ایسه اول حالده ولدک  
 والدینی بسلمکه مجبور اولمماسی وبراجنبی قیدحیات شرطیله مملکتندن نفی اولندقجه  
 ویاخود بر صنعت سلوک ایتک اوزره اولاد وعیالیه کلوب توطن ایتدکجه آتیه اهایسی  
 سلکینه ادخال اولنماسی ومملکت اغورنده پدرنی وفات ایدن چوجقلرک بیت المال طرفندن  
 تربیه قلمسی ووصیلر تحت وصایتلرنده بولنان اطفالک والده لر یله برلکده برخانه ده  
 ساکن اوله میوب الیقین اقربادخی وصی تعیین اولنه مامسی وسارقلرقتل ايله مجازات  
 اولنوب برکوز چیقارن ادمک ایکی کوزی بردن چیقارلمسی قوانیننی وضع ایلدی  
 سولونک اشبو قوانینی لوحه لره حک اولنهرق مجالس اعضاسی تمامی اجرا سنده رعایت  
 ایدوب وایتدیره جکلرینه عین ایلدیلر بونک حسن محافظه سنده مأمور اولنلر دخی  
 قوانین مذکورهنک خلاقی برحر کتده بولندقلری حالده ( آپولون ) عبادتخانه سنده  
 کندوجسامتلرنده التوندن برتصویر اهدا ایده جکلرینه علی رؤس الاشهاد قسم ایلدیلر  
 اشبو قوانینک معناسنده بین الاهالی برکونه اختلاف ظهور ایتدیکی حالده تفسیر  
 وتأویل ایتک اوزره مخصوص حاکم تعیین قلمشیدی سولون برکون قوانین مذکورهنک  
 تنظیمیه اشتغال ایلدیکی حالده ( انشار سیدس ) شو تشبثنی استخفاف ایدرک برطاقم  
 خطوط ايله ادملرک مظالم واغراض نفسانیه لرینی نصل منع ایده بیلورسن بومقوله  
 اوامرونواهی پرده عنکبوتیه مشابه او اوب انجق سککاری ضبط ایده بیلوردیمکله سولون  
 جوابنده انسانلریدیلرنده قرار ویرد کاری شیلرک اجرا سنده سعی ایدرلرین قانونلرمی بر صورتده



پایه جمع که کافه اهالی انی اخلاص ایتمکن ایسه انفساذ ایتک حقلرنده دها خیر او  
اوله جغنی تیقن ایده جکر درید رووالده سنی قتل ایدنلر حقننده تعیین جزای تماش اولمغله بونک  
سبی کندوسندن سؤال اولندقدده پدر ووالده سنی قتل ایده جک فنا دم بولنه بیله جکنی  
مأمول ایتکدیکم ایچون دیمشدر

سولون اکثریادوستلرینه یتش یاشنه وارمش برادر مارتق اولومدن قورقاملی و مشاق  
زند کانیدن شکایت ایتاملیدر مقربین ملوک صای صایق ایچون او یونده استعمال  
اولنور پولره مشابه اولوب قدر و اعتبارلری حکمدارلرک اغراض نفسانیه زینه منوطدر  
اومقوله مقربین دائماً حکمدارلری کندوزینه خوش کله جک شیلره تشویق ایتیب  
حقیقته فائده لو اولان شیلره ترغیب ایتلیدرلر - اتباع ایتک اوزره عقمزدن اعلامر شد  
اولدیغندن اکا مراجعت ایتکسزین هیچ بر قول وفعله تصدی ایتاملیر - برادرمک  
یمیندن زیاده عفت واستقامتنه اعتماد اولنمایددر - هر کوریشلان ادم در عقب دوست  
اتخاذ اولنمایددر چونکه بر کره عقد الفت اولندقدده انقطاعی مخاطره دن خالی دکلدر  
حقارتک دفعنه مدار اوله جق وسائطک اسرع واقواسی انی اونو تمقدر انسان اطاعتی  
او کر نمکسزین حکومت تصدی ایتاملیددر - هر کس عننده یالان (مثلا یالان کی) منفور  
اولمایددر انسان مولا سنه عبادت و والدینه حرمت و اشرار ایله اختلاطدن مجانب  
ایتلیدر دیر ایدی - سولون پریستراتک آتنده کلی طرفدار پیدا ایتک وزمام حکومتی  
یداستقلانه المق ایچون هر درلو تدابیره تشبث ایلدیکنی حس ایدرک اشبونیتک قوه دن  
فعله کلامسنه صرف قدرت ایلدی بتون اهالی بی بر میداننه جمع و کندوسی مسلحا  
اورایه عزیمتله پریستراتک تشبثاتی جمله یه اعلان وشو صرمده کلامه اغاز ایله ای  
آتندلولر بن پریستراتک نیات فاسده سندن بیخبر اولنلردن زیاده عاقل و مومی الیهک  
شونیاتنه مطلع اولوبده خوف و یاخود عدم جسارتلردن ناشی مخالفتیه قیام  
ایده میانلردن زیاده جسورم جمله کزه پیشرو اوله رق محافظه سربستی ایچون محاربه یه  
حاضر و آماده یم دیدی شو نصایحک بر تأثیری اولمقدن بشقه پریستراتک طرفداری  
اولنلر سولونه دیوانه نظریله باقدیلر پریسترات برقاچ کون صکره کندو کندوی جرح ایدرک  
خون الود اولدیغنی حالدیه بر عربیه را کبا جمع ناس اولان میداننه عزیمت و اوراده عموم  
خلقه خطا باکو یادشمنلری اخانت طریقله اوزرینه کله رک کندوسنی شو حال پر ملاله  
القا ایلدکلرینی اعلان ایلکله اهالی بوندن زیاده متأثر اوله رق گروه مخالفیندن اخذ  
انتقامه قیام ایلدی لرسولون شو حالی کوردکده پریستراته خطاباً ای ابن ایپوقراس  
سن وقتیه اولیسک اتخاذ ایلدیکی مسالکه فنا تقلید ایدیورسون اولیس دشمنلرینی  
اغفال ایچون اثر جراحت کوستر مشیدی سن ایسه کندو همشهریلریکی الدامق ایچون  
کندوی جرح ایتدک دیدی هر نه ایسه اهالی پریستراتک باشنه تجمع ایتدکده مومی



الیه کند و محافظه سیچون اهالی دن الی مستحفظ طلب ایلدی سولون بومقوله محدث  
 تدابیرک نتایج و خیمیدی مؤدی اوله جغنی بیان ایلدی ایسه ده اهالی زیاده حال تهورده  
 بولندیغندن سولونک قوانه احاله سمع اعتبار ایتیوب پیر یستراته درتیوز مستحفظ تعیین  
 اولمسنه و قلعه نك ضبطیچون مناسب مقدار عسکر تحریر ایلسنه رخصت و یردیلر و جوه  
 مملکت شو حال دن دوچار حیرت اوله رق هر بری بر طرفه صاوتیق استدیلا رایسنه ده  
 سولونینه غیرتی الدن براقیه رق اهالی بی بوبلده اسناد حماقت و جبانته تعیب ایتدکن  
 صکره شو تغلب حصولنک منعی سزجه امر آسان ایدی فقط شمعی تأسیس ایتش  
 اولدیغندن کلیاً قمع وازاله سی سزجه دهها زیاده موجب افتخار در دیدی انجق اشبو  
 افادات و اخطاراتنک اصلاً تأثیری اولدیغنی کورد کده طوغری خانه سنه کیدرک  
 سلاحرینی الوب سنانونک قیوسی پیشگاهنده وضع و شو وجهله خطابه ابتدار ایلدی  
 ای وطن عزیزالمدن کلدیکی قدر قولاً و فعلاً سگامعاونت ایلدم جناب حق شاهد در که  
 مملکتک قوانین و سر بستیسنی محافظه ده قطعاً تجویز قصور ایلدم ای وطن عزیز  
 اشته ارتق بن کیدیورم و بردها عودت ایتامک ارزوسنی ترک ایده یورم چونکه نه چاره  
 جباریه بدن بشقه اظهار خصومت ایدن یوقدر عموم خلق انلرک زیر قهر و تغلبنه  
 کیرمکه مائل و راغبدرلر سولون هیچ بروفته پیر یستراتک اطاعتنی قبول ایتدی  
 و کندوسی وضع ایدوب اتنه لولرک دائماً دستورالعمل ملوتلمسنه یمین ایتش اولدقاری  
 قوانینک تغییرینه کندوسنی مجبور ایتلرندن خوف ایلدیکی جهته آتنده اقامتله معذب  
 اولقدن ایسه بالاختیار ترک وطن ایدرک مملکتک سیروسیاختنی ترجیح ایلدی اورادن مصره  
 عزیمتله اولوقت خطه مذکوره ملککی اولان اماسیسیک دائره سنده براز وقت اقامت  
 ایلدی پیر یستراتک سولون حقننه زیاده وثوق و حرمتی اولدیغندن ترک دیار ایلندن  
 زیاده متأسف اوله رق عودتنی رجاء نمنده کندوسنه زیده مسطور نامه نواز شعلا مه یی  
 تحریر و ارسال ایلدی و یونانیلرا یچنده مملکتک حکومتنی ضبط ایدن یالکز بن دکلم  
 قودروس نسلدن اولدیغندن و اتندلولر مسند حکومتی انک خاندانه حصر ایلکه  
 قسم ایلش اولدقلرندن زمام اداره بی قبضه تصرفه المقلغم ایله قوانین و اراده الهیه  
 مغایر بر حرکت ارتکاب ایتدم مملکت جمهور طرفندن اداره اولدیغنی وقتدن زیاده  
 سزک قوانین موضوعه کزک تمامی اجرا سنه تقید و اعتنا ایتکده یم مقدمدن موضوع  
 اولان تکالیف ایله اکتفا ایدوب مقامه عائد بعضی مراسم تعظییه دن بشقه انانی  
 افراد اهالی دن زیاده مایه امتیاز اوله جق بر شین مالک دکلم بنم نیاتمی افشا ایلدی کزدن  
 طولانی سزه قطعاً خصوصتم یوقدر حقننه وقوعبولان حرکات کز بکا عداوت کزدن  
 ناشی اولیوب بلکه مجرد داعیه حب وطن سزی بوکا ایجا ایتش اولدیغنی مجزومدر  
 شو مخالف کزدخی بنم توجهله حرکت ایده جکمی بیلدی کزدن نشأت ایدوب فاله



احتمال که تشبثات واقع می تقبیح اینزدیکز ایدمی قوا به اعتماد و مطمئنأ عودت ایریکز که  
 سزک کی بر فیلسوف کامل بنم کی ادمدن قور قالمیدر چونکه اوتنه دنبرو بکا دشمنک  
 ایدنله بیه فئالق ایتک استدم کادیککز صورتده بنم اعتقادمه کوره سزدن هیچ برکونه  
 خیانت ظهوری ناقابل اولدیغندن سزی اعزا حبا الحاذق و نزد مدده هر درلو اسباب رفاه  
 و محفوظیتکزی اکمال ایدرم اتنه یه عودتکزه مانع دیگر بعض اسباب موجود اولدیغی  
 حالده استدییککز محالده اقامت ایدیکز اختیار غر بت ایتکزه سبب بن اولیایمده راضی یم  
 سولونک مکتوب مذکوره یازدیغی جوابنامه سیدر بکا هیچ فئالق ایتیه جککزی ايو  
 بیلورم چونکه سز طریق تغلبه سلوک ایتزدن اول سزک دوستلریکزدن ایدم و مظلومدن  
 نفرت ایدن اشخاص سائر دن زیاده نزد کرده مبعوض اولمالمیم بر قاج متشرعک رأیله  
 اداره اولمقدن ایسه بر حاکم مطلق تحت حکومتده بولنمق اتنه لولر حقنده دها خیرلو  
 ایسه هر کس کند و افکارینه ذاهب اولمقدن صاحب اختیار در سز ظلمه نک الکاهونی  
 اولدیغکزی اعتراف ایدرم مع مافیه اتنه یه عودت ایتما لمیم ظن ایدرم زیرا اوراده بر  
 سر بست حکومت تأسیس و بکا تکلیف اولنان حکومتی رد ایتد کدن صکره اول طرفه  
 عودتم تقدیر جده خلقک بکاطعن و تعریض ایللرینه و سزک تشبثاتکزی تحسین ایلدیگمه  
 ذاهب اوللرینه حقاری اولور "سولون ایمانیدی دخی زیرده محرر مکتوبی یازمشدر و بنم  
 وضع ایلدیگم قوانینک مملکت حقنده بیوک فائده سی کورلماش دینلو رایسه انلرک  
 الفاسیله دخی مملکتجه فواید کلیه استجواب اولنه مامشدر شرایع و قوانین وضع ایدنلر  
 مملکت حقنده بر حسن خدمت ایده میوب انجق دلخواهاری وجهله اجرای حکومت  
 ایدن حکمدارلر حسن نیت اوزرده اولدقاری حالده انلرک ایشنه برارلر بنم قوانینک بالفرض  
 هیچ فائده سی کورلماش ایسه انی فسخ ایدنلر پیر یسترانک زمام حکومتی ید تغلبه المسنه  
 ممانعت ایتیه رک اساس جمهوریتی تخریب ایتدیار باشلرینه کلاه جکی وقتیه بن اتنه لولر  
 خبر ویرمشیدم بکا اعتماد ایتدیلر و بن حقی سولمادیگم حالده کندولرینه مدا هنه ایدن  
 پیر یسترانک دها زیاده صداقت مأمول ایتدیلر و وقوعه بولان مصائبک دفعی مقصد یله  
 اهالی یه پیشرو اولقلغی تکلیف ایلدم بکادیوانه نظریله باقیدیلر و پیر یسترانه مستحفظلر تعیین  
 ایدوب اودخی بوزلری شهری تحت اسارتنه المقدمه استخدام ایلدی بونک اوزرینه بنده ترک وطن  
 اختیار ایلدم "ایدی حکمداری قریزوس اسیاده واقع یونان ممالکنی کاملاً خراجگذار  
 ایتد کده اول عصرک اصحاب علم و کالندن پک چوق ذوات اسباب مختلفه یه مبنی یونانستانی  
 ترک ایله قریزوسک پایتختی اولان ساردس شهرینه هجرت ایتدیلر اشبوشهر اولرمان غایت  
 معبر و مشهور ایدی مهاجرین مومی الیهم اوراده سولونک مدح و ثنائنده اطرا ایتلریله  
 حکمدار مشارایله سولونک ملاقاتنه رغبت و پای تختنده توطن ایتک اوزره نزدینه  
 دعوت ایلدی سولون بو کاجواباً زیرده مسطور مکتوبی تحریر ایلشدر و حقنده



اظهار ایلدیکک زود و ولات نزد مده فوق الغایه رهن عزت و اعتبار در جناب حق شاهد در که  
 اگر چوقد نبر و بر سر بست مملکتده اقامته عزیت ایتامش اولسیدم پیزستراتک اتنه ده  
 اجرای مظالم ایلدیکی اثناده اوراده اوتور مقدن ایسه سزک مملکتک زده اقامتی ترجیح  
 ایدردم فقط مالوف اولدیغیم طرز تعیشه اقتضا سنجه هر کسک مساوات اوزره بولندیغی  
 بر مملکتده ده اراحت ایدرم مع مافیه نزد کزده براز وقت اقامتله کسب محظوظیت ایتک  
 اوزره زیارتکزه کله حکم “ قریزوسک اولوجمهله وقوعبولان رجا و ابرامنه مینی سولون  
 سارده عزیت ایلدی لیدیا مملکتدن حین مرورنده جابجاء عظیم دارات و احتشام  
 اصحابی بر چوق ذواته تصادف ایدوب بونلرک هر برینی کوردیکجه حکمدارک کندوسی  
 ظن ایدرایدی نهایت قریزوس تحت اوزرنده جالس و خاصه النفیس البسه سنی لابس  
 اوله رق قدومنه منتظر بولندیغی حالده سولون حضورینه داخل اولدی بودرجه زینت  
 و احتشام مشاهده سندن اصلاً صورت تعجب اظهار ایتدیکنندن حکمدار مشار الیه  
 سولونه توجیه خطاب ایله ای مهمان عزیز بن سنک عقل و حکمتجه اولان شهرتکی  
 ایشیدرم و چوق سیر و سیاحت ایلدیکی بیلورم فقط هیچ بنم قدر زروزیوره مستغرق  
 ادم کوردیکی دیو صورت تفاخر کوستر دکده خروس و طاوسک قیافتلری دهانفس  
 و اعلا در چونکه بونلر کند و شخصلرینی تزیین ایچون اختیار تکلف ایتیوب اسباب  
 احتشاملری مقتضای خلقتلریدر دیدی اشبوجواب غیر مأمولدن قریزوس زیاده متعجب  
 اولوب بالجه خزاننک کشاد اولنسنی و سراینده بولنان هر در لو ذی قیمت اشیانک  
 سولونه ارائه قلنسنی خدمه سینه امر ایلدکن صکره سولونی تکرار حضورینه جلب ایله  
 هیچ بنم قدر اختیار ادم کوردیکی دیدکده اوت کوردیم بودخی آننه اهالی سندن  
 طیلوسدر که بر منتظم جمهور تحت اداره سنده عرض و ناموسیله عمر کچور مشدر وایکی تربیه لی  
 چو جق ایله بونلرک تعیشلر ایچون بر مقدار مناسب اموال ترک ایلش و سلاح بدست اولدیغی  
 حالده وطنی اغورنده فدای جان ایتک شرفنه نائل اولمشدر اتنه لولرمومی الیه ایچون  
 وفات ایلدیکی محله بر مزار بنا و حقننده هر در لومراسم توقیر و احترامی اجرا ایتمشدر دیدی  
 قریزوس شو جوابدن دخی اولیکی قدر متعجب اوله رق ارتق سولونک بلاهتنه ذاهب  
 اولدی ویک ایو طیلوسدن صکره اک اختیار ادم کیمدر دیدکده سولون جوابه ابتدار  
 ایدرک و قتیله قلو بس ویتون اتمنده ایکی برادر وارایدی بونلر نهایت شجیع و توانا  
 اولدیغندن حرب و ضربده دائماً خصملرینه غالب کلورلر و بری برینی زیاده سورزایدی  
 یونون عباد تخانه سی راهبدرلندن اولان والدهلرینک برکون معبد مذکوره قربان  
 کوتورمسی لازم کلوب سوار اولدیغی عربنه نک صغرلری و قتیله یتشدیر یله مامش  
 اولدیغندن مر قوم برادرلر عربینی چکهرک معبد قدر کوتوردیلر و خلق بونلرک  
 شو حرکتی تحسین ایله دعا و ثنا ایتدیله والدهلری ایسه سر مست سرور اوله رق حقننده



اك خير لوسنك احسان بيورلسنى درگاه الهيدن نياز ايلدى قربان رسمى اجرا و طعام  
 تناول اولندقدن صكره مر قوملر او يقويه ياتوب اولكجه ايكيلى دخی وفات ايتديلر  
 ديدى قريزوس ارتق بونك اوزرينه اظهار انفعالدين كير و طوره ميه رق ايله ايسه  
 سن بنى بختياران عدادينه ادخال ايتيورسن ديمكله سولون جوابنده ايله اى ليديا  
 حكمدارى واقعا پك چوق ثروت و سامانه مال كسن و برخى طائفه لك حكمدار صاحب  
 اقتدار يسن فقط مدت حيات پك چوق تغيراته مظهر اولديغندن هنوز سرمزل  
 زندگاني يه واصل اولمامش برادرمك سعادت حالنه حكم اولندمز و دور زمان هران  
 خاطر و خياله كلز حوادث توليد ايتديكندن محاربه ختام بولمقجه فوز و ظفر ميسر  
 اولديغنه امنيت و اعتماد اولنما ملیدر ديدى قريزوس شو جوابدن زياده منفعل اوله رق  
 سولونى حضورندن اخراج ايدوب ردها ملاقاتنه رغبت كوسترمدى ايزوپ قريزوسى  
 اكلندرمك همچون ساردسه جلب اولنوب اول اثناده اوراده بولنديغندن حكمدار  
 مشار اليهك سولون كې برذات عاليقدر حقنده وقوع بولان سؤقبولندن طولايى  
 متأسف اوله رق اى سولون يا حكمدار لك يانه هيچ اوغرا مامليدر يا خود خوشلرينه  
 كيدهك سوزدن بشقه كندولرينه برشى سويلما ملیدر ديمكله سولون جوابنده بالعكس  
 حكمدار لك يانه اوغرا مامليدر و يا خود ممكن اوله ييلديكى قدر نصيحت ايتلى و نفس  
 الامر دن بشقه كندولرينه برشى سويلما ملیدر ديدى اول اثناده ايران شاهى بولنان  
 سيروس والده سنك پدرى اولان استياژى حبس و كافه ممالكنى ضبط ايتشيدى قريزوس  
 بوندن منفعل اوله رق استياژى تصاحب ايله ايرانلور عليه اعلان حرب ايلدى مشار  
 اليه فوق الغايه ثروت و سامانه مالك و اول وقت ملل سائر دن زياده شجيع و جسور  
 برمليك حكمدارى بولنديغى جهته كند و نجه ممتنع الحصول هيچ برشى يوقدر افكارينه  
 ذاهب اولمشيدى فقط حين محاربه ده مغلوب و منهزم اوله رق مذکور ساردس شهرينه  
 رجعت و اوراده محاصره اولنوب اون درت كون مدافعه ايتد كدن صكره دوچار  
 اسارت اوله رق و سيروسك حضورينه كتوريله رك دست و يانه زنجيرلر اوردى  
 و در حال برا و طون يغننك اوزرينه چيقاريلوب سيروسك و اتباع و عواننك  
 حضورنده اتشه ياقلق اوزره ليديا اهالي سندن اون درت چو جغك او رته سنه ربط  
 اولندى مذکور اوطون يغننه اتش و يرلك اوزره ايكن قريزوس شو حال يأس اشمالده  
 وقتيله سولونك كند و سنه سويلديكى سوزلرى تخطر ايله برآه جانسوز چكه رك  
 صوت بلند ايله سولون لفظنى تذكار و بونى برقاج كره تكرر ايلدى شو حال  
 سيروسك موجب استغرابى اوله رق عجباً بولفظ حال مضايقه واضطرارده  
 استغاثه اولنور بر معبود اسمييدر ديو سؤال كيفيت ايچون يانه ادم ار سال ايلدى  
 قريزوس اول امر ده جواب و يرمكن امتناع ايتش ايسه ده تضيق و اجبار اولندقدنه  
 كمال حزن و تأسغه آه بولفظ برذاتك اسمييدر كه حكمدار لاني هيچ بروقت يانلرندن



ایرما ملیدر لر و مصاحبتنی هر در او خزان و اموال دن زیاده معتبر طو تمیلیدر لر دیدی بر ازدها  
تضییق اولند قدسه بو بر حکیم یونانیه رک کمال سعادت و اقبال می کند و سنه ارا نه ایتک  
اوزره خاصه نزد منه جالب ایتشیدم اسباب احتشامه نکه انداز رغبت اولیه رق بونکر  
تفاخر باطلدر انسان عاقبت حاله نظر ایتلیدر و بی حساب مصائب و اکداره مظهر اولان  
سعادت و اقباله استناد اولنما ملیدر و ادریسنده سوزلر سو یلمشیدی اشته کلمات مذ کوره سنک  
جملة حقیقت حاله موافق اولدیغنی شمعی اکلادم دیدی قریزوس بونلری نقل و حکایه  
ایلدیکی اثناده او طون یننک اشاغی طرفی یاوب اتش یوقار و صارمغه باشلامش ایدی  
سیروس قریزوسک اشبو کلماتدن زیاده متأثر اولدی و وقتیه اولدر چه صاحب شوکت  
و اقتدار بولنان بر حکمدارک حال پرملالی کند و سنه موجب عبرت و انتباه اوله رق ایلروده  
کند و سی دخی بو مثالو بر مصیبت و ادباره دوچار اولمقدن خوف ایلدیکندن در حال  
اتشک اطفاسنی امر ایلدی و قریزوسک مقید اولدیغنی زنجیرلری رفع ایتدیردی و حقنده  
هر در لو حراسم احترامیه بی ایفا ایدوب مهمام امورده نصایحندن استفاده ایدر ایدی  
سولون قریزوسدن مفارقتنده سیبلیسی مملکتنه چکیلوب اوراده کند و اسمنه نسبتله  
سولون اسمنده بر شهر بنا ایلدی پیز یستراتک ارتکاب مظالمده اصرار ایتدیکی واستیلا سنه  
وقتیه ممانعت ایتدکلرندن طولای اتندلور اظهار دامت ایتدیکی اوراده کند و سنه  
خبر و یرالکله اتنه لوله خطاباً ز یرده مسطور مکتوبی تحریر ایلمشدر و شو حال کزی قهر  
الهی یه اسناد ایتدکلر محض خطادر اگر الیوم مضایقه واضطرار بده ایسه کز بو مجرد سزک  
خفت و جنت کزک و وطن حقنده حسن نیت اصحابنک سوزینه اعتماد ایتدی کزک و مجرد  
سزی اغفال چالشان بر ادمک مواعید کاذبه سنه الدائم کزک ثمره سیدر کند و سنه مستحفظ  
عسکر تحریر یندر خست و یردی کز که بو عسکر له سزی الی اخر العمر حال اسارتده طو تسون  
یونانستان داخلنده واقع قورنتا مملکتی متغلبی بولنان یر یاندر صورت احوالی سولونه  
تحریر ایدرک نصیحت طلب ایتدکلر سولون کند و سنه ز یرده مندرج جواب نامه بی یازمشدر  
و واقع اولان اشعار یکزه کوره بر چوق کسان خفیه اعلیه کزده عقد اتفاق ایتک  
صد دنده درلر کافه سنی قتل ایدرک خصما کزک سو قصدندن خلاص اولسه کز بیله ینه امین  
اوله مز سکر هیچ مأمور ایتدی کزک ز ادملر یعنی کند و جانندن خوف ایدن و یا خود  
سزک امنیت سزل کزکی بکنمیان و یا خود وطننه بر حسن خدمت ایتک افکار ینه  
ذاهب اولنلر سزی بردام بلایه دوشدر لر سزجه اتخاذا اولنه جق مسالکک اسلم  
و احسنی طریق تغای بالکلیه ترک ایتدکلر بو کامه قدر اوله مدیغکز تقدیر چه مملکتی  
کرکی کبی تحت ضابطه الهرق بر طرفدن قورقو کز قالماسق و کیمسینی نفی ایلکه  
مجبور اولماسق ایچون ممالک اجنبیه دن مقدار وافی عسکر جلب ایدی کز “بعده  
سولون قبریس جزیره سنه عزیمتله او بی شهری حکمداری بولنان فیلوسپرایله عقد



مودت ایلدی شهر مذکور غایت غیر منبت بر محله واقع اولدیغندن بونک دیگر بر مناسب  
 موقعده انشاسنی حکمدار مشارالیه نصیحت ایلدی و غایت منبت و لطیف براوه انتخاب  
 و کندوسنک ترتیب و تدبیر یله بو کاتشبث اولنسر ق حسن حصولی میسر اولدی  
 فیلو سیر بوباید تشکر اشهر جدید مذکور سولونه نسبتله سولاس تسمیه ایلدی سولون  
 مدت حیاتنده نعم ولداند دنیویهدن اعراض ایتوب اطعمه نفیسه و موسیقی و سایر  
 حظوظات نفسانیه دن حظ ایدر ایدی هیچ اصل و اساسی اولیه ر ق تصور و ترتیب  
 اولمش او یونلردن زیاده سیله نفرت ایدوب بوندن جهور حقنده مضرت کلور و فتن  
 و فساد تولد ایدمیلور اعتقادنده ایدی اتنده زیاده صاحب نفوذ و اعتبار بولندیغی  
 اثناده تسییس نام مؤلف ترتیب ایتدیکی تراجمیایی کندوسی اوینامغه باشلا دقده  
 اشبو او یونلریکی برشی اولق حسبیاه فوق الغایه محظوظیت عامه یی موجب اولوردی  
 سولون دخی آنکجه یی سودیکی جهتله بردفعه اشبو او یونده حاضر بولندیغندن تمام  
 اولدقده مؤلف مومی الیهی نزدینه چاروب بوقدر خلقك حضورند کذب ارتکابندن  
 اوتانمز میسکز دید کده تسییس بو مجرد لطیفه دن عبارت اولدیغندن بونده هیچ برأس  
 یوقدر دیدی سولون انده بولنان عصای پره اوره ر ق اوت او یله در فقط بو مقوله  
 یالانلر لطیفه عدیله تحسین اولندیغی حالده چوق کچمکسزین بونلر مصالح جهور و سایر  
 مهم امورده استعمال اولنور دیدی پیر یسترات خون الود اولدیغی حالده کندوسنی  
 مجمع ناسه نقل ایتدیرد کده سولون اشته شو حیه کارلارک منشائی شو ملاعب خبیثه در  
 دیو باغرمشیدی اتنده هر درلو مأموریتلرده استخدام اولمش ذواتدن مرکب اولق  
 اوزره آرئو پاژاسمنده بر مجلس اولدیغندن بونک احداثی بعضی مؤرخین سولونه اسناد  
 ایتلردر بر کون سولونه قنغی مملکت حقنده کسب کمال انتظام ایتش دینه بیاور دیو  
 سؤال اولمغله اهالیسی بر وجهله دوچار ظلم و غدر اولیه ر ق بشقه لری حقنده دخی  
 بر کونه تعدی وقوعنده کویا بوکا کندولری دوچار اولمش کی استحصال اسباب  
 اندفاعنه سعی و اقدام اولنور مملکتدر دیدی سولون اواخر عمرنده بحر محیط غربیه واقع  
 اولوب کندوسی مصرده ایکن استخبار ایتش اولدیغی بر جزیره احوالنه دائر بر منظومه  
 انشادینه ایتدار ایلش ایدده اتمامندن مقدم قبر یسده بولندیغی اثناده اوتوز بشیجی  
 اولیمیپ ایدده و تقریباً سکسان یاشنده اولدیغی حالده ونات ایتشدر کیملرینک سالامینه  
 نقل و حرق اولنه ر ق کولنی صحرالک هر طرفنه اتلشنی وصیت ایلدی وفاتندن صکره  
 اتنه لور سولونک ابقای نامیچون وضع ایتدیکی قوانین کابی انده و حکمدار قیافتنده  
 اولدیغی حالده تونجدن بر تصویرینی اعمال ایتدیله و سالامین اهالیسی دخی عامه یه توجیه  
 خطاب ایتدیکی والیری قفتاننک ایچنده مستور اولدیغی حالده دیگر بر تصویرینی اعمال  
 و اقامه ایلدیله سولون جاهل کندوسندن بر خطاط طهور زنده بشقه سند اسناد ایلهانی ذم



ایدر و طالب ادب اولان کسه بر خطا ارتکاب ایتدکده نفسی تقبیح ایدوب انسان کامل ایسه اویله بر حالده نه نفسی ونه ده بشقه سنی ذم ایدر دیر ایدی سولونه تنخی کیمدر دیو سؤال اولندقدده کندو مالیه سخاوت وبشقه سنک مالندن نفسی صیانت ایدندر دیدی صبیانده خوف و حیادن قنغیسی ممدو حدر دیو سؤال اولندقدده حیا ممدو حدر چونکه حیاء قله و خوف جبانته دلالت ایدر دیدی اوغلنه خطا با مزاحی ترک ایت اغبراری مستوج بدر دیدی بردفعه برادم کندوسنه شتم ایتدکده تحمل ایدوب مقابله ایتدی بونک سببی کندوسندن سؤال اولندقدده بر محاربه یه کیر شتمک استم که انده غالب طرفینک اردلی اوله دیدی آت نه ایله سمز اولور دیو سؤال اولندقدده صاحبک کوز یله دیدی

### ✽ سقراط ✽

سقراط یتش یدنجی اولمپیادک دردنجی سنه سنده یعنی میلاددن ۴۶۴ سنه مقدم تولد ایدوب طقسان بشنجی اولمپیادک برنجی سنه سنده یتش یاشنده اولدیغی حالده وفات ایلشدر سقراط آتیه یه تابع الویس قصبه سندن اولوب متقدمین عنندده متفق علیه اولدیغی وجهله علم و اخلاقجه قدما ی فلاسفه نك جمله سنه فائق ایدی پدری طاش اومه جیسی سوفرو سین ووالده سی قابله فارانت ایدی ابتدافن حکمتی اناکسا غوراسدن وبعده ارخه لاوس نام حکمدن تدرس ایلدی فقط حقایق اشیای تحری و استکناه ایله اشتغالک تهذیب اخلاقه مداری اولدیغنی اکلامغه آداب و اخلاقه متعلق مواده صرف افکار ایتش و بو وجهله یونانلور ییننده حکمت ادبیه نك واضعی حکمنده بولمشدر رومامشاهیر خطبا سندن قیقرون دیمشدر که سقراطدن اول کلان فیلسوفلرک جمله سی مجرد حقایق اشیانک تحریسیله اشتغال ایلدیکی حالده سقراط فلسفه یی بوندن تخلیص ایله هیئت اجتماعیه وظائفنه متعلق مواده تخصیص ایلدی و بو وجهله دائماً اخلاق حمیده و ذمیمه و خیر و شر نه دن عبارت اولدیغنی تحقیق و تدقیقنه حصر افکار ایدرایبی و نجومه متعلق مواد بزم درجه ادرانکزک مافوقنده اولوب بالفرض بو کاقدر تمزتعلق ایتسه بیله تهذیب اخلاقه قطعاً مداری اوله مز دیر ایدی آتیه اولو وجهله سقراط فلسفه نك یالکز اخلاقه متعلق اولان جزوئیه اشتغال ایلدی و کندوسی قولیه عامل اولوب کرک صلح و کرک حرب حالنده حسب الامکان وظائف انسانی حسن ایفا ایلدیکی جهته وضع ایتدیکی اصول جدیده فلسفه جله عننده برقات دهارهین قبول و تحسین اولمشدر مشهور اولان فیلسوفلرک ایچنده یالکز سقراط جنکه کتمشدر بولدیغی ایکی محاربه ده دخی هر تقدیر منسوب اولدیغی طرف مغلوب اولمش ایسه ده کندوسی مخاطراتی اقتحام ایله ابراز



جسارت ایتشدر محاربات مذکورہ نك برنده زنفونی ( ۱ ) اولومدن قورتارمشدر چونکہ مومی الیہ هزیمت حالندہ اتدن دوشدیکندن سقراط اکرانی اوموزینه الهرق قاجش اولان اسپ طوتانجیه قدر برقاج یوز قدم کتورمامش اولیدی مطلقاً دشمن یدنه مقتول اولور ایدی دیگر محاربہ دہ دخی اتنه لولر کلیامنهزم اولهرق فرار ایتشدر ایکن کندوسی جلد دن صکره محاربہ دن یوز چویروب اثنای عودتندہ دخی بر درجه اظهار بسالت ایتشدر کہ فراریلری تعقیب ایدنلر اوزرینه هجومه جسارت ایدہ مامشدر سقراط اشبوایکی محاربہ دن بشقه وقتده آتند دن طیشارو چیقماشدر سائر فیلسوفلر علما الیہ الفت ایدرک معلومات جدیدہ تحصیل ایتک مقصایہ ممالک سائرہ دہ برازوقت سیروسیاحت ایلدکلری جهتله سقراط بو بایده دخی انلرک مسلککنہ مخالف حرکت ایتشدر چونکہ کندو اصول فلسفہ سی تهذیب اخلاق ومعرفت نفس مسائلندن عبارت اولوب بولردخی اتندہ کندو همشهریلری ایچندہ تحصیل اولانه بیله جکندن اسفاربعیدہ تکلفاتی اختیاره حاجت کورمامشدر و بوندن قطع نظر مملکتندہ بولنهرق همشهریلرینک تهذیب اخلاق واصلاح احوالرینه سعی ایلدی وجیبہ ذمت همت عد ایدرایدی حکمت ادبیہ اقوالدن زیاده افعال الیہ تعلیم اولنور بر علم اولدیغندن اوضاع وحرکاتندہ عقل سلیمک ارأه ایلدیکی طریق مستقیمدن سر مو انحراف ایتزایدی بردفعه مجلس بلده اعضا غنه تعیین اولنهرق قانون موجبجه بیان رأی ایلکه قسم ایتش اولدیغندن اهالینک خلاف قانون اولهرق طقوز نفر رؤسای عسکرک قتلی حقندہ وقوعبولان حکمنه رأی ویرمکدن استناع ایلدی حتی زیاده صاحب نفوذ اولنلردن برقاج ذات کندوسی تهدید ایتش اولدقلری حالده اهالی به مماشات ایچون یمینندہ حانث اولق بر اهل عرض ادمه کوره یاقشمز دیدی سقراط اشبودفعه دن بشقه مقام حکومتده بولنمیوب آحاد ناسدن معدود اولدیغی حالده مجرد کمال عفت و فضیلت اخلاقی جهتله اتندہ بر درجه اعتبار کسب ایتش ایدیکه حقندہ حکامدن زیاده توقیر واحترام اولنور ایدی امور ذاتیه سنک تسویه سنه اولد فچه اعتنا ایدوب کندو ایشلرینه باقیانلری ویاخود بو بایده مسامحه واهمال کوسترنلری تقبیح ایدر ایدی پر عمرده لکله احتشام یننده حد اعتدال کوزه درک دائمایمز و حالنه مناسب البسه تلبس ایدرایدی هر نقدر کندوسی اغنیادن دکل ایسه دہ غنای طبع و علمو جناب اصحابندن اولوب درسنه دوام ایدنلردن دخی بر شی قبول ایتزایدی سائر فیلسوفلردر سارینی صاتوب شاگردلردن حالرینه کوره اچده دقلرندن و بایده سقراطه طعن وتعریضدن خالی اولمزرایدی بوکا جواب سقراط دخی فضیلت اخلاق تعلیمی صنعت اتخاذ ایتش اولان بر ادم کویا اهل عرض ادم یتشدر مک وشاگردینی کندوسنه محب ایلک مساعی واقعه سنه بدل کافی ونفع وافی



دکل کی بشقه بر منفعت جابنه نصل قالقشه بیلور اکلايه هم دیر ایدی اتیفون اسمنده  
 برسفسطه جی اشبو غنای طبع خصوصندن طولای کنندوسنک اتباع ایتک استمدیکی  
 بر قاعده ادبی بیانه تصدی ایه بر کون سقراطه دیدیکه تعلیم ایتدیککر ادملردن برشی  
 قبول ایتامکر زده حقکر وارد بر وجهله حقیقه اهل عفت اولدیفکر زی اثبات ایده یورسکر  
 چونکه سز کندو خانه کزی والبسه و یا خود دیکر بعض اشیا کزی صاته جق اولسه کز  
 بالطبع باد هوا و یا خود دون بهایه و یرمیوب دکر یله فروخته سعی ایدرسکر فقط برشی  
 بیلدیککر کندو کرک دخی مجزومی اولوب بوجهله بشقندرینه برشی تعلیمند غیر مقتدر  
 اولدیفکر دن کندولرینه تعلیم ایده مدیککر برشی مقبلنده شا کردانکر دن اجرت قبول  
 ایتک مغایر نصف اولور شو حرکت غنای طبعکر دن زیاده عفتکر زه دلالت ایدر فقط  
 سقراط بو باده جواب باصواب اعطاسیله مومی الیهی بالسهموله هبط ایلشدر شویله که  
 بعض شیلر واردر که هم حسن استعماله و همده سوء استعماله قابلدن بر ادم کندو باغچه سی  
 محصولندن بردوستنه برازمیوه اهدا ایتک ایه صامق بیننده کلی فرق واردردیمشدر  
 سقراطک سائر فیلسوفلر کی اوقات معینه ده درس او قوتوق ایچون مخصوص محل اولیوب  
 اصول تدریسی هر زرده اولور ایسه اولسون یاننده بولنانلر ایه صحبت ایتکدن عبارت  
 ایدی میلیتوس ( ۱ ) سقراطه بعض شیلر اسناد ایدوب از جمله اتنه لورک  
 معبودی اولان الهلره اعتقاد ایتیه رک بر طاقم آلهه جدیده اتخاذ ایتسندن طولای  
 اتهام ایتش ایسه ده شومد عامحض افترا اولوب چونکه سقراطک بو باده متمسک اولدیغی  
 و کندوسنک رأینه مراجعت ایدناره توصیه ایلدیکی اصول دائماً اولون کاهننک  
 تنبیهاتی وجهله عمل اولنق قصیه سندن عبارت ایدی و آلهیه نوجهله عبادت اولنق  
 اقتضا ایده جکی حقنده مذکور کاهنه مراجعت اولند قجه هر کس کندو مملکتنک  
 اصول و آیینی وجهله اجرای عبادت ایتلدر دیو جواب ظهور ایدر ایدی سقراط  
 دخی تمام بو وجهله حرکت ایدوب الهلره بعض قرابین و هدایای جزیه تقدیم ایدر  
 ایدی اشبو هدایا هر قدر جزئی و حقیر ایسه ده بولک هدیه لر تقدیم ایدنلر کی قدر مقبول  
 اولور اعتقادنده ایدی چونکه قدرتی انجق بوکا مساعد اولوب عند الهیده ایسه  
 کندوسنه تقدیم اولنان هدایای کلیه هدایای جزو یددن زیاده رهن قبول اوله مز و اهل  
 صلاحک اخلاص و عبودیتی هر شیدن زیاده مقبول اولور اعتقادنده ایدی سقراطک دعا  
 و مناجاتی غایت ساده و اصول زهد و تقوایه ک موافق ایدی شویله که تعیین مطلب ایتیوب  
 حقنده خیر او اولانک احسان اولمنی نیاز ایدر ایدی و دیر ایدیکه مال و جاه طلب ایتک  
 عادتا حرب ایتیکه و یا خود زار اتعنه مساعد ایتک کیدر چونکه کرک حربک و کرک

( ۱ ) آتند شعرا و خطباء سندن بر ذاتر که بعض روایتده کر ره سقراط حقنده  
 اولان عز و یتک محض افترا اولدیغی تبیین ایتسی اوزرینه مجازاة قتل اولنمشدر



او یونک نتیجه سی نه اوله جغی بیانه من سقراط کندوسنه ترددی اولناری عبادت آلهه دن منع ایتدکدن بشقه بالعکس مبالات دینیه لری اولیانلری طریق تدینیه ترغیب ایدرایدی ارسیتودیموس اسمنده بریسی آلهه یونانه اعتقاد ایتیوب بوناره قربان تقدیم ایدناری دخی تزییف ایتدیکندن سقراطک شخص مرقومی طریق تدین وتقوایه سوق وادخال ایلدیکنی زنفون نقل و بیان ایلشدر مؤلف موعی الیهک روایتنه کوره سقراط احکام قضای الهینک تمشیت امورینی ادمده دخی مدخلی اولدیغنی اعتقاد ایدرایدی سقراط فقیر اولوب فقط شو حالندن پک خشنود ایدی دوستان و شاگردانک کندوسنه تقدیم وقبولیچون ابرام ایلدکاری هدایای قبول ایتسه زنکین اولق کندوسنجه امر آسان اولدیغنی حالده هدایای مذکوره پی رد ایدرایدی وزوجه سی بومقوله اصول حکمتدن ذوق المدیغنی جهته زوجنک شو حرکتندن منفعل اولور ایدی سقراط امر معیشتده بدرجه مضایقه وزجت چکر ایدی که سالف الذکر سفسطه جی ( انتیفون ) سقراطک شو حالنه طعن وتعریض ایله بوفقرو مسکنسته هیچ براسیر بیله تحمل ایده من و قیافتک فقیرانه اولدقدن بشقه برلباسی هم یازین و همده قیشین کیرسن و دائماً یالین ایاق کزرسن دیدی فقط سقراط جوابنده اگر سعادت سهه حال وتنعمده در اعتقادنده ایسه کز خطا ایدرسکز هر نقدر بن ظاهر افقیر کورینور ایسه مدد سندن زیاده سعادت عالم وادر هیچ برشیئد محتاج اولماق خواص الهیه دن اولوب بوجهته انسانک احتیاجی نقدر از اولور ایسه اولقدر مقام ربوبیته مقرب اولور دیدی سقراطک فضائل اخلاقی جمله نک تحسین و تعجبینی موجب اولوب بالخصوص آتیه ده فضلیت اخلاقه رعایت ایده میاذازیله بونک اربانه سرفرو ایلدکاری جهته سقراطک شو حال شهر مذکورده فوق العاده کورینور ایدی بناء علیه عموم اهالی سقراط حقیقده فوق الغایه حرمت وتعظیم و پک چوق کسان کندوسندن تلمذا ایدر لرودرسنی دکلکی و کندوسیه صحبت ایلکی هر در او حظوظاته ترجیح ایلر ایدی سقراط کندو نفسی حقیقده شدت ایدوب سائر لری حقیقده امکان مساعد اولدیغنی درجه ده لطف وملایمت کوستر دیکدن شو حال بر قاتدها جلب قلوب ناسه مدار اولمشیدی درسنی استماعه کلان کنج لره هر شیدن اول مخافته الله وطریق زهد و تقوایی تعلیم وبعده شهواته انهماک انسانک سرمایه سعادت حالی اولان حریتنک انسلابنه سبب اولدیغنی بیان وتوضیح ایله هر حالده حد اعتداله رعایت لازم کله جکی تفهیم ایدر ایدی و اصول تدریسی مصاحبت طریقله اولوب برکونه درس حاضرلق عادتق دکل ایدی اتفاق اوله رق ظهور ایدن بر مسئله اوزرینه بحث اچار وابتدا حل شبهه ایتک استیان برادم کی بر مسئله میدان قویوب اولباده ویریلان اجوبه اوزرینه بسط مقال ایدرایدی اشته هر کون بر قاج سعادت بوجه علم اخلاق تعلیمیه اشتغال ایدوب هر کس بلا مانع حضورینه داخل



و صحبت کردن فائده کلیه حاصل ایدر نرایدی سقراطك هر قدر تالیفات یوق ایسه ده اصول  
ادبیه سی و بوندن صورت بحشی فلاطون و زنفونك اثارنده مشهود در چونکه سقراطك  
شا کردنی اولان مومی الیهمانك سقراطدن نقل ایتدکاری موادده و بالخصوص اصول  
مناظره ده مشهود اولان انفاقاری سقراطك اصول متخذه سی اولدیغنه دلیل واضحدر  
اصول ادبیه سی حقنده بویه دینه مز چونکه فلاطونك ایسیس عنوانیه ضبط ایلدیکی  
بر محاوره بی او قود قد نصره سقراطك دخی کندوسنه دیدیکی وجهه فلاطون سقراطه  
بعض سویلیدیکی شیلر اسناد ایدر ایدی فقط زنفون بوبابده ده از یاده شایان اعتماد اولوب  
چونکه مومی الیه سقراط الیه دیگر بر ذات بیننده و تو عیولان محاوراتی و قری اوزره  
نقل ایدر ایدی۔ هر کشی طریق تدین و تقوایه سوق و ترغیب ایدن بر ذاته کفر و افساد  
اخلاق اسناد یله قتلنه حکم اولنسی طوغریسی غرایب احوال دندر واقعا شوظلم صریح  
بر اختلال اثناسنده و او توز حاکم زمان فترت نشاننده وقوع عیولشدر بوقعه نك نوجهله  
اولدیغی بوجه آتی بیان اولور۔ اشبو او توز حاکم دن (قریتاس) الیه (السیبیاد) و قتیله  
سقراطك شا کردی اولوب فقط بونارک سوء اخلاقاری سقراطك تعلیم ایلدیکی اصول  
حکیمیه توافق ایلدیکی جهتله اندن اعراض ایتد ایدی سقراط اعراض نفسانیه سنه  
انهمما کندن طولای بی محابا کندوسنی توبیخ ایلدیکی جهتله قریتاس سقراطك ال بیوک  
دشمنی اولوب مسند حکومت کده سقراط بونارک مظالم واقعه سنه قطعاً تحمل  
ایده میوب حقارنده سر بیستانه سوز سویلر ایدی حتی هر کون اها لیدن بر چوق بیکنه اهلری  
قتل ایلد کلرینی کوردیکی جهتله بر مجلسده دیشدر که رعی ایتك اوزره کندوسنه  
بر مقدار اینك تسلیم اولنان بر آدم بوا اینکاری کوندن کونه زبون و عدد دزی نقصان اوله رق  
کتوردیکی حالده کندوسنك نا اهل چوبان اولدیغنی اعتراف ایتد ایسه پک غریب اولور  
او توز حاکم اصحاب نفوذندن اولان مومی الیهما قریتاس الیه خار یقلیس سقراطك شو  
مثال دن مرادی کندوزی اولدیغنی فهم ایلد کلرندن اولا آتنده فن خطابت تعلیمك  
منعی حقنده بر قانون وضع ایلدیار و هر قدر سقراط هیچ برو قته بوضعتی اجرا ایتماش  
ایسه ده بوندن مراد کندوسی اولوب بو طریق الیه عادت اوزره دوستلریله علم اخلاقه  
دائر صحبت ایلنسك منعی داعیه سنده بولند قارینی تفرس ایلدی۔ بونك اوزرینه قانون  
مذکورك واضعی اولان مومی الیهمانك نزدینه کیدوب استیضاح مرام ایلدی و ایراد  
ایتدیکی اسئله دئیقهیه جواب ویرمکده مضطرب اولد قارندن کنج ادم لرله مصاحبت  
ایتك کندوسنجد ممنوع اولدیغنی قطعاً بیان ایلدیار سقراط سن شبابتك قاج یاشنه قدر  
شمولی اوله جغنی اناردن سوال ایتسی اوزرینه او توز یاشندن اشاغی اولنره کنج نظریله  
باقد قارینی سویلدیلر سقراط بو کا جواب ویرمک مثلاً بریسی کلوب خار یقلیس  
ویا خود قریتاس زرده در دیو سوال ایتد هیچ جواب ویرمیدم می دیکده خار یقلیس



اوت دیوب قریتیاس دخی سنک مقالاتکدن سماعینه فتور کلمش اولان برطاقم اشخاصی  
شمیدیدن صکره باشکه جمع ایده میه جکسن دیدی سقراط بکاتابع اولنلردن بریسی مرحت  
ونصفت ندر دیو سؤال ایدر ایسه ینه جواب ویر میه می دیدکده خار یقلس اوت  
چوبانلریله سؤال ایتسه ینه جواب ویر ماملیسن وسنده اینکرلک عددنی ازا تماملیسن  
دیدى بونک اوزرینه سقراط سالف الذکر صغر مثالی مومی الیهایی زیاده اغضاب ایدوب  
حقنده فوق الغایه خصوصتلیرنی جلب ایتش اولدیغنی فهم ایلدی

فقط سقراطك فضائل اخلاق ایله شهرتی اولدیغنی جهتله علیهنده بردعوی اقامه سیله  
مرافعه سنک اجراسی انظار ناسده مستهجن اوله جنی جهتله اول امرده ناموس  
واعتبارینک کسری اقتضا ایده جکنی تصور ایلدیار اریسطوفان نام برذات اسحاب  
اسمنده بر قومیدیا تنظیم ایدوب بونده سقراط کویا باطلی حق صورتنده ارئه ایملک  
اصولنی تعلیم ایلدیکی کوسترلدی اشبو قومیدیانک سقراط حقنده سوء تأثیری مناهده  
اولمغه میلایتوس برطاقم اتهاماته قیام ایله اولاسقراط اتنه اولرلک معبودی اولان الهلزی  
انکار ایله آلهه جدیده اتخاذوثانیا کنجلی افساد ایدوب یعنی بونلره والدین واقربالرینه  
وحکامه حرمت ایتامکی تعلیم ایلدیکنی ادعا واشبو ایکی جنایتدن طولای قتلنی طلب  
ایلدی اوتوز حاکم و بالخصوص سالف الذکر قریتیاس ایله خار یقلسک سقراط حقنده  
هر نقدر خصوصتلی درکار ایسه ده اگر کندوسی بعض مرتبه صورت مدارا کوسترمش  
اولسیدی قتلنه حکم ایتلری مشکل ایدی فقط دفع دعواده زیاده صلابت وعلو جناب  
اظهار وحتی بعض مرتبه قباحتلی اولدیغنه حمل اولنور مظالمه سیله جزای نقدی  
ویرمکدن دخی امتناع ایدوب بالخصوص نه مقوله جزایه مستحق اولدیغنی کندوسندن  
صورلدقده بقیه عمرنده شهر عمارتنده اقامه اولنهرق بیت المالدن اتفاق اولمغه مستحق  
اولدیغنی کمال مکانته سویلادیکی جهتله حکام شوحرکاتندن برقات دها منفعل اوله رق  
قتلنه حکم ایتدی لرلیسیاس اسمنده بر فیلسوف سقراطک برأت ذمتنه دائر بر مقاله تنظیم  
ایدوب حضور حکامده قرائت ایملک اوزره کندوسنه اعطا ایتدکده سقراط بونی  
مطالعه ایلرکدن صکره پک اعلا اولمش فقط بنم ایشمه پراخز دیه رک صاحبنه اعاده  
ایلدی لیسسیاس مادامکه تحسین ایدیورسکز نیچون ایشکزه پراخز دیو سؤال ایتدکده  
عزیزم بعض البسه وایاق قابیری پک اعلا اولدقاری حالده بکا الویرمز دنبله مز می  
دیو جواب ویردی فی الواقع مقاله مذکور پک بلیغ و مؤثر ایدیسه ده سقراطک استقامت  
وخلوص طویتمه ناچسبان بر صورتده قلمه النمشیدی سقراط قتلنه حکم اولندقدن صکره  
محبسه کوتوریلوب بالیران اوتی خلاصه سی تناولندن متأثرا برقاچ کون صکره  
وفات ایلدی اولوقت اتنه ده قتلنه حکم اولنانلر بو صورتله اعلام اولنور ایدی  
دیو جانس لایر قک بیاننه کور سقراط ایکی دفعه تأهل ایتشد فقط بونلردن یالک زانتیب



معروف اولوب بوندن سقراطك تمبروقلس اسمنده براوغلى تولد ايلشدر مرقومه سوء  
اخلاق ايله مشهور اولوب سقراط بونك هر درلو اذا وجفا سنه تحمل ايدر ايدى  
واكر رفاقتنه تحمل ايدم ياور ايسم ارتق دنيا ده بنم ايچون تحمل اولميه جق برشى  
قالز اعتقادنده اولديغدن بونى تزوج ايلدم دير ايدى سقراط بعض حالاتده كندوسنه  
افكار صائبه القا ايدر بر پرييه مقارن اولديغنى ادعا ايدر ايدى فلاتون وزنفون  
وديكردى قدامى مؤلفين بونى ذكر ايتشار وحتى پلوتارك واپوله و ما قسيم بوبابده  
برر كتاب تأليف ايلشدر سقراط شاكر دزينه من حيث الاراده ممتاده و طبيعت جهتيله  
حياتده اوليكز دير ايدى قتل اولنله جنجى وقت زوجده سي فر ياد و فغانه باشلد قده سقراط  
نيچون اغليور سن ديو سؤال ايلدى سنى بغير حق قتل ايدم جكارانك ايچون اغليورم  
ديد كده شاشقين يا بحق مى قتل اولنمق لغنى استرايدك ديدى بر كنج ادم امر تزوجده  
كندوسيله استشاره ايتد كده صاقين سنده بالغك اغ ايله اوغرا ديغنه اوغراميه سن  
چونكه خارجده اولان بالق اغك ايچنه كيرمك وايچنده مى طيشار و چيتمق استرديدى  
حيواناتك الكوزلى قنغيدريدرديو سؤال اولند قده قاديندر ديدى انسانلرك حكمداردن  
منفعتى ندر ديو سؤال اولند قده ارادتلى اولميدرق انلره ادب تعليم ايدر ديو جواب  
ويردى عشق حيوانك بقا سيچون خلق اولمش بر قوت اولوب حيوانى موجب  
تناسل اولان قربانه سوق ايدر و حيوانك شخصى باقى قاله من ايسده بو وجهله نوعى  
باقى قالورد ديدى عاشقك الكوزله محبتى بوندن حاصل اوله جق ثمره نك الكوزل  
اولمى حكمتنه مبنيدر دير ايدى نيچون هيچ بروقت سنده اثر حزن كورلر ديو سؤال  
اولند قده ضايع اولديغى حالده موجب كدر اوله جق هيچ بر شيئه مالك اولمديغم ايچوندر  
ديدى فضائل اخلاق سن بي بهره اولمق موده معادلدر انسان اجر اسنى استحسن  
ايتديكى فعلى خاطرينه كتور مماليدر هر شخصك عطيدسى همتنه كوره در شهواتنه  
اسير اولنلرك حرفاضل اوله بيلمى قدر استبعاد اولنله جق شى يوقدر انسانى قوليله دكل  
فعليه امتحان ايتليدر اطبا خستكانك سبب سلامتى اولديغى كې قوانين دخی مظلومينك  
سبب سلامتيدر ويرميه جك شينى ويرمك ايله ويريله جك شينى ويرماك مساويدر اوخو  
كوچك اولوم واولوم بيوك اوخودر دير ايدى

### ✽ افلاطون ✽

افلاطون سكسان سكرنجى اولمپيادك برنجى سنه سي يعنى ميلاد دن در تيوزيكرمى  
بش سنه مقدم تولد ايدوب يوز سكرنجى اولمپيادك برنجى سنه سنده سكسان بر ياشنده  
اولديغى حالده وفات ايتشدر افلاطون مسقط رأسى اولان آتنه شهرينك اشرف  
خاندانندن برينه منسوب اولوب مذهبك علوقدر وشانندن كنيايه اولمق اوزره



افلاطون الهی عنوانیاه شهرت بولشیدی پدری قودروس ( ۱ ) سلاله سندن  
 اریستون ووالدهسی سالف الترجه حکمدان سولون نسلندن پریکسیوندر ابتدا اسمی  
 اریسطو قلس ایدی فقط کندوسی اوزون بویا وولطم و بالخصوص وسیع الجبهه  
 و عریض الاکتاف اولق حبیبیه بعده پلاطون ( ۲ ) تسمیه اولنوب بونکله شهرت شعار  
 اولمشدر۔ روایت اولندیغنه کوره هنوز بشکده ایکن اریارطوداغنه بال دوکرلر  
 ایدی و بودخی ابنای وطنی بیننده مایه امتیازی اولان فصاحت بحبیه سند براعت  
 استهلال عد اولنور ایدی هنگام صباوتنده شعره هوس ایدوب برقاج مرثیه وایکی  
 تراجیدیا ( ۳ ) نظم ایلشیدی فقط علم حکمتله اشتغاله باشلادقده بونلرک هپسینی  
 اتشه اتمشدر پدری کندوسی تربیه و تعلیم ایچون سقراطه تقدیم ایتدیکند، یکر می  
 یاشنده ایدی سقراط بوندن بر کجه مقدم رؤیاسنده قوجاغنده قوغوقوشی یاوریدی  
 کوروب اشبو قوش تویاری کلدکده قنادزینی اچهرق و نفیات نفیسه ترخم ایدرک کمال  
 جسارتله اوج حمایه عروج ایلشیدی سقراط اشبورؤیایی افلاطون ایله تعبیر ایدوب  
 موهی الیهک برکون اوج اعلای استهواره واصل اوله جغنه فال عد ایلادی فلاطون  
 سقراطک وفاتنه قدر کمال صدق و خلوص ایله مجلسنه ملازمت ایدوب فقط وفاتندن  
 صکره هراقلیطس مذهبنه تابع ( قراتیله ) و ( پارمنید ) مذهبنه سالک  
 ( هرموجینس ) نام حکمایه انتساب ایلدی یکر می سکزیاشنه واصل اولدقده  
 سقراطک دیگر شاگردانیله برابر اقلیدسندن تلمذ ایلک اوزره ( میغار ) شهرینه  
 عزیمت واورادن ( سپرن ) شهرینه کی۔ رک محل مذکورده تؤدروسدن علم  
 هندسه تحصیلنه مبادرت و بعده ایتالیا یه کچهرک اول زمان یک مشهور بولنان  
 فیثاغورسیلرک درس لرینه مداومت ایلدی اشبو اساتذۀ عظامدن تلقی ایتدیکی علوم  
 ایله اکتفا ایتیموب مصر علما و حکما سندن دخی اقتباس انوار علم و معرفت ایتک اوزره  
 ممالکت مذکوریه عزیمت ایلدی اول اثناده اسیاده بولنان محاربات مانع اولمشیدی  
 مجوس یاردن دخی استفاده ایلک اوزره هندستانه دخی کیده جک ایدی اشبو سیاحتلردن  
 صکره آتنه یه عودت ایدوب ( اقاده می ) اسمنده برقریه ده تمکن ایلانی محل  
 مذکورک هواسی وخیم ایدده سخن و عافیت تامه سنی اصلاح و تعدیل ایتک مقصدیله  
 محل مذکورری خاصه انتخاب ایلدی وفی الواقع بوعلاجک تأثیرینی کوروب شویله که  
 اولابر جای مربعه مبتلا اوله بونی تمام بر یچق سنه چکسی فقط پرهیز و قناعته زیاده  
 دقت ایتدیکی جهتله علت مذکورده مندفع اولوب اولانکندن زیاده کسب عافیت ایلدی

( ۱ ) اتنه حلمدارلر ینک الک صکره کیسیدر

( ۲ ) پلاطونیونان لساننده اینلومعنا سنده در

( ۳ ) بروقه مؤله ایله منتهی اولور حکایه منظومه در که تیاتر وزده اوینانیلور



فلاطون اوچ کره محاربه یه کتمشدر اشو محارباتک برنجیسی تانغار ایکنجیسی قورنته  
 اوچنجیسی دیلوسده وقوعبولوب محاربه اخیره ده منسوب اولدیغی طرف غلبه  
 ایلشدر اوچ کره دخی سحلیایه کیدوب ایلاک دفعه سی مجرد سیروسیاحت ( واتنا )  
 جبل اتش فشانن یان دیغی رؤیت ایتک ایچون ایدی اولوقت سحلیا حکمداری اولوب  
 غدار لقله مشهور بولنان ( دنیز ) کندوسنی کورماک استدیکنندن سراینه  
 کیدوب حضورنده ظلم واعتساف حقنده بر درجه سربستانه لقر دیلر سویلدیکه  
 حکمدار مشارالیه زیاده منقل اوله رق اعدامنی تصمیم ایتش ایکن بعض ذواتک  
 شفاعتیه عفو ایدوب فقط قتله بدل کندوسنی نزدنده بولنان لقدومونیا ایلیچسی بولید  
 نام ذاته تسلیم واسیر اوله رق فروخت ایلمنی تنبیه ایلدی سفیر مومی الیه دخی فلاطونی  
 ( اغینا ) نام خزیره کتوروب اوراده فروخت ایتدی جزیره مذکوره اهالیسی  
 مملکتلرینه آتیه لولک ایاق باصمامسی وخلافنده حرکت ایدنارک قتل الیه مجازات اولمسی  
 حقنده بر قانون وضع ایتشار ایدی ( خارماندر ) اسمنده بر شخص فلاطونک آتیه لو  
 اولدیغی وقانون مذکوره مغایر حرکت ایتدیکنندن طولای قتل مستحق بولندیغی  
 محله اخبار ایتش ایسه ده بعض خیر خواهان قانون مذکور عادی ادملر حقنده اولوب  
 فیلسوفلره شمولی اوله من دیو تأویل الیه صحابت ایلدکارینه منی جزیره دن اخراج  
 اولمق اوزره فروختیه اکتفا ایتدیلمساعده طالعند منی قیروانی انیسوس نام بر ذات  
 اوراده بولندیغندن کندوسنی یکرمی الترنه صاتون الرب آتیه ارسال ایلدی  
 فلاطونی ابتدا صاتمش اولان سالف الذکر ( پولید ) بر محاربه ده مغلوب اولدقدن  
 صکره صوده غرق اولمشدر کویا طائفه جندن بریسی وقتیه مر قومه خبر ویرمش  
 اولدیغی وجهله شوفلا کتار فلاطونه ایتدیکی اذا وجفادن طولای جزای عملی اولدیغی  
 روایت اولنور حکمدار مر قوم دنیز فلاطونک آتیه عودتنی استخبار ایتدکده  
 کندوسنی مذمت ایده جکندن خوف ایدوب حتی استعفای قصور معرضنده فلاطونه  
 بر مکتوب دخی ارسال ایلدی فلاطون یازدیغی جوابنامه ده اولبایده اندیشه ایتیکز  
 علم حکمت الیه کمال اشتهالم سزی دوشتمکهمیدان ویرمز دیدی فلاطون مر قوم دنیزک  
 اوغلی زمان حکومتنده اوراده بولنان همشیریلرینک اطلاقه وکندوتبعه سی حقنده  
 رفق وملایمتله معامله یه ترغیب ایتک مقصیده سحلیایه بردفوه ده سفر ایلدی فقط  
 درت ماه اوراده اقامت ایدوب حکمدار مر قوم نصایح واقعیه سی قبول ایتدکدن  
 بشقه دیونی ( ۱ ) نفی واجلا وپدیری کی مظالم وتعذبات اجرا ایلدیکنی کوردکده  
 اوراده طور مق استمدی و حکمدار مر قوم هر قدر کندوسنی توقیر و احترام واوراده  
 قالسیچون ابرام ایلش ایسه ده موافقت ایتوب آتیه عودت ایلدی بعده اوچنجی

( ۱ ) دیون سیراقوسلی اولوب فلاطونک شا کرد و دوستی و دنیزک دامادی ایدی



دفعه اولی اوزره بحلیایه کیدوب مومی ایله دیونک نفیدن اطلاقنی التماس و ترک حکومت حقنده خیر و اولدیغنی حکمدار هر قومه سر بیستانه سویلادی اول دخی ابتدا صورت موافقت کوسترمش ایسه ده بده سوزنده ثبات ایتدیکندن خلف وعدندن طرلانی تویخ ایله بدرجه ده اغضاب ایلدیکه معرض تلفده بولندی و تارانتلی ( ارخینس ) برسفینه ایله مخصوص برسفیرار سال ایدرک فلاطونی طلب ایتامش اولیدی بلکه قتل اولنورایدی حکمدار هر قوم ارخینسک رجاسی اوزرینه فلاطونک عزیمتنه رخصت ویردکن بشقه اثنای سفرده اقتضا ایدن ذخائر و ارزاقی دخی سفینه سنه وضع ایتدیردی فلاطون ارتق بردها چیتماق نیتیه آتیه عودت ایدوب اهالی کمال توقیر و اعزاز ایله کندوسنی استقبال ایلدیرو بر حکومت مأثوریتی قبول ایتسی چون هر نقدر کندوسنه ابرام اولنش ایسه ده اول اثناده اهالی یه عارض اولان فساد اخلاق جهتیه ابراز حسن خدمته موفق اوله مم دیهرک بروجهله موافقت کوسترمدی بتون یونانستان اهالیسی فلاطون حقنده فوق الغایه حرمت ایدوب حتی برکزه اولمپیاد جمعیتنده بولندیغنی حالده اورایه تجمع ایتش اولان طوائف مختلفه یونان طبعاً زیاده مال اولدقاری مردار و سیر و تماشاچی ترک ایدوب فلاطونک مشاهده دیدار یله تلنذ ایلدکاری کورلشدر فلاطون مدت عمرینی حال تجرده امرار ایدوب دائماً قاعده پرهیزکاری و قناعته فوق الغایه رعایت ایلر ایدی ایام صباوتنده بیه غایت مکانتی اولوب تهقه ها ایله کوالدییکی هیچ وقوعه بولماش و دائماً شهواتنه غالب اولوب نهور و غضب حالی دخی کورلماشدر حتی صغرسندن برونزنده تربیه اولش بر دلیقانیلو کندو خانه لرینه عودت ایتدکده بر کون پدرینی غضبنک کورمکله شو حالدن یک متعجب اوله رق فلاطونک یاننده بن بویله شی کورمدم دیدیکی منقولدر یالکز بردفعه کوله سی بر بیوک قباححت ارتکاب ایتکله انک حقنده بعض مرتبه حدت اظهار ایتدی و بن براز غضب حالنده اولدیغم ایچون شاید حد لایقی تجاوز ایدرم دیهرک هر قومک تأدیبی بشقه سنه حواله ایلدی ارسطونک نقلی اوزره هر نقدر کندوسی سوداوی المزاج و کثیر التفکر ایسه ده غایت ملایم و بشوش اولوب ضرر سز مزاحی دخی سورایدی و شاگردانندن ( زنوقرات ) ایله ( دیون ) بعض مرتبه عنف و شدتله متصف اولدقلزندن تهذیب اخلاق ایتک ایچون سزا آلهیه قربانر تقدیم ایدیکز دیوانلره نصیحت ایدر ایدی فلاطون بر چوق شاگردیتشدر مشدر بونلرک الیمتازلی همیشه زاده سی ( سپوسیپ ) و ( وزنوقرات ) و مشهور ( ارسطو ) در حکمدان ( تئوفراست ) لخدخی بوزمره دن اولدیغنی مرویدر و ( دیموستن ) دخی فلاطونه نسبت دعوی ایدر ایدی اشبو دیموستن اسکندر رومی طرفندن یونانستان و ایسی بولان ( انتپاتر ) لاندن قورتلیق ایچون بر محله



التجاء یتشیدی والیٰ مر قوم طرفدن کندوسنی اخذو کر فته مأمور اولان ( ارخیاس )  
 نام ذاته کیدوب بو محلدن چیقار ایسه لجانکه ضامن اولورم دیمکله روحك بقاسی حقنده  
 زنوقرات وفلاطونك مقالاتنی استماع ایتشیکن حاشا که بن ذاته حیاتی عزتله مماته ترجیح  
 ایدیم دیمش وشو کیفیت صدق مدعاسنی مؤید بولمشدر افلاطونك شاگردانی ایچنده ایکی  
 دخی قادین واردر بونلرک بریسی مانینه لی ( لاثنیا ) و دیگر ی بلیازی شهری اهلایسندن  
 اقسیوسه ایدی بونلرک ایکسی دخی تعلیم ایلد کیری علم حکمت دهامناسب اولور مطالعه سیله  
 دائماً ارکک قیافتنده کز لر ایدی افلاطون علم هندسه یه زیاده اهمیت و یروب  
 بر فیلسوف ایچون مطلقا بونی لیک لازمدر اعتقادنده اولدیغندن کلمات اتیه یی مدرسه  
 قیوسی اوزرینه یازدیر مشیدی ( علم هنه سده مهاری اولیانلر بور ایه کیر مسونلر )  
 فلاطونك الیوم موجود بولنان اون ایکی قطعه مکتوبندن ماعدا بالجمله مؤلفاتی  
 محاوره اصولی اوزره یازمشدر اشبو محاورات اوچ قسمه تقسیم اولنه بیلور بریسنده  
 سفسطه جیلری ردو دیگر نده کنجاره علم و ادب تعلیم ایدرو او چنجیسنده دخی سن  
 رجولیته واصل اولمش اولنره مخصوص مواددن بحث ایلر محاورات مذکوره بر بشقه  
 صورتله دخی تقسیم اولنور چونکه فلاطون سالف الذکر مکتوبلرنده وقوانینه متعلق  
 کابلرنده و ( اینومیس ) نام تألیفنده بیان اولنان مواد کندی مذهب مخصوصی اولوب  
 فقط دیگر محاوراته ( سقراط ) و ( پتیه ) و ( پارمنیدس ) و ( زنون ) مثالو ذوات  
 لسانندن سو یلدیکی شیلر ملحوظات قییلندن اولوب بونلرک صحتنی تعهد ایتزهر نقدر  
 محاوراتنده سقراطك لسانندن یازدیغی شیلر سقراطك مزاجنه موافق و حین مباحثه دن  
 مسلوی اولان اصوله مطابق ایسه ده بونلر حقیقه سقراطك کندو افکاری ظن  
 اولنمایلیدر چونکه سقراط هنوز حیاته ایکن فلاطونك ( لیسس ) عنوانیه ترتیب ایتمش  
 اولدیغی بر محاوره یی سقراط مطالعه ایتدکده فلاطون بکاهیج خاطره کلامش شیلر  
 سو یلتمش دیهرک محاوره مذکوره یی تکذیب ایتمشدر فلاطونك انشاسی ارسطونك  
 شهادتنه کوره بلاغت نظم ایله سادگی نثریننده ایدی مشاهیر ابدان ( کیکرون )  
 فلاطونك بلاغتنده اطرا ایدرک دیمشدر که اگر مشتری ( ۱ ) لسان انسانی اوزره  
 تکلم مراد ایتسه انجق فلاطون قدر حسن تعبیر مقتدر اولور ایدی کذلک ابدان  
 ( پانوتیوس ) فلاطون حقنده فیلسوفلرک او میرو سیدر دیر ایدی فلاطون اوچ فیلسوفک  
 رأیلرندن مرکب بر مذهب تشکیل ایتمشدر طبیعیات و محسوساتده هر اقلیطسک  
 افکارینی قبول ایتمش و مافوق الطبیعیات و عقلیاتده فیثاغورسه تبعیت ایتمشدر  
 و سیاست اخلاقده سقراطی جمله یه ترجیح ایدوب بوبلده یالکز انک مذهبنه تمسک ایدر



ایدی فلاطون اصول ثلاثیه قائل اولوب بونلردخی آله و ماده و فکر در آله عقل کل و ماده کون و فسادک هیولاسی و فکر درخی بر جوهر روحانی اولوب علم الهیده هر کوز در زعمنده ایدی اگرچه عالم بر آله خالقک صنعی اولدیغنی اعتقاد ایدر ایسه ده اشبو خالقک اشیا یی محض عدمدن خلق و ایجاد ایتدیکنه قائل اولر ایدی شویله که آله عالمی من الازل موجود اولان بر ماده من تشکیل و انشا ایلشدردیر ایدی بو صورتده آله خالق ماده اصلیه بر شکل و یر رک عالمی خلق ایلسی بر معمارک ایشلنماش طاشلری نخت و بر شکل مخصوص اوزره وضع ایدرک بر خانه انشا ایلسی کی دیمک اولور فلاطون ( اینومیس ) نام تألیفنده بیان ایلدیکی وجهله عنوی و سقلی و متوسط اولق اوزره اوچ دزلو آله تصور ایدر ایدی علویاری سماده ساکن اولوب ماهیتلری و مکانلر ینک بعدیتی جهتیه انسانلر انلرایله الحق آلهه متوسطه واسطه سیله اختلاط ایدر لر اشبو الهه متوسطه دخی هواده ساکن اولوب بونلره شیطان تسمیه ایدر ایدی بونلر الهه علویه نک و کلاسی مقامنده اولوب الهلرک او احرینی انسانه و انسانلرک قربان و دعا رینی الهلره ایصال ایدر لر بونلرک هر بری محول عهدلری اولان مواقعی اداره ایدر لر و ظهوره کلان خوراق عادات بونلرک اثاریدر و الهه سفلیه ایرمقلرده بولنوب بونلر رؤیاری تمثیل و الهه متوسطه کی بعض غرائب ارائه ایدر لر و موجوداتک هر جزوی اشبو الهه سفلیه ایله مملو اولوب حتی بونلر بعض کره انسانلره کورینوب بعده اختفا ایدر لر دیر ایدی فلاطون تناسخه دخی قائل اولوب بونی فیشاغورسدن اخذ ایله دیگر برقالبه افراغ ایتشیدی شواعتقادی بعض مؤلفاتنده مصر حدر فلاطون هر نقدر بقای روح حقنده بر محاوره بلیغه ترتیب ایتش ایسه ده بو مسئله ده بیوک خطاری واردر شویله که بر بسی معنوی و دیگری مادی اولق اوزره روحی ایکییه تقسیم ایتش اولدیغنی جهتله کرک روحک ماهیتی حقنده و کرک ارواح اجسامدن مقدم موجود اولوب اجسامه حلول ایتک اوزره سمادن نزول ایدر تزکیه اولندقدن صکره ینه سمایه رجوع و اوراده بر مدت قالدقدن صکره تکرار اجسامه حلول ایتک اوزره ینه ارضه نزول ایدر و بو وجهله دور دائم اوله رق تلوث و تطهر ایلر دیمشدر روحلر وقتیه حلول ایلدیکی اجسادده مظهر اولدقلری حالاتی کافه اونو تمر لر اعتقادنده اولدیغندن ارواحک تحصیل ایتدکلری معلوماتک اکثر بسی وقتیه کسب ایتش اولدقلری معلوماتک تخطرندن عبارت اولدیغنی ادعا و ارواحک اقدمیتی اعتقادینی اشبو تخطرات اوزرینه بنا ایدر ایدی فلاطونک مذهبی مسائل عدیده ده زیاده مقبول و مستحسن کورندیکی جهتله بر منوال محرر زماننده افلاطون الهی عنوانیه شهرت بولوب بعد الوفات دخی الوهیتنه ذهاب اولنشد ر فلاطون طوغدیغنی کونده وفات ایتشد



اشرایله اختلاطدن احتراز ایدیکز زیرا او مقوله لر سره فناءلق ایتد کلرندن  
 طولانی امتنان ایدرلر - اولاد کزک علم وادنی کندو علم واد بکزه حصرو قصر  
 ایتیکز زیرا انلر سرک زمانکز دن بشقه بر زمان ایچون خلق اولنمشلردر اقبال حالنده  
 شهوات عقوله وادبار حالنده عقول شهواته تابع اولور - عفوایونری اصلاح  
 ایتدیککی درجه فناءلری افساد ایدر - انسان هر صبح آینه ده کندو یوزینه  
 نظر ایتلیدر اگر کوزل ایسه بر فعل قبیح ارتکابیه کوزلاکنه نقیصه ایراثنیدن اجتناب  
 و اگر چرکین ایسه ایکی چرکینی برارایه کتور مکدن حجاب ایلیه - اختیار لغک موته  
 قریتی اولمش میونک روز کار اسمسیله یره دوشمکه قریتی کبیدر - عاقل اولان ادم  
 یوز کجک اقلندییه مداراسی کی زمانه یه مدارا ایتلیدر - عادل اولیان بر حکمدرک  
 مقرر بلکنه و حلالندن اولیان ثروته و صدقه مقارن اولیان بلاغته و محملنده اولیان  
 سخاوت و حسبی اولیان اعمال حسنه یه غبطه اولنما ملیدر عقل طبیعی انسانک باطننده  
 اولوب اغاجک طهرلری مثابه سنده درو تعلم ایله حاصل اولان عقل انسانک خارجنده  
 اولوب اغاجک دالارنده میوه و یرن محلی منزله سنده در - اجسادک قوتی اطعمه دن  
 و عقولک قوتی حکمتدن حاصل اولور بناء علیه عقول حکمتدن محروم قالدقه  
 اجسادک فقدان طعامده هلاک اولدیغی کی هلاک اولور - والدلر چو جقارینی طعامه  
 باشلا تمزدن اول سود ایله بسلد کلری کی استاد کامل دخی شاگرد لینه علوم دقیقه  
 تدریسندن اول علوم سهله تعلیم ایدرلر - کفران نعمت محرومیتی مؤدی اولور عاقل اولان  
 ذات حکمدار لک کندو سنه جفا و جهلا یه اعتبار ایتلرندن شکایت ایتزیرا یلور که  
 دنیا ده قسمتلر هر کسک قدر و استحقاتنه کوره تقسیم اولنما مشدر - مسک هر نقدر  
 اخفا اولنسه رایحه سی منتشر اوله جفی کی صالح دخی هر نقدر صلاحنی کته  
 سعی ایلنه ینه اکلا شیلور - حکیم صالح کیمسه بی اغفال ایتز و عاقل کاملی کیمسه  
 اغفال ایده مز - ملوک نصیحت ایتک وخیم العاقبه در - انسان وقت شدائدده احبا  
 و اقر باسنه و عهدده اهل صداقته و فقر و مسکنتده زوجة صالحه یه و حین مماتده  
 حسناتنه اعتماد ایتلیدر - جهلندن اشد فقیرلک و عجبیدن مدهش یالکزلق اوله مز -  
 عاقل سفها ایله ذوق ایتکدن ایسه عقلا ایله طاش طاشمفی ترجیح ایدر - چونکه  
 ایکی صنفک دخی عاقبت حالرینی بیلور - فاجره تعظیم ایتک فجور ینه تقویت  
 و یرمکدر و احقه تعلیم علم ایتک بیهوده اضاعه وقت ایلکدر و کافر نعمته ایواک ایتک  
 نعمتی هبا ایلکدر بناء علیه بویله بر امره تشبث اولنق استنلک کده اول امرده محکک  
 مناسب اولوب اولدیغنی تحقیق ایتک لازمدر - انسان کندو اتبا عنک یله لقر دینی  
 کسماملیدر زیرامغایر ایدر - وصیتسنر کجه کچور میکز - حیا سنزلق قبا یحکک کیوکیدر



( اسکندر خطا با ) هر چنانچه اول فقط بصر حجت موجب فساد اولسون - سندن  
 اول کلانزدن عبرت آل وسندن صکره کلاناره عبرت اولما - دشمنك کسب قوت  
 ایتکسزین حالی تحقیق ایله وقتق بیومزدن اول رتق ایت - احسانك محدود اولسون  
 زیرا بوضورت ناسك املنی سنده دههاز یاده توسیع ایدر - خاصه وعامه اوزرینه مساوات  
 اوزره حکم ایت و بیل که خاصه نك صلاحی عامه نك صلاحنده در - علم ملوکك  
 زینتیدر - زائل اولان شیه تفاخر اولمز وثابت اولیان شیه غنا حاصل اولمز - محاربه ده  
 عسکر کدن مقتول اولنلرك اولادینه معاش تعیین ایله واولك طرفندن مجروح اولنلره  
 بر جائزه ایله مکافات ایله وارقه سندن مجروح اولنلری یالکز لسان ایله تعزیر ایله وسقط  
 اولنلرك بقیه عمرلرینه قدر انفاق سنك اوزرینه واجبدر - ایلا عقد مشورت ایله زیرا انده  
 فکر کوندزدن زیاده طو پلودر - زیاده ملایم اولمز زیرا خاق سکا طمع ایدر وز زیاده شدت  
 کوسترمه زیراسندن نفرت ایلر - اخوانك عیوب باطنه لرینی تتبع ایدنلر برخوردار اولمز  
 مدد و حافات ایدنلر مقد و حایشایانلردن بختلودر لر خلق دست ظلم کدن سالم اولدقجه  
 سن نفسك ایچون سلامت مأمول ایتمه حکمت نطق اثناسنده وشجاعت غضب حالنده  
 وعفت شهوت عالنده بیلنور خلقدن حیا ایدوبده کیندو نفسندن اوتانمیان نفسك  
 کیندو وعنده هیچ قدری یوق ایمش دیمکدر - برادم کیندوسنه برشی سو یلیوب پک  
 اوزاتدیغندن استماع ایدملی خیلی وقت یکمیش اولدیغندن سوزیکزك ابتداسنی اوتدم  
 ونه ایتنی ایسه اولنی بیلیمیکم جهته اکلایه ندیم بیلیم دیمک بر درجه خوشمه کیدر که  
 بیلیمیکم شیر ایچون دخی بیلیم دیه سم کلور - انسانلری ذات حالنده دکل قدرتلری اولدیغنی  
 وقت تجربه ایتلیدر - التون بوته ده امتحان اولندیغنی کی انسانلردخی اقتدار حالنده تجربه  
 اولنور زیرا خیرك خیری وشریرك شری اولوقت میدان چیقار - امور جزیه ده حقنی غائب  
 ایدن حکمدار امور کلیه ده بوندن سالم اولمز و بر حکمدار کیندو رأینك خطاسنی  
 اکلادقندن صکره انده اصرار ایدر ایسه دشمنلرینی شاد ایدر - عقاب آخرتی نظردن  
 غائب ایتمه وحق تعالینك سکا احسان بیوردیغنی نعمتلری ملاحظه ایله بر قومه ظفر  
 بولدیغیکده عموما انار حقنده شدت کوسترمه زیرالنلرك اکثریسی ضعفا وبری الذمه در  
 دنیایه شدتله محبت ایدن فقیر اوله رق وفات ایدر - شرابده اسراف سفله ناس کاریدر  
 ❀ مجموعه فنون ❀ منیف افندی ❀

### ❀ بیان اسباب فتح افریقیه ❀

یکرمی التي سنة هجرية سنده مصر واسکندریه حکومتنه مأمور بولنان عبدالله بن سعد  
 بن ابی سرخی افریقیه جانبنه لشکر کوندرمک اوزره خلیفه ثالث حضرت عثمان  
 رضی الله تعالی عنهدن استدعای عنایت ورخصت وعسکرجه دخی استمداد



واستعانت ایلمسی اوزرینه طرف خلافت پناهیدن مأمولنه مساعده وکلی عسکر ایله  
 اشرف صحابه دن عبد الله بن عباس و عبد الله بن عمر و غیر یاری اول جانبه ارسال  
 اولندی اثنای طریقده عقبه بن نافع دخی مسلمانلردن بر جماعتله اذله التحقاق ایلیوب  
 افریقیه جانبنه طوغری ایلولکه باشلیدیلر افریقیه مملکتی ایسه قیصر روم طرفندن  
 اداره اولنوب طرابلسدن سبته بوغازنده واقع طنجهیه قدر ممتد اولان اقلیم حاکمی  
 چرچیز نام برکسینه اولوب معیتنده اکثری سوار ی اوله رق موجود بولسان یوز  
 بیکدن متجاوز عسکر ایله برابر عساکر اسلام ایله طرابلس طرفنده شیطله نام شهره  
 قریب بر محله محاربهیه مباحثه قرق کون قدر حروب متعدده واقع و طرفینه  
 ضعف کلی طاری اولدی انجق چرچیزه کوره جدید عسکر تدارکی آسان اولوب  
 عساکر اسلامیه نك ایسه بولندقلری محل بلاد اسلامیه دن بعید و مرکز خلافتله  
 امر مخبره منقطع اولغله بوندن اول افریقیه و قوعبولان سفرلده هزیمت کفاره  
 موفق اولنه مدینگی مثلاً و بسفرده دخی جنود اسلامیه نك عودت و رجعت مجبور  
 اولماری ایجاب حالدن ایدی اما برو طرفده حضرت عثمان رضی الله عنه اشبو انقطاع  
 مخبرات سببیه تشویشه دوشوب عبد الله بن زبیر حضرت تارینی بر جمع کشیر ایله اول  
 لشکرک امداد و اعانتنه ارسال بیوردیلر ابن زبیر تعجیل تام ایله مدت قلیله ده نیجه سافه  
 قطع ایدوب و اتفاقا اسلامیانک کفار ایله قتالری خلانده عبد الله بن سعدک بولندی  
 محله خضر کی ایریشوب طرف اسلامیه اولوجهله ضعف طاری اولمشیکن اشبو  
 اعانه ناکه ظهوردن قوت شکیمه حاصل و بر طرفدن دخی عبد الله بن زبیر  
 حضرت تارینک حسن اداره و تدبیری دخی چرچیز طاقنک کاملاً انهزام و اضیمالنه  
 بادی اولوب حتی کندی دخی ابن زبیرک انده مقتول اولمشدر عساکر اسلامیه  
 سر عسکرینک اسمی عبد الله بن سعد اولوب قلب لشکر انکله معمر و مینه جنود  
 عبد الله بن عمر ایله منصور و میسره عسکر عبد الله بن زبیرک قدومیه مسرور  
 و مقدمه جیوش دخی حضور عبد الله بن عباس ایله پر نور اولدیغندن محاربه مذکوره  
 حرب العبادله دیمکله شهرت بولش واشبو فتوحاتک و شیطله شهرینک فتح  
 و ضبط اولندیغنک خبری عبد الله بن زبیر ایله خاکپای حضرت امیر المؤمنین ارسال  
 قلنشدر مذکور شیطله شهرنده عساکر اسلامیه شول مرتبه غنایم بولدیلر که بهر  
 سوار ییه اوچریک و بهر پیاده یه بیک بشریو زذر خالص اصابت ایلیوب بوندن  
 صکره عبد الله بن سعد مصر حکومته عودت ایله افریقیه حکومتی حضرت عثمان  
 رضی الله عنه طرفلرندن عبد الله بن نافع تفویض اولندی بر مدت صکره یعنی معاویه  
 ابن ابوسفیان و یزید بن معاویه زمانلرنده مصر والیسی بولنان عقبه بن نافع مقدار  
 کفایه عساکر اسلامیه استصحاب ایله جانب غربیه طوغری روبراه عزم و شتاب



اولوب اول امرده مهاجرین یونانی شامل ومقدملری قرطجه دینلان شهر قدیمه  
 واول تاریخلرده اسکندریه شهرینه مثل ومعدادل بولنان سیرن نام شهر مهم  
 التسخیری داخل قبضه فتح واستیلا وبعده شمذیکی تونس مملکتنه طوغری  
 یوریوب اول یرلی فتح واول جانبده قیوان شهرینی بنسایلد کزنصره علقدن  
 خارج جسارتله جبال اطلسک نواحی جنوبیه سنه طوغری کیدرک سوس نهری  
 بوینجه قدیم سوس حکومتی مملکتنه داخل وقناریه جزایری پیشگاهنده واقع ساحل  
 بحر محیطه واصل اولدی اول عصره کوره ساحل مذکور اقصای اراضی اعتبار  
 اولمغله عقبه بن نافع سوار اولدیغی اسی و برروایتده دوه بی بحر محیطه سوروب  
 یارب شاهد وناظر سن که اشبودریای عمان مانع مشی و سریان اولمشیدی اسم حلالی  
 دها ایلر وکتورر ایدم دیمشدر اشبو کلامی موسی بن نصیر سویلمش دیو مشهور  
 ایسده بعض تحقیقاته کوره عقبه بن نافعدن صادر اولمشدر عقبه بن نافعک سیر  
 وقحنه موفق اولدیغی اراضی وسیعه رومه لولرک مقدما تصرفلینه یکمیش اولان  
 قرطجه ممالیکله نومدیا وچو کورتا وچوبا مملکتلی اولوب لشکر اسلام اشبو  
 موریتانیا مملکتنده بربر نام قوم جنک آوره متصادف اولدی واکرچه قوم مذکور  
 ابتداری لشکر اسلامه باشلوجه معین اولمشلر ایسده بعده مقتضای جبلتلی اوزره  
 اعانتلرینی اهانت محول و بالاخره حکومت اسلامیه نك اسپانیه ده انقراض واضمحلاله  
 باعث مستقل اولدیلر فی الواقع بونلریارم خرسیان یارم پت پرست اولوب و بلکه  
 هیچ بر دین ایله متدین اولمدقلرندن فرصت بوله رق عصیان ایلوب عقبه بن نافی  
 عود ورجعتیه و مستحکم اولان قیوان شهرینه تحصنه مجبور ایلدیلر لکن مومی الیه  
 کندینه یکیدن بعض مرتبه تقویت ویرمک مقابله یه ایتدار ایلش ایسده محل  
 م قومده قبیله بربری حاکمی اولان ابن قحینه کلی عسکر یله منتظر بولمش اولغین  
 عقبه بی وموجود عسکرینی احاطه برله کرک عقبه بن نافی وکرک عساکر اسلامیه نك  
 چوغنی شهید وصاغ قلانلرینی دخی اسیر ایلدی بو بوزغونلقدن صکره قیوان  
 شهری دخی بر بریلریدینه کچدی داعیه اخذ انتقامه حیت دینه دخی منضم و بو  
 یرلک یکیدن اسلام طرفندن قحی اهم والزم اولدیغنه مبنی مصر والیسی بولنان  
 حسن بن نعمان عساکر جدیده تدارک و بر بریلر اوزرینه هجوم ایدوب جمله سنی  
 منزم وحتی مرقوم ابن قحینه نك زوجه سنی اخذ وکرفت ایدرک بعده عقبه بن نافعک  
 بوزلیدیغی محله قدر دشمنی تعقیب ایلشدر شامده متوسد و سادۀ امارت اولان بنی  
 امیه دن عبدالملک بن مروانک قرنداشی عبدالعزیز مومی الیه حسن بن نعمان اوزرینه  
 مصره حاکم اولوب بتون مملکت مغربی استخلاص وصیت محمدیه بی مغرب اقصایه  
 ایصال ایلک اوزره موسی بن نصیری تعیین ایلدی الحق بوذات نیچک نصرته موفق



اولوب اسلاميانك مدار منخرتي اولان برقاچ ذوات نادره نك برسيدر بر بر قومي  
 جنگاور و جسور و اوته دنبرو بنيجيلاك ايله مشهور بر ملت اولوب اكرچه اسلامك شدت  
 هجومنه پكده مقاومت ايدمه ماش ايسده تمامه دخي مغلوب اولماشيكن بو كره  
 موسى بن نصيرك قوه بازوسنه تاب آورمقا و مت اوله ميوب كاملا منهزم و پريشان  
 اولدقلرندن بو مظفر يت تامه اشبو ذاتك نيك نامي عيوقه چيقارمشدر موسى هر نه  
 محمله فارسان بر بريانه تصادف ايلديسه خاككه يكسان ايليه رك و تحت انقياده  
 چكديكي رؤساي احشام بر بريه دن رهنم اله رق جبال متسلسله اطلماك يعنى جبل  
 درن نام كوه سرفرازك جنو بنده واقع چوللردن كيدوب عقبه بن نافعك وصول  
 بولديغي تاسواحل اقصاي غربه قدر اولان ممالك و اراضى وسيعه يي زير تصرف  
 اسلاميانه الدى و بو وجهله دين و ملت و بلكه بتون جنس بن آده خدمت مبروره  
 عرض ايلش اولدى و عبد العزيز ايله مروان نام اوغلارني نيجه خدماتده استخدام  
 ايلش و مغلوبين حقنده اجراي حسن معامله و كمال عدل و نصفت و تدابير حكيمانه  
 و محققانه ايله نشر انوار معدلت ايدوب باعون منان دين مابين اسلامي تعميم و اعلانه  
 موفق اولمشدر بو وجهله بر بر يلردن پك چوق عسكر جمع ايدوب لشكر شجاعان  
 شيردلان اهل ايماني قات اندرقات تزويد و توفير ايلماكه خمينده مر كوز اولان نيجه  
 فتوحات جليله نك جلوه كرم نه شهود اولمسه باعث و نتيجه شهرنده ايكن اسپانيا  
 الكاسني فتح و تسخير برله توسيع ممالك و بلدان و تزويد شوكت اهل ايمان ايلك  
 تصويريله تداركات مقتضيه متشبت اولدى ليكن بو فتوحاتي نقل و تحريردن اول  
 اسپانيا مملكتنك احوال سابقه و حاضره سي اجلا نقل و بيان اولنقى مناسب كورلمشدر

### ❖ اسپانيانك احوال قديمه سي ❖

ميلاد حضرت عيسادن تخميناً بيك بشيوز سنه اول فنكيا اهالي سي سیرسفاین و امر  
 تجارتله مشغول مشهور بر قوم اولدقلرندن تجارتگاه ايدنك اوزره اسپانيا سواحلنه  
 ورود و نزول برله بحر سفيد سواحلنده ابداره و ماقه و بحر اوقيانوس سواحلنده دخي  
 غدیر شهر و لیسانلريني و بتليس نهري اوزرنده اشبيليه و قرطبه شهرلريني بنا  
 ايلوب الكاي مزبوري دخي كندی لسانلري اوزره مکتوم مه ناسنه اولان اسپان  
 لغندن اسپانيا لفظيله تسميه ايتش اولدقلري روايت قلنور بعد زمان يونانيلر كلوب  
 متعدد شهرلر بنا و بونلردن صكره دخي قرطبه اهالي سي هم جنك و سفر و همده تجارتله  
 مشغول اولدقلرندن اسپانياي فتح ايدوب عظيم تجارتگاهلر پيدا ايلشيكن جمله سي  
 رومالورك يدتصرفنه كچوب اهالي سي بو نيجه اجناس مختلفه دن مركب اولديغي  
 حالده اسپانيا الكاسي خيلي مدت زير حكومت رومانينده قالمشیدی و قتاكه حكومت



جسمیه مذکوره مانند یا جوج و مأجوج اقطار شمالیه دن و بحر خرز جانبندن  
ظهور و خروج ایدن اقوام وحشیه ایله یا بمال قهر و استیلا اولدقده اسپانیا دخی  
پازده سم ستور اولقدن مستثنا اوله میوب و چونکه اقوام وحشیه بر برلرینی ولی  
و تعقیب ایله کلدکلرندن اسپانیانک قطعہ جنوبیه سنده بولنان و آندال قومی تحمل  
ایده میوب سبته بوغازندن بالروور افریقیه یایلدیلر ایسه ده قطعہ مذکوره اونزمان  
قیصر روم یدنده اولغین جوستنیانوس طرفندن مشهور جنرال بلزار یو اوزرلرینه  
کیدوب انلری پریشان و تار مار ایلمشدر اقوام مرقومه دن قبیله قوط اسپانیاده  
تقررو بر حکومت تشکیل ایدوب بونک خارجنده نیجه محارری حکومتلرینه علاوه  
ایلدیلر و اشبو حکومت قوط درتیوز سنه قدر ممتد اولوب میلادک درتیوز یتش ایکی  
سنه سندن یدیوز اون سنه سنه یعنی اسپانیانک اسلام طرفندن قمتنه قدر یکرمی بش  
عدد ملکاری کلش و بونلرک برنجیسی ۴۷۲ سنه میلادیه سنده حکمران اولان اوریش  
وصوک ملکاری ۷۱۰ سنه میلادیه سنده بولنان رودریق درکه اباعن جد طلیطله  
شهری سراینده مربع نشین صندالی حکومت اولمشدر در بومدت طرفنده باشلوجه  
شایان تحریر حروب و قتال وقوع بولدیغندن اداره ملک و وضع نظامات ایله مشغول  
اولمشدر ایسه ده بومدت وفیه اثناسنده تبدیل طبیعت ایدوب حضریت راحتنی هر  
حالده مشاق سفریه به بالترجیح تن پرور اولمشدر ایدی خصوصیه مقام حکومت  
اقعاد اولنه جق ذات عظمای مملکت مشاوره سیله انتخاب اولنق عادت مضره سی  
حکمرانلر فاملیاسی بینه عدم ایتلاف و مختصمت براغوب تشویشات داخلیه دن  
اختلاس وقت ایده مزلر ایدی حتی یدیوز سنه میلادیه سنده و تیرا صندالی حکومت  
کچوب مجبول اولدیغنی ردائت فطریه سی جهتیله ابواب ظلم و اعتسافی بازو کشاد  
واهلینک و عظمای قومک میل و محبتلرینی طرد و ابعاد ایلدیکنندن اون سنه  
مرورنده مقام حکومتدن خلع و تنزیل و انک خلغنی مذاکره ایدن مجلسک انتخابیه  
یرینه اداره سابقه دن خشنود سزاق کتورن طرفک رئیس بولنان رودریک صدر  
حکومتله تجیل قلندی انحق بودخی حکومت کلو رکیز سلفنک باعث نکبتی اولان  
اطوار ردیه و معاملات ظلمیه به آغاز ایله (رحم الله النبش الاول) سوزینی خلقه  
ورد زبان ایتدیر مکه سالف الذکر و تیزانک اوغلاری عملری او پاش و اش-بیلویه  
شهرینک بیوک پاشی و سائر مخالفین ایله استظهار ایدرک اسپانیانک جهت  
جنوبیه سنده بر عصیان علنی اسبابی تدارکنده ایدیلر اشته مر ددلیر موسی بن نصیر  
خطه اسپانیای فتح ایتزدن اول قوم قوط بو حالده ایدیلر و بوزمان دخی خلیفه ولید  
بن عبد الملك عصر یدر که پدرینک یرینه سکس-بان درنده مسند حکومتله جلوس  
ایلمشیدی اشبو ولید اگرچه حرص و طمعله موصوف ایدی لیکن مسجد رسول الهی



توسیع و بیت المقدسده اولان مسجد اقصای تعمیر وشامده دخی جامع بنی امیه یی بنا ایتدیروب یومیه اون بیک عمله اشلده رک بش ملیون الی یوز عدد دینار صرف ایلشدروا کر چه ظالم وغدار ایدی ققط ابتدا یولجیلرا یچون مسافر خانه وغربا یچون بیمار خانه انشا ایتدمشدر واکر چه لسانی اولان عربجه یی دخی طوغری سویلیه من مرتبه ده حلیه علم ومعرفتن بی نصیب ایدی انجق احکام اوامر ونوا هیده انک زمانه قدر روم لسانی استعمال اولنور ایکن بو عادت یی کندیوسی لغو ایدوب اومقوله احکام امارت لسان عربی اوزره یاز یلور اولدی واکر چه غایتله قورقق ومثلون المزاج اولوب شامده کی سرایندن طشیره چیقماش ایدی لکن امر اسی اسم اولیدی اقصای شرق وغربه ایصال ایلوب حکومت عرب انک زمانده کسب شوکت ورفعت ایلشدروموی الیهک برادری مسلمه روملردن ارمنستانی ونیچه ممالکی فتح ایدوب سواحل بحر سیاهه و بلکه دارالحکومت یونانیان اولان بلده قسطنطنیه دیوارینه قدر صوت انداز اولمش وبرطرفدن دخی امر اسندن قتیبه اقصای ترکستانی استیلا ایدوب حدود چینه وصول بولدیغی مثالو بریاندن دخی هندستان امیری محمد بن حسام الطاقی سند وماطانی فتح وتسخیر ایلش وموسی بن نصیر دخی ذکر اولنه جفی وجهله اورو یا طیراغنه کیرمش ایدی

### ❀ مرور اسلامیان باندلس ❀

موسی ابن نصیر مغرب زمینی کاملاً قبضه تصرفند، مسخر واهالیسنی کریوه ضلالتدن چیقاروب انوار اسلامیه ایله منور ایلد کدنصرکه اندلس جزیره سسنده دخی ولوله کوس دین محمدی یی طنین انداز سامعه اهل ضلال وعنادیغنی ایفای فریضه غزا وجهاد ایلک اوزره خلیفه دن باتحریرات استدعای رخصت ایلوب حتی یازدیغی عریضه سنده جزیره مذکوره یی لطافت موقع جهتیه برالشاده واعتدال آب وهوا جه یمنه وازهار وعطریات خصوصنده هنده وفواکه واثمار بختنده مصره ومعادن کرانبهاسی حقنده چینه تشبیه ایلدیکی مثبدر بو انها اوزرینه اولحوالینک فتح وتسخیری ضمنده جانب خلیفه دن تعلیمات ارسال اولندیغنه مبنی والی مغرب ابن نصیر اختیارلغنه ومشاق سفریه یه باقیوب حتی بعض روایته نظرا مقصد اصلیمی اسپانیانک قحنه موفق اولدقدنصرکه فرانسه ومانیایی دخی استیلا ومجارستان طرفندن کله رک قسطنطنیه یی ضبط ایلک وبوتشیشله ❀ لتفحن القسطنطنیه فلنعم الامیرامیرها ولنعم الجیش ذلک الجیش ❀ حدیث شریفی مصداقنه مظهر اولق ایدی بو مقصدینک حصولی اسبابی تفکرده ایکن من غیر مأمول برسبب دخی ظهور ایلوب سبب مذکوری اسپانیاه مرورینه عین فرصت حد ایلدی شوپله که اسپانیا



قرالی رودریك طرفندن سبته شهری محافظی بولان قونت جولیانوس قرال  
مرقومدن کوردیکی بعض معاملات غیر لایقه دن طولایی ابن نصیره شهر مذکوری  
تسلیم ابدہ جکئی وعدوا قرار و قوط حکومتک حال و کیفیتندن آگاه و خبردار ایلدی  
لکن ابن نصیر جولیانوسک کلامارینه پکده امنیت ایدہ مدیکنه بناء برای استکشاف  
حال اول امرده بربر قومندن سوا حل اسپانیایه و قوفی اولان طریف بن مالک نام  
مکسنهیی بشیوزنفر فارسان ایلہ بیوجک بر قاچ قایغه ارکاب ایدوب طقسان بر  
سنه سنده ارسال ایلدی مرقوم طریف دخی سوا حاکم بر محله نزول ایلدیکه محل مذکوره  
بده بر شهر بنا و طریف تسمیه اولان شهر محل مرقومدن بعض حیوانات و بر قاچ  
اسیرالوب و نقل و اخراج عسکر حقنده لزومی اولان مواقعک احوالی و سایر اسباب  
تسهیلیهیی کرکی کبی اکیوب سالما موسی نزدینه عودت و نقل کیفیت ایلدی  
موسی بن نصیر بو خصوصک بطریق السهوله حصوله کلدیکندن حسن تفأل  
ایدرک چوقدنبرو تصور ایتدیکی قوتحاتک قوه دن فعله اخراجی تصمیم ایتکه سبته  
و طنجه ایمانلرنده مناسب سفینه لر احضار و قبائل بر بریه دن دخی جسور و جنگاور  
اولانلرق انتخاب ایلہ سنه آتیه یعنی طقسان ایکی سنه سی اول بهارنده طارق ابن زیاد  
نام مکسنهیی سردار نصب و تعیین ایدرک باب الزقاق یعنی الحاله هذه سبته بوغازی  
و جبل طارق دینلان بوغازی امراره اعزام ایلدی طارق دخی جبل الفتح نام برونه  
متصل جزیره الخضرا نام جزیره صغیره نزول ایلدیکه الان انده اولان شهره الجزیره  
تسمیه اولنور

### ✽ معارف ✽

✽ فلاحه ✽ هر نوع ذی روحک دوام حیاتی تدارک غدای روزمریه موقوف  
اولدیغندن حقایقشنا سان عرب فن فلاحی جمله فنونه تقدیم ایلماشدر در بنا برین  
بوفن عالی قیمت اقوام سائرہ ارسنده من القدیم رنجبر و فقرا صنفارینه مخصوص بر عمل  
حقیر اولوب کبرا و اصلزادکان انکله اشتغالی موجب ذل و تنزل عد ایدرلر ایکن عربلر  
یلینده فوق الغایه مرغوب و معتبر طوتیلوب بر فن مخصوص شکلنه قونلدی و نمقوله  
اراضی نه کونه زراعتہ موافق ونه درلر تخم نه موسمه ونه طرز ایلہ زرعہ لایق  
اولدیغنه و تمیز اجناس تخم و حبوبات و تبین امرجه اشجار و نباتاته دائر لایعد  
ولا یحصی کتابلر تألیف و تدوین قلندی و فن مذکوری ایلرولتمکه اولدرجه اقدام  
واهتمام اولندیکه بالذات کرک خلیفه و کرک و کلا و ولایه و وزرا و رؤسا لریله صبان  
سورمکی کندیلرینه مابه الاقتحار عد ایلدیلر بوجهته مقدمه اسپانیا قطعہ سنره  
ارز و زعفران و طوت و حریر و شکروزنجیل و مرصافی و شجر الخیط و خرما اصلا



معلوم دکل ایکن جملہ سی حصوہ کلدی ابن مقری ابو عبد اللہ بن جزیدن نقل ایلہ دیر کہ  
اندلسدہ وادی اش ایلہ بشرہ دہ نابت ایکی نوع اغاج وار در کہ غایت بیوک اولور لر  
ایچلرندن برجسی حائک حصوہ کلوب اندن ثباب نسج اولور و بو خصوص اندلسدہ  
پک مشهور در انتہی صورت افادہ یہ کورہ بونک پاموقدن بشقہ برنوع شجر اولدیغی  
در کار در لیکن عربلر منقرض اولد قدہ بونلر دخی برابر نابدید اولوب شمعی ہیچ برندن  
بر اثر قالدی و قطعہ مذکورہ قبل ورود الاسلام نہ حالہ ایسہ الیوم او حالہ در ملت  
اسلامیہ نک اورادہ خرق و کشاد ایلدکاری جداول و مجاری و باعورات و قنوات و صو  
ترازولری وزیر زمیندہ کار گیر ذخیرہ انبارلری حوصلہ تعداددن بیرون اولوب الحالہ ہذہ  
بلنسیہ و غرناطہ حوالیسندہ پک چوغی موجود و مشہود اولدیغندن نظر حقیقہ ملہ باقلسہ بو  
کونکی کوندہ اسپانیولر بر زمان کمال عداوتلہ قہر و تدمیر ایتدکاری مسلمانلرک مصنوعات  
زرعیہ لریلہ تعیش ایتکدہ درلر قرمونہ شہری جوارندہ حالہ عبرتکاه انظار سیاحین اولان  
کیر صومکری درت مرحلہ مسافہ دن اشبیلید شہرینہ صو جلب ایدر و غرناطہ دہ  
واقع الحمراسرینک باغچہ لری یوکسک بر موقعدہ بولندیغی حالہ عربلرک مصنوع دست  
ہمتلری اولان قنطرہ لسطح زمیندن یوقاری صوی اسعاد و اعلا و احوالی بی اروا و اسقا  
ایدلر مؤرخ و یاردودیر کہ فلاحتمہ دائرہ کسور یال کتبخانہ سندہ بولنان بر جلد عربی کتابی  
مقدمادون ژوزہ انطونیو نامندہ بر اسپانیول ترجمہ ایتش بولندیغندن اندلس عربلرینک  
بوفندہ نمرتبہ ایلر و لمش اولد قلی اندن منہمدر بو کتاب ابو ذکر یا العوم نام بر فاضل  
کاملاک تألیف کردہ سی اولہرق اوتوز اتی باب اوزرہ مرتب و ایچندہ بوفندہ دائر فضلائی  
مقدمیندن نقل و ایراد اولنش بر نیچہ مسائل مهمہ مندرج اولغلہ بو کامتعلق دہا نقد  
کتب نفیسہ تألیف و مؤخر ضایع و تلف ایدلش اولدیغی قیاس اولور کتاب مذکور دہ  
فن حراثت و زراعت علی وجہ التفصیل ذکر و توضیح اولنش و باشلوجہ مسئلہ لری  
زرع اولنہ جق مزراعک احوال و طبائعی و اکیلہ جک تخمک جنس و نوعی و حیواناتک  
صورت حفظ و تولیدی و اشجارک تفریق اجناسی و اشینک انواعی و اشجار و نباتاتہ  
عارض اولان علل و امراضک کشفی ایلہ اسباب تدویسی مادہ لرندن عبارت بولنمشدر  
و ابو ذکر یا کتاب مذکور دہ دیر کہ شول کیمسہ کہ براغاج غرس و یا بر تر لا زرع ایلہ انسان  
و حیوانہ مدار تغدی اولہ جقشی حصوہ کتور سہ تصدق ایتش اولوب اخرتہ اجر  
جزیلہ نائل اوور انتہی لیکن بو کلام کتاب مذکورک متنندن اولمیوب باکہ صحیح بخاری دہ  
مسطور اولان مامن مسلم یغرس غرسا او یزرع زرعاً فیا کل منہ طیرا و انسان او بہیمہ  
الا کان لہ بہ صدقہ حدیث شریفنک مال عالیس اولغلہ یا اسپانیول مترجمی حین  
ترجمہ دہ غفلت ایتش و یا خود نسخہ لک تشویشی ملا بسہ سیلہ و یارد و تحقیق ایدہ مامشدر



اشبوفن عالی قدر عمدة الشرف یونان اولان حکیم بقراطك همم کلید سی ایله اصول  
 وقاعده تحتنه کیوب انك عصرندن رومالوسلس ایله ایتالیاوغالین زمانلرینه کلنجه  
 قدر بالتدریج ایلریش اولدیغی حالده انلردن صکره خرسیتیانلق تعصبی رواج بولمغله  
 بالجله امراض ایچون ادویه و عقاقیریرینه رقیه و افسون و تمام کبی نیرنجات و طلسمات  
 استعمال اولمقده ایدی بو حال ایله فن جلیل همان بتون بتون محو و نسیان اولنق  
 درجه لرینه وارمش ایکن اهله دین اسلام پرتوا فکن بروز اولوب فضلانك اقدامات  
 کامله لری ایله زیر غبار نسیاندن ساحه زیب ظهور اولدی بوفنده اهل اسلامدن حائر قصب  
 السبق امتیاز اولان کمین حذاقك حد و عددی انجق جناب علام الغیوبه معلوم  
 اولدیغندن بومجشده اطنابدن احتراز ایله یالکز ایچارندن بقراط و اقلیاد کبی شهرت  
 شایعه قزانمش و کتب و آثار لری متأخرینه مأخذ و مرجع اولمش اولان برقاج حکیم  
 ذوفنونك ذکر یله اکتفا و اقوال آتیه عینیله فرانسه مؤرخلرندن نقل و ترجمه اولنور  
 فن مذکورده کالشمش فی وسط النهار مشهور و نامدار اولان حکمدان بریسی محمد  
 بن زکریا ابو بکر الرازی در که مسقط رأسی خراسان اولوب سنه هجریه دن اوچیوز  
 اون برده وفات ایلدی مومی ایله اوقات عمر نازنیندن بر دقیقه ضایع ایتماکی التزام ایدرك  
 یا تسوید و یا خود تبییض ایله اشتغال ایلدیکندن یوزدن زیاده تألیفات ای اولوب اکثری  
 علم طبه دائر در از جمله احکام طبییه متعلق اوتوز جلد اوزره (حاوی) اسمنده بر کتاب  
 معتبری و چیچك و قزامق علملرینه دائر دیگر بر اثری وارد در که بونلر السنه اجنیه یه نقل  
 و ترجمه ایدمش و درونلرنده مندرج اولان احکام و مسائل معرض قبولده واقع اولمشدر  
 (الجامع و کتاب الاعصاب) اسماریله ایکی قطعه کتاب کیری دخی اولدیغی مثلاً و دولت  
 سامانیه طرفندن اولوقت خراسان حاکی بولنان ابو صالح المنصور بن نوح بن نصر  
 بن اسماعیله تقدیم ایلدیکی اون جلد بر کتابی دخی وارد در که عصرنده بولنان اطباء  
 عربك متخذ لری اولان اصول و معاملات طبییه بی ترتیب اوزره بیان ایدر حکیم مومی ایله  
 اوائل حالنده عود تعمیر اولنان سازی چالمق ایله مشغول ایکن انی ترك و تحصیل علوم  
 و معارفه حصر نفس ایله فنون حکمیه ده نادر الاقران و امام و معتد اولمش وری شهرنده  
 و صکره دخی المکتفی زماننده بغدادده خسته خانه لرا نشا و اداره ایلمشدر مومی الیهك طب  
 اوزرینه مروی اولان نصایحنددر (اغذیه ایله معالجه ممکن اولدقجه ادویه دن  
 مباحات ایله و ادویه مفرد ایله تدبیر ممکن اولدقجه مر کباتدن محترز اول علتك بدایتنده  
 مداوات ایله لکن قوتی ساقط ایده جاك ادویه ایله مباشرت ایتمه) و بری دخی ابو علی  
 حسین بن سینادر که نواحی شیرازدن برقریه ده اوچیوز یتش سنه سی خلاانده ضیا پاش  
 عالم شهود ارلوب در تیوز بکرمی طقوز تار منجده همدانده متواری لحد غفران اولمشدر



مؤرخین افرنجیه دن بعضیلری دیر که بو ذات معالی سمات امام الاطباء و بلکه ملک الحکما  
اطلاقنه شایاندر که مدت عمرنده کورمدیکی بلایا و مصائب و او غرامدینگی دواهی و نوائب  
قالماشیکن یندمتا آخرینه سرماییه تحقیق اوله جق برنجیه اثر بی بها تألیفنه صرف اهتمام  
وابقای نام ایلدی از جمله قانون اسمنده اولان کتاب مستطابی الی یوزتاریخلرنده  
ژرار غرمون نام حکیم هتیه لاتین لساننه ترجمه اولنوب بعده هر اسانه نقل اولنمقله  
حاوی اولدینگی مسائل طبیه و حقایق حکیمه اسیا و افریقا و اوروپا قطعهلرنده التیوز  
سنه قدر بالجمله اطبایه اساس معاملات و مأخذ تحقیقات اولدی بوندن بشقه فن کیمیاه  
دائر بر کتاب مرغوبی و علم کلامه متعلق کتاب الصفا نامنده بر اثر مقبولی و ارای  
فلاسفه اسمنده بر تألیف دلپذیری دخی موجود اوله رق حکمای خلف اکثر مسائلده  
انلردن حل مشکلات ایدر لر و یازق کد بوناردن ماعدا اول فاضل جلیک نیجه اثار دخی  
اولدینگی حالده انلردن اوروپا قطعده سی مستفید اوله مامشدر اندلسده ا یکیوز الی  
تاریخلردن صکره فن طب بر سر ته رواج بولمشدر که انده یتشن اطبای حکمت پیرا التیوز  
عصرینه د کین قطعات سائر عالمده ساحه زیب تعین اولان اصحاب طبه علما و عدا  
همان معادل و مقابل کبیر بونلرک ال مشهوری ابوالقاسم خلف بن عباس در که مدینه  
الزهراده تولد ایدوب تاریخ وفاتی پک معلوم دکل ایسه ده جزو اولده بیان اولدینگی  
وجهله لیون قرالی سانشویه قرطبه ده تدای ایش اولدینغدن او چیوز الی سنه سندن  
صکره اولمیدر بو ذات حکمت سماتک فن جراحی یه دائر مشهور افاق اولان التعریف  
نام کتاب جلیلی آنفا ذکر اولندجغی وجهله جمله اوروپا اطبایه مأخذ و مرجع اولمش  
و دریغکه سائر اثار قضا زده دست روز کار اولمشدر و بردخی شیخ الاطبا ابو الولید  
محمد بن رشد در بو ذات فضائل سمات قرطبه ده بشیوز یکرمی سالی خلانده تولد ایدوب  
بشیوز طقسان بش و علی روایه بشیوز طقسان سکز سنه سنده مرا کشده رخت بسته  
عالم فنا اولدی جدول سابقده کوسه تریکی وجهله فاضل مومی الیهک ضایع اولنلردن  
ماعدا معلوم و مشهور اولان مؤلفاتی بر قاج کتابدن عبارت اولوب ایچلردن خلیجه  
نامنده اولان کتاب مرغوبی السنه اجنبیه به مترجم و اوروپا اطبای متأخرینی عننده  
پک مقبول و محترمدر بعض روایته کوره مومی الیه علوم حکیمه دیکانه دوران اولدینگی  
کبی علوم نقلیه ده دخی صاحب ید طولی اولدینغدن فقه مالکی یه و علم کلام و فن طب  
و سائر یه دائر یتشدن زیاده تألیفاتی بولمش و خصوصیه علم فقه ده اولان کمال مهارتی  
حسیله قرطبه ده قاضی دخی اولمشدر حتی اندلسک ایتالیه قریتی جهتیه حکیم مومی  
الیهک کلام و حکمت متعلق بعض کتابلری اورالرده منتشر اولدقده هر کسک رغبت  
واقبالنی جلب اتمکله ساده دلان خرسایانک تغیر عقائدینه سبب اولور خوفیه پاپا  
حضر تلی اول کتابلری طویلات دروب اصول مرغیه و قاعده شریفات دینیه اوزره  
آتشه القا و فیما بعد رغبت ایدلره افوروز رسمی اجرا ایلمشدر



اشبوفن جراحیدہ اہل اسلام اسلافی سبقت ایلمش و بلیکہ فن مذکور انلرک انہ یکمزدن  
دخی اول یوق حکمندہ ایکز یکیدن احوال ایتش اولد قلدن بونک موجدی مسلمانلردن  
دینلسہ لایقدر از جملہ قیطان یا قیسی تعبیر اولنان عمل مصلح ایلہ عصبہ الزہ نک تشریح  
وتفصیلی ذکر اولنان ابوبکر رازبنک مؤلفاتندن استنباط اولنش وجوارح و اعضاءک  
صورت وضعیترینہ کورہ استعمال اولنہ جق الات جراحیہ نک پک چوغی ابو القاسم  
خلف بن عباسک اختراع کردہ سی بولنشدر مشاہیر اطباء متاخریندن ہار نام حکیمک  
ابوالقاسمک التعریف تسمید اولنان گابی حقندہ اساس فن جراحی اطلاق ایتسی پک بجادر کہ  
بوفنک اکثر عملیاتی اندن اخذ اولنش وحتی مثانہ سندہ طش تحدث ایدن کیمسہ لک  
حیات و مماتی انک زمانہ قدر قبضہ اقتضای طبیعتہ محول ایکن مذکور طاشک سحوق  
وازالہ سی عملی اندہ کورلشدر و بردہ عربلر بوفنی سادہ جہ تجارت و تحصیل ایلہ او کر نیوب  
بلکہ کیمیا و نبات علملرندہ اولان ملکہ و مہارتلری اقتضا سنجہ صورت یقینیہ دہ بر قاعدہ  
صحیحہ اوزرہ تحکیم و تقویم ایتش اولد قلری ملخ القلی و قرمز و انذیق کی مقدما کورلماش  
بر طاقم الات و ادوات و ادویہ مفردہ و مرکبہ ایجاد و اتخاذ یملرندن دخی مستباندن

✽ صیدلہ ✽

یعنی اسانمزدہ اسپچا رلق و اجزا جلیق تعبیر اولنان فن مخصوص طب و جراحیک  
تمہ سندن و بلیکہ انلرک موقوف علیہی بولندیغی حالہ ظہور اسلامہ دکن  
عطارد و چرجی مقولہ لرینک و معتوہ عورتلرک اللرنده قالوب بوندن پک چوق  
او یغونسزلقلرتولد ایتیکدہ و اکثر یا طبییک خستہ یہ صاغلق و یردیکی علاج عکسنہ  
تأثیر ایدوب (ع) دارو سبب درد شد اینراچہ علاجست ✽ سری ظاہر اولمقدہ ایدی  
اشتہ بوفن مرعوب دخی اہل اسلامک اثر ہمت و رغبتی ایلہ میدانہ چیقوب اصول  
وقاعدہ تحتہ وضع اولندی از جملہ التیوز التمش سندہ سی خلااندہ واصل سرحد ہرم  
اولدیغی سالدہ اشبیلیہ دہ وفات ایدن حکیم شہر تشعار ابو مروان بن عبدالملاک بوفنہ  
دائر التأثير نامندہ بر کتاب دلپذیر تالیف ایلمش و کتاب مذکور ایتالیان اسانہ نقل و ترجمہ  
اولنوب الحالہ ہذہ بین الاطباء مأخذ معتبرعد اولنمقدہ بولنشدر مومی الیہ معاصر اولان  
مشہور ابن بیطار دخی فنون حکمیہ دہ و خصوصیلہ صیدلانی فنندہ کامل و بی نظیر اولوب  
جملہ مؤلفاتندن یوقارودہ کی جودادہ محرر جامع الادویۃ المفردۃ نام گابی اطباء متقدمیندن  
دیسقوریدس و غالین و اوریباز نام حکیملرک بوفنہ یازمش اولد قلری کتابلردن اتم و بین  
المتاخرین مقبول و محترم مدر فقط اسمی مرواریدن ابن رشید ایلہ ابن بیطار دن مقدم ابوبکر  
رازی خیارشنبہ و سناء مکی و تہرندی کی تلخیص قبضہ دائرہ چوق ادویہ معتدلہ بولوب  
حقا کہ نوع بشرہ بیوک خدمت ایتش و تصفیہ معدہ و تخلیہ امعا صمنندہ ترکیب اولنان



انواع شروبلر و ارواح میاه مقطره و لپا و ادهان و مرهم‌لر اکثری اطباء اسلامیه نك  
دستیاری همتیله میدانه چیتقمشدر مارالاسم حکیم دیسقوریدسك ادویه مفردهیه  
دائر اولان کتاب مشهوری خلفای عباسیه دن جعفر المتوکل زماننده بغدادده استفان  
بن باسیل همتیله یونانیدن عربییه ترجمه اولنوب فقط دروننده مذکور اولان صنوف  
ادویه نك اسملری تماماً عربییه نقل اولنه مامغله چوغی عینی ایله یونانی اوله رق ابقا قلمش  
ایکن ترجمه مذکور مؤخرأ اندلسه کلد کده مسند نشین حکومت اولان عبد الرحمن  
الناصرانی غایت استحسان ایدوب باقی قلان اسمی یونانیه نك دخی لسان عربییه النسی  
مراد ایلدی بوارالق قسطنطنیه ملکی ارمانیوس کندیسنه بعض هدایا ایله برابر  
دیسقوریدسك کتابی دخی مصور و مرتسم اوله رق کوندروب حالبو که اندلسه  
لسان یونانییه اشنا کیمسه بولندیغندن بونك و همدسه سائر بومقوله کتب عتیقه یونانیه نك  
عربییه نقلی ضمننده برطاق مترجم یتشدراسی تصیم اولنوب بونك ایچون لسان یونانیده  
ماهر برمعلم کوندراسی ملاک مشارالیه جانبدن ارمانیوسه تحریر و اشعار قلمغله حکومت  
قسطنطنیه طرفندن دخی نیقوله نامنده بر راهب انتخاب وارسال قلندی راهب مرقوم  
اوچوز قرق سالی خلانده قرطبهیه واصل اولوب اول عصرده اندلسده خلیجه اطباء  
اسلام بولمغله بونلر کتاب مذکورده بولنان اسمی یونانییه راهب مذکور دن  
تصحیح و عربییه نقل ایلدیلر بو جهتله طب یونانندن برویه التمدق هیچ برشی قالمدی  
✱ اندلس تاریخی ✱ ادهم پاشا ✱

### ✱ دولت علیه نك قوه بحریه سی ✱

حضرت عمر الفاروق رضی الله عنه زمان خلافتنه کلنجه اهل اسلام دریاسفرینه  
سالک اولماشیدی عمرو بن عاص مصری فتح ایلد کده حضرت عمر الفاروق عمرو بن  
عاصه مکتوب یازوب بحر نه مقوله شیدراحوال و اوصافی اعلام ایت دیوامر ایتمله  
عمرو بن عاص دخی درگاه فاروقیه (یا امیر المؤمنین ان البحر خلق عظیم یرکبه خلق  
ضعیف کدود علی عود) دیوجواب یازمغین حضرت عمر امت محمدی صیانت قصدیه  
رکوب بچردن منع ایلدیکنه مبنی قریش و سائر دریاده سفر ایتمکدن امتناع ایلدیلر  
ایسه ده مصر خلقی و ملل مختلفه دن مملاک مصریه ده اولان تجار عن اصل حروب  
و تجارت بحریهیه مألوف و دول سالفه زمانلرنده عمرلری دریاسفرینه مصروف  
اوله رق اباعن جد بیلدکاری صناعت نافعده لری اولمغله انلر فراغت ایتیه رک دمیاط  
ورشید و اسکندریه و سائر سواحلدن سفینه نرین ایشلدوب و سویش خلیجندن یمن  
و هند طرفلرینه سیروسفر ایدوب تجارتلرندن قالمالرو سواحل مصریه ده بولنان قبائل  
عرب و زناته و مغاربه کبارینی غزوات و تجارت بحریهیه ترغیب و تحریکدن خالی اولمالر ایدی



لكن عمرو بن عاص ايله كلان كبار اصحاب وانلرك امثالي متشخصان عرب تنبيه فاروقى ايله متنبه اوله رق ابتدای امرده مخالفته جرأت ايتيوب قوت و مال و رجاله مالك اولان نخيله شيخى عرفجة بن هرثمة الازدى و مسكت حاكمى مسلمينى غزا و جهاد دن و مكاسب نافعده دن منع ايلك رأى صواب دكلدر ديو تنبيه فاروقى يه مخالف سفينه لره بنوب عمان و سائر سواحل و جزايره غزا ايتدكلرينى حضرت عمر ايشتد كده دخی عرفجة يه عتابنامه ارسال ايله عمرو بن عاص طرفدن مؤاخذه و زجر ايتدیردى زیرا مايه اصلى اسلام اولان اولاد عرب هنوز قبضه تسخيره چکن یرلرده کرکی کبی یرلشمدن برنجیه سی سفینه رکوب ايله اقطار بعیده یه متفرق و یرا کنده اوله رق مرکز خلافتدن بعید دوشملری قاعده حکمته موافق دکل ایدی بعده سواحل مصر یه سکاندن ذی قدرت سفینه صاحب لریله اکا بر اسلام دخی مشارکت ایدوب رفته رفته سفینه لره رکوب ايله کاه غزا و کاه تجارت ایچون دریاسفرین ایدر اولدقلری حضرت عمره منعکس اولدقده نهی و منعی تشدید ایتيوب سکوت ايله حاللری اوزره ایقا ایلدیکندن تازمان معاویه یه کانبجه اهل اسلام مختصر سفینه لر ايله کاه غزا و کاه تجارت ایلدی لر لکن بوسفینه لرده رئیس و آلات قوللانان خدمه نك اکثریسی نصارادن فن دریاده ماهر کیمسه لر اوله رق اجرت عظیمه ايله استخرام اولنوب اهل اسلامده اول فنونه متعلق معلومات یوغیدی حضرت معاویه وقتنده عمرو بن عاص تکرار مصره والی اولدقده فرمان معاویه ايله روی دریاده غزا ایچون مسلمینه اذن عام و یردی حضرت عمرک ابتدا منعی و صکره سکوتی و بعده اذن عام صدوری نه حکمته مبنی اولدیغنی محققین علما بو وجهله توجیه ایدوب دیمشارکه ملت عرب بدایت حالسه احوال بحریه دن برشی بیلمدیکی جهتله ابتدای امرده حضرت عمر انلری صیانت مصلحتی ایچون منع ایلش و بعده طاقم طاقم اول مصلحتیه مباشرت و لوازم و تفرعاتی تعلمه مبادرت ایتدکلرنده علی سبیل المسامحه سکوت ایلش مؤخر ملت اسلامیه اول فنونه اشنا اوله رق احوال دریاه ایچمه کسب و قوف ایتدکلریدن بحرا غزا و جهاده اذن عام و یرلش اوله بروجه مشروح اذن عام صدورندن صکره غزات مسلمین مناسب سفینه لر یاپوب و نصارادن احوال روزکاری و امور بحاری لایقیله عارف رئیساری اجاره ايله طوته رق کندولر آلات حرب و ادوات جهاد ايله کیروب کاه غزا و کاه تجارت ایدر اولدی لر حتی امیر مصر عقبه بن عامر هجرتک قرق یدنجی سنه سنده ردوس جزیره سنه غزا ایدوب غنائم کثیره المشرق و قرق سکز سنه سنده حضرت معاویه قبریس جزیره سنه غزا ایلدی دیو تاریخ خمیسده امام واقدیدن روایت اولنمشدر و اصف تاریخننده محرر اولدیغنه کوره عبدالملاک بن مروانک هنکام سلطانننده افریقیه عاملی حسان ابن نعمانه خبر ارسال ايله تونس طرفنده سفائن متنوعه انشاسیچون دارالصناعه بناسی امر



ایدوب آشته ملت اسلامیة ابداء یا پیلان دارالصناعه بودر حالا لسانزده مستعمل  
اولان ترسانه لفظی دارالصناعه دن غلطدر اولوقت مذکور دارالصناعه ده  
بشیوزدن زیاده فرقندیه مشابه خفیف المونه سفینه لیاپلوب حاضر اولدقده تونس  
حوالیسی شیخی زیاده بن ابراهیم وقتنده که تاریخ هجرتک سگسان ایکنجی سنه سی  
ایدی عطا بن رابع عبدالک طرفندن امیر اوله رق اول دونما ایله واروب الیوم سیجلیه  
دید که کمر صغیه جزیره عظیمه سی فتح ایلدی و طقسان برسنه سنه حاکم افریقیه  
اولان موسی بن نصر طرفندن طارق بن زیاد ندلس طرفنه غزا ایدوب اندلس مملکتی  
وبعد ساردنیا جزیره سی فتح ایتدی و طقسان ایکی تاریخنده ینه طارق ابن زیاد  
هم قبودان و هم سردار صغیه بریوک دونما ایله سینه خلیجندن طشره بحر اوقیانوسه  
چیه و ب اسپانیالور ایل مدت مدیده جنک ایدرک فتوحات عظیمه نائل اولدی ایتداسینه  
بوغازندن طشره چیقان اسلام دونماسی آشته بود و نغادر امیر ینه نسبتله بوغازه دخی  
جبل طارق تسمیه اولمشدر اولوقت اندلسه غوث قومی حکومت ایدرک اصل یرو  
اسپانیولاری رعایا حکمنده استخدام ایدوب پانتختری طلیطله شهری ایدی اول عصرده  
ایسه اوروپانک سائر طرفلارنده اولدیغی کی اسپانیا قطع سنه دخی اغنیایک چوق  
اموال و ذی قیمت اشیاء و قف ایده کادکلی جهته بیوک مناسیرل یا پلوب بوضورتله  
طلیطله دخی پک بیوک برمناسیر بناولنه رق ذی قیمت اموال و اشیاء ایله مالا مال ایدی  
بعض نقالان اخبار ضعیفه طلیطله ده اولوقت شویله معمول بریت الحکمه و ارایدی  
دیور وایت و تعریف ایتدکلی بیت الحکمه آشته بو مناسیر در یوخسه اول زمان اسپانیاده  
علم و حکمتدن هنوز بر اثر یوغیدی هرنه حال ایسه بوجمله رهبان طائفه سی اول  
طرفده پک زیاده نفوذ و قدرت کسب ایدوب بعض شهرلر ده بیاغی ادعای استقلال  
درجه سنه کیش اولارقلارندن مؤخر غوث قومندن نوبته جالس صندالی حکمرانی  
اولان رودریق نام قرال مقتضای شجاعت ذاتیه و حیت شبایه سی اوزره رهایینک  
بودرجه نفوذلرینی چککه میدرک مذکور بیوک مناسیری اویوب یغما ایتدیرهش  
اولدیفندن کبرا و اهالیدن بر طاقمی کسندوسندن دلگیر اولمش و بونک اوزرینه جنوب  
اندلس طرفده محافظ بولنان چولیانوس نام سردارک قیزینه تسلط ایتکله اودخی  
کندوسنه خصم جان اوله رق بعض و کیتی اجرا ایچون عرباری اندلس طرفنه دعوت  
الاش اولسنه نظرا اسپانیا قطع سی راستیلایه کسب استعداد ایلوب اولوقت ملت  
اسلامیه تک دخی زمان شباب سلطوت و شوکتی اولمقین قطع مذکوریه ایاق با صدقلری  
کبی مدت قلیه طرفنده هر طرفنی ضبط و استیلا ایدرک غنایم کثیره نائل اولوب هله  
طلیطله فتحنده نصیب اهل اسلام اولان اموال و ذی قیمت اشیاء قابل احصا دکادر  
آشده بونجه فتوحات عظیمه انجق قوه بحربه ساه سنه وجوده کلمشدر و غزات مسلمین



بروجه مشروح قوه بحریه مالک اولدقدن صکره بهر سنده مصر دن وتونس و افریقیه طرفلر دن دونما اخراج ایله جزایروسوا حنده پک چوق ممالک افرنجه مظفر و فتوحات جلیلهیه مظهر اولمشلر در بعده اندلس دونماسی ایکیز و افریقیه دونماسی یوز الی سفینهیه بالغ اولوب روی دریاده کاه اهل اسلام دونماسی و کاه نصارا دونماسی غالب اوله رق جزایروسوا حل ولایتلرین یکدیگر دن اخذ و تسخیر ایده کلار یله روی دریاده جنک وجدال اکسک اولماشدر

دولتعلیه نك اوائلنده اکثر حروب و قتال قره ده اولغله دونما امورینه چندان تقید اولنمیوب سلطان اورخان غازی نك اوغلی سلیمان پاشا روم قایقار یله کلیبولی طرفته مرور ایدرک اول حوالی یی تسخیر ایله روم ایلی قطعه سنده بر خیلی یرل ضمیمه ممالک محروسه اولدقدن صکره کلیبولی معبرنده براز قایقار تدارک اولنمشیدی بعده استانبولک تسخیرینه یالکر قره طرفندن محاصره سی کافی اولدیغندن بحرا دخی هجوم ایچون قدر کفایه سفائن ترتیب اولنوب انجق اولوقت استانبول ایله غلطه میاننه زنجیر چکلدیکندن لیمانه کی اصراری قابل اولماغله بالته اوغلی سلیمان نك معرفتیه برروایتده سود لیجه اردنده مجددا کیلر انشا ایله اورادن و برروایتده روم ایلی حصار ی اردنده ترتیب دونما اولنوب حالا طولیه باغچه دینلان لیماندن فن جراثقال ماهر لرینک حیرت افزا تدبیرلر یله یاغلی قزاقلر اوزرنده قره ده کیلر یوریدیلرک لیمانه ایندیرلد کده ایچلرینه مترسار قوریلر رق اولطرفدن هجوم اولنوب بوتدیر دلپذیر ایله شهر استانبول فتح و تسخیر اولندی اشته دولتعلیه ده اک ابتدا نصب اولنان دزیا بکی اشبو بالته اوغلی سلیمان نك اولوب روم ایلی حصارینک اوست طرفنده کی لیمان مشهور اکانسبتله یاد اولنمقده در

استانبولک فتحندن صکره ترسانه امورینه اهتمام اولدق خیلی سفینه لر انشا اولنوب مدت قایله ظرفنده اول عصرده بتون آقدگری بنسه مش اولان وندی کلوری تهدید ایدم جک قدر دونما تدارک اولنمش و همان فاتح زماننده قوه بحریه ایله نیجه بقاع و قلاع ضبط و تسخیر قلنش ایدی بوضورتله دولتعلیه نك قوه بحریه سی خیلی ایلر ولیه رک ماهر قپودانلر ظهور ایدوب از جمله کال رئیس یار و اغیار نظر نده اثبات لیاقت و مهارت ایتمشیدی حتی سلطان بایزید ثانی عصرنده سکر یوز طقسان ایکی سنه هجریه سنده اندلسه و جزیره سیچیلیایه اسپانیالور مسلط اولدیغندن اول ممالک حکمداری بولنان ال احر ملکندن برقصیده غرا کلوب اسپانیا استیلا سندن شکایت و اندلس اقلیمی تسلط اعدادن تخلیص رجاسیله استمداد و استعانت ایتمکله کال رئیس چند قطعه سفینه ایله امداد لرینه کوندرلش فقط اول اشناده محاربه بحریه ارناودلق و موره سمترلرینه دو شملکه اندلس طرفی براغملش ایدی وارل ع سرده خیلی بیوک کیلر انشاسنه



مبادرت اولنوت حتی کاتب چلیپنک بعض لاتین تاریخلرندن روایت ایدلدیکنه کوره  
اوروپا ملوکندن الفونس نام قرال درت بیک طونیلاطهلق برکمی یاپدیرمشیدی  
بعده ایکی کمی دها یاپدردی که بر زمانده اول قدر بیوک کمی یاللماش ایدی لکن  
انلری قوللانه مدیلر اسکله ده بر برینه چاتوب بوز دیلر و ندیک خلقی دخی اول اشناده  
بیوک کیلر انشاسنه باشلیدیلر اشته اول عصرده فاتح محمد خان دخی اوج بیک تونیلاطهلق  
کمی یاپدردی لکن ایندیررکن اسکله ده غرق اولدی

تونیلاطه فوجی معناسنه اولوب زلرده کیله تعبیری سفائنک صغر و کبرینه مقیاس  
اوله رق شوقدر کیله لک کمی تعبیر اولندیخی کی اوروپا لور ییننده دخی تونیلاطه تعبیری  
کیلرک حجمی بیان مقامنده مقیاس اولوب بر تونیلاطه اوتوزالتی کیله اعتبارنده در  
انجق بودخی قلیون انواعنده در قلیون تعبیری الیوم اوج انبارلور ایله قپاقلره مخصوص  
اوله رق یینزده اصطلاح اولمش ایسه ده فی الاصل قلیون یالکز یلکن ایله قوللانیلان  
بیوک سفینه لر اولوب قراقه و بارجه و پولیقه کی انواع عدیده سی وار ایدی و قراقه  
قالیونک بیوکی دیمک اوله رق اول عصرلرده بونلری اکثریا اسپانیالور قوللانوردی  
وسائر دول اوروپانک جنک قلیونلری اکثریا بارجه ایدی اما چکدیری انواعی که هم  
یلکن ایله قوللانیلور و همده کورک ایله چکدیریلور کیلدر بونلرک دخی اقسام عدیده سی  
اوله رق بونلرده مقیاس اوتوراق تعبیری اولوب اقسامی دخی بووجهله یکدیگردن  
متمیز اولور شویله که اون اوتوراقدن اون یدییه وارنجه فرقه دیناور هر کورکنی  
ایکیشر اوچر آدم چکروا و سکروا و طقوز اوتوراق اولورسه برکنده دیرلوا و اون  
طقوزدن یکرمی درده وارنجه قالیه در و یکرمی بش اوتوراقلی اولور ایسه قدرغه  
دیرلکه هر کورکنی در در آدم چکرو یکرمی التی اوتوراقدن اوتوزالتی اوتوراقه وارنجه  
باشترده دیرلهر کورکنی بشر الیشر یدیشر آدم چکر کیسنه کوره یوکسک و عریض  
اولور ایسه ماونه در ایکی قات اولوب التی ماونه اوستی قلیون اولورسه کوکه دیرلر  
قدرغه لک ایکی بود و سلمه سنک اره سی الی بش والی التی ذراع طولنده و انبار اغزی  
یکرمی قارش عرضنده اوله رق قیج ارتشاعی اون سکز قارش و بش ارتشاعی اون بر  
قارش و قوشاق ارتشاعی التی قارش بر یارمی اولور هر بر قدرغه ده حریطه و پوصله یه  
بقار بر ماهر قپودان و ترنکته قوللانور یکرمی الاتچینک بری اوطه باشی اولوب دومجی  
ویلیکنجی و نجار و قافا تچیلر یله بیله بر قدرغه نک ارتوز بوقدر که ییجیسی و یکرمی  
بش اوتوراقدن بر کورک محلی اوچاق یرینه کیتکه قرق طقوز کورک اوله رق در در قاتدن  
یوز طقسان التی کورکجیسی و یوز جنکجیسی اولغین بر قدرغه خلقی لا اقل اوچیوز  
اوتوزه بالغ اولوردی یکرمی التی اوتوراق عادی باشترده نک طول الی یدی ذراع  
اولوب عرضی و خلقی دخی اکا کوره ایدی اما پاشا باشترده سنک طولی یتش ایکی



ارشون قدر اولور و اوتوزالتی اوتوزاق اولوب هر کورکنی یدیشر آدم چکرو خلقی  
 لاقل سکر یوز نفر ایدی التمش بش ذراع طولی اولان ماونه نك یکر می قارش قیج  
 ارتفاعی و اون ایکی یچق قارش باش ارتفاعی ویدی یچق قارش قوشاق ارتفاعی  
 اولوب درونه یکر می درت پاره طوب قونیلور و یکر می التی اوتوزاخنك هر کورکنی  
 یدیشر آدم چکوب جله خلقی التیوز نفره بالغ اولوردی بوکیاری اکثر یا وضع کورک  
 اولنان اسر ایه چکدیروب آنلره فورسه تعبیر ایدرلردی شویله که بونلار زنجیر بند اولدقلدی  
 حالده اوتوزاق محله چاقیلی اوله رق کورک چکرلردی مع مافیه جنک وقتنده بونلره  
 امنیت اولنم مدیندن اهل اسلام قیودانلرینک اکثریسی احتیاطا کورکچارک نصفی  
 فورسه و نصف دیگرینی تورک اوله رق استخدام ایدرلردی

سلطان بایزید ثانی عصر نده موره سواحلنک تسخیری اراده سیله عظیم سفیندلر انشا  
 اولندیغی سرده ایکی قطعه کوک یاقتمشیدی که هر برینک طولی یتیشر و عرضلری  
 اوتوز ذراع اوله رق ایچلرینه بیوک ملر پاروهر بریندایکیشربیک جنگجی و کورکچی وضع  
 ایله برینک ریاستی مشهور کمال ریشه و دیگرینک ریاستی براق ریشه ویریلوب سائر  
 کمی انواء مندن دخی صغیر و کبیر اوچیز قطعه سفائن تهیه و ترتیب ایله ایند بختی جانبده  
 کوندرلمشیدی اوارینی تجاوز بوله براق اطلسنه اوردقلرنده دشمن دونمائی مقابل  
 کلهرک جنکه مباشرت اولنوب دشمنک ایکی کوکسیله برماونه و برده بارجدسی براق  
 رئیسک کوکسنه هجوم ایتد کلرنده وهله اولاده براق رئیس اول ماونه ایله بارجه بی  
 طوب ایله کسر و غرق ایتد کدنصکره اول کوکدنر ایکیسی بردن براق رئیسک  
 کوکسنه صارلده قارنده براق رئیس دشمن کوکلیشه روغن نغط ایله آتش براغوب  
 ایکیسنی دخی یاقتمش ایتده کندو کوکسنی آتزدن آیره پیوب اودخی بيله یاقتمش  
 کندو سیله برابر بشیوز قدر عساکر اسلامیه شهید اولوب سائر دریاه دوشن غزات  
 مسلمین قایقلمه اندرق تخلص قلمش و دشمن سفینه لرنده بولنانلرک حریق و غریقندن  
 بشقه دریاده یوزنلری دخی قورتیلدیوب تلف اوله رق امدادلرینه کلان برقطعه  
 قلیون دخی اخذ و ضبط اولمشد رو بوهر کیه قریب اولان اطد براق اطلسی دیوم معروف  
 اولمشد راندنصکره وقوعه کلان عساکر باده دخی دونمائی همایون و ندیک دونماسنه  
 غالب کلدرک ایند بختی و متون و قرون قلعه لری نك قتمی میسر اولمشد

برمنوال سابق دولتعلیدنک قوه بحریه سی ایا و لیدرک و ندیک دونماسنه غلبه ایتمشیکن  
 مؤخر سلطان بایزیدک پیرانکی حسیله انزوا سی و کلانک اهمال و مسامحه سنه و مزاج  
 دولتک ضعف و فتورینه باعث اوله رق دریاسفرلری مهمل و متروک اولوب بعده  
 یاوز سلطان سلیم خان حضرتاری دخی تقدیم الهم علی المهم قاعده سنه رعایتله ایران  
 و عربستان سفرلرینه اشتغال ایتدیکی جهته دونما مورینه باقیله مدیندن بشقه



اوارالق آقد كز جه بيوك مشغله ز چيقارلامق اچون اهل اسلام قورصانلرى دخی سفر دن منع اولمش ايدوكندن اكر چه دولتك قوه بحريه سی تنزه يوز طومش ايسه ده اوارقت عثمانو ملتك موسم شباب سطوت وشانی وعروق حيتك زمان ترقی نشان حدت نبضانی اولديغندن سردر هوای جهاد اولان كوكالار قيودانلرك پك چوغی قورصانلاری ترك ايتماك اوزره غرب سواحله يايلوب اوروپا لور ايله جنك وجدالدين خالی اولديلر بوزلرك بيشواسی مشهور خير الدين پاشا دراشتد بو حالدده سلطان سليمان خان حضرتلری تحته جلوس ايله دونما امورينه زياده اهمت و تقيد بيورملر ايله قوه بحريه دولت عليه كسب حیات تازه ايلمشدر چونكه ياوز سلطان سليم خان حضرتلری امور ترسانه به شروع برله فاتح مر حوم وقتنده آيندلی قواق سمتمده يايلمش اولان كوزلردن زياده كوزلر و مخزنلر ياديرمش و نيترلی عظيم دونما تدارك برله آقد كزده اولان جزائر و سواحل مملكتارين تمامها ضبط و تسخير ايتك مصلحتی اولوب حتی ادریس بدلیسی و ديكر بعض محرماری ايله مصاحبت خاصه ائناسنده سبته بوغازينه وارنجه آق دكز ديدكاری بر خلیجدر آنده بو قدر مال مختلفه جمع اولوب تماما خلیج دولت عليه حكمنده اولامق لایق میدر و بو خصوصه بذل مافی الوسع ايتماك شان سلطنته شین ویره جاك قصور همتنددر حق تعالی اجلدن امان و یررسه بومعصوده كفایت ایده جاك مرتبه دونما تدارك ایدوب آقد كزده اولان ممالکی قبضه تسخيره آلدقجه راحت و آرامی حرام ایتك عهد اولسون دیرلر ایش و ترسانه بناسنی توفیر و تكشیر ایتك بو عزیمت قهرمانیه ايله شروع بیورمشار

لكن دولت چراكسه مصریه كه حرمین شریفین خدمتی شرفیه عیون ناسده معتبر و مصر قاهره مأوای خلافت عباسید اولديغندن ماوك چراكسه بوشرف مستعار ايله دخی جلیل القدر اولدقاری حالدده بعض اسباب حادثه دن طولانی دولتیله ايله بینارنده برودت و مبايئت پیدا اولوب اكر چه تونس ملكی عثمان حفصی توسطی ايله ینه دوستلی تأكید اولدق رق طرفیندن مراسلات ايله ایلچیلر توارد ایدر اولديده دایره غیرت دولت مرکز تعین واستقلالده قبول شركت ایتدیكندن بشقه طائفه چراكسه گاه ایرانیه و گاه اشقیای عربانه کیرلو معاونتدن خالی اولدقاری اجلدن ابتدا ملك مصری قمع ایتك و بو طریق ايله سواحل عربستان قبضه تسخیره المقی اهم كورلیکین اول امرده اول مصلحت مهمیه بذل همت بیوروب اندن دار سلطنته عودت ایتدكلارنده ملحوظلری اولان وجه اوزره روی دریاه دونما ایندیروك تداركنده ایکن استانبوله تشریفلریك ایاکنجی سیدی دار عتیایه ارتحال ایتدیار

اوغل سلطان سليمان خان حضرتلری جالس تخت سلطنت اولديغنده ترسانه امورينه اهمت ايله تقيد تاملدن خالی اولوب چونكه ردوس قوالیرلری قورصانلقه اقد كزی



کسوب راست کلدکاری تجار سفینه لینی اخذ و ضبط ایده کلدکارندن مصر یولینک  
تأمینی ایچون ردوسک قتی اهم اولدیفنه مبنی اول امرده عظیم دونخايله واروب  
طقوز یوز یکر می طقوزده ردوس جزیره سنی فتح ایلدی و طقوز یوزاوتوز ایکیده  
سایمان رئیس نام قورصانی سویش دکرینه قپودان و سردار ایدوب یکر می پاره  
قدرغه ایله بندر سویش دن دیارینه کوندرد یلراودخی واروب یمن وعدن سواحلی  
ضبط ایلدی اندنصره خیرالدین پاشا استانبوله کلکه دولتهلیه نك قوه بحریه سی  
درجه کماله واصل اولدی

خیرالدین پاشانک اسمی خضر اولوب انجق اورو پالور ییننده بارباروس دیومروقدر که  
قرمزی صقالو دیمکدر دریاده حارق الحاده افعال و غزواتی اولوب مظنه کرامت  
بر پیر مجاهد جلیل المنقبه در سلطان سلیمان خان حضر تلرینک امریله ترجمه حالی یازدیروب  
برکاب ایدرک مشارالیه حضر تلرینه تقدیم ایتشدن تفصیل احوالی اندن معلوم اولور  
بومقامک اولقدر تفصیله تحملی یوقدر فقط انک قپودانلغی اوانی قوه بحریه  
دولتهلیه نك ال زیاده شوکت و غلبه سی زمانی اولدیفندن اجمالا ترجمه حالنک بیانی  
مناسب کورینور شویله که خیرالدین رئیس فی الاصل مدلولو اطه سی سکانندن اولوب  
سلانیکه ایشلر و بیوک برادری اوروج دخی مصر و طرابلس شام سفرلرینه کیدرایدی  
اوروج رئیس بردفعه طرابلسه کیدرکن ردوس قورصانلرینه اسیر دو شمشیدی  
بعدا خلاص سلطان قورقود انطالیه ده ایکن اندن استیذان ایدرک اون سکر اوتوراق  
برکی ایله قورصانلغه چیقوب برمدت رادوس اطرافنده و سائر سواحله نیجه سفائن  
نصارایی غارت ایتد کدنصره غرب طرفنه کیتمشیدی چونکه سلطان سلیم خانک  
جلوسنده سلطان قورقود اختفا ایدوب آقد کز کیلری دخی سفردن منع اولنمغله اهل  
اسلام قورصانلری غرب سواحلی کندولرینه مرسی و مأوی ایتد کلرندن خیرالدین  
رئیس دخی کیسینی الوب غرب طرفنه بادبان کشای عزیمت اوله رق برادری اوروج  
رئیس ایله طرابلس طرفنده واقع جربه اطه سنده لدی الملاقاة ایکی برادر غزایه نیت  
ایله تونس و واروب حاکمندن بر مکان استمشر اولزمان تونس دخی آل حفص یدنده  
اولوب مال غنایمک خمس تونس خزینه سنده تسلیم اولنمق شرطیله آنلره خلق الواد  
قلعه سنی تعیین ایتمشیدی بوضورتله ایکی برادر لر دکره چیقوب راست کلدکاری  
سفائن افرنجی اخذ و تسخیر و کتدکجه سفائن تکثیر و صیت و شهرت لرینی ایصال  
چرخ اثیر ایدرک آقد کزه ولوله ویردیله

اول اثناده جزائر غرب سواحلیک پک چوق یرلری افرنج الیه کچمش ایدوکنندن  
مدت مدیده افرنج ایله محاربه ایتدیله تونس طرفنده واقع بجایه حصاری دخی بوجه  
مشروح افرنج الیه بولنمغله انک اوزرینه هجوم ایتد کلرنده اوزرلرینه کلان اسپانیا



دو نمانده غالب کلدیلر انجق بومحاربده اوروج رئیسك برقولى بچروح اولمغله برادری  
خیرالدین آنی تونسہ ارسال برله کندوسی جزیره میورقه یی اوروب و برقاج قله قحله  
نیجه قریه زینی غارت ووافر اموال غنیمت اخذایدوب دکزده قورسیقه دونمانسہ  
تصادف برله اکادخی غلبه ایدرک مظفرا تونسہ عودت وبعده موسم شتاده تکرار  
قورصانقله دکزه چیقوب برآی ظرفنده اوچ بیک سکز یوزاسیرو یکر می پاره کی و بونجه  
اموال غنائم ایله رجعت ایتد کند نصرکه بهارده یی قطعه کوکلی کیسنه سردار اوله رق  
بعض سواحل اوروپایى باصوب کلی غنائم الدقندن بشقه دکزده دخی بش قطعه سفینه  
الوب بونلردن برینی مشهور کمال رئیسك همشیره زاده سی اولان محی الدین رئیس  
ایله در دولعلیه ارسال و تقدیم ایلش و مقابلنده طرف دولعلیه دن دخی کندوسنه  
ایکی قدرغه ایله خلعت کوئدر لمشیدی

بون نصرکه خیرالدین رئیسہ دریاده قارشو طورر اولیوب بار باروس نامندن بتون  
آقدکز لرزان و سواحل و جزایر اوروپا خلعتی هراسان اوله رق بشکده کی چو جقلرینی  
بار باروس نامیله اخافه واسکات ایدر اولدیلا آنک بوججهله خروج و ظهوری دول  
اوروپایه موجب اندیشه اولوب بناء علیه فرانسه لودخی اوتوز قطعه دونما ایله تونس  
طرفنه مهاجمه ایلش ایسه ده انلردخی منہزما و مأیوساً عودت ایتشیرایدی بعده اوروج  
رئیس جزایری ضبط ایله انده تمکن ایدرک جزایر و بجایه توابعی اولان قلاعی برادری  
خیرالدین رئیس ایله بونلرنده مقاسمه ایدوب جزایرک غربنده اولنلره اوروج رئیس و جانب  
شرقیسنده اولنلره خیرالدین رئیس نامزد اولمغله تلمسان حاکی بونلری جزائر سواحلندن  
طرد ایتک اوزره اسپانیالوا ایله اتفاق ایدرک قره دن کندوسی و دکزدن اسپانیادونمانسی  
جزایر اوزرینه هجوم صد دنده اولدقلرینی اوروج رئیس خبراله رق برمقدار عسکرایله  
سریعا تلمسان اوزرینه حرکت ایتدیکنده چونکه حاکم اعدای دین ایله اتفاقندن  
طولای اهای کندوسندن روگردان اولوب علماسی دخی قتلنه فتوی ویرملریله  
اوروج رئیس شهره تقرب ایتدیکی کبی اهالیسی استقبال و انقیاد ایدیجک تلمسان  
حاکی تلمسانک اسکله سی اولوب مقدا اسپانیایدینه کچمش اولان وهرانه فرار  
واسپانیالودن استمداد ایتکین بذل مال ایله جلب اولنان برخیلی عرب عسکرینه برمقدار  
دخی فرنک عسکری قوشیلوب اولا قلعه القلاعی وبعده تلمسانی محاصره ایتد کلرنده  
برسنه دن زیاده حرب و قتال تمتد اوله رق نهایت اوروج رئیس شهید اولوب بو قلعه لر  
دخی استیلا اولند قدر نصرکه اسپانیوللر یوزیتش پاره کی ایله کلوب قره یه کلی عسکر  
اخراجیله جزایره هجوم ایتد کلرنده خیرالدین رئیسك کندو آدمیری اقل قلیل ایسه ده  
یکرمی بیک قدر عرب عسکری کندوسنه انقیاد اوزره بولندیغندن مقام مدافعه ده  
جات ایدرک اسپانیالوری کلی تلفات ویرد کند نصرکه فراره اجبار ایلدی بعده تلمسانی



وتنس حصارینی فتحه عودتند نصره کیاری جزایر لیمانده یا تورکن یوزاوتوز پاره کی  
ایله اسپانیالور کاوب ایمانی با صدقارنده ینه مهزما عودت ایدوب آنجق بو کره بعض  
سفینه لری قومه اوتورمقله دونمانک قیودانی وبرخیلی ضابطانی و اوج بیک قدر  
نقزلری جزایر ده اسیرقالدیگر

بووقعه دنصکره جزایر اهالیسی خیرالدین رئیسدن جزایر امارتنی قبول ایتنی استماعا  
ایتمش واودخی خطبه وسکه ال عثمان نامه اواق شرطیه قبول ایش اوایوب آنجق  
تونس وتلسان حاکماری بوصورتدن دلکیرا اولمیریه خیرالدین بک علیه اتفاق ایدرک  
جزایر اهالیسندن ایشه یرار بکاری اضلال ایله کندو طرفلرینه اماله وبرطرفدن دخی  
بذل مال ایله برطاقم عربانی جزایر اوزرینه تسلیط وحواله ایتدکارندن بشقه تلسان  
ملکزاده لرندن بعضیسی فاس حاکمندن وبعضیسی اسپانیادن استعانه ایله جنک  
وجدالدن خالی اولما ملریله خیرالدین بک بونلرک دفع مضرتلریله مشغول اولدیغی اثناده  
براو محراسوق عساکر ایله وهران قریبندو واقع مسغانم حصارینی تسخیرایتدی کندنصکره  
دونماسی اندلس یاقه سنه یکوب یالیردن وافر غنائم الدقدن بشقه مدجلاردن یعنی  
اسپانیالور یدلرنده اشارتله گرفتار مذلت اولان اهل اسلامدن دخی بولدق لرینی  
جزایره نقل واسکان ایلشدر لکن برطرفدن اسپانیالور وبرطرفدن تونس حاکمک اغواسیله  
عر بلر خیرالدین اوزرینه هجومدن خالی اولیوب بوصورتله اندکی حصارلرک اکثری  
گرفتار دست استیلا وجزایر خلقنک یک چوغی مائل طرف احددا اولمقله خیرالدین بک  
نهایت جزایری ترک ایله ینه اول سواحله واقع جمیل حصارینه هجرت والتجا ایدوب  
اوج سنه قدر برطرفدن سواحل اورویایی غارت وبرطرفدن دخی کندویه مخالف بولنان  
تونس کیارینی احراق ایله امرار اوقات ایتد کندنصکره تکرار جزایری ضبط ایله آنده  
استقرار وبرمستدن برو خطبه یی کندو نامه او قوتدیران تلسان حاکمی عبداللوه  
نصیحت سیاقنده تحریرات تسیمار ایتدی کنده عبداللوه بونی اصفا ایتدی کندن بشقه عرب  
عسکریله جزایر اوزرینه حرکت ایدوب آنجق واقع اولان محاربه ده مغلوب اولدیغندن  
خطبیدی ال عثمان نامه اوقوتیق وسنوی یکرمی بیک النون ویرمک شرطیه خیرالدین  
بکدن استحصال امان ایتشیدی بوندنصکره دخی خیرالدین بک جهاد وخرادن  
خالی اولیوب آد کزده اوروپا کیلرینی کزدرمز اولدیغندن اسپانیا قرانی ومانیا  
ایمپراطوری اولان مشهور شارلیکن بوکار چاره ارایوب اولوقت اوروپا قیودانی  
ایچنده مهارت وجسارت ایله معروف ومشهور اولان اندر یادوریا نام قیودان  
معیتته مکمل دونما اعطا ایله خیرالدین بک قارشو آق دکره چیقارمشیدی لکن  
بارباروس نامندن اوروپا لور هر اسن اولدیغندن اندر یادوریا خیرالدین بک ایله بولشقدن  
احتراز ایدوب خیرالدین بک کندوسنی چیتجو ایدرک اقی دکره طولاشور واودخی فرصت



دوشور دجكه بعض سواحل اسلاميه به ايراث خسار ايلرايدى اشبو خلاصه اسپانيا لوز اهل  
 اسلام حقنده آتشه يالقي كې نه د يانتة صغار و نه انسانيتد ياقيشور صور تله اذ او جفايتمكه  
 باشلا د قلند بر فرق اسلاميه ناچار بر به تجمع ايدرك بر طاعه ارقه و يروپ خيرالدين  
 بكدن اعتماد ايتاريله شمس يك قدر اهل اسلامى اندلس قطع سندن جزيره نقل  
 واسكان ايلد كدن بشقه برخيل افرنج سفينه لى غارت قلنشىدى بعده خيرالدين  
 بك قانونى سلطان سليمان خان حضرتلرينك دعوتى اوزرينه يارار ادملرندن حسن  
 بك نام ذاتى جزاير محافظه سنده براغوب و كندوسى در سعادت نيتيله جزاير دن  
 قاتوب مكمل دونماليه اورو با سواحلنه توجه ايدرك جنويز قربنده بر حصارى غارت  
 و تخريب و بعده مينه طرفنده تصادف ايتديكى اون سكر بارجه يى اخذ و ضبط  
 ايتد كدن صكره اندر ياد و رايى جستجو ايدرك پروژه سمنه كلوب اول زمان اندر يادخى  
 فى الواقع اول حواليد ايك ن بار بروس سنى ارار غافل اوله ديوا اوله كندوسنده اخبار  
 و اخطار اولمش ايدو كندن اورادن صاوشوب ايتاليا ساحلنده واقع پر ندر نام محله  
 قيامش اولسيه خيرالدين بك اكاملاتى اوله ميوب طقوز يوز قرق سندسى اواسطنده  
 استانبوله وصولنده جزاير بكار بكدلى الحاقيله قيودان در يانصب اولند قده سلطان  
 سليمان خان حضرتلرينك امريله التمش بر قطعه باشترده و قدرغه انشا ايتديروپ  
 جزاير دن دخى اون سكر باره كى كتور مشيدى بش دخى كوكلو كيسى اولغله اول  
 سندسكسان رت پاره جنك سفيند ليله اق د كزه سفر ايدرك مالتة و سار دنيا و مينورقه  
 و مينورقه جزير لى باصوب نيجد قلاع و بقاعى تخريب و نيجه سفن اعدا يى احراق  
 ايله استانبوله عودتنده ايتالياده واقع پوليا طرفنك تسخيرى ضمننده فرمان سليمانى  
 ايله ايكيز باره كى قورديروپ اتمامه سعى ايتكده ايكى طقوز يوز قرق اوچ ربيع الاخرنده  
 اوتوز باره سبكار كى ايله پوليا يقدسنه واروب و بر قلعدى تخريب ايدوب كلى و بو  
 ائنده سلطان سليمان خان حضرتلرى پوليا طرفدن صرف نظرايله قورقو سفريته  
 عزيمت بيورمش اولديغندى كندولرى اردوى همايون ايله اولونيد طرفنه حركت  
 بيوروب لطفى پاشا دخى دونغا سردارى اوله رق طقوز يوز قرق اوچ ذى الحجه سنده  
 خيرالدين پاشا ايكيز سكسان قطعه سفان ايله اق د كزه چيتمش يى كه بونارك يوز  
 اوتوز بش قطعه سى باشترده قدرغه اولوب بوز نامه قدر استانبولدن بوبله بر مكمل دونغا  
 چيتمش دكل ايدى بومئوال اوزره دونخى همايون اق د كزه خروج ايله اول پوليا  
 ياقه سنده بعض قاعدلر باصيلوب غارت و تخريب اولد قدن صكره قورقو جزيره سنىك  
 بالجه قراسى غارت ويغما اولندي سنده قلعه سنىك محاصره سى كسب امتداد ايدرك  
 موسم شتا دخى تقرب ايلدي كندن تركه فراغت اولند رق سلطان سليمان اردوى  
 همايون ايله برا لطفى پاشا دونخى همايون ايله بحرا استانبوله عودت ايدوب



انجق خیرالدین پاشا و نماندن التمش قدرغه انتخاب ایله دکرده قاهره چوقه واکنه  
و مرتد و باره اطهری کبی نیجه جزایری فتح و تسخیر ایله کلی غنائم الهرق حتی اموال  
غنایمندن جانب میری ایچون بر معتاد النان خمدن ایکی بیک بشیوز اسیر و درتیوز بیک  
التون حاصل اولوب چوقه و سائر اموال و اشیادخی بوقیاس اوزره ایدی بویله مظفریت  
عظیمه ایله استانبوله وصولانده درگاه سلیمانییه عرض ایلدیکی پیشکش و تقدیمه سی  
بر عصرده بر قیوداندن کورلمش کیفیت اولدیغندن فاخر خلعتلر کیوب عظیم التفاتلره  
مظهر اولمشیدی

طقوز یوز قرق بش محرمده یه یوز اوتوز سکر قلعه سفینه ایله اقد کره سفر ایدوب اسگری  
واستندل کبی بعض جزایری ضبط و تسخیر ایتد کدنصکره کریده واروب پک چوق  
قریه لرینی غارت ایله اون بش بیکدن زیاده اسیرالوب بعده کرپه اطه سنک اوچ قلعه سنی  
دخی اون کون طرفنده قحله اهالی سنی خراجکندار ایلیسی الحاصل یکر می بش پاره  
وندیک جزیره لرنده برر ایکیشرا اوچر قلعه وار ایدی بوسنه جمله سی النوب جزیره لک  
اون ایکسی خراج کسندی و اون اوچی تخریب ایلدی بعده روم ایلی طرفنه صال دیروب  
اغریبوزه وارد قلرند اغریورین کیلری اغریبوز لیماننده ترک ایدرک یوکرک کیلر ایله  
دکره اچلدیلر اشته بواشاده دول متفقه دو نمانسی قور فوده جمع اولوب اندن پروزه  
قلعه سنه هجوم ایتد کلرینی خیرالدین پاشا خبر الوب اقدمجه او اطرفه کوند رمش  
اولدیخی یکر می قلعه کوکلی کیسی دخی زاکلسه صولرند قرق پاره چکدیرر کیلرینی  
کوروب عودت ایتد کلری مثلاً و انلردخی بارباروس یقین یلرده دردیو واروب دو نمانرینه  
خبر ویرملریله پروزه قلعه سنی براغوب چیق دقلرینی خیرالدین پاشا متون اوکنده خبر المغه  
کفالونیه اطه سنه واروب قرهیه عسکر اخراجیه قریه لرین غارت ایتدیرد کدنصکره  
پروزهیه واروب محاصره اثناسنده طوبدن رخنه دار اولان یرلرینی عسکره یاپردی  
اول اثناده اسپانیایا و پاپویرتکیز و وندیک دو نمانرینک قور فوجزیره سنده مجتمع اولدقلرینی  
خبرالدی چونکه خیرالدین پاشا ننگ ظهوری دول اورو پانک راحتلرینی سلب ایدوب  
مؤخر ا قیودان پاشا اوله رق استانبول ترسانه سی کندو قومانداسی تحتنه کیمرکله  
استدیکی قدر دو نماندار کیله ارتق هر طرفی استیلا ایده بیله چکی درکار اولدیغندن  
اکا قارشو دول اوروپا یکدیگره استناد ایتک اوزره اتحاد برله دو نمانرینی بریره جمع  
ایدرک دو نمانی همایون اوزرینه هجوم ایچون فرصت جو اولوب برمنوال سابق  
خیرالدین پاشا پروزه لیماننده ایکن طقوز یوز قرق بش سنه سی جمادی الاولیسی  
غره سنده پروزهیه ایکی میل قریب یره دک کله رک دو نمانی همایونی محاصره شکنده تیمور  
بر اقدیلرکه باش قوماندان اندریا دوریا اوله رق معیتنده اللی ایکی باره قدرغه ایله  
غایت بپوک بر قلیونی و وندیک قیودانک تمش پاره قدرغه سی اولدقدن بشقه اون



قطعه دخی قراقه تعبیر اولنان عظیم قلیونلر و قرق پاره پاپا و مالطه قدر غه لری و سگسان  
 قطعه اسپانیا و پورتگیز پارچه لری و سائر طرفدن دخی براز بارجه لر اولمغله جمعایوز  
 التمش ایکی پاره قدر غه و یوز قرق قطعه قلیون اوله رق و چو یوزدن زیاده بیوک جنک  
 کیلری اولوب سائر خرده کوکلو و کیلر ایله التیوزدن زیاده یلکن گورینوردی خیرالدین  
 پاشانک معیتده کی دونما ایسه یوز یکر می اینکی پاره چکدیرر کمیدن عبارت اولدیغی  
 حالدده عسکری محاربه یه تشویق ایدرک جنک تدارکنه باشلادی و کیلرکدیر کلرینی  
 الدیروب حرکت و سکونده بکابا قسکز دیو عسکره اجرای تئیهات و کوکلو و کیلریدخی  
 الایدن خارج طوره رق ایجابنه کوره یاندن طوب انداخت ایتلری ضمننده قیودانلرینه  
 بشقه جه اعطای تعلیمات ایلدی که مشهور طور غودجه نام قورصان دخی انلرک  
 ایچنده ایدی امرای بحریه طشروده دشمن دونماسنک چوقلاغنی کوروب قره یه طوب  
 وادم چیقارمق تدبیرین عرض ایتدکلرنده یاشا تنسیب ایتیوب انجق اعدا کیجه لین  
 پروزه بوغازندن ایچرو کیرمک قصدنده اولدیغی استخبار اولمغله کناره بیوک طوبلر  
 ایله بر مقدار عسکر اخراج اولنده رق محافظه یه ایتدار اولمشیدی ایکی کون  
 صکره اعدانک بر قاج پاره یو کروک قدر غه لری پروزه بوغازینه کلوب سفائن اسلامیه  
 طرفنه طوب انداخت ایتدکلرنده اعدانک بونجه وقتدنبرو اقد کرده (منم دیکر نیست)  
 دین خیرالدین پاشایه بویله میدان او قوملری پاشای غازی یه کران کله رک صبر و قرارینی  
 سلب ایتدکله همان بالجه دونمای همایون ایله غازدن طشره خروج ایله یوز یکر می ایکی پاره  
 سفائن اسلامیه نک جمله سی بردن طویلره آتش ایدرب یوریدکلرنده اعدایه باعث خوف  
 وهراس اولوب اخشام دخی تقرب التمش اولدیفندن دشمن دونماسی طوره میوب  
 فرار ایتدی جاذی الاولانک او چنجی کونی پروزه لیمانی آچبقلرنده ایکی دونما بر برینی  
 کوروب آماده حرب و پیکار اولدقلرنده روز کار جانب اعدایه مساعد اولمغله اهل اسلامه  
 خوف دوشدی چونکه دول اوروپا دونماسی قلیون و چکدیرر انواعدن مرکب  
 اولوب دولتعلیه ده دخی کرک فاتح عصرنده و کرک صکره لری قلیونلریا پلش ایسه ده  
 انه اکثریا نقل اشیا و مهمات ایچون قوللانیه رق مقدم ومؤخر جنک کرده چکدیرر  
 انواعی قوللانیلوردی اولوقتک چکدیرر لری ایسه عصر مزده کی جنک واپور لری  
 دشا به سنده اوله رق قورصانلغله یارار ورا کده واده قلیونلره غلبه ایدوب شویله که  
 اوزاقدن قلیونلری طویه طوته رق رخنه دار ایتدکدن صکره چاتوب ضبط ایدرلردی  
 اما روز کار اولدیغی وقت چکدیری قلیونک اوزرینه واره میوب بارجه لر قدر غه لری  
 چکندری بناء علی ذاک بوکره روز کارک اعدایه مساعد اولسی جانب اسلامیه  
 موجب حزن اولوب حتی خیرالدین پاشا خواص قرآنیه دن استمداد ضمننده ایکی آیت  
 کریمه تحریر و کیسنک ایکی دیرکنه تعلیق ایش و بحکمة الله تعالی در حال روز کار ساکن



اوله رق بارچهل حرکتدن قالش وهمان صف باغلیوب طوب انداختنه باشلامش  
ایدی قلیونلردن طوب کلدری اگر چه یاغور کی یاغار فقط انلرک طوبلری قیصه  
اولدیغندن سفائن اسلامیه ایرتمیوب بروملرک کلدری ایسه قلیونلری طوبلریش  
بناءعلیه اوزاقدن دوکهرک بارچهلری زبون ایلدکلردن اندریا دوریا ووندیک قیودانی  
قدرخدریله ایربشوب مدافع قییدنه اولدقاری کی خیرالدین پاشا انلرک اوزرینه  
چکدیروب آتش اندازاولیجق طیانه میوب بارچهلرک ارقه سنه طولانمشارو برقاچ دفعه  
دونمای همایونی بارچهلرله چکدیورلری ارمسنه المغه سی ایتشارایسه ده ممکن اوله مامشدر  
خیرالدین پاشادخی اوزرینه هجوم ایتدیجه بارچهلرینک بروطرفنه کچوب بارچهلر  
دخی قلعه کی یکدیگره چاتمش اولدیغندن ایرمق قابل اولمامغله سفائن اسلامیه نلک  
زورندن اعدانک چکدیورلری بارچهلرینی طقوز طولاندقدنصکره خیرالدین پاشا  
تکیرکتوروب همان بارچهلر اوزرینه هجوم ایله برشدید آتش ایدرک برنیجه سنی غرق  
ایله ارالزندن یول ایدوب دشمنک قدرخدرینه کچمسی جمله سنه فوق العاده برخوف  
وخشیت ایراث ایتکین ارتق چکدیورلری طوره میوب فراره یوز طوته قلرند ضرب  
طوب ایله بارچهلرک کیمسی غرق وکیمسی رخنه دار اولمش واخشام ایریشوب صولر  
قرارمش بولندیغندن اندریا دوریا بحالی کوریمک صقان یوله رق چکدیورلرک  
ارقه سنه دوشوب فرار ایلش عساکر اسلامیه تعقیب ایله برایی قدرغه سنی الیقومش  
محل جنکده یاتوب قالان بارچهلره دخی اعدا کندولری آتش اورمغله صباحه ق ر  
قارشوسنده دونمای اهل اسلام باد هوا دوریا دونماسی ایتمش ایدی جنکک ابتداسی  
قوشلق وقتنده اولدرق غروب شمسندنصکره قدر ممتد اولوب اولوقته دک روی  
دریاده بویله برعظیم وغریب جنک وقوعی معلوم دکاردشمن دونماسی دونمای  
همایونه نسبتله چندقات مرز داد و بالجه اورو پالور ییننده جسارت ومهارتی مسلم  
اولان اندریا دوریا قوماندان ایکن دونمای اسلامک بویله مظفریتی خیرالدین پاشانک  
ومعیتنده کی امرانک محاربات بحریه ده مهارتاری وعساکر اسلامیه نلک کمال شجاعتلری  
ثمره خیریه سیدر بوهزیمک اوزرینه اندریا دوریا قورقور فوج یرمسنه ایتجا ایدوب خیرالدین  
پاشا دخی چندروز مرورندنصکره کفالونیده اطمنی قاورت ایتدکلن صکره یارغا  
حصارینی احراق ایدوب اندن قورقور بوغازیت کلدیکنده برعظیم فورته چیقغله  
اولونیایه واروب هوا اچیلنجه انده اقامت وبعده موسم شتا ایرشمکله استانبوله عردت  
ایلمشدر انجق اول فورته اثناسنده اندریا دوریا نوه قلعه سنی اوروب ایتیلایلمش  
اولدیغندن موسم بهارده خیرالدین پاشا یوزالی پاره کی ایله اق دکره چیقوب قلعه  
مرقومه یی استخلاص ایتشدر

اشته بوخلالده مصر امپراتورسی خادم سلیمان پاشا دخی هنده کیمشدر شوپله که



طقوز یوز تاریخارنده اسپانیالور امریقاه ظفریاب اولدقلری کی پور تکیرلر دخی امید بورنی ماریقیله هند طرفه طولاشوب بعض بنادر هندی ضبط ایلدکلرندن اول دیارک ملوکی عاجز قاهره سلطان سلیمانن استمداد ایتلیله سلیمان پاشایی امدادلرینه کوندرمش ایدی اودخی دونما ایله مویشدن حرکت ایله واروب عدنی ضبط ایله محافظه بره مقدار عسکر براققدنصکره هنده واروب پور تکیرلرینده اولان بعض قلاعی ضرب طوب ایله فتح و تسخیر ایتشیدی

ومقدسا خیرالدین پاشاک جزایر محافظه سده براقش اولدیغی حسن بک دخی اوتوز پاره قدرغه و قالیه دونادوب سواحل اسپانیایی غارتدن خالی اولزدی طقوز یوز قرق سکر تاریخنده سلطان سلیمان خان حضرتلری انکروس شهرینه توجه ایتدکده ایمپراطور شارلکن اوستریا قرالی بولنان برادر ی فردینانده اطانته روم ایلی سواحلنه ایراث خسار ایتک اوزره عظیم دونما ایله ونیک ساحلنه کلوب انجق خیرالدین پاشاک اولطرفه چیقدیغنی خبر ایجق اول حوالیده برایش کورمیه جکی درک ایله همان اورادن فک لشکر استقرار ایله جزایر غربه واروب قرهیه کلی عسکر دو کدرک جزایره هجوم ایتدکده حسن بک حسن مدافعه ایله برخیلینی اتلاف ایتدکدن بشقه شدید فورطندلر ظاهر ایله سفینلرینک برخیلی قرهیه دوشدیکندن پک فاعز یمتله عودته مجبور اولشدر

طقوز یوز قرق طقوز تاریخنده شارلکن علیهنه اولق اوزره فرانسه قرالی سلطان سلیمانن استمداد ایتکله طقوز یوزالی سندسی بهارنده خیرالدین پاشا دونما ایله فرانسه امدادینه کیدوب ابتدا مسینا شهرینه وارد یغنده شهر هر قوم تسلییه مجبور اولمغله انی ضبط ایتدکنصکره انن مارسلایه ورودنده کمال احترام و احتشام یله قبول اولنده رق فرانسه دونماسیله برانکده واروب نیس شهرینی ضبط ایلش وقاعدسی مقاومت اوزره اولوب کیتلو امدادی کله جکی دخی استخبار اولمغله شهر هر قومی احراق ایله عودت اولمشدر بریده برایکی سنه دخی اق دکره کیدوب کاد کنصکره طقوز یوز الی اوج سنه سی جمادی الاولینک الشجی کونی سنی سکسانی متجاوز اولدیغی حالده دار بقایه رحلت ایتشدر ( مات رئیس البحر ) عبارته سی تاریخ وفاتیدر

یرینه وزرادن صوقوالی محمد پاشا قپودان دریا اولوب چند سال اق دکره محافظه سنه اشتغال ایتدکنصکره صدر اعظم رستم پاشا برادر ی سنان پاشا قپودان دریا اولوب اودخی طقوز یوز التمش برسنه سنه وفات ایلدکده قیوجی باشلقه حرم همایوندن مخرج مشهور پیاله بک قپودان اولمشدر چونکد خیرالدین پاشا کی بر ذات جلیل الصفاتک برمدت قپودانلق مسندده بولمسی بو منصبه شرف واهیت و پردیکندن وکلای دولت عنده مؤتمن و ملتزم و یاخود بالذات پادشاهک نظر توجهیله ممتاز و محترم



اولان بر ذاتك قيودان دريا بولنسي التزام اولنمشدر يوخسه اولوقت خيرالدين پاشا  
يرينه قائم مقام اوله جق طور غودجه بك ديدكلري مشهور قورصان وار ايدى كه  
في الاصل دريا لوندانندن ايكن فرط شجاعتى حسييله لوند زمره سى قيودانلغنى استحصال  
ايدرك خيرالدين پاشايله برابر جنگكرده بولنوب خيرالدين پاشانك حتمنده بندن دها  
ياراردرديو ديواننده علنا سويليدرك مدح و ثناسنده اطرا ايلديكى مرويدرو بعينه  
خيرالدين پاشا كى غرب طرفنده وافر و غزال ايدرك و مالدار اولدقجه كيلرين  
ار تيرهرق يكرمى بش پاره كنى ايله كز مكه باشلا مشيدى

قيودان مشارايله سيف مسلول اسلام اولوب افرنج ايله بك چوق غزواتى و عظيم  
فتوحاتى وارددر خيرالدين پاشا كى اودخى اوروپا لورى لرزان ايتش و اندنصره  
اقد كرده انك يرينى طوتمشدر حتى سنان پاشا قيودان دريا ايكن برده فعه طور غودجه  
ايله بالمخبره دونما ايله اقد كزه چيقوب اودخى غرب طرفندن ورود ايله ملاقات  
ايتدكلرنده اولنان طوب شندك كنده طور غودجه كيلرينك آتشي غالب كورنك كله  
شايد كه برارالق خلافيك ايدم جك اولورسه عهده سندن كلك مشكل اولورديو  
سنان پاشا استمالته در دولته كتوردى كنده نامدار يولداش لارندن يدي نفر مشهور  
قيودانلردخى كندوسيله بيله ككشار ايدى كه انلردن بريسي دخی اولوج على نام مشهور  
قورصان ايدى بو صورتله در دولته كلدى كنده كندوسنه قارلى ايلي سنجاغى و رفيقلىرينه  
دخى يتمشر سكسانر اچقه علوفه احسان بيورل مشيدى ليكن رستم پاشا طور غودجه يي  
كندو برادرينه رقيب و معارض شكننده كورنك كله سومر دى اودخى رستم پاشانك  
كندو حقهده سوء قصدينه واقف اولمغه اندن امين اوله مزدي بناء عليه بر دعوى  
ضمننده كندوسنى در سعادتة احضار اچون رستم پاشا چاوش كوندرد كده در سعادتة  
كلكه امنيت ايدم ميوب كندو كيلريله غرب طرفنه فرار ايله ايكي سنه قدر اوراده قالدى  
اول عصرده ايسه بنى حفص دولتنه ضعف طارى اوله رقى اسپانيا لور سواحل مغربك  
بك چوق يرلرني استيلا ايتدكلري صروده طرابلس غرب قلعه سنى دخی المشرايدى  
طرابلسك قحى سلطان سليمانك مطلوبى اولوب اتحق بويله برامر جسيك حصوله  
كلمسى طور غودجه كى صحيجا محاربه بحريه احوالنه واقف بر ذاتك دونماي همايونده  
بولنسنه موقوف اولديغندن سلطان سليمان خان حضرتلرى بر منوال سابق غرب  
طرفنه فرارندن طولايى طور غودجه يه كو جنش ايكن مجرد بواصر اهمك حصولى  
اچون امان ويره رك طرابلس فتح اولنديغنى تقديرجه بكر بكيلى قيد حيات ايله كندوسنه  
ويرلك و عديله دعوت ايدوب دريا بكلى دخی اكامتابعته مأمور اولمشرايدى طقوز  
يوز اللى سكر سنه سنده سنان پاشا يوز يكرمى پاره قدرغه ايله اول خوالى يه واروب  
طور غودجه نك معرفت و دلالتيله طرابلس فتح اولندقده ايالتى سنان پاشا عارخندن



آخره ویرانگه طور غودجه بحضور اولدیغندن همان مغربه طوغری یلکن ایتدیکنده  
سائر قیودانلردخی اکامتا بعتله مأمور اولدقلرینه مبنی انک اردینه دوشه رک سنان پاشا  
یالکز قالبونجق طور غودجه نك امر یله ینه عودت ایتدکلی مثالوانی دخی بعض  
قیودانلر هزار منت و نیاز ایلله اعاده ایدوب در دولت کتور مشلدر بعه طقوز یوز  
التمش سنه سنده دونمای همایون سرداری اوله رق یوز یکر می پاره قدرغه ایلله اق دکره  
کتدیکی بعض توار یخنده محرر دروینه التمش بر سنه سنده فرانسه قرانک استدعاسی  
اوزرینه قرق بش پاره قدرغه ایلله اق دکره چیقوب اسپانیانک ایتالیا سواحلنده واقع  
باستیه نام حصارینی محاصره و تسخیر ویدی بیک قدر اسرای اسلامییه پی تخلص ایتک  
کی خیلی بیوا ایشلر کورد کد نصره غنائم و فیره ایلله در سعادته عودت ایتش اولدیغنه  
مبنی پادشاه قدر شناس حضر تلی مکافات نمونده اکا قیودانلق ایلله جزایر بکر بکیلکنی  
احسان ایتشیکن رستم پاشا مانع اوله رق طشرده حاصل اولقی حسیله درگاه معلا  
خدمتنده بولنقلخی استمز دیو غرض ایدوب ینه قارلی ایلی سنجاغنده ابقا اولندقدده  
طور غودجه نك بوصورتدن دلگیر اولغله قبولدن امتناع ایدوب بعه بولده رکاب  
همایونی تقبیل ایلله شفاها طرابلس ایالتن رجا ایتکله سلطان سلیمان دخی استدعاسی  
وجهله طرابلسی و یروب بر منوال آتی مانده ده شهید اولنجیه دك آنده قالمشدر الحاصل  
خیرالدین پاشا دنصره قیودانلق اشبو طور غود پاشانک حقی ایکن رستم پاشانک  
غرضکارخی بوکا مانع اولمشدر اشته اغراض شخصیه دائماً بویله اهلنه تفویض امور  
ایتکله مانع اوله رق نیجه مصالح مهمه پی مجرای طبیعیسندن اخراج ایده کلمشدر  
اول اوآنده سویش دونماسی دخی هند دکرلنده طرولاشمقده اولوب شو یله که بر منوال  
سابق سلیمان پاشا عدنی ضبط ایلله ایچنه عسکر اقامه ایتشکن اهالیسی پورتکیز لره  
اتحاد ایدرک قلعه پی انلره تسلیم ایلدکلرندن اقدکراک احوالنه دائر اولان مشهور  
کتاب بحریه نك مؤلفی پیری رئیس دونمایله سویشدن حرکت ایدرک واروب عدنی استخلاص  
ایتشیدی بعه طقوز یوز الی طقوز تار یخنده اوتوز قطعه قدرغه و باشترده و قالیه  
وقلیون ایلله سویشدن حرکت ایلله سواحل یعنی طولاشه رق واروب مسکت قلعه سنی  
تسخیر و هرمز و درخت جزیره لرین غارت ایتدکد نصره بصریه وارد یغنده پورتکیز  
دونماسی اول حوالیه کلمک اوزره اولدینخی و اول حالده هرمز بوغازندن کچمک قابل  
اوله میه جنی کندویه اخبار اولنغله بتون دونمایی اخراج واستصحاب ایده مدیکندن  
همان برایکی قدرغه چکدیروب مصره وارمش اولدیغندن مصر قیودانی نصب  
اوانان مراد بک بصره ده قالان دونمادن ایکی بارچه و بش قدرغه و برقالیه پی بصره ده  
ترک ایلله باقیسنی سویشه کوندرمکه مأمور اولغله مراد بک اون بش قدرغه و ایکی بارچه  
ایلله بصره دن چیقوب هرمز مقابله سنه ووردند پورتکیز دونماسنه راست کله رک



عظیم جنگار وقوعیله برخیلی عساکر و معتبر قیودانلر شهید و کیلار رخنه دار اولدیغندن  
بصریه عودت ایتدیکنه بناء مشهور سیدی علی قیودان که دریا مانده و ذلکیانده  
ماهر اوله رق هندو ریاسی حقیقه محیط نام کتابی تألیف ایش و خیرالدین پاشایله  
جنگارده بولنش بر ذات نادرالامثال ایدی طقوز یوز التمش سندسی اواخرنده مهسر  
قیودانی نصب اولنده رف بصره ده قیلان کیلری سویشه کتورمکه مأمور اولغین بصریه  
واروب و موجود کیلری طوئاده رق اندن چیقوب هر مز و مسکت طرفلرنده پورتکیز اولر  
ایله وقوعه کلان جنگارده پورتکیز دونخاسی دونغای اسلامک ایکی اوج مثلی ایکن  
سیدی علی قیودان مظفریت عظیمیه مظهر اولشدر انجق اندنصکره شدید فورطنلر  
ظهوریله ناچار روزگاره تبعیتله همان دگرینه اچیله رق و غریب ورطه لره دوچار  
اوله رق هند ساحلارینه دوشوب اول فورتنلرده کبارک بعضی غرق اولدیغندن  
و دونما خلقک بحر محیط فورتنلرندن کوزلی اورکوب کجرات ساحلارنده قریه  
چیتد رق پریشان اولار یله باقی کیاردخی خالی قالدیغندن سیدی علی قیودان ناچار  
باقی اتی قلعه کچی یی قلعه سرته براغوب یاننده قیلان الی قدر یوانداشلی ایله قره دن  
هند و ایرانی طولاشد رق کوچ حال ایله دیار رومه کلش و اخلافه یاد کار اولوق اوزره  
سرکذشتنی تحریر ایله برکاب یا پوب لشد باشنه سیدی علی حالری کلدی و ملی بوندن  
قالمشدر اخلاسل سلطان سلیمان خان حضرتاری اق دکرده کی اقبال و شوکت بحریه سندن  
بشقه هند دگرلرنده دخی دونمالر طولاشد برورق اول عصرده قوه بحریه جه دول  
سائریه غالب و فائق اولان پورتکیز اولره کاه غالب و کاه مغلوب اوله رق جنگ و پیکاردن  
خالی اولوب اگرچه اندنصکره دولته لیدنک قوه بحریه سی هند دگرلرنده مستمر و پایدار  
اولد ماش ایسه ده اول محاربات ایله پورتکیز دونمالرینه دخی ضعف طاری اولوب  
بو وسیله ایله اسپانیالولر اول طرفلرده دونما کدرمکه فرصتیاب اولدقارندن بشقه  
پورتکیز لراوزرینه هجوم و غلبه ایدرک پورتکیز لورک زمان سطوت بحریه لری نهایت  
بولش و آندنصکره سلطنت بحریه فلنک و انخلتره خلقنه منتقل اولشدر بزینه صده  
کلام سنان پاشا دنصکره طقوز یوز التمش برده قیودان دریا اولان پیاله بک اگرچه  
اوندلکدن یشمه دکل ایدی انجق جری و جسور و کمال رش و رویتله مفطور بر ذات  
ممدوح الصفات اولدیغندن دونخامورینه پک کوزل اهتمام و اقدام و امرای بحریه یی  
و خصوصیه طور خود پاشایی یولیه خوشنود ایدرک استخدام ایتمکه الحق دولته لیدیه  
پک کوزل خدمت ایتش و پک بیوک مصطلحات کورمشدر  
شویله که قیودان اولدیغی اوانده فرانسه قرالی ینه سفیر مخصوص ارسالیله ایمپراطور  
عالمینه سلطان سلیمان استمداد ایتش اولوب اولوقت سلطان سلیمان خان حضرتاری  
ایسه عجم سمرنده اولدیغندن بو خصوصک اجرایی استانبول محافظه سنده بولنان



وزیر ثانی ابراهیم پاشایه احاله قلنش واردوی همایون تر جان صحر آسندده ایکن اورادن  
پیاله بکه دخی بر قطعه فرمان عالی اصدار وار سال بیور یله رق دونمای همایونی الوب  
طور غودجه ایله بر لکده فرانسه امدادینه کیتسی امر اولنش ایدی فرمان مذکورک  
بر صورتی زیرده ( ۱۵ ) اشارتی ایله تحریر اولنور

جلد ثالثده بیان اولدینخی اوزره فرانسه سفیرینه سرزنش مقامنده ایراد اولنان نطق  
رسمی اشته بو ابراهیم پاشانک اولدینخی بوندن اکلاشیلور

پیاله بک دخی بر مقتضای فرمان عالی دونمای همایون ایله دکره حقیقه رق ابتدا پولیا  
طرفلین اوروب یغما واخذ غنائم لاتیخصی ایتد کدنصکره اسپانیا دونماسیله اندریا  
دوریانک انابولی صولونده اولدینخی خبر النهرق اوزرینه وارنش ایسه ده اندریا اولجه  
خبر الوب صاوشمش اولدیغندن پیاله بک دخی دونمای همایون ایله واروب اسپانیا  
یدنده بولنان برقاج حصارلی قتح و تسخیر ایتد کدنصکره فرانسه دونماسیله بر لکده رک  
قالیه قلعه سنی محاصره ایتدی لر انجق دونما خلقیله فرانسه عساکری حسن امتزاج  
ایده مد کلرندن دونمانک بر لکده حسن اداره سی قابل اوله میوب همان ایام شتا تقرب  
ایدیجک دونمای همایون استانبوله عودت ایلمشدر بوسفر ده قپودان ور سما قوماندان  
پیاله بک اولدیغنه تر جان یوردندن یازیلار سالف الذکر فرمان عالی شهادت ایلر  
فقط دونمانک معنی قومانداسی خیرالدین پاشا دکنصکره انک فقدانی بیلدر میان  
طور غودجه ده ایدی تلمسانک اسکله سی اولان وهرانی مقدما خیرالدین پاشا المشیکن  
مؤخرا اسپانیا و استیلا ایلمش اولدیغندن پیاله بک طقوز یوز التمش تاریخنده دونمای  
همایون ایله واروب استخلاص والتمش درتده تونس قربنده واقع بنزرت قلعه سنی  
تسخیر ایلمش والتمش بشده ینه یوز الی پاره قدرغه ایله کیدوب اسپانیا جزائرندن  
مایورقه اطه سنی غارت ایله عودتنده مکافاة قپودانلغه جزایر ایالتی بکربکیلکی پایه سی  
علاوه بیورلشدر طور غودجه پاشا ایله اشراف عرب یلنده برودت واقع اوله رق  
امر او مشایخ عربان دخی فرنکر ایله اتحاد ایلوب بو وسیله ایله فرنکرک طرابلس  
غربی استیلا داعیه سنده اولدقلری وفرنک دونماسی جربه اطه سنده اولوب ایام  
شایی اوراده امر ارایله بهارده طرابلسه تسلط ایده جکری طور غود پاشا طرفندن  
التمش یدی سنه سنده عرض وانها اولنمشیدی جربه اطه سی طرابلسدن ایکوز میل  
شرقه دوشر کاره قریب برجزیره اوله رق فی الاصل اهل اسلام یدنده ایکن اسپانیالورک  
یداستیلا سنه کرتار اولوب طرابلس حوالیسنک تأمین جزیره مزبورنک قتحنه موقوف  
ایدی بناء علی ذلک التمش یدی سنه سنده پیاله پاشا یوز یکرمی پاره قدرغه ایله اول طرفه  
توجه ایدوب اثنای راهده ردوس بی قورد اوغلی احمد بک کی بعض امرای بحریه  
دخی دونمایه ملحق اولدیلر واولوج علی کی نامدار قورصانلار دخی برابر ایدی اثنای



راهده مالتہ جزیرہ سنہ واروب نیجہ محلاری غارت و تخریب اولند قد نصکره جربه طرفته  
 کیدوب فرنک دونمائی دخی اول طرفده بولمغله لدی التقابل واقع اولان محاربه بحریه ده  
 فرنک دونمائی بیاغی بتون بتون مضمحل اوله مرتبه سنده هزیمته دوچار اولمغله جربه نیک  
 سکسان کون محاصره سی اشناسنده یک چوق شدید جنک و واقع اولوب نهایت هجوم  
 ایله الندی اسپانیالورک کرک دونماجه و کرک عسکرجه بوجنکارده اولان ضایعاتی حد  
 تعریف و توصیفدن بیرون ایدی پیاله پاشا بومظفر یله التمش سکر سنده در سعادته  
 عود تنه درت بیک اسیر و اوچ نفر مشهور قیودانلری برابر کتور مکله مکافاة کندیسنه  
 رتبه وزارت توجیهی در میان اولنمش ایسه ده بکر بکیک پایه سی ویر یله لی هنوز ایکی ییلدر بو  
 کره وزارت دخی ویر لسه تیز اولش اولوب منتهای مراتب بشریه اولان رتبه والای  
 وزارتک قدری تنزل ایدردیو سلطان سلیمان خان حضرتلری تجویز بیور میوب انجق  
 رعایتی ملتزم اولدیغندن و افر احسانلر و ترقیلر ایله توقیر ایتدکن بشقه شهزاده لری  
 سلطان سلیمک کوهر خان نام دخترینی تزویج بیورمشیدی کاتب چلبی دیر که بویا یه لری  
 عزت و اعتباری اول عصرده بومنوال اوزره ایدی بوعصرده مبذول اولوب اعتباری  
 قالمامغله بوزیرک سنجاق بکی قدر وقع و اعتباری قالمدی کاتب چلبی عصر مرزده اولیدی  
 نه دیه جک و مراتبک درجه تنزل و اعتبارینی نصل بیان ایدجک ایدی بیلم طقوز  
 یوزیتش ایکی تاریخنده یوزاللی قطعه کی ایله پیاله پاشا مالتہ سفرینه چیقوب وزیر رابع  
 مصطفی پاشا دخی سردار تعیین بیورمشیدی انجق بویله مهمام امور بحریه ده سلطان  
 سلیمان حضرتلرینک امنیت و اعتمادی اول عصرک بارباروسی مثابه سنده بولنان  
 طرابلس غرب والیسی سالف الذکر طورغود پاشایه اولدیغندن کرک سرداره کرک  
 قیودانه زنه ارانک رأیندن چیقیمیه سزدیواراده بیورمش ایدی دونمائی همایونک مالتہ یه  
 وصولنده طورغودجه هنوز کلامش ایدوکنندن مالتہ قلعه سنه یاشمق خصوصنی  
 انک ورودینه توقیف ایله اول کمنجه برایش کوره لم دیولیمانک محافظه سیچون بنا اولنمش  
 اولان صانترمه برجک فتحنی مهم کوره رک طوب ایله دوککه باشلادیلر و محاصره نیک  
 بدنجی کونی طورغود پاشا دونمائیله کلوب مالتہ یه چیقدیغنده چونکه برولاتیک  
 دارالملکی فتح اولدیغنی حالده سائر طرفی سهولتله اله کیروب اما دارالملکی اله کیرمدیکی  
 تقدیرجه توابعی ایله اوغراشمق عبثه اشتغال قبیله نندن اولمسیله صانترمه محاصره سنه  
 مباشرت ایتدکرینه تأسف ایدرک صانترمه فتحنک فائده سی ندر مالتہ نیک اصل حصاری  
 انمدقجه ضبطی نمکنیدر دیو و افر سویلش ایدی لیکن چه فائده که برکه شره ع اولنمش  
 ایدوکنندن ترک اولنه میوب مذکور برجک محاصره سنه مداومت اولنهرق اون بدنجی  
 کون یورویشله النمش ایسه ده چوق کیمسه لر شهید اوله رق ایشدیرار عسکرک قلاغیسی  
 بوزلدقن بشقه دونمائی دولتعلیه نیک روح روانی مثابه سنده اولان طورغود پاشا



اثنای جنگده مجروح اوله رق مذکور بر جك ضبط اولنديغی کون غریق بحر بقا اولوب  
پیاله پاشادخی اکاشیه بر مرد جنك ازما ایکن سردار انك طرفنه التفات ایتدیرك  
وانك قولنده بوانان غزات ولونده باقیه رق سائر عسکری ترقیلر و بخشیشلرایله تلطیف  
ایلدیکندن و قیودان پاشادخی چندان تقید و چوقلق اکامرا جعت و متابعت ایتدیکندن  
میانه لزینه برودت دوشه رك مالتیه پی ترك ایله عودت ایتلریله یوق یره بونجه مصرف  
وبوقدر آدم تلف اولمش اولدی و خجالتله استانبوله عودت لرنده طرفین یکدیگری  
صوچلایوب انجق دونما خلقنك سوزی دئرومؤثر اولسیله سردار مشارالیه وزارتدن  
عزل اولمشیدی ( ۹۷۳ ) سنه سنده پیاله پاشا ساقز جزیره سنی ممالك محروسه یه  
الحاق و پولیا یاقه سنه مرورایله بعض بقاع و قلاعی اوروب غارت ایتد کد نصرکه ( ۷۴ ) ده  
استانبوله عودت ایدوب اول اثناده ایسه سلطان سلیمانك وقوع وفاتنه مبنی اوغلی سلطان  
سلیم جالس تخت عثمانی اوله رق دونمای همایونك ترسانه یه وصولندن چند روز مرورنده  
اردوی همایون ایله درسماده کلدیکنده پیاله پاشا هم قیودان و همده داماد عظیم  
الشان بولنسیله خدمتی مقابلنده قبه وزارتی احسان اولنوب مسند قیودانی دخی  
سکته وارده خدمتی سبقت ایدن یکچیری اغاسی مؤذن زاده علی اغایه توجیه بیورلشیدی  
پیاله پاشانك وزارتیه و علی پاشانك بر صورتله مکافات استحقاق لری نمایان اولوب انجق  
یکچیری اغاسنه قیودانلق توجیه یله مکافات ایتك غرائب عصر یه دن برشی اوله رق  
سلطان سلیمان نصرکه سفینه دولتک اولکی کبی شناور بحر ظفر اوله مامسنه سبب  
اولان باشلوجه مقدمات تنزلدن بریسیدر پیاله پاشا غایت دکرلی و درایتلی و بهادر  
برذات اولدینی حالدیه عظام امور بحریه ده سلطان سلیمان خان حضرتلری مرحوم  
طور غود پاشانك رأیندن خارج حرکت ایتامسنی اراده ایلر و اودخی طور غودجه نك  
رأیندن چیقماز و دائما اهل وار بابیله مشاوره دن خالی اولمز ایدی بناء علیه احوال دریاه  
دخی کسب و قوف ایلش و خدمات مشکوره یه مظهر اوله کلمشدر

مؤذن زاده علی پاشا نفسنده بهادر برذات اولوب انجق شدت و تهورایله موصوف و رأی  
خودیه حرکتیه مألوف اولدینی حالدیه احوال دریاه اصلا و قوفی اولدیفندن زیاده  
بیان اولنه جنی و جهله دونمای همایونك بتون بتون افنا سنه سبب اولمشدر شویله که  
قبرس قنچی ایچون یوز سکسان باره قدر غه و اون ماونه و یوز یتمش بارچه و قره مرسل انواعی  
اولق اوزره جمعاً اوچ یوز التمش پاره کی ایله قبرس اوزرینه حرکت ایدوب بشنجی  
وزیر اولان لالا مصطفی پاشا عموم عسکره سردار تعیین اولمش و دریا جانبنك محافظه سی  
اوچنجی وزیر اولان داماد شهر یاری مشارالیه پیاله پاشایه حواله بیورلش ایدی ( ۹۷۸ )  
سنه سی اوائلنده وجه مشروح اوزره دونما ایله قبرسه چیقیلوب برخیلی یرزلی قنح و تسخیر  
اولندی و قیشین پیاله پاشا ایله قیودان پاشا درسماده عودت ایدرک سردار مصطفی



پاشا قبرسده قشله مشیدی فصل بهارده وزیر ثانی پرتو پاشا دونما سرداری تعیین  
 بیور یله رق ایکوز الی پاره قدرغه وماونه ایله قبرسه واروب مهماتی سردار مصطفی  
 پاشایه تسلیم ایتدیلر و بالجه لوند کیمیلرله دونمای همایون اوچیوز پاره یه بالغ اوله رق اندن  
 حرکته سدره سفائن اعدا اولق اوزره ردوس طرفنه کتدیلر ( ۹۷۹ ) سنه سی  
 اوائلنده بتون قبرس اطه سی داخل قبضه تسخیر اولدی کله لم دونما احوالنه پرتو  
 پاشا ایله قپودان پاشا بروجه سابق ردوسه ورود لرنده برقاچ کون ارامدن صکره کرید  
 اطه سنه صال دیروب سواحانی غارت ایدر ایکن جزایر بکلیسی او لوج علی پاشا یکر می  
 قطعه سفائن حربیه ایله کلوب دونمایه ملحق اولد قده کفالونیا وقور فو جزیره لرینه  
 وار یله رق اکثر نواحیلری غارت و تخریب و بعده روم ایلی کنارنده واقع ون دیک قلاعندن  
 سبوت و اوله کون و بار نام حصار ز ضبط و تسخیر و بر مدت کشت و کذار اولنوب دشمن  
 دونماسنه ملاقات اولم دین ایام شتا تقرب ایتکله دونما عسکر ینک بر مقدار ی طاعیلوب  
 عودت ایلش اولد قلرندن بقیه عساکر ایله دونمای همایون اینه بختی لیمانه دخول ایله  
 لنگر انداز اولدیغی ائاده دول متفقه اور و یاد و نماسی کلوب هجوم صد دنده اولدیغی  
 خبرالندی که مسینه ده اجتماع ایله دونمای دولته لیه نک او اخر صیفده ضعف و فتور  
 زماتی بکلیه رک بتون یاز بر طرفدن باش کوستر میوب بر منوال سابق ترسانه یه عودتی  
 او اننده دونمای همایونی اینه بختی لیمانده محاصره ایتشیدی دول متفقه دونماسی ایکوز  
 بر پاره چکدیرر ویدی قطعه ماونه ویکرمی قطعه بارچه وایکی قطعه جسم قلیونلردن  
 مرکب اوله رق چکدیرر لرک اکثری اندر یانک قومانده مخصوصی تحتنده ایدی سردار  
 پرتو پاشا و قپودان علی پاشا و جزایر بکلیسی او لوج علی پاشا و طرابلس غرب بکلیسی  
 جعفر پاشا و مرحوم خیرالدین پاشانک اوغلی حسن پاشا و اون بش سنجاق بکی و سایر  
 اعیان عسکر بریره کلوب مشاوره ایتدیلر او لوج علی پاشا جنکه رضا و یرمیوب دونما من  
 ناقصه دروالتی آیدر دریاده کز مکله کیلر بوز غوندر و اینه بختی یه عودت اولد قده دونشدر  
 دیوسپاه ویکچیری اجازتلی اجازتسز طاغلدیلر بوغاز حصارلرندن دشمن دونماسی  
 یچرویه کیره من چیقملق محل خطر در دید کده پرتو پاشا دخی اکاتباع اولش ایسه ده  
 قپودان پاشا شدید و متهور بر ذات اولدیغی حالده احوال دریاه وقوفی اولم دیغندن  
 و کندویه کلان او امرده البته دشمن دونماسی قنده ایسه اوزرینه واروب مقابل اوله سر  
 و الامعاتب اولور سز دیو محرر بولم دیغندن غیرت اسلام و عرض پادشاهی یوقیدر  
 هر سفینه دن بشر او نر آدم ناقص اولغله نه لازم کلور دیوب سائر لرنک رأینی دخی کندو  
 طرفند جلب ایتکله ناچار چیقیلوب جنکه قرار ویرا دیکنی او لوج علی پاشا کور یجک  
 چونکه جنکی مقرر قیلدیکز باری دریا طرفنه اچیللم دید کده قپودان پاشا کناری  
 طوتمق اولادر دیو معارضه ایتسی اوزرینه او لوج علی پاشا قنی خیرالدین پاشا ایله دشمن



و طور غودجه ايله جنك كورنلر نچون سويلزلر بركى يه طوب طوقنديغى كى غرق  
احتمالندن ناشى قره ميل ايتسه كرل سائر ينه دخى باعث انهمزام اولورديه كوردى مفيد  
اولدى باري كيلردن فنارلى ويوك بيراق وفلانديره لى كيدرل ديوعرض تدبير ايدى جنك  
اولديغنده قيودان استهزا ستمنى طو تيجق اودخى فارغ اولدى ناچار ( ۹۷۹ ) سنه سى  
جمادى الاوليسنك اون يدنجى بازار كوني اينه بختى بوغازندن چيقديلر پرتو پاشا صول  
قوله واولوج على پاشا صاغ قوله وقيودان پاشا اورته يه كيروب جمله يوز سكسان پاره  
كى ايله الاى باغديلر مذكور بوغازه قريب مورطرفنده بر برون وار ايدى دول متفق  
دوئماسى انك اردنده ياتوردى اولوج على پاشا دشمنك بارچه وعاونه لى او كندن  
صاوشه رق ياردندن يابو كندن كيرلم ديو قيودان پاشايه خبر كوندر كده قيودان  
پاشا بن پادشاهك دوئماسنه قاچدى نامنى ويره م ديو همان يور ييوب قارشو وارد قده  
در حال دشمن دوئماسندن الى كى سچيله رك مقابله ايدوب سائر كيلرى برون اردنده  
كورنمزدى اهل اسلام كيلرى اول الى كى يه چاتوب سوندرمك ايله مقيد ايكن سائر  
كيلرى برون اردندن خروج و دوئماى اسلامى احاطه ايله طوپه طوتد قازنده قيودان  
پاشا باشترده ايله الايدن سچيلوب اولا بركى يه چاته رق سوندرمك ايله مقيد ايكن اوج  
فتلرندن قيودان پاشا باشترده سى اولديغى اعدا بيلوب همان اوزر ينه او شندى ايتديلر  
وايكى بارچه باشترده يى اورته يه الوب قيودان پاشايى شهيد وايكى اوغلى ايله سائر ايچنده  
قالانلى اسير ايلديلر پرتو پاشا كيسى دخى طوب ايله باترديلر كندوسى د كزده يوزر كن  
حسن پاشا اوغلى محمود بن تصادف ايدرل قانجه ايله كيسىنه الدى

باش كيدنجه پايدار اولمز اياق مثلنجه بوند نصكره هر كس كندى باشى قايسنه دوشدى  
وسفائن اسلاميه نك كيسى طوب ايله غرق اولدى و كيسى قره يه او توردى و التمش پاره  
قدر غه الات وادواتيله دشمنه قالدى و بوجنكده نيجه بكر و قيودانلر و يك چوق اهل  
اسلام شهيد اولدى ابناء عايه بوكا صنغين دوئماسى ديو تسميه اولمشدر اولوج  
على پاشا فى الاصل خير الدين پاشا اتباعندن اولق حسييله احوال درياهه اندن تحصيل  
وقوف ايلمش و طور غودجه ايله پك چوق جنك كرده بولمش عتيق قورصان اولوب  
در يا طرفنه اچلمشيدى قيودان باشترده سنك دوچار كرداب بلا اولديغن كوريجك  
چكدير ركن ماله قيودانى اوزر ينه كله رك چاتوب الدى و قيودانى اعدام ايلدى و برفاچ  
قطعه دشمن سفينه لرى بتورد كد نصكره جزاير كيلرى بر برينه قفادار اولوب جنك ايدرل  
موتون جانبنه كتديلر اولوج على پاشا بر آدم يله بو خبر حزن اثرى ركاب همايونه عرض  
ايلدى و قيودانلق كندوسنه توحيه اولنوب لقبى قليجه تبديل قلنه رق القابنده لفظ  
مذكور يازمغه اند نصكره هر كس قليج على پاشا ديمشدر اشته بوكره مسند قيودانى  
اهلى بولمش ايسه ده جده فائده كنده و دوئما قالدى فة ط صدر اعظم بولنان صوقوالى محمد



پاشانك هم حيرت افزا سندن در كه ترسانه قربنده اولان باغچه خا صندن بر مقدار يرلر ين افراز  
وسكز مكر لو ترسانه احداث ايله اول قيش يوزاللي پاره قدرغه وسكز ماونه قوردر مش  
ووار قوتى بازويه كتور وب ضايع اولان دونمانك مثلنى بهاره قدر ايرشدير مشدر  
ودول اوروپا بوسنه دولتعالیه دونما چيقارمه من اعتقادنده ايكن طقوز يوز سكرسان  
سنه سنده قلیج علی پاشا ايكیوز اوتوز درت پاره قدرغه وسكز ماونه ايله دریاہ چيقدی  
فقط یکن سنه کی هزیمتده دونمانك زوجی مشابه سنده اولان یارار آدم لرك چوغی ضایع  
اولوب باقی عساکر ک دخی کوزلری اورمکش اولدیغندن بوسنه دشمن دونماسیله مقابله دن  
اجتناب ایدرك تحفظی حرکت ايله اکتفا ایتشدر و ( ۹۸۱ ) سنه سنده پیاله پاشا  
سردار اولدیغی حالده ایکيوز الی سکر قدرغه واون ایکی ماونه ايله قلیج علی پاشا  
دکزه چیقوب ایتالیا سواحلنده بعض قلاع وبقاعی غارت ایتشدر در بعده قلیج علی پاشا  
ایکیوز التمش سکر قدرغه وقلایته واون بش ماونه واون بش قلیون طونادوب فاتح  
ین سنان پاشا سردار اولدیغی حالده ( ۹۸۲ ) سنه سنده اقدکزه چیقهرق مسینه  
حوالیسنی غارت ایتد کدنصرکه تونس پیشگاهنده واقع اولوب اسپانیالور یدنده بولنان  
خلق الواد قلعه سنی تسخیر و بعده باروت ايله انداخت و امحایته کدنصرکه تونس ولایتی  
ضمیمه ممالک محروسه قلنه رق رمضان پاشا والی نصب اولندی

اندنصرکه کرید سفر لرینک ظهورینه قدرق دکزه جنک ایچون دونما چیقارلیوب  
اکثر محافظه ايله تقید اولندی فقط سلطان مراد ثالث و محمد خان ثالث عصر لرنده  
جغاله اوغلی سنان پاشا و خلیل پاشانک قیودانلقلرنده بعض مظفریت بحریه وقوعه کلدی  
( ۱۰۵۴ ) سنه سنده کرید سفری کشاد اولند قدنصرکه دونمای همایونده قلیونلر  
استعمال اولمغه باشلا یوب لکن اولوقت دخی ابتداری قولانیلان انجق بورتن  
نوعی ایدی بعده رفته رفته قلیونلر تکثیر اولمشدر شویله که دونمای همایون ايله کلی  
عساکر و مهمات کریده امرار ايله اول امرده خانه قلعه سی ضبط اولمشیدی انجق  
متعاقبا وندیک سفائی کرید یولارینی کسمکه ایتدار ایدوب حتی در سعادتدن کریده  
عسکر نقلنه مأمور اولان اوچ قطعه سفائندن ایکیسی بعض تلفات ویرد کدنصرکه  
خلاص اولوب دیگر بریسی که قرق ایکی پاره طوب چکردی ایچنده کی اهل اسلام  
شهید وکی غریق اولدی و مقدا اهل اسلام ایچنده معلومات بحریه پک زباده نرق  
ایدرك دونمای دولتعالیه بتون اوروپا دونماسنه غالب اولمشیکن رفته رفته اهل اسلامده  
بومعلومات تناقص ایدوب اوروپا لور ایسه اول زمانه قدر فنون بحریه بی اولکیدن  
زیاده ایلر اولوب و خصوصیه یلکنجی لک صنعتی بووقته قدر خلیجه ایلر ولیوب  
بوجه تله قالیونجیلق دخی ایلروله مش اولدیغندن فرنك دونمالرینه دولتعالیه دونماسی  
مقابله ایدمه من اولمشیدی یوز قرق پاره کیدن عبارت اولان دونمای دولتعالیه امر محافظه



ایچون خانیه پیشگاهنده لنگر انداز ایکن لیمانک ایکی طرفنده طویلر وضع ایله محافظه  
اهتمام اولندیغی ائشاده وندیکک سوده یه امداد ضمننده کیش اولان یوزپاره چکدیرر  
وبورتن و ماونه مقوله سی سفائی میدان او قویه رق اطرافده طولاشوب طور ردی  
وبرمدت صکره خانیه خارجنده بولنان جزایر کیلریله سفائن سائره اوزرینه وندیکک دونماسی  
کلوب کیلره و قلعه یه برخیلی طوب آتدقدن صکره سفائن اسلامیه یی احراق ایچون بش  
قطعه آتش کیسی صالیویرمشیدی لکن هنوز سفائن اسلامیه یه چاتمدن آتش  
کیسی اولدقلری بیلنهرک قانجه لر ایله دوندیریلوب ضرر سز کندو کندولرینه باتمشلردر  
و چونکه سوده قلعه سنک تسخیری قابل اوله مدیغندن کریدک قره طرفلرینه تعرض اولنه رق  
برخیلی محارری فتح اولندی و ایام شتاده فرتنه ظهور یله خانیه اوکنده برخیلی سفائن اسلامیه  
غرق و تلف اولدقدن صکره اول سنه نك بهارنده دخی وندیکک دونماسی کریدوللرینی  
قطع ایدرک استلندیکی کبی کریده مهمات نقل اولنه میوب سنین آیه ده دخی دونمای  
همایونک بوغازدن خروج ایده جکی موسمه وندیکک دونماسی بوغاز خارجه کله رک  
لنگر انداز اوله کله کله دونمای همایون آق دکره چیقه ماز اولدی ناچار خارجدن دریا  
بکری کیلریله کریده برازشی کوندیریلور اولدی اشته کریدک تمامی قحطی میسر اوله میوبده  
کرید سفرلرینک بونجه سنه لرامتدادی بوندن نشئت ایتشدر یوخسه وندیکک دونماسه  
مقابله ایده جک دونما اولسیدی کریداطه سی اوچ سنه بیله طیانه مزدی

و چونکه اعدا قلیونلر ایله دریاده کزوب جنک ائشاسنده روز کار ایله قولانه رق  
قدر غلری جکتمکله لاجرم اوکلرندن دونمای همایون صاولق لازم کلدیکندن  
بشقه بوغازده لنگر انداز اولدقلرنده قدر غلر ایله مقاومت اولنه مدیغندن برو طرفدن  
دخی قلیونلر انشا اولنق و قلیونه قلیون ایله مقابله قلمق لازمدر دیو سلطان محمد  
رابع حضر تلرینک جلوسنده جانب میریدن قلیونلر انشاسنه قرار ویریلوب حتی  
(۱۰۶۱) سنه سنده صدراعظم ملک احمد پاشا بغچه قپوسنده التمش ارشون طولنده  
بر قلیون قوردرمشیدی انجق عملیاتنده بعض نقصان اولدیغندن ایندیررکن  
غرق اولشدر بعده بر معتاد انشا اولنه کلان لزومی مقداری چکدیرر لر ایله بیله مقدار  
کفایه بورتن دخی تدارک قلمش و رفته رفته قلیونلرک تکثیرینه همت اولنه رق ابروجه  
قلیونلر قپودانی نصب اولنمش ایدی حتی (۱۰۶۴) سنه سنده دونمای همایون  
بوغازه وارد قده بر معتاد وندیکک دونماسی خارج بوغازده لنگر انداز بولنمغله  
ابتدا قلیونلر وارد لر نجه ماونه لر وارد لر نجه چکدیرر لر ترتیب ایله خروج اولند قده عظیم  
محاربه وقوع یله وندکلور بوغازی ترک ایتکله مجبور اولمشلر ایدی بو قلیونلر خلیجه  
ایشه یارایوب خصوصیه قلیونلر قپودانی اولان امیر قپودان پک زیاده ابراز شجاعت  
ومردانکی ایتشیدی بو صورتله دونمای همایون بوغازدن چیقوب متعاقبا تونس



و مضمر قلیونلری و بعدہ اون بر قطعہ جزایر قلیونی دونخایہ ملحق اولدقدنصرکہ واروب  
استندیل جزیره سنی غارت و تخریب و بعدہ دکر منک حوالیسنده وندیک دونخاسیله  
ینه بر عظیم جنک ایتشار ایدی (۶۵) تاریخنده ینه دونخای همایون بوغازه وارد قدہ  
منوال مشروح اوزره وندیک دونخاسیله عظیم جنک ایدوب دونخای همایوندن  
چند قطعہ سفینه ضایع اولدیسده وندکلورک دخی بش التی کیلری تلف و باقیسی  
منکسر ورخنه دار اولدیغندن دکره اچیلوب کیتسکه مجبور اولدیلر لکن بوجنکده  
لایقيله ایش کورن برقایق قلیوندن عبارت اولوب ساری بر ریلم آتش ویرد کدنصرکہ  
سمت سلامتی آریه رق مدالو اطه سنه قدر کتدیله بعدہ دونخای همایون ساقزده مجتمع  
اوله رق ماونه و قلیونلرک چندان فائده سی یوقدر دیو اعاده اولنوب چکدیرر انواعندن  
اولان دونخای همایون تفریق ایله دریاه حیقلمشیدی چونکه قلیونلرک حسن اعمالی  
یلکنجیلک صنعتنده مهارته موقوف اولوب اولوقت ایسه بو خصوصده ترسانه  
خلق هنوزدها بروفق مطلوب کسب مهارت ایده ممش اولدقارندن دکرده قلیونلری  
لایقيله اعمال ایده میوب بوجهته اصل دونخای همایون چکدیری انواعی اعتبار اولنه رق  
قلیونلر مجرد هر سنه بوغازی محاصره ایدن وندیک دونخاسنی بوغازدن دفعه مدار  
اولق اوزره دونخای همایون معیتنده بر قوه معاونه کی بولنوردی لکن وندکلورک  
اولوقت امور بحریه ده مهارتلی دهاز یاده اولدیغندن بوغازی کشاد ایتک مصلحتی  
بیله هر سنه ایفا اولنه مزدی حتی (۶۶) سنه سنده قرق پاره قدرغه واون ماونه و او توز  
قلیون مهیا اولوب یکر می قطعہ دخی بک کیلری اولدیغی حالده لوازمات دونخا  
هنوز تکمیل اولنمدین بحالہ قالدیریلوب بوغازه وارد قلرنده وندیکک چکدیرر و ماونه  
وبرتن اولق اوزره خارج بوغازده سدره اولان یتش پاره سفینه لر ینه مقابله ایده میهرک  
واقع اولان محاربه ده دونخای دولتعلیه بتون بتون مضحمل اوله مرتبه سنده منهزم  
و منکسر اوله رق ینه بختیده کی صنعتین دونخا هزیمتده بکزر برهزیمت وقوعه کلدی  
اول سنه کوپرلی محمد پاشا صدر اعظم اولوب بوغازه فرنک دونخاسی کلزدن اقدام  
خارجده بر قوه بحریه بولمق ایچون اولجه اتمام اولنه بیلان قرق پاره چکدیرر کی ایله  
قپودان پاشایی ایام شتاده استانکوی وردوس طرفلرینه چیقارمشیدی بعده موسم  
بهارده کوپرلی محمد پاشا سردار اوله رق بوغازه کتدیکنده دخی اون طقوز قطعہ  
قلیون واون قطعہ ماونه و او توز قطعہ قدرغه ایله باشترده و یوز الی قدر فرقه و سائر  
قایقلر استانبولدن چیقوب بوغازه وارمشیدی بوکره دخی بوغازده وندیک دونخاسیله  
وقوعبولان جنکده دونخای همایون دوچارهزیمت اولدی  
الحاصل وندکلورک کیده بروفق دلخواه عساکر و مهمات سوق اولنه مسون دیوهر سنه  
بوغازی محاصره ایدرک فاتح زماننده بوغازک محافظه سی ایچرن یایلمش اولان ایکی



قلعه نك خارج شده اوله رق ايكي طرفه ياتوب خارجه كي چيقار تمداقلرندن بشقه خارجدن استانبوله كلان كيلريدخي شكار ايدرلردى وبراىكي دفعه قليونلر قوتيله بوغاز آچماش ايسه ده دولت عليه ترسانه سنده هنوز ماهر قليوننجيلار پيدا اولمديغندن نهايت بروجده سابق عظيم هزيمتلر وقوعيله ينه بوغاز مسدود قالدیغندن كوپريلي محمد پاشا مذکور قلعه لردن يكرمي ميل قدر اشاغی بوغازك دريايه آچيله جق محمله ده ايكي جانبه قارشو قارشويه ايكي قلعه بنا ايتديردي

وقليونلرك انشاسى كلې مصرفه موقوف اولديغى حالده هنوز احواله اطلاع تام تحصيل اولنماش برمعنى اولوب نظام احواله لايقيله صورت ويريله مديكي جهته كركي كې ايشه يارامق ميسر اولمديغنه و دولت عليه ترسانه سنده عن اصل استعمال اولنان چكديرر انواعنه مخالف و ترتيبلري بشقه براوجاغ اولغه متوقف اولديغندن قبودان پاشا و دريا بكري و سائر ترسانه خلقي بر مقتضاي حسد قليوننجيلري استثقال ايدوب بونلر حادث طائفه در اكر ترتيبلري منتظم و حاللري كركي كې مرتب اولورسه روى درياده ايشه يارايوب نامدار اوله رق امرای بحريه و رجال ترسانه يه تفوق و كار كذار قلعه منظور شهر ياري اولوب تقدم ايدرلر و غرب اوجاقلري كې بشقه گروه مستقل اولورلر ديو قليون امورنده تهاون و تكاسلدن خالي اولمداقلا رينه مبني قليوننجيلغه بر حسن صورت ويريله مديكي حسييله فاضل احمد پاشانك صدارتنده بتون بتون قليون انشاسندن فراغت اوله رق آق د كرك محافظه سي ايچون فرق پاره ترسانه كي سي و فرق عدد دريا بكري كيلري اولق اوزره نظام ويرلدي بر مدت اشته بو كيلر ايله امر محافظه يه اهتمام اولنوب انجق ذخائر و مهمات نقلي ايچون تجار قليونلري قوللاني اوردي فقط مصر و تونس و جزاير طرفلرنده قليونلر ترك اولنموب بورالرك جنك كيلري قليون ايله شهتيدن عبارت اوله رق اورالرده فن درياده ماهر آدم لردخي بولنور و دونماي همايون سفينه لري آرتق و نديك دونماسيله ميدان جنكي ايدمهز اولمشيكن آنلرينه اوروپا دونما رينه ميدان اوقيوب كزرايدى (۱۰۷۹) تاريخنده كريد صولرنده جزاير و تونس قليونلري و نديك قليونلرياه جنك ايتدكلرنده غالب كلهرك و نكلونك يتمشر پاره طوب چكرايكي قليوننى غرق و ينه يتمشر پاره طوب چكرايكي قليوننى دخی ضبط ايتمشرايدى

قره مصطفى پاشانك صدارتنده و نكلولر ايله ميانه ده برودت وقوعه كلوب و نكلودن اخذ تار ايسه بحرا غلبه يه موقوف اولديغندن ( ۱۰۹۳ ) تاريخنده قره مصطفى پاشا ينه ميرى قليونلري انشاسيچون اراده تحصيل ايدرك ترسانه عامره ده درت قطعه سي اوچر انبارلى اوله رق سكسان و آلتى قطعه سي التيشر توج طوپلى اولق اوزره اون قطعه قليون بناسنه مباشرت ايتدى بو قليونلرك بعضي سي التيشر و بعضي سي



قرق بشردزراع طولنده ایدی بش قطعه سی باش قپودان اولق اوزره امرای بحریه دن  
مصرلی زاده ابراهیم پاشانک اداره سنه وبش قطعه سی ایکنجی قپودان اولق اوزره  
جزایرلی بابا حسن بکک اداره سنه ویریلرک وهر برینه سالیانه اولق اوزره بعض سنجاقلر  
تخصیص وتوجیه ایدیلرک ردوسدن رشیده وارنجیه دک تجاری محافظه ایتلری فرمان  
بیورادی وغرب اوجاقلری کی ترسانه ده بر بشقه اوجاق اولق قپودانلرینه واغارینه  
وچاوشلرینه وخواجه لرینه وطوبجیلرینه وسائرینه مواجب وتعیینات وافیه تخصیص وغرب  
اوجاقلرندن وسائر طرفلردن قلیونجیلاق امورینه واقف آدملر جلب ایله قلیونلر  
امورینه کرکی کی انتظام ویرلدی (۱۰۹۶) تاریخنده قپودان دریایا ولان مصاحب  
مصطفی پاشا التمش پاره سفینه ایله آقدکزه چیقوب سیدسام بوغازندن مرور ایله  
ردوسه واردیغنده چونکه بر وقتدنبرو دونمای همایون سیدسام بوغازندن ایلرویه  
کذار ایده ممش ایدوکندن بوکره دونمانک اورادن خروج ایله ردوسه وارمسی بحرا  
برنوع مظفریت عد اولمشیدی حالبوکه (۲۹) تاریخنده سالف الذکر مصرلی زاده  
ابراهیم پاشارنه وزارتله قپودان دریا اولدیغندن بابا حسن بک قلیونلر باش قپودانی  
وانک برینه بنفشه لی علی بک ایکنجی قپودان اولدقلرنده سنه مر قومه خلانده وندیك  
قلیونلریله عظیم جنک ایدوب غالب کلمشرایدی انجق متعاقبا بابا حسن پاشامطعونا  
وفات ایتکله متصرف اولدیغی قبرس ایالتی ایکی توغ ایله باش قپودان اولق اوزره  
علی بکه وانک متصرف اولدیغی اسکندریه سنجاغی برتوغ ایله ایکنجی قپودان اوزره  
می قپودانه احاله بیورلمشیدی

بوصورتله قلیون قپودانلرینک قدرلری اعزاز وتوقیر رفته رفته قلیونلر تکثیر واهل  
واربابی توقیر اولنه رق دولتعلیه ترسانه سنده قلیونجیلاق اموری خلیجه ایلروادی  
(۱۱۰۶) تاریخنده وندکلور برتقریب ایله کلوب ساقزی استیلا ایتدکلرنده عوجه  
زاده حسین پاشاقپه دان دریا ومزه مورته حسین پاشا قلیونلر قپودانی اوله رق مرتب  
اولان یکرمی قطعه قلیون ویکرمی درت پاره چکدیررکی ایله دریاه چیقوب قیون  
اطه لری حوالیسند وندیک دونماسی ایله وقوعبولان محاربه بحریه ده غالب ومظفر  
اولملریله وندکلونک برقچ کبسی ضایع وباقیسی رخنه دار اوله رق ساقز طرفنه رجعت  
وفراره مجبور اولدی چندروز مرورنده یته ایکی دونما بربرینه مقابل اولوب وقوعبولان  
محاربه ده دخی وندیك دونماسی مغلوب اوله رق بونده دخی الی بش پاره طوبچکر  
بر قلیونلری احراق ودرت ماونه لری کسر وشکست وبر چکدیریلری غرق اولنوب  
باقی سفینه لری منهزما فرار ایتکله ساقز اطه سی استخلاص اولمشدر

بومظفریتلر مجرد قلیونلر ایله قرانلمش اولدیغندن عوجه زاده حسین پاشا ساقز  
محافظه سنه مأمور اوله رق مزه مورته حسین پاشانک مذکور محاربات بحر یه ده مشهود



اولان خدمات مشكوره سنه مكافاة عهد سنه دريا قپودانلغى توجيه اولنوب اودخى قليونلر ك تكثيرينه وامورينك توثيق وتنظيمه همت ايدرك بىك يوز طقوز و يوز اون سنه لرنده وقوعبولان دريا جنكارنده مكررا وندىك دونماليينه غلبه ايتمىدر

بوصورتله دولتعليه نك قوه بحريه سى خيل جسامت كسب ايدرك (۱۱۱۴) تاريخنده اقد كزه يكرمى قطعه قليون والى پاره دريا بكارى چكدير يلى ايله بر مقدار فرقه وقره د كزه بش قطعه قليون واون بش پاره دريا بكارى چكدير يلى ايله يكرمى پاره قالته ويكرمى بش قطعه شايقه اخراج اولندقدن بشقه طونه نهرنده دخی فرقه وقالته وشايقه واوستى اچيق تعبير اولنور سفائن انواعندن اولق اوزره ايك يوز پاره يه قريب اينجه دونما ترتيب اولتمىدى سلطان احمد ثالث عصرينك اوائلنده دخی مجددا بر قطعه بيوك قليون انشا ايله امور بحريه نك اكمله صرف همت اولتمده اولوب (۱۱۱۹) تاريخنده قليونلر قپودانى اولان جانم خواجه دينكاه معرف محمد قپودان يكرمى قطعه قليون ايله بعض سواحل و جزاير اسپانياي غارت وايكى قلعه لر ينى تخريب ايله عودت ايدرك ماله جزيره سى پيشكاهنده لىكر انداز دهشت اولديغى ائشاده باترونه قپودانى اولان مصطفى قپودان دخی ايكي قطعه قليون ايله جزاير اسلاميد اره لرنده دوران ايدن ماله قليونلرينى احراق ايتمىدر

بوصورتله دولتعليه ترسانه سنده قايونجىلىق مصلحتى ايله وليوب اصل دونماي همايون قليونلرن دن عبارت اوله رق چكدير برانواعندن عبارت اولان سفائن ميريه اندن صكره دونمايه معاونت اچون قوللانيلور اولديغندن قپودان پاشا بولنان ذاتلر باشترده همايونه راكب اوله رق اوائلده كى دونماي همايون سردارى مقامنده بولنوب اصل دونما قوماندانى قليونلر قپودانى ديمك اوله رق انك راكب اولديغى قليونه قپودانه همايون وانك ايكنجيسنه پترونه تعبير اولنوردى ده صكره لرى باشترده بتون بتون ترك ايله قپودان قليوننه پاشا كيسى دينلوب قپودانه بك بر عنوان اوله رق انك ايكنجيسنه پترونه بك واوچنجيسنه رiale بك دينلدى

قليونلر اچون اقتضا ايدن يتمش سكسان قنطارلق تيمورلر فى الاصل استانبولده ياپديريله ميوپ انكلتره دن جلب اولنه كلوركن بىك يوز يكرمى تاريخلرنده خبره جى اوجاغندن اوسطه على نام بر هزار فن ظهور ايدوب انك تعليمى ايله ترسانه كوزلى اردنده مجددا بر كارخانه ياپيلوب ازوقت ظرفنده بروفق مطلوب قليون لىكرلى ياپيله رق دولتعليه بر خصوصده خارجه احتياج دن وارسته اولمش وينه اول اوانده بر قطعه باشترده ايله الى بر ذراع طولنده بر قطعه قليون ياپلمش ايدى اول ائشاده قپودانه همايون قپودانى اولان سالف الذكر جانم خواجه محمد قپودان ميرى قليونلريله اقد كز محافظه سنه چيقوب برايكى سنه ظرفنده نجه جسيم قورصان قليونلرينى اخذ وضبط



ایله مظفر اترسانیه عودت ایده کلدیکندن بشقه مؤخر ا قپودان دریا اولدیغنده  
دخی (۱۲۸) و (۱۲۹) سنه لرده بالدفعات وقوعبولان محاربات بحریه ده وندیك  
دوئمناسنه غالب کلمشدر

مؤخر اینه دور احمد خانیده التمش بریحق ذراع طولنده برقطعه اوچ انبارلی ایله ایکی  
قطعه قره وله تعبیر اولنور قلیون وینه دیکر براوچ انبار لوو بعده سلطان محمود اول عصرنده  
اولا ایکی قطعه قلیون یاپلدقد نصره تحفه الملوک و مرادیه و فاتح بحری و پر بحری و ناصر  
بحری و برید المظفر و زیور بحری نام قلیونلر ایله برقطعه اوچ انبار لوو و مصطفی خان  
ثالث عصرنده حصن بحری نام قلیون انشا قلیوب سالف الذکر پر بحری نام قلیون چکدیرمه  
مثالولدی الاقتضا کورک ایله دخی یوریدلک اوزره اولوقتجه نوظهور اولان برطرز  
مستحسن اوزره یالیش صنایع عجیبه بی مشتمل بر قلیون ایتمش

بوصورتله دولتعلیه نك قوه بحریه سی ینه تجدد و توسع ایتمش ایسه ده مدت مدیده  
اسفار بحریه مهمل و متروک اوله رق دونمای همایون مجرد محافظه ضمننده موسم بهارده  
برمعتاد آقدکزه چیقاریلور و کوز فصلنده ترسانیه کتوریلور اولمشیدی بوجهته  
دولتعلیه ترسانه سنده مهارت و معلومات اصحابی نابود اولوب عساکر و رؤسای  
بحریه دونمای همایون ایله آقدکزه چیققد قجه اطهر عایسی لارد مندرینی صویمقدن غیری  
برایشه یارامز اولدقلرندن واولوقت ایسه اوروپاده معارف و صنایعک رقیاتی حسبیله  
فتون بحریه زیاده ترقی ایلدیکنندن و قپودان دریا بولنان ذاتلر ارکان دولت  
وسلطنندن معدود اوله رق اکثری امور بحریه دن بی خبر اولوب مناصب بحریه توجیهاتنده  
دخی چندان اهلیت ا سارا زو بلکه اسفار بحریه نك پك چوق علوم و معارفه موقوف  
ایدوی بیلنمز اولدیغندن دول بحریه اوروپاد و نملار ینه مقابله شویله طور سون آقدکزه  
کشت و کذار ایدن قورصانلرک دفعنه بیله مفتدر اوله میوب جانب مصره کیدوب کلان  
حجاج مسلمین و تجار دولتعلیه قورصان قورقوسندن مستأمن سفینه سنه محتاج اوله  
مرتبه سنه کلمشیدی امور ترسانه بویله مختل و مشوش ایکن ینه مصارفی بی نهایه اوله رق  
عبدالله ملا افندیك لایحه سنده بیان اولندیغنه کوره برقاچ سنه ده بر قلیون ایندیریلور  
ایسه دولته اون قات بهاسنه چیققد قدن بشقه کرسته بهانه سیله و سائر تسلط ایله بویولده  
ترسانیه خدمت ایدن قضالردخی تخریب اولنمقده اولدیغی حالده یاپیلان قلیونلرک  
قیج طرفلری متعدد اوطه لر ایله مملو اوله رق چندان محاربه یه یاراماز و کرستدلی یاش  
ایکن میخلاتمغله برقاچ سنه ظرفنده صوینی چکیلوب آچیلور ایدی الحاصل ترسانه  
وارداتی و چکدیری پاشاقلرینه تخصیص اولنان محارک حاصلاتی و کذا سالیانه قپودانلقلری  
رجال و رؤسای سائریه مأکل اولوب قلیونجی نامیله بولنان عسکر دخی کند و تجارتیه  
مشغول برطاق بیعار بی حیت اشخاصدن عبارت اوله رق ناسک عرضنه تعرضندن



غیری بر عمله یارامازلر ایکن قپودانلقلار تشارا ایله نااهلاره احاله اولمغله احوال بحری  
 بیلز کمسنلر قپودانلق اشترا ایدرک قلیونجی علوفه سی نامیله طرف میریدن اعطا  
 اولنان مبالغ کلیه یی بینلرنده اقدسام ایدرلردی اشته شو حالده (۱۸۲) سنه سی سفری  
 ظهوریله سکسان درت سنه سنده روسیه نك اون بش قپاق والی فرقتین و بر مقدار  
 سفائن صغیره دن عبارت اولان بحر بالتق دونمائی علمکیسی اورلوفك زیر اداره سنده  
 اولق ارزره امیرال اسپریدوفك معیتنده اولدیغی حالده سبته بوغازندن اقدکزه  
 طولاشه رق موره صولرنده ظهور ایتدکده دونمائی همایون ایله قپودان دریا حسام الدین  
 پاشا در حال اقدکزه چیقاریلوب دونمائی همایون کثرت و عدد جهتیله روسیه دونماسندن  
 زیاده ایسه ده روسیه دونماسنده انکلیز و دانیمارقه لووسا اوروپا لوردن فن دریاده  
 ماهر نیجه ادملر اولدقدن بشقه متعدد انکلیز امیرالری موجود اولوب دونمائی همایونده  
 بولنان رؤسا ایسه امور بحریه دن غافل و حیل حریبه دن زاهل اولدقلری مثلاً عساکرک  
 اکثری اطراف واکافدن جبراجم اولمش ارغاد و حقیقی مقوله سی دیوشمده نفرات  
 اولدقلرندن کی قوللانمق و جنسکده ایشه یارامق شویله طورسون ادنی تلاطم ظهورنده  
 ایاق اوستنده طورامازلردی فقط طقسان پاره طوب چکر قپودانه همایون سوار یسی  
 اولان نهنگ دریای شجاعت جزایرلی حسن بك که مؤخر ادر حمید خانیده مدت مدیده  
 قپودانلق ایدن غازی حسن پاشا در جزایر اوجا غنده مشق و تعلم کارزار ایلش بر مرد  
 دلیر اولمغله قیون اطهری اطرافنده جنکه مباشرت اولندقدده حسن بك سالف الذکر  
 اسپریدوف نام روسیه امیرالنک قلیوننه چاتوب اولقدرخونریزانه بر جنک ایلدی که یار  
 و اغیار تسلیم ایتشیدی لکن نهایت الامر کیلرک ایکسی بردن آتش هوایه پران اولمغله حسن  
 بك یتاغان پچاغی آغزنده اولدیغی حالده یوزرک تخلیص جان ایلدیکی مثلاً روسیه امیرالی  
 دخی بوبله کوچ حال ایله تخلیص ایلنمشدر بوقعه دهشتنزا شناسنده سفائن سائر طرفیندن  
 جنکی پایدوس ایدوب بعده نه جنکه شروع ایتشارا یسه ده اخشام ایر شمکله طرفین یکدیگردن  
 مفارقت ایدوب بعده قپودان پاشا فن دریاده وقوفسزلغندن ناشی دونمائی همایونی چشمه  
 لیمانه ایله بلایی کندوسی دعوت ایلدیکندن دشمن دونمائی لیمان آغزینه ورود ایله  
 جنکه شروع ایتدکده انکلیز امیرالرینک معرفتیله چند قطعه آتش قایقلری درون  
 لیمانه ادخال و کاملاً دونمائی همایون احراق اولندی بوجهته اقدکز بوغازی قپانوب  
 استانبول اهالیسی غلای اسعار ایله انواع مشقتد و چار اولدقلرینه و در حال امر محافظه یه  
 کافی سفائن انشاسی قابل اولدیغنه مبنی ونیدیک جمهوری کی بعض دول اوروپادن  
 در سعادتده مقیم ایلچیلری واسطه سیله زیاده بهاء ض اوننه رق علی الفور بش قطعه  
 کی مطالبه اولندقدده بر مدت امر ارق وقت ایتدکلرندن صکره بوبله ایکی عظیم دولتک سفری  
 شناسنده سفائن حریبه مبیاعه سی قائده حزم و احتیاطه منافی ایدوکی وادیسنده



وارد اولان اعتذار نامه لرنده بزر اکثر ادوات و مازمه سفائی ممالك سائر دن تدار که  
 مجبور ایکن لیانلر یزده برقاچ طاقم دونمایه وافی متعدد سفینه لرمز موجود  
 اولوب دولتعلیه ایسه سفینه انشا ایده جک اولدیغی حاحده جمیع لوزمی کندو ملکنده  
 موجود ایکن نیچون بویله غافلانه حرکت ایدوبده احتیاطا برقاچ طاقم دونمایه  
 کفایت ایده جک قدر سفینه تدارک ایتدی سیاقنده بعض اعتراضات دخی مندرج  
 ایدی بناء علیه اولوقت سالف المذکر جزایری حسن بک قپودان  
 دریا اولوب شکسته و بسته تدارک اولنه بیلان سفائن ایله اقد کزک محافظه سنه  
 قیام وبعده محترق اولان دونمادان اعلا بردونما تجهیزینه اهتمام ایلمش ایسه ده یالکز  
 کمی تدارکیله ایش بتمیوب اصل مصلحت سفائی قوللانه جق ماهر ادملر تدارکی  
 اولدیغنه و سفر مذکر دولتعلیه یه ربیوک درس اولمش ایکن نظام امور دولت مصلحتی  
 یالکز لسانده قالوب رشوت ایسه سائر خصوصاتده رایکان اولدیغی مثلو کیلره سواری  
 نصبنده دخی جاری اوله رق بوباده استحقاق واهلیت ار نماز ایدی واکر چه حلیل  
 حمید پاشانک صدارتنده مکتب بحریه کساد ایله فنون بحریه تحصیانه همت اولمش  
 ایسه ده کرکی کی فعله چیقوبده دولتعلیه ترسانه سنده فنون و صنایع بحریه هنوز درجه  
 کماله ایصال اولمیشینه برمنوال سابق روسیه سفری ظهور ایتکله و بووقته قدر روسیه  
 دولتی قره دکزده خیلی دونما ایدنمش اولسیله دولتعلیه دونماسی روسیه نك قره دکز  
 دونماسنه نسبتله دهها زیاده ایکن نائل ظفر اوله مدی و جلد رابعده بیان اولندیغی  
 وجهله ایکیوز بش سنه سی او احرنده دونمای هیایون شکسته و بسته قره دکز بوغازینه  
 چکیلوب روسیه دونماسی دخی امنه بورننده انکر انداز اولدیغی اجتماع اولندقدنه اهالی  
 استانبوله پک زیاده مورث دهشت و وحشت اولشیکن هله متار که خبری خلقه بادی  
 تسلیمت اولمشیدی شو حاله نظر ار روسیه دولتی بوسفرده اسوج سفر یله مشغول وانکلتره لو  
 طرفندن اندیشه ناک اولیوبده بحر بالتق دونماسی دخی اقد کزه کلمش اولیدی سواحل  
 و جزایر دولتعلیه نه درجه لرده دوچار خسار اوله جق ایدوکی سفر سابقده کی احواله  
 قیاس ایله معلوم اولور حالبو که دولتعلیه نك ایجاب موقعیسنه نظرا یالکز قوه بریه کافی  
 اوله میوب هر حالده مکمل دونمایه محتاج اولدیغندن زیرده بیان اولنه جغی وجهله  
 بو اوانده نظام دولته دائر ارکان سلطنت و رجال دوات ظرفلرندن تقدیم اولنـان  
 لایحه لرده دخی قوه بحریه نك لایقیله تنظیم واکمالی کمال اهمیت ایله اخطار قلنشدن  
 صدور عظامدن تاتارجق عبدالله افندی لایحه سنک بو مجشده قوه بحریه نك اکمالی  
 فرض عین مشابه سنده اولدیغنی بیان ایلد کدنصکره ترسانه نك بیهوده مصارف  
 و اسرافاتی تنزیل و تخفیف و چکدیری پاشانلری رفع وانلره مخصوص اولان مبالغ  
 وفیره امور ترسانه یه تخصیص و دریا قلنده اولان زعامت و تیمارز محمول اولدیقه  
 ترسانه یه خاص باغلانق اوزره شمیدن نضامه ربط ایله وسائر وجوهله واردات



ترسانه نك تكثيرينه و انشاى سفائنده ماهر انگليز و فرانسى مرى انغوزلى جلب واجر تارنده  
 زياده جه سماحت اولنه رت. اوروپا اصولى اوزره سفينه لر انشاسنه و مهماتك اعلى  
 اولسنه اقدام و دول نصار انك حروب بريه و بحريه يه دائر مؤلفات جديده لرى و صنايع  
 هندسيه لرى تدارك و بروجده استعجال ترجمه ايتديرلد كدنصره قپودانان و سائر  
 ترسانه يه و بالجله نفرات بحريه يه صنايع مز بوره يى تعليم اچون انگليز و فرانسى  
 استادان فن بحريلرى كذلك اطباع و استمالت ايله جلب اولنه رق طو پچيلىق صنعتيله  
 خريطه فنك كماليله تعليمه اهتمام اولنمق و اطهر رعاياسندن ملاحقه مهنارتى اولنلر  
 استخدام قلنمق خصوصلرينى دخی موقع رأى و تدبيرده تحرير ايشلشدر

دفتردار شريف افندى لايحه سنده دير كه قريم دشمن ينده ايكن جمله دن زياده بزه  
 لازم اوله جق دونما اولمغله وقتيله كرسته كسدير يلوب و يونيلوب و جميع اجزاسى تهيه  
 اولنوب مجددا انبارلر انشاسيله انبارده برقليونك كرسته و مسمار و لوازم سائره سى  
 مهيا بولنه شويله كه برقليون يايلىق مراد اولندقد. برآيده حصوله كله اشته بويله جه  
 يوز قليونك كرسته سى دائما وجود طوروب قليون ياپار فجهينه يرينه كسيلوب وضع  
 اولنه بو نظام تماميله حصوله كلمك اون بش يكر مى سنه يه توقف ايتكله بش التى سنه دنصره  
 آچلمسى ملحوظ اولان سفره چوقلق فائده سى اولمامغله انكلتره و دول سائرده دن  
 قليون مبايعه سنه شمديدن رابطه و يريلوب ايكيشه اوچر همان برطرفدن مبايعه اولنه و فيما  
 بعد قليون اداره ايدجك قليونجى بشقه و جنك ايدجك عسكر بشقه ترتيب اولنوب  
 جنكجى عسكره كى قوللانمق و قليونجى يه دخی جنك ايتك تكليف اولنوب هر كسك  
 خدمتى بشقه اوله و علوفه سنك تكثيريله و آخر درلو اعتبارلر ايله قليونجىلىق برصورت  
 كيرملودر كه قليونجى يازلمغله رجاوشفا - تله ناس طالب اوله و هر قليونك طاقم تعبير ايتدكارى  
 نفراتى هر بمقدار ايسه بلا نقصان تكميل بولنوب برنفرى ناقص اولور ايسه قپودان تأديب  
 اولنسون و بودونما ماده سى جميع ماده لر دن اعظم و ازم اولمغله ار بايله كره بعد اخري  
 مذاكره و مشاوره اولنوب جزئى و كللى جميع امور نظاميه سى قلمه آلنوب و قوانين  
 نافعه جديده بغلنوب فيما بعد دستور العمل طوتيله قليون كرسته سى و لوازم سائره سى  
 و دولت عليه نك سائر مهمات و ذخايرى عادات خلقك رضاسيله و راجحى ايله مبايعه اولنوب  
 و استخدام اولنان عمليه عادت اوزره اجرت و يريلوب شويله كه استانبولده و سائر  
 محلده خلق مالى دولت عليه يه صاتمقله غير يله صاتمق مساوى و عملة دخی سائر ايشلكله  
 دولت عليه يه خدمت ايتك بر اولوب اخذ و اعطاده قطعاً تكلف قالمقدن عسكره تكاليف دولت  
 جميع ممالكه بردن توزيع و تقسيم و پاشارك سقریه و حضريه سى دخی بوكا قاتيلوب اويله جه  
 تحصيل اولنمق دولت عليه يه و فقرايه خير محض اولمغله اشبو ماده نافعه نك صورتيذر  
 اولسنه بالاتفاق همت بيوريله



اول وقتل كرك امور ترسانه ايچون و كرك سائر مصالح دولت ايچون جاري اولان انغريه اصولي اهاليك يديتاب و بمالك خراب اولسنه بادي اولمقده ايدو كندن شريف افنديك بيان ايلديكي اوزره بواصول كريهه نك الغساسيله امنيت مال ماده سنك تاسيسي هر شيدن اهم و انفع ايدو كنده شبهه يوق ايسه ده در حال اجراسي مشكل كورندي كندن مدت مديده بوماده خيريه فعله كتور يله ميوب نهايت قريب العهدده موقع اجرايه قونيله رق امنيت جان و عرض و مال ماده لرندن عبارت اولان تنظيمات خيريه نك برر كني اولمشدر

امادونما امورينه سلطان سليمك همتي طوغريسي يك زياده اولوب اردوي همايونك در سعاده عودتندن صكره بالجملة قوانين و نظاماتك تجديد و اصلاحيله مشغول اولديغي حالده ترسانه امورينه دخي كال اهميت ايله اعتنا ايدرك اول باول سفائن حريه بي صغرو كبيرينه كوره تفريق و تعداد و قيودانلردن اهليت و استحقاق نمايان اولنلري درجه استعدادلريند كوره شايان اولدقلري قليون يا خود فرقتين و يا كوچك شهتیه مقوله سي تگنه لره سواري نصب و آچيقده قلان قيودانلري دخي آنلره ملازم قيد ايتديروب و از قديم معين اولان ساليانه زينه دخي ترقى احسان بيوروب شويله كه قيودانه همايونك اوچ بيك اوچيوز اوتوز اوچ غروش قرق اچ ساليانه قديمي يدي بيك بشيوز غروشه و پطرونه همايونك ايكي بيك اوچيوز يتش بش غروش ساليانه قديمي التي بيك غروشه و لي مان رئيسك ايكي بيك غروش ساليانه قديمي التي بيك غروشه و رياه همايونك بيك سكر يوز يتش بش غروش ساليانه قديمي بش بيك غروشه و اوچ انبارلو قيودانك بشيوز غروش ساليانه قديمي بيك بشيوز غروشه و قيودانه همايون قيودانك سكر يوز اوتوز اوچ غروش ساليانه قديمي ايكي بيك درت يوز اوتوز اوچ غروشه ابلاغ و سفر براولان سفائن همايونك سواري قيودانلرينك على العموم بيكر غروش ساليانه قديمي اولمغله ايچلرندن اللى بش واللى اوچ ارشون قاليونلره راكب اولنلرك ساليانه سي ايكي بيك سكر يوز غروشه واللى برورق يدي ارشون قاليونلره راكب اولنلرك ساليانه سي ايكي بيك اوچيوز اللى غروشه واللى برورق يدي و قرق بش ارشون فرقتينه راكب اولنلرك ساليانه سي بيك سكر يوز اللى غروشه و قرق اوچ ذراعدن اوتوز ذراعدهك فرقتين و شهتیه و سارميه راكب اولنلرك ساليانه لري بيك التيوز غروشه ابلاغ و سائر ملازم قيودانلرك دخي بووجهله ساليانه زينه ضم ايله دائره معيشتلري توسيع بيورلش و بونلرك عزل و نصبينه واله جقلري مهماتك نظامنه دائر برقطعه قانوننامه دخي تنظيم اولمشدر شويله كه دونماي همايون قيودانه سي و پطرونه سي و رياه سي و لي مان رئيسلرينك محلول وقوعى و يا خود جنجهلري ظهورى ايله عزل و نصبلري تقديرنده فى الاصل اولديغي مثلاً قيودان پاشا بولنان ذاتك باب عالى يه تقديريله قيودانلردن فنديه ماهر



و شجاعت و صداقت ایله اهلیتی ظاهر احق و اصلحی هر کیم ایسه اول نصب و تعیین  
اولمق و سائر دوتمای همایون سفینه لرندن قلیون و فرقتین و شهتیه و سائر قپودان  
ارکانه شایان اولان سفن حربیه سنجاق قپودانلری و لیمان رئیس مشورت و اتفاقلریله  
وجه مناسبی اوزره سواری قپودانلردن برری تخصیص و ملازم قپودانلردن برری دخی  
اقتضا ایدن سفینه لره انتخاب و انہا وینه قپودان پاشانک باب عالیدن استیذان  
ایله نصب و تعیین قلمق و سواری اوله جق قپودانلرک انجق استحقاق و لیاقتنه و فن  
دریاده کمال و مهارتنه باقیلوب زہار اطراف رجاسیله خاطرہ رعایت اولنماق و هیچ  
برندن جائزه و عبودیت آلمیہ جغندن بشقه قپودانلره طرف دولتدن بالغامابلغ اکر امیہ  
ترتیب و اعطا اولنه جق اولغله قپودانلردن سوار اولدقلری سفینه نک قصاب و قہوہ  
مثلا و خدمتلرینی سابقلرده بالماز ایدہ فروخت اولندیغی کبی صائمیوب سفینه نک رئیس و یلسکچی  
و طوچی باشیسی کبی کدکلورلندن استحقاقی ظاهر اولنلرینه اچہ سز اوله رق ترتیب  
و تخصیص ایللری لازم کلوب خلافتہ حرکت ایدنلر تأدیب اولمق و جنجہ لری ظهور  
ایتمکجه بریسی عزل اولنماق و سفر و حضرده بریسی سفینه سنک نظارتندن ایرلماق  
و هر سفینه نک مهماتی ترسانہ امینی و لیمان رئیس معرفتلیله سواری قپودانلره تسلیم  
و لیمان دفترینه قید اولندقدن صکرہ بر صورتی دخی قپودان دریا بولانان ذاتہ و برعینی  
دفتردار وقتہ بعد الارائہ باش محاسبیہ و یرلک و سفینه نک غومانہ والات و سائر ادواتنک  
فنا پذیر اولمندن محافظہ سی و سفینه نک امر تطہیری قپودانلرک وظائف مأموریتلرندن  
اولق و سواری قپودانلردن وظیفہ سنی ایفادہ قصور ایدنلر اولور ایسه سفینه سنندن  
اخراج ایله درجہ جنجہ سنہ کورہ تأدیب و یرینہ سنجاق قپودانلرینک اتفاق و اختیارلری  
و قپودان پاشانک رأی و ارادہ لری ایله ملازم قپودانلردن بری نصب اولمق و محمول  
و قوعندہ دخی بوجہ لہ تنظیم قلمق و بومقوله جنجہ یہ جسارت ایدنلری سنجاق قپودانلری  
اخبار ایتمزلر ایسه صاحب جنجہ اولان قپودان ایله بیله مظهر جزا اولق و بر جنجہ  
ایله سنجاق قپودانلردن برینک عزلی لازم کلد کدہ یرینہ اقتضایدن کذلک نظام مذکور  
اوزره قپودان پاشا اختیار ایلک و اصحاب جنجہ نک تأدیبی خصوصندہ اغماض اولنورسہ  
قپودان پاشا معاتب اولق و منحل اولان ملازم قپودانلق قپودانہ همایون باش رئیسندہ  
توجیہ اولنوب بعدہ پترونہ باش رئیس قپودانہ یہ وریالہ باش رئیس پترونہ یہ  
علی وجه التسلسل نقل ایلنوب سائر کیلرک باش رئیس لرندن بر مستعدی جملہ قپودانان  
ورؤسا معرفتلیله انتخاب وریالہ یہ باش رئیس و یرلک و خالی قالان باش رئیس کدو کتہ  
ایکچی رئیس وانک یرینہ یلسکچیلردن کذلک جملہ معرفتلیله بری ایصال وانک یرینہ  
دخی اوچنچی رئیس و طوچی باشی و سائر کدکلورلردن کیم مناسب ایسه بعد الامتحان  
استحقاق و لیاقتی نمایان اولدقدہ تعیین و تخصیص و بروجہ محرر امتحان اولانہ جقلر



دخی درجه استحقاقده مساوی اولور لر ایسه احد همانک قیودان زاده ویا خود آبا  
 واجدادی ترسانه خدای اولسی اسباب ترجیحدن عد اولنق وعلی الدوام بوسلسله  
 ونظامه رعایت قلنه رق قیودانلق هر قوم ترسانه عامر هیه خدمتی سبقت ایتماش فن  
 دریاده مهارتی اولیان اجانبین ادماره رجایله ویرلماک واجانبین اولوب فن دریاده  
 مهارتی نمایان ودرجه استحقاقی ظاهر وعیان اولنره دخی قیودانلق ویرلکده شروط  
 مذکوریه مخالفدر دینلیوب اهلیت واستحقاقی جهتیله قیودانلق ویرلک و سوار ی  
 قیودانلرندن قواعد ترسانه یی یلور ومجددا سفینه تجهیزینه مقتدر محرب ومستقیم  
 اوقوریازار بریسی لیمان ریسی اولوب بالجمله مصارف ترسانه آنک انها و افاده سیله  
 اولق خصوصلری و ذخائر ومهمات ولوازم سائر نک صورت ترتیب وتوزیع وتسلیمیه  
 کیفیت محافظه لری مفصل ومشروح اوله رق قانوننامه مذکورده درج وتحریر وبوندن  
 صکره ترسانه نک جزئی وکلی مواد سائر نظامیه سنک تنظیمی مصمم پادشاهی اولدیغی  
 دخی خاتمه سنده یادوتد کیر اولنش وشراائط مذکورده فیما بعد دستور العمل طو تملق اوزره  
 اشبواتی سنه سی ذی القعدة سنک یکر می بری تاریخیه ایجاب یدن محارره علم وخبرلر ویرلشد  
 بوند نصکره دخی سلطان سلیم خان حضر تلی ترسانه امورینه اهتمام واعتنادن خالی اولیوب  
 زیرده بیان اولنه جفی وجهله تنظیم عساکر جدیده صر ه سنده طوبخانه وخبره خانه کی  
 قوه بحریه دوله علیه یی مجددا احیایله مدت قلیله ظرفنده قوتلوو کلیت اود ونمائدارک ایلاندر  
 ❁ تاریخ دولت علیه ❁ جودت پاشا ❁

محفوظ کجینه صدور وسطور اولان انواع تواریخ وحکایاتدن مقصد اصلی ابنای  
 بشره مشعله راه سعادت اولان مواعظ وعبر افاده سنندن عبارت اولوب شوفانده دن  
 نحالی بولانلری قشرب لب ولفظی معنی کی مالا یعنی قیلندن اولدیغندن مطالعه واستماعی  
 عبثه اشتغال دیمک اوله جفی مسلم ارباب البادر ظاهر پرستان عوام بووادیده کاب  
 مطالعه سننده صورت مادهیه کسب اطلاع ایله اکتفا وحقایق جویان خواص ایسه  
 اجتنأ ثمرات حکمت ایله استحصال فوائد لایحضا ایدر لر دولتلو یوسف کامل پاشا  
 حضر تلی نک مؤخرأ ترجمه سنه همت بیورمش اوله قاری سرگذشت تلماق اومقوله  
 نتایج مهمه ایله مالا مال بر نسخه نادره ادب وکمال اوله رق اشبو جواهر زواهر نصایح  
 وحکم منکوش کوش جان اولغه شایان اولغه حسن آداب وفضائل اخلاقه  
 دائر متضمن اولدیغی مواد حکم آمیز تفریق یعنی حصه سی قصه سنندن تجرید وتمیز  
 اوله رق مجموعه عاجزانه مزه درج وتحریرینه مبادرت قلندی اشبو خلاصه نک  
 قرائت وحفظنده درکار اولان سهوات مطالعه سنه بادئ رغبت اوله جفی  
 مجزومدی (ارتباط ایده لی جوهر له عرض ❁ قصه دن حصه در القصه غرض )



انسان کامل چو جگر کی الیشلی البسه دن ذوقیاب اولیوب بومقوله شیر کندوسنی مشغول ایتاملی و دائماً بزیر کان طریق ادب مسلکینه سالک و هوا و هوسنه غلبه ایله نفسنه مالک اولمیدر زیر انساکی کندوسنی زیبوزینته فریفته ایدن ادم صاحب عقل و شرف ستایشنه سزاوار اولیوب مفخرت ذاتیه انسانیه انجق مشقتی اختیاروتن پرورلکی مردود نظر اعتبار ایدنلره مخصوصدر حیه کارلک صورت ظاهرده خوش آینده و حلاوتنا و حقیقتده ازهار چترارالتنده سورینورماره لاهل فشان قییلندن اولان افادات و تأمیناته سهل الاغفال اولان حالت شبابت بلاسیله اینانمیوب خیرخواهانک نصایح و اخطاراتی هر تقدیر اول امرده طبیعتده خوش کلمزایسه ده کوش هوش ایله اصغاف اولمیدر انسان خطاسنی حس ایتدکدنصکره تکرار او خطایی ارتکاب ایتامک اوزره متیقظانه و معتدلانه حرکت ایتسی کندوسنه سرمایه سعادت کافیدر لکن بو خطانک موجب اولدیغی مخاطره دن خلاص اولدقدنصکره ینه احتیاطسزلک حالنک عودتی فنادر بر حادثه نك وقوعندن مقدم علاجنی دوشنوب احتراز ایلک و قضایه اوغراندیغی تقدیرده بیهوده تلاش ایتمیوب مقاومت و غیرت کوسترمک لازمدرجالس مسند حکومت اولنلر زیر دستانلرینی و الدولدی و ولدوالدی سورجه سنه سووب و کندوسنی سودیرمکه و رفعت و ثروت و راحتلی انجق کندو سایه سنده حصول بولمش اولدیغی سویلتدیرمکه تقید و اعتنا ایتلیدرلر بر حکمدار معدلتشعار اوقات و ساعات مخصوصده اولادی کی سومی لازم اولان رعایاسنک شکر و شکایتنی استماع ایتلی و ممالک سائر احوالنه اطلاع ایچون اجانب ایله کورشملی و دیوان مخصوصده کوندزلری امور عامه ایله اوغراشوب کجه لری دخی مجلسنه قبول ایلدیکی علما و حکما ایله سویلشمیسر کسب علم و کمال هوای نفسانی یه تقدیم ایدنلر نه محترم ادملردر که بر حال طاقتفر سایه اوغرا دقلرنده کندولرینی سرمایه معلومات مکنتسبه لریله اکلندیرلر

حکمدارلر هر شیئی کندو کوزلری و قولاقلریله مشاهده و استماع ممکن اوله میوب قرینلری ال وایاق و کوز و قولاق منزله سنده درلر فقط بونلردن بعضیلری ظاهر اولی نعمتلرینه محب و باطنا فوائد شخصیه لری حصولنه مکب اولدقلرندن بعضاً خلاف واقع عرض و انهارلی اوزرینه معامله جور و غدر و قوع بوله چخی جهتله حکمدارلر کوره سو قریندن زیاده اجتناب لازمدر

محروم فضائل انسانیه و مغلوب رذائل نفسانیه اولان اولادک بعضاً خطای باغبان ایله فدان نورسیده قطع و بریده قلندیغی کی مقراض اجل حبل حیاتلرینی قطع ایتک اولادر باغ خاندانده یتشور اومقوله تازه فدانک هر درلو تربیه اماله سی آسان اولدیفندن کاسه لیسان و خوش آمد کویانک شر و مضر تلزندن محافظه سیله اخلاق حمیده و اوصاف پسندیده تحصیل ایللرینه اعتنا اولمیدر



ظلمه حکام امور رذيله دن توقی ایدن ار باب فضل و کمالدن مجتنب و مدار سلامت نفس  
 ملا حفظه سیله سفک دماء بیکناهان فضیحه سنی مرتکب اولور و ظل وجود ظلم اندودندن  
 اور کدیکنندن تیغ عریان و سنان جانستان باب کیرنده پاسبان اولان سراینده ملول و مکدر  
 نزهده اولدیغنی بیابوده تلف ایتسونلر خوفیه اوطه دن اوطه یه کزر اطعمه لذیذه نظر  
 و همنده مسموم ذوق و صفایه دائره صحبت ایسه شاید قلب قسوت قالبنه پر لشور و ایه سیله  
 مستلزم انواع غموم اولور و جگرینی کباب ایدن ناراکداری اخفا و اطفای ایده میوب  
 ایچن ایچن ایکدیجه چشمان چاه نشاندن ایشلر صاچه غله اولاد و اقا ربی رحم و شفقتندن  
 آیوس و قهر و تلافی بدد عاسنه مانوس اولورلر بر حکمدار غدار دائماعتزتی حالی جمع  
 مال و منالدهوزیردستانی اوزرینه کیف مایشاء اجرای استقلالده درز عمیله اضرار ناس  
 و وسوس نفسانیه سنه قادر اوله مدیغنی حاده کنندینی مالک رقاب عالمیان ظن و قیاس ایدر  
 حکمدار غدار ظلم و عدوانی حسیه کندوسنه سو قصب اولنور خوف و اندیشه سندن  
 خالی اولیوب دائمایه هیچ برکسه یی کورمک و کور نمکدن احتراز اوزره اوله جغندن  
 بویله حکمدار لقی ایتکدن ایسه عادتاً چوبان و مستغنی غوائل این و آن اوله رق  
 لذتیاب نعمت امن و استراحت اولق بیک قات اولادر  
 حکمدار عادل هر نقدر تلقی قرائب واجانب و تدقیق طبایع حاضر و غائب ایله  
 ذوقیاب و میانه اهالی شهرده فامایاسی اراسنده کزر بیوک پدر کی وارسته طبطاب  
 اضطراب اولور ایسه حکمدار ظالم اولقدر خائف و مخوف و افکار بدکاری کسه یی  
 کوروب و کورنمک طرفنه مصروف اوله رق هر حال و حرکتی اجل عاجلی دعوت  
 و دائمایه مقدمات نکبت ایدر فساد اخلاق ایله متصف حکمدار لر مضحک  
 و مسخره کسه لره الدائمقندن ضرر دیده اولملری قاعده دن ایسه ده ظلمه گروهی او یله  
 اولیوب ادب و عفت و ناموس و استقامت صاحی اولان ذواتدن قورقار و نزهده  
 بر خونریز و فتنه انگیز وار ایسه انکله دوشر قالقار  
 ساحل دریاده واقع تجارتگاه اولان شهر لک سکانی ملت واحده یه مخصوص اولیوب  
 هر مملکت و هر ملتدن مشاهیر تجار ذی اقتدار دروننده مقیم و لیمان واسعی اموال  
 تجارتی حامل سفائله و مغازه و دکانلری بلاد بعیده دن کتور یلور و اورادن دیار آخره  
 کتور یلور امتعه متنوعه ایله مالامال اولملی و کیلری سواحل بحر محیطی دور ایدرک  
 ذهب و فضه و بهارات واجناس حیوانات جلیله تجارت ایتلیدر و اهالیسی بلاد  
 ساحلیه رومستان مثلوا اسکله باشلرنده اجتماع حوادث ایچون اضاعه اوقات ایدن  
 تنبل ادملره بکزه میوب هر کس کار و اکتسابنه و دفاتر و حسابنه دقت و نفساسی پشم  
 و پنبه و حریردن اقشه نادیده و پسندیده ایشلیره رک هر بر فردی بیهوده اضاعه وقت  
 ایتکدن حذر و مجانبیت ایتلیدر بو مثلوا موریتک سبی اهالیسی سفاسان ایشلیره درایی



گز مكن و ممالك بعیده احوالنه كسب اطلاع ايله برابر هنر و كار كذار و متحد الافكار و اداره امور يتيهده ماهر و زوار تجاره اكرام و احترامده بی قصور اولمزلندن نشأت ایدر مملكتنك معمور اولسنی استیام حكمدار لیان امنیت و سلامتده طائفه تجارك تسهیل داد و ستادینه معاونت و ملل مجاوره و سایریه حرمت ايله بعضاً وقوعبولان حالات متقاضیه لرندن تغافل و عداوتلرینی دعوت ایدن كبر و غرورون مجانبت ایدرك اخلاص نظام بلد و اموال ناسه مدید ایدنلری سیاست و تأدیب و صناعت و زراعتده اهالی مملكتی ترغیب ايله مضرت عمومیه سی مسلم و باعث فساد مزاج بی ادم اولان علات سفاهتدن و مداخله ماده تجارتدن صافنور واردات معینه بی لزوم حقیقیسنه كوره صرف و ادارهیه دقت و اعتنا بادی حصول ثروت و غنا اولور چونكه اساس رفاه و راحت اولان ماده تجارت مایه جارییه شبیه اولوب بیوكلر بالذات قارشدق لرنده مجرای طبیعیسندن چیقاروب كندولری منتفع اوله میه جقلرندن بشقه اهالی محروم و محزون و داخل حكومتلرندن رفته رفته تجارك امدشدی كسیله رك همجواری بولنان ملت و حكومتلری ممنون ایتش اولورلر

اجانب و اقاربندن ترسان اولان حكمدار لیانه كیروب چیقان سفاسنك اعدادینی و اصحابنك مملكت و ادینی و امتعهنك جنس و مقدار و بهاسنی و تجارك سرمایه یسار و غناسنی و درلو و درلو بهانه لرایله ویركولرینی ازروب كندوسی تجارت و بوجهته سربستی بیع و شرایی لكه دار خسارت ایتك استدیكندن یوماً فیوماً طائفه تجار اول مملكتك طریقنی اونودوب سربست تجارت و راحت ایده جكلی سمترلده اخذ و اعطایه رغبت ایدرلر و تجار تكاه اولان بر مملكت بوجهته تمامی سكان روی زمیندن ویركو المی قابل ایكن حرکات مشروحیه مبنی اسباب ثروت و ساماندن تهی قالور

بر مملكتده كراسته سی انشای سفینهیه الیویرشلی اورمانلر موجود اولدیغی حالده ازمنه معینهده قطع و معمار و تجار و سایر ایشه یرارلره اعتبار اولندیغی تقدیرده ارباب حرف و صنایع پیدری وارد و مجتمع اوله جغندن هر برینه دكرینه كوره تعیین مراتبات و برطرفدن یتشدریلان قیودانلرایله امور ترسانهده استخدام اولانلر حقنده مكافات اولنوب مدت خدمات و حیاتلرنده كندولری و بعد وفاتهم اولاد و عیاللری بالغامابلغ كچندیریلور و ایچلرندن خسته اولنلرینه باقدیریلور ایسه كمال امنیت بال و اسایش حال ايله بحار بعیدهیه عزیمت و چو جقلرینه كورك چكك و خلاط بوكك و شورش دریادن خوف ایتماك اسبابی ارئه و تعلیم هوس و رغبت ایتلری سبب خواهش صفار و كپار و اعظم مدار آبادانی و اقتدار اولور بر حكومت مستقلهده پاكیز اطاعت زردستان حصول مطلب و مراده كافی اولنوب نه عالیه هر كس منافع شخصییه سی



آرزوسيله صنعت و خدمت هوس ایدہ کلدیکندن دائماً محبت قلوب عامہ بی اجتلاب حکومتک معموریت و رفعتہ اعظم اسباب اولہ کلمشدر بعض حالاتہ دروغ مصیحت آمیزرہین جواز اولہ بیلور ایسہدہ علی العموم یالان نزدخدادہ مردود و مرتکبی منفور و مطرود در طریق استقامتدن قبول انحراف ایلہ ارتکاب کذب و خلاف دنیا و اخرتہ باعث پشیمانی و خجالت و بادی انواع و خامت و نکبتدر انسان دائماً مستلزم فوز و نجات اولان صدق و استقامتدن ایرلیوب فرضاً بویولده فدای نفس ایتک بیسہ لازم کلسہ ابنای جنسنہ موجب عبرت اولمق اوزرہ اعراض ایتاملیدر

اشعہ عالم افروز افتابک کافہ موجوداتہ جلا بخشای فیض ظهور اولدیغی مثلاًو انوار مقدسہ الہیہ نک عقول انسانہ اوزرینہ لطف تأثیری اولوب بونور حقیقی بی بصر بصیرتہ کور میسانلری، ناینبای مادرزاد کی حقایق اشیایہ اطلاعدن غافل اولہ رق کورد کلری اوہام و خیالات دائرہ سندہ هائم و حیران وظل زائل قیلندن اولان حظوظات و شہوات نفسانیہ شرابیہ سکران و سرکردان اولدقلرندن انسان اطلاقنہ شایان اولیوب اصل انسان کامل انہار عقول بشریہ بحر محیط ذات احدیتدن منشعب و دونوب طولاشوب اورایہ محتجب اولدیغی ادراک ایلہ افکار خیریہ بی قلوب عبادینہ الہام و افعال سیئہ بی تصور و اجرادہ مؤاخذہ و اتہام ایدن حضرت مالک الملائک و الملکوتک کمال عزت و عظمتنہ علم و وقوفی محیط و شامل اولنلردر

رفاہ و سعادت حال استحصالی آرزوسندہ اولان اقوام مکلف و مطلقاً دوشمہ لی خانہ لر الایشلی و مصرفلی دو کونلر صرمہ لی اورو بہ لر و نفیس طعاملر و زیادہ عیش و عشرت لر و لزوم سز بنارک منعیلہ تعلیم و تربیہ اطفال امور مهمہ سیلہ اشتغال و مصائب و مخاطراتہ مقاومت و کسب شرف نفسہ و محافظہ صحت وجودہ رغبت اتحاد دوستانہ و سر بستی ادیبانہ یہ رعایت و بلای راحت پرستی و تنہا پروردن مباعدت ایلہ دائماً حکم قانونہ انقیاد و جناب حقدن خوف و خشیتی اعتیاد ایدر لر

ودیعہ جناب باری اولان برایا اوزرینہ اجرای نفوذ و اقتدار ایدن حکمدار ہوشیار مجرد آسایش و امنیت خلقہ خدمت حکمتہ مبنی حاکم اولدیغی بیلہ رک منافع عمومہ بی استلزام ایدر مصالح و اموری ترویجہ راغب و تشنت قلوب ناسہ سبب ویرر مواد دن مجانب اولوب ذاتندہ احکام عدلیہ قانونہ انقیاد و عادتدن زیادہ حشمت و کلفتدن استغنائی پیشنہاد ایلہ داخلا تأسیس بنیان عدل و داد و خارجاً دفع صولہ اعدایہ تشہیر ساعد اجتہاد ایتلیدرہ مصالح عبادک تسویہ سیچون تشکیل اولنش مجالس اعضاسی یا شلی یا شلی اق صاچلی عقل و شعوری مسلم مختبر احوال امم اولسی امر اہم اولوب بونلر صرمہ سیلہ قاعد افکار ثاقبہ و آرای صائبہ دہ متحد تجربہ امور دہ یکانہ طور و مشوار و تمکین و وقار دہ منتخب زمانہ اغراض دنیویہ دن ازادہ و صاف اصابت رأی و تدبیر دہ مہارتلری تسلیم کردہ



اهل انصاف نور شعور کوزلرنده عیان پرتو حکمت یوزلرنده نمایان اولوب بری سویلر  
ایکن ماعداسی اجتماع ونهایت مذاکره رأیبری اجتماع ایدر ذواتدن مرکب و مجلساری  
جای حرمت و ادب اولماید

فصل دعاوی عامه کار فرمایان جهانیه مخصوص اولیوب حقیقه حاکم عادل مقتضای  
قانون معتدل در نیاده الکیز یاده سر بست ادم استرایسه عبد مملوک اولسون و قنغی دیار  
ومسلکده بولنور ایسه بولنسون جناب حقندن خوف ایله خلقت قور قوسندن و آرزو  
و تقاضای نفسندن سالم اولوبده عقلی مقتضاسنه موافقت ایلیاندر امور حربه یه و قوفی  
ولیوب یالکزی ایشه یار چنک ازما جزا لاله مالک اولان حکمدار یالکزی حرب اشنا اولان حکمداره  
ترجیح اولنور زیرا دائماً حرب ایله اشتغال ایدن حکمدار اثره حکومتک توسیعی  
وشان سلطنتک ترفیعی ارزو ایدر ایسه ده حروب مدیده تجارت و صنایعک کیر ولیوب نیجه  
نیجه عساکر و خزائنک تلفنی و بوجیهه ملک و ملتک خرابیتنی موجب اولدیغی امور مجربه  
ومسله دندر حکمدار جنکا و ترلاسنی صاقنوب قوکشوسنک ملکنه مدید تعدی ایله عاقبت  
مزروع و محصولندن منفعت کوره میهرک متضرر اولان ادم کی حرباً آورده دست  
اغتصاب ایلدیکی قدر ملک و ملتنی تخریب ایدر

بالعکس حکمدار آشتی پرورک ممالک و سکنه سی معمر و آباد و صدق وعد و عهدنده  
ثباتی مناسبیه حقنده همجوارینک خلوص و محبتی مز داد اولوب بعض متکبر  
و طمعکار حکومت ایله بیننده محاربه وقوعی تقدیرنده دخی محب و متفق بولنا لره معاونت  
و عدوی متعینک کسر انقب و قهرینه مباشرت ایده جکرندن جهان کیرلک سودا سنده  
اولان منہزم و متضرر و حکمدار آشتی شعار مسرور و مفتخر اولوب مصالح داخلیه سی  
خلقی زراعت و صنعتیه ترغیب و سفاهته میلدن ترهیب ایدن قوانین معقوله سی دلالتیه  
وقتاً فوقتاً ایلر و لیه رک هیئت دولتی جهان و جهانیه نمونه نمای اسایش و سایه معدلت  
و ایه سنده ثمرات صلح و صلاحندن تبعه سی متعیش اولوب بولند قاری راحت و حریتک  
قدر و قیمتنی درک و ادعان و اغور وطن و مملکتلرنده فدای سروجان ایدرلر

کنجبارک مستعد اغفال حرص و آزار اولدیغی مثالو تجربه لری دخی ازاوله جفندن  
هنوز سناری کماله و ارمایش اولنلرک سرکارده استخدای نامناسب اولدیغندن  
بومقوله رک صفات انتخابیه سی میدان محاربه ده قوه بدنی و عقلیه ایله دشمنه غلبه  
ایتمسنه و دائره محدوده قانونیه نک داخلنده حرکت ایتمسنه حصر اولنمیوب شهوات  
نفسانیه سنه غلبه ایله دائماً احکام قانونیه یی اجرا ده فعلی قولندن قوی کسه یی ارایوب  
بولوب تفویض امور ایتملیدر

حقیقت حالده حکمدار لرشکل تبدیلده اعالیه خدمتگذار ایکن خلقه ایولک ایده جکنه  
بدل اطرافنی احاطه ایدن غرضکارانه متایلاً اکثر یا کلک ایده کلدیکنندن اوله اولمندن



آیسه عادتاً خدمتکار و وطن خدمتده بر چیده دامان اقتضای اوراق مر جعفر  
یالکز تیر و شمیر ایله میدان دار و کیره دکل قتر و فاقه کپی خصم جانخراشه کو کس کر مش  
و طریق مداهنه ایله الحقه قایمقین قاچوب عرق جینی ایله تحصیل معیشت یولنه سلوک  
ایتمش و اولادینک بیله تربیه لیسنه مکافات و خیر سزینه مجازات ایلمش اولان ذات  
مسند حکومته الیق و احرار

عشق و محبت بادی نظردمه معصوم و محبوب و غایتله محبوب القلوب بر طفل مشابه سنده  
اولوب فقط بونی نواخته دست اعزازی بلرشم بوی سم و در کنار محبت و اعتبار  
ایلیسانلرک بیت مهور قلبی خرابه هم و غم اولوب کچم شده ایتدیکی و یا خود آتیده  
ایده جکی غدر و جورلرینی یاد و تصور ایله زهر خند و اهانت ایده بیله جکی انسانه  
تقرب و تلاعبدن نشئه مند اولور. محایب داستان و ظریف و دل هوا مائلاک استدیکی حالت  
و صورتده نازک و لطیف اولدقلرین انسان کنی ادب و تربیه محبت ایدیور ظنیله  
قایلوب فضائل ذاتیه سنی تلف و اتش حرصی منطقی اولنجه خطا ایتدیکنه اسف ایدر  
انسان عالمده شویله بویله حالله و عشق یوزندن رنگارنگ نیرنگ و آله اوغرایه  
کلمش درد یو بریسی نقل و روایت ایلسه ایشیدنلر حکایه و افسانه درد یو عبرت المامق  
اکثراً عادت اولوب بر ادم نفسنده تجربه امور ایتمکده بشقه حالت واردر

عقل و حکمت حساب و نصایبده کی اکنجه بی هیچ بروقتده منع ایتیب امور و مصالحه  
اشتغالدن یوریلان وجودی راحتندیرمک ایچون ذوق و صفایه رخصت  
و یردیکنه و اتمام رؤیت مواد روزینه لذتی اوزرینه اولنان عیش و الفت عقل و ادراک  
انسانی پریشان و هم مشرب حیوان ایدن حرص و شهوت قیلندن دکلدر

اصحاب قناعتدن اولان بر طائفه ابنیه متینه و سیم وزراوانی و مجوهرات و اقشله لطیفه  
و اطعمه نفیسه و آلات موسیقی سوزلریله محاربات و فتوحات و انقلاباتدن و حکومتلر  
یلننده تسویه حدوده دائر منازعاتدن بحث اچلسه اومه قوله صنایع قوتیله یا ییلان  
شیلر زواندندن اولوب سنده واردر بنده یوقدر محاسن سیله طبایع انسانیه بی افساد  
ایده جکندن مضرد دیو رغبت ایتیب بوقدر لوازم کاذبه مأنوس و اسیر اولنلر  
بزدن زیاده می یاشارلر و انسان بال نفس فانی دکلدرده مدت عمر اوزونمیدر که بر برلرینی  
تلفه تعجیل ایدرلر اراضی موجوده کفایت ایتدیکندنمی حدود نزاعنه قالدیشورلر  
بزمکیلری استسدرلر ترک ایدوب بشقه پرده اکر بچرز انسان سائر انسانلره حاکم اولوب  
کال عقل و عدل ایله حکومت ایتک مشکل اولدیفندن تمنی ایده جک شی دکل ایسه ده  
طرف حقندن مأمور و یا خود التماس اهالی ایله مجبور اولور ایسه قبول و بویکی  
صورتک غیری اهالی بی اسیر و تحنیه و لزومندن زیاده فیضان ایتش نهر کی اراضی  
منتهی بئرب ایتک دیمک اولدیفندن نکول ایتلیدرلر التون چیقارمق ایچون برلری



بوقدر درین قازمق اقتضای تیموب یالکز حراثتیه اکتفا اولنسه دفع احتیاج ایده جک  
 لوازمی حصوله کتورر۔ برادم یوریه جک ایاقلری واریکن ساقط الحرکه اولوب اوته برو  
 حرکتده معاونه محتاج کی بعض کسان لوازم غیر ضروریه تدارکی علتندن کوتورم اولورل  
 کائناتک محیر عقول بشر اولان کمال جسامت و عظمتنه نسبتله کره ارض آب آلوده  
 برقبضه چامور واوزرنده اجتماع و احتشاد ایدن و بیوک بیوک بلده لر و جسیم جسیم اردولر  
 ودقیق دقیق پولیتیکه لر تأسیس و تشکیل و ایجاد ایدن نوع انسان بردانه حقیر ایچون  
 بری بریله چکیشور مورقبیلندندر اکثر حکمدارانک حال آسایش و رفاهده پرهیز کارانه  
 حرکت و اداره مصالح معتنا بهایه صرف همت و راحت ایله کنجک جوهر جهانبهاسنی  
 حفظ ایلیه جک یرده بالعکس لذائذ و شهوات نفسانیه انهماکلری ذهنأ و وجودأ حرب  
 و ضربدن زیاده موجب سوء تأثیر اولور۔ صدق واستقامت وقناعت و مروت ایله  
 متصف اولان بر قوم طالب صلح و صلاح اولوبده یرده دارقضاد شمنلرینک بصربصیرتنی  
 باغلیه رق مخالفت ایلدکلری حالده اولوجمله صلی سووب بقاسنی رجالیدن ادملرک  
 حربده کمال درجه سورت و شدتلرینی کوره جکلری درکاردر۔ رأس حدود اولان  
 محللرده لزومندن زیاده قلعه لر بنا ایتک همجوارلر مزده بویله استحکاملر یاسونده بری  
 بریمزه تعدیه تصدی ایده لم دیمکدر که بونده مضرتدن ماعداشی ملحوظ اولمیوب  
 بومقوله قلاع بعض وقوعات شدیددن زیروز بر اوله کلدیکنندن جهانده امنیت و اعتبار  
 ایده جک حصار استوار حقانیت و همسایکان ایله حسن معاشرتدر۔ خارجارائه سطوت  
 و قدرت اولنق نیتیه بر حرب نابجا و منفردانه طوتیلوب داخلا اضاعه مکنت و قوت  
 اولنسی تأسف اولنور مواد دندر۔ نوع بشر بر فاملیادن کوه صحرا یه یا یلمش بر طاقم برادر  
 و خواهر اولملریله مفخرت و عظمت نامنه حقد و رعونت اهراق دم محترم لرینه علت  
 اولدیغندن بونی استلزام ایدن بر طاقم افکار فاسده دن صرف نظرله جمله متحد  
 و یکوجود و ازاده کشمکش بودونبود اولملری موافق رضای جناب رب ودود اولوب  
 بعضا حربک لزومی تقدیرنده دخی وقوعنه استعداد ویرمکدن اجتناب اعظم وظائف  
 ارباب الباب و کسب شان و عنوان اوغرینه محاربه مقتضیدر اعتقادنده اولنلرک اصل  
 شان و مفخرت ذات انسانیتیه خدمت شرفندن عبارت اولدیغنی بیلدکلرندن رأیلری  
 ناصواب اولمسیله بوصفاده بوانان حکمداره صورتا مداهنه ایدرلر ایسه ده غیابنده  
 خلقک خوننی ریزان و خانه لرینی سوزان ایتمکده تمدح و افتخار ایده جک نه وار و مقادر  
 ناسه رعایت ایتیان ذات نه صلاحیتله مستحق تعظیم و اعتباردر دیرلر و بالعکس اهالی  
 و همجوارینه بخش امنیت و انلرک اعتمادینی جلبه همت ایله حرب وقوعه بولماسنه اعتنا  
 و سایه صلح و آسایشده زیر دستانی نائل ثروت و غنا ایدن حکمداری مدح و ثنا ایدرلر۔  
 پوکار دایما اطرافنی المش اولان دراهنلرک الفاظ تعظیمیه و عبارات تفخیمیدرینی استماع



مألوف اولدقلرندن حضورلرنده بشقه صورتله معامله دن خشنود اولزلرايسه ده حضور  
 محرميته عرض ماده اهم ايدن بيغرض ادم نقدر آچيق سويلرايسه او قدر دقايق احواله  
 وقوف واطلاعارى شامل وبه طريقك غيريله يعنى ايماء وابهام واغلاق وابهام صورتلرنده  
 هر شئي لايقيه اكلاملى مشكل اولور. براردويه قومانده ايدن پرنسلك حر بدن  
 احترازي معايب عظيمه دن معدود اولغله ميدان محاربه ده بولنانلك بعضيسى  
 من غير اقتضا متهور انه نفسى مهلكه به القا وبعضيسى كندىنى شجيع كوسترمك  
 فكريله طور وطرزنده قلب قوى وعقل سديد صاحبي اولديغنى ايماء وبعضيسى  
 وقت مصممدن مقدم حركت غير مناسبه ايله اردوينى اخلال وافنا ايدر اولدقلرندن  
 جنكاور عاقل بويله حركات مقدوحه دن احتراز و كندوسنى صاقتور صورته ايلرو  
 وارميكزديو منع ايدنلر غيابه قورقدى ديه جكلرندين ايجاب حقيقيسنده دكرينه  
 كوره سكوت و مكاتله يورميوب كسب فخر و امتياز ايله حقنده كسهك حسدىنى  
 دعوته سبب و يرمكدن اتقاوسا لرزىك وجوده كتوردىكى فتوحاتى قدرى مرتبه سنجه  
 مدح و ثنا ايدرك قديمى رؤساي عسكرىهك مجلسارنده رأى و تدبيردن دم اورميوب  
 انلك كوركيسى و تجربه سى حسييله كندوسنه اصول محاربه يى اوكرتملر چون عرض  
 احتياج و بينلرينه القاي نفاق ايدنه حك سوزله قولاق اصمىوب حسن امتزاج ايلسى  
 اقتضا ايدرو بعض مداهنلر كه احتياجكز وار درسز انلردن اعلا فن حرب و ضربه  
 آشنا سكرديملىرينه اعتماد ايتما ليدرو. حكمدارلر كه مشهود اولان بعض رفتار نااهنجارلرينه  
 تعجب اولنما ليدرو چونكه العظيم القدر اولان ادمينه ادم اولديغندن حسب البشرى  
 خطادن سالم و ساده و هيچ بر حكومت بازى هزار منصوبه شطرنج احتيالدين كاملاً  
 آزاده اوله مز. بر حكمدار اعتماد ايلديكى كسه لره بعضاً الدامش ايسه انك يرنده بولمىنى  
 فرض ايدن قنغى فيلسوف كندىنى مداهنه دن محافظه ايدمىلور نيجه نيجه حكمداران  
 عاقل اغفال اولميهيم احتياطيله الدانديغى دفعاتله واقعدر چونكه هيچ بر حكمدار منسترويه  
 احتياج و امنيتدن مستغنى اوله ميوب جابجانب اولان شبايك حيل و فريبه خارجدن  
 مفردات حركاته دقت ايدن خلق قدر كسب وقوف ايليه ميه جكي جهتله مصالح  
 عامه و حكومته الو برشلى ادم تدارك و اتخاينده بك چوق زجت چكيلوب بيوكلك  
 دخی بر بيوك پرتوسوز كى افعالى بيوك كوستردىكندن خلقك نظرى دائماً بيوك  
 آدملك اوزرنده كزينه رك تدقيقات عميقه ايله ذاتارنده اولان خطايى صغيره يى تقايض  
 كيره دن عدايله اوده انساندر خطاسز اولز ديو انصاف ايتيوب سويلنورلر بوتقدير جه  
 بر حكمدار نقدر عاقل و فطين اولسه ينه انسان اولوب دائره عقل و فضلى محدود  
 و اطرافى منافع ذاتيه سنى دوشنور كسه لر ايله مسدود اولغله ارادىغى منبع استقامتى  
 بوله ميوب يا آرزوى مخصوصى و يا خود و كلا سنى سر تدبير و غرض و حرصى دلالتله



بعضاً خطاده ایدہ جکندن الٰہ زیادہ معتنا و متمدن اولان مدت حکومت بدایتند نبی و خلقت  
وجودہ کتور دیکی خطیاتی اصلاحہ نسبتہ قیصہ مدت اولفہ ستم ناسدن آسودہ  
اولہ من ایسہدہ عین انصاف ایلہ باقلد قدہ یومیہ عرض احتیاج و اعتراضاتی تو کئیوب  
اصلاح اخلاقی قدرت جناب خلاق جہانہ مخصوص اولان خلائق مخالفۃ العالیقہ  
حکم ایتک وظیفہ و مشغلہ سندہ بولنان حکمدار انک شکایتہ حقاری در کار و معذرت  
حقیقیہ لری عند العقلا قرین اعتبار در - رومستاندہ و سایر ممالک و بلدانده ارشدیرہ لم  
کورہ لم خطاسنر حکمدار کیمدر یک بیوک آدم بیلہ اقتضای بشریت خطا ایتماک  
ممکن اولیوب انجیق خطاسنی اعتراف و اصلاحہ سعی ایدن کسہ یہ  
بیوک ذاتدر دینلور دائرہ خاصہ خلقت بشریہ نک خارجندہ انسان مکمل ارامقی  
اعتیاد ایلہ کسہ یی بکنیان و اطوار مدوحہ یی تقلید ایتیان نورسیدکان حرکات  
خود سرانہ دن بشر عمیق الغور ضلالتہ دوشد کلرندن انسان بومہلکہ دن نفسنی  
تبعید و ہر تقدیر مرد مکمل دکل ایسہدہ بزرگان راہ ادبی تقلید ایتک شعار تربیہ واد بندر -  
بر مملکتہ نقدر نفوس وارد در تعداد اولنوب بولردن نمقداری چفتجیلکہ الویرہ جک  
واراضی موجودہ اہالی معدودہ یی ادارہ یہ و بلاد اجنبیہ ارسال و بیع اولنہ جق  
انواع محصولاتن سنہ معتدلہ دہ نمقدار شیء ویرہ بیلہ جکدر و ہر طرفہ آمد شد ایلہ  
مملکت قوتنی اثبات ایدہ جک قاچ قطعہ تجارت سفینہ سی و نقدر طائفہ سی وارد  
و بولرقنخی دیارہ کیدوب نہ جنس امتعہ و ذخائر نقل ایتکدہ در لربورالینک تحقیق  
اولنسی و اکثریا حیلہ کارانہ اعلان افلاس ایدن تبارک اوکلرینی المق ایچون ناظر  
و مأمور تعینیلہ بر تاجر دیکرک افچہ سنی قطعہ تجارت بختیہدہ قوللا نئیوب بومثالو  
بخت و تجربہ یولنہ تجارتدہ کند و سرمایہ سنک نصفنی قوللا نمغلہ منفرداً تجارتنی باشہ  
چیقارہ میہ جنی شیدہ خللندن مصون قونطور اتویہ ربط ایلہ مشارکتہ مآذون و کافہ  
تجار کار و مصرفی و مصلحت و مباشرتی حسابنی ناظر و مأمورہ بیلدیر مکہ مجبور  
و مدیون اولسی و تجارت علی الاطلاق سر بست اولوب ایشنی ایلرولدن و خارجدن  
داخلہ اسباب تجارت نافعہ یی جلب ایدن کسہ لہ اعتبار و اکرام قلنسمیلہ ہر جانبدن  
اہالی کلہرک جزر و مد دریایہ شبیہ اولان مادہ تجارت بری بری اردنجہ کلور امواج  
دریا کی سیم و زری مملکتدہ داخل و ادراج و سر بست سر بست براوجدن اخراج ایتککہ  
ادخالندن فائدہ عامہ و اخراجاتک بدلہ برکت و ثروت تامہ حاصل و ہیئت مجسمہ  
عدالت ایمان اماندہ ہر کسک راحت و امنیتنی اشاعت و بلاد بعیدہ تجارتینہ بالای  
حصاردن تحریک ایادی دعوت ایلد کجہ تجار شرقیہ و غربیہ دن پیای کشتیران  
ظہور و لذتیاب منفعت عز و حضور اولور - ذہب و فضہ یہ دائر اشیای یتیہ شدیداً  
یساغ اولنوب حتی حکمدار خلقی تلف و سرفدن منع و زجرہ سبب مؤثر اولمق اوزرہ



مقام حکمداری به اقتضا ایلیه جک رتبه دن زیاده اسباب احتشامدن احتراز ایتلی  
 و هر کس حدینی تجاوز ایتماک اوزره هر صنفه مخصوص البسه و فیاتلر تعیین  
 اولماید و زیب و زینت استعمال ایلری از عیب عد اولنان طائفه نسایه بیلرخصت  
 واسعه و یرلیوب حوایج کاذبه و غیر ضروریه تحصیل و اعمالیه اشتغال ایدن ار باب  
 صنایع و تجارت امور نافعه ده استخدام قلملیدر - ترتیب ماکولات و مساکن و مفروشات  
 ماده لرنده دخی انسانک بیوکلی معنای قوت وجود ایدن اطعمه و اشربه کونا کون  
 اکل و شر بنده اولیوب حسن اداره امورنده و خلقت راحت و حضورنده اولمغه  
 طعامک وجوده ضرر محض اولان اشتهایی ارتر تربیه لی قاریشق شیردن ازاده  
 وساده تمیز و سمیرات و خاص اتمک اولماید و بومقوله مواده اصول و نظام وضعیه  
 دستور العمل طوطیسنه تقید و اهتمام اولنمی کافی اولیوب حکمدار اولان ذات مقتضاسیه  
 عامل اولد فحجه قطعاً تأثیری و فائده سی کوریه من - موسقی عقول بشریه بی  
 تأثیر باده دن زیاده باده و یردیکندن بونک معابده او قونور نعوت الهیه و محاربه لرده  
 اثبات مردانکی و ثبات ایلان پهلوانانک مدحیه سنه حصر اولنمی مناسب اولور  
 هر فاملیانک کثرت و قلتنه کوره مخصوص مودلار موجبجه اوطه لری اوفق فاصله لی  
 برسالونی و دهلیزلی از مصر فله اداره اولنور متین و مستحکم خانه لر بنا و مقدا کیف  
 مایشا انشا اولنان خانه لردن اولوجه لیه یکیدن یا پیلان خانه لرك دهها راحت و محکم  
 اولدیغی جمله یه اراه و اثبات اولنمی و نقش و رسم و نحت صنعتلرنده دخی انجق وطن  
 اوغرنده بیوک خدمت ایتش اولنلرك ابقای نامی خدمتلرنده بولنمق اوزره اذکیادن بر مقدار  
 کسان بو صنعتلرایله اشتغاله تشویق و آت و عربه قوشی محللر یله ریاضت و عافیت بدنییه  
 ایجاب ایدن واسع او یون و یارش میدانلری تنظیم قلملیدر و بلاد بعیده دن کلور و عالی  
 بهار صاتیلور اقسه زرتاری و مصور و منقش اوانی سیم و زری و بهارات و عرق و اکسیری  
 یساغ ایلر مفروشاتک پک چوق طیانور صورتده قوی و ساده اولسی حقنده تدابیر  
 لازمه نك اتخاذ یله ففردن شکایت ایدن بعش شهرلر اها لیسنه لزومدن زیاده نقدر اشیایه  
 مالک اولد قلرینی حس ایتدیر ملیدر - دوام صلجی آرزو ایدن حکمدارک دائماً چنکه مهیا  
 بولنمی اقتضا ایده جکندن الات و ادوات حربیه نك مکمل و منتظم حالده بولندیر لیسنه  
 غیرت و اقدام اولمایدر بناء علیه یتور و تونج و پولاد اذابه و اعمال ایدن استسادلری  
 طوپلندیر و بوزولیا ل فرونلر و ولهانلر مثالی اشعال و لوازم ترسانه دخی اکیال اولمایدر زراعت  
 اولان اراضینک بعض محللری نفوسجه قلت و عدم غیرتدن ناشی بالکلیه متروک اولدیغی  
 و یا خود کرکی کبی حراثت اولنمدیغی حالده او مقوله اراضی معطله شهرده زائد عن  
 الزوم بولنان ار باب حرفته تقسیم و محصولا تدن قدر مناسب شیء و پرلک شرطیه  
 محوار بولنان ملکتلردن جلب اولنده حق ایشیحیاره دخی برلر و برلرک اسکان و ابوا



اولمیدر و بوجله اراضی خالیه از وقت ظرفنده معمور و تزوج ایتک استیوب عدم  
 قدرتی مانع اولرک ویرکوزی تخفیف ایله امر تزوج و تناسل ممکن مرتبه ترویج و هر کسک  
 مقابله سعی و خدمت لرنده خا پاک ایده جکی مکافاتدن جمله سی متعیش و مسرور اولوب  
 چو جهلر کوچک یا شلرندن فاملیارینه امداده باشلیه رق ال اوفقلری قیرلرده قوزیلری  
 دها یوکلی طاغلرده قیونلری و دها یا شلیلری بابالریله برابر تر لارده چفتلری رعی و اداره  
 ایدرک خانه لرنده قاریلری زوجیه چو جقلرینه حیوانلردن چیقاردقلری سوددن آشلر  
 و یورغون کلوب ایصنوب راحت ایتلر یچون آشلر حاضر لیه جقلرندن چو بانلردود کلری  
 اللرنده ترکیلر سویلیه رک و چفتجیلر صبانلریله بوینی ایکی طرفه مالار و اغراغریاق اتار یورغون  
 اوکوزلرینی سوررک کلدکلرنده اتشک قارشوسنه صره لنوب پشورد کلری کستانه لردن  
 و یازدن حفظ اولنان میوه لردن یرلروغم فردادن آزاده خاطر طتلی او یخوی بیکار کلب  
 امر حکومت و حکمرانی امور مشکله دن اولوب سرکارده بولنانلرا اخلاق حمیده اصحابندن  
 اولمدقلری صورته امور عامه بی هرج و مرج و ایو آدمرا اولورده اصلاح حال و مصلحتلرینه  
 چالیشورنر ایسه بدمنشان و کجروشان طرفلرندن اولنان اعتراضاته مقاومتده سرمایه  
 اوقات حیاتیه بی خرج ایدرلر نشوونمالری فاملیالرندن زیاده لازم و لابد اولان اطفال  
 تربیه سز قالوب منصبه کچد کدن صکره عزل و تبدیلیاری محن و مشاققه اوغراشلقدن  
 ایسه سرکاره کچه جک قابلیت ویره جک تربیه مقتضیه لینه اب عموم مقامنده بولنان حکمدارک  
 تقیدات متمادیه سیله ذوق و سفاهت و قباحندن و کذب و تزویر و فضا حندن قاچنوب وطنلرینه  
 محبت و جنکاوران گذشته کانک ستایشلرینه الفت ایدرک دوستلری حقنده محب و عادل  
 و دشمنلری علیه یله معتدل اولملریله برکسه یه کوتیلاک ایتک وحشت احوال حیاتیه و دهشت  
 احوال مماتیه دن اشد اولدیغنی کوش هوشلرینه طولدیر مق ایچون مکتبلر و ریاضت بدنیه بی  
 مؤدی اولور انواع لعبک اجراسی ضمننده وسعتلی میدان و محللر یایدیریلوب او یونلرده اقرانه  
 فائق اولنلرینه بادی شوق و هوس اوله جق بعض تحف و ظرف اهداوغنی و فقیر دیوب  
 عقل و اندامنی بکند کلری قزلرا یله تزوج و تأهلرینه پدر و مادرلری طرفندن رخصت  
 اعطا قلمغله از زمانده کسب کمالات و مصالح معتنا بهاده استخداده اهلیتلرینی اثبات  
 ایدرلر امر حرب مجهول العاقبه خطوب جسمیه دن اولوب بر طرفنده ظفرو نصرت قوه  
 قریبه یه کلدیکی حالده ادنی مرتبه ده بر حالک وقوعیه غالب مغلوب اولدیغنی واقع اولدیغنه  
 بناء کار بیکاره هر نه صورته باشلانسه و غلبه کلیه یه نائل اولنسه یله اهالینک ازالمسی اراضینک  
 زراعتسز قالسی تجارتک کیرولسی قانونک اجرای احکامی کوشیوب طبایعک بوزلمسی  
 و چو جقلرک تحصیل معارفده حایلا زلمسی نظامات عسکریه و ضابطه بلدیه نک سکتله لیمسی  
 جهتلریله اعدایه اولنان ضرر قدر جانب غالبک ملکندد زیان وقوعی متحقق و بتقدیر جه  
 نیل افتخار و مظفریت یا خود توسیع خریطه حکومت آرزوسیه بغیر حق مجاوز و اساله



خون بیکناهان نزدنده جائز اولان حکمدار کارایده جک صروده ضرر ایتکه مستحق اولور  
بر مملکتده هنگام صلح وصلاح متمادی اولدیغی حالده اهالیسی تجارب حریه دن  
ذاهل ورفته رفته طبایع ناس راحت تنپوروی ایله الفتلوب قیمت و غیرت ملیه زائل  
اوله رق سائر ملل محاربه سهولت غلبه دن فائده مند و حربك اتیان ایده جکی نتایج  
مضره دن قاچنورایکن عدم قدرت مدافعه دن ناشی ربقه رقیته رقبه بند اوله جقلری  
در کار بولندیغی جهتله شوحال متبع الملالدن احتراز اچوجقلرك پیچیده قاطمهد  
وجود اولدقلرندن ابرومدحیه پهلوانان ایله قولاقلری الشدیر یلوب اقتضای ترتیب  
تربیه و تعلیمی هر شیئه قابلیت ذاتیه لری نی مورث اوله جقندن دوست و متفق اولان  
ملتك ملت آخرله حرب و ضربی ظهورنده اچقلرندن طبعاً مستعد حرب و ستیز  
و صاحب فهم تیز اولنلری سچیلوب کوندیر یلوب او کوندیر مللریله بین الملل شهرت و شان  
فراوان قزانیلوب بوصورنده سائر دولتلر اول دولتك اتفاقنه طالب و فقد انندن  
مضطرب اوله جقلری حسیله وقوع حربی تبعیده ومدت صلحی تمایده مدارقوی  
اوله جق قدر کفایه طوائف عسکریه نك نظام وانتظام لرینه و ملل اجنبیه تعلیمات  
و حرکاتی یلور ادملرك استخدا منه دقت واعتبار و حرص و شان املیه ایقاع غوائل  
حریه دن اجتناب کوسترمه کله برابر ظهور حربدن دخی قورقیوب وقت ضرورنده  
مستعد و مهیا اولدیغی اشعار ایدنجه همجوار ی اولان دولتلر سودای غوغا و جدال دن  
دور و جلب خشنودی قلبنه مجبور اولملریله زمان صلح وصلاح اوزون و معموریت  
سکان بلدانی متزاید و افزون اولوب متفقدلر دن بری دیگر یله جنکه آهنگه استعداد و تهیؤ  
کوستره یکی تقدیرده دخی اوله و اعلا ی تدابیر متوسط آشتی راحتبخش اولمقدر که  
بو طریق ایله فتوحات دن زیاده شرف و شهرت اکتساب واجانبك تعظیم و محبت احتیاجنی  
اجتناب ایدرك امانتکار اسرار و عهود و شروط عمومیه نك محافظه سنده حاکم ذی  
اقتدار اولمغله اول مملکتك حکمداری بر مقتضای وظیفه حکمداری اهالی یه حکم  
ایتدیکی قدر اناره ده اعتماد و امنیت صفت مرضیه سیله اجرای نفوذ ایلله جکندن  
همای عنوان و شانی دیاردن دیاره طسائر و رایحه طیبه نام عدل اتسامی بلاد دن  
بلاد سائر اولوب خلاف معذات کندوسنه اعلان عداوت ایده جک اولنلر اسباب  
اقتدارینی حاضر و آماده بوله جقلرندن بشقه امنیت عامه یه سبب اولدقلرندن محافظه سی  
بابنده همجوارینی پرسلاح و انتیاب صلح وصلاح کوره جکلرندن تابع خوف و هراس  
و طالب حسن استیناس اولورلر اشد بوصورت حصار استوار و قتل و بروج فلکمداردن  
زیاده متین بر قلعه حقیقی و رصین ایکن در یفا که اکثر حکمداران خیالات کاذبه یه  
فریفته و پوشرف سرمدی شهر اهندن گریخته اوله نکلر در یلار جه کونکشمش اولان  
اولواغا جک سباق کیری صورت مطلوبه یی قبول ایدن تازه فدانه بکزه مدیکی



کبی پیرانک دخی عادات مألوفه لرندن تھو یلی محسالاتدن و نادرا خطالری  
اعتراف و تأسف ایتسه ربه مخ استخوانلرینه ایشلمش اولان علت پیری تأثیرندن  
قورتلہ مدقلری مجرب و مسلم حالاتنددر۔ حیف صدحیف کہ بهره ور عقل و ادراک  
اولسان شیر شیر و پلنک پلنک ایله چکا چنک جنک اولیوب جنسک غیر یله صوا شور  
ایکن بیچاره اینسای بشر روی ارضده درد المدن عبارت عمر قصیره مظهر  
اولوبده مغایر مقتضای عقل و ادراک بری برلری آغشته خون هلاک ایتک روامیدر  
عالمده بو ریده و غوغا نددر۔ انسانلرک اکوب بچمه که قادر اوله جقلرندن زیاده اراضی  
یوقیدر۔ قحکارلق نامی اغورینه بر حکمدار ممالک بلدانده ایقاد نأر قتال و سکنه بی  
غلا و بلادن گرفتار و وشاخه ضرورت حال ایتکدن ایسه جنکدن دائماً صاقنوب  
برملتی ملت دیکرک هجوم و ظلمندن محافظه نیتیلہ حین احتیاج حقیقیده حربی اختیار  
ایده بیلیدر یوخسه حرص و حفظ نفس ایچون آچیلان حرب دشمندن زیاده بادی  
اظلمک ملکنه مضرت ایده جکی مجربدر۔ رأس ادویه پرهیز و حیهدر۔ ذهن و فکرک  
راحتی و یوریمک و ایشلمک ایله وجودک رباصتی سبب تصفیة دم و علت ادامه صحت  
بی آدمدر۔ شبهه و هومه قرینه سیله بر انسان نصل مجازات اولنه یلور بوقپو آچیلانجه  
افک و افترا دن کیم قورتلور۔ بر مجرمی کمال رفق و اعتدال ایله استجواب و صغرو کبر  
تمتہ کوره تکدیر و عتاب ایتلیدر۔ حرکت و زوالی غیر قابل کورینان ارض شخت  
النندن یواش یواش حفر و نحت ایله دفعه سقوط ایدوب یارلر و اوچورملر پیدا ایلدیکی  
کبی بر حکومت ظالمه دخی قوث جبر و تعدی ایله نقد ثروت و سامانه مالک و فرمانفرمای  
ممالک اولسه قاعده اجباریه سی عاقبة العاقبه اندراس اساسنه علت و آلت قویه اولور  
حکمدار عاقل اصول حربیه یه واقف اولوب صلحی دخی سوملی و نتایج حرب و صلحه  
معلوماتی اوله رق جنکدن حذر ایتلیدر۔ تجربه امور ایتامش ضعیف القلب و ساده  
دل حکمدار زمام حکومتی نااهلانک الریه و یروب دلالت غرضکار انه لر یله اکثریاباب  
حرب و ضربی اچار که اصل محل حساب و اجتناب بورا سیدر  
درون بلده مزین و معمور و خارجی خراب و مغرور اولسی باشی یولک و اعضایی ضعیف  
و کوچک وجود اعجوبه نموده بکزه دیکندن برملتنک دارات و احتشامیلہ مملکتتنک  
حالی بیننده بر نسبت مناسبه اولسی اقتضایدر۔ هر بر حکومتده ایکی درد دشوار واردر  
بری حکمدارک جریان اراده کفیده سیدر که آرزوی مزاجندن غیری قانون و قاعده یه  
اعتبار ایتمینجه عقلا قبول زوایه خول و ارباب غرض و طمع دیوان حشمت و عنوانه ابواب  
متنوعه دن دخول و حلول ایله طوغری بی کیسه دن ایشتمیدرک اهالی ممالکی اسرا  
و ممالیکی حکمنه کیرمسی حالنک امتدادی بر کمانک کیریشی غایت مرتبه ده کر یلوبده  
کوشه دله ایتکدن دفعه قیرادینی کبی ملک و حکومتک بادی ویرانی و بربادی اولور دیکری



زینتدر که بیو کردن گو چکه سرعت سرایتله تسمیم مزاج ملت ایدر بر علتدر چونکه  
اعضای خاندانی حکمداری و صغاری کباری تقلید و کذا و کذا کیی ثروتی کو سترمک و کیی  
فقرینی سترایتمک ایچون در جائی تزیید ایده ایده یکحال و بویله برشی مضری دخل ایده مد کلرندن  
فضله صانکه اهالی حرث و زرع اراضیدن تعیش ایده مزورده بویولده اغنیا صرتندن  
چکنورلر نه مضرتی وارد در مطالعه خطا کارانه سنی کو سترمکده همقال اولملریله رفته رفته  
لوازم یومیه دن عد اولنان بیهوده مصرفی اداره امرنده هر کس مال قزانمق و خلقی  
طولاندر مق سودا سنه دوشوب میدان بیکارده و سایر کارده برارلق ایدنلره و هنر و معرفت  
کو سترنلره اعتبار اولنما غله آفت سفاقت استیلا و احداث انواع بلا ایلیه جکندن دفع  
و اصلاحتک چاره سی دائرة حرکات ناسی تحدید ایده جک قانون معدلت مقرون ایسه ده  
بوده هر کسک اجرا ایده جکی شی اولیوب مکر که بر حکمدار فیلسوف افکار ذاتنده مثال  
اعتدال ارايه سیله مفلس محتشمیری میوب و شرمسار و ملک و ملتنی وارسته ضرر و خسار ایلیه  
حکمدار غافل مفردات امور ایله چوق اوغراشوب محتاج رأی صحیح اولان مصالح  
جسمیه یی دگری درجه سنده دوشمنز حالبو که وظیفه حکمداری هر شیئی کند و کور مکدن  
عبارت اولیوب بویله فوق الکمل بولنان ذات معلا جناب اداره امور ایدن و کلایی امتحان  
و انتخاب ایدوب علی وجه العموم جریان مصالحده غیرت و رخاوتلرینه کوره ترفیع و تنزیل  
درجات و مکافات و مجازات ایله چالش دیر مقدر یو خسه مواد جزویه ایله یوریلان ذهن  
قوت ولذتی اولیان درد شرابه و نوب ملا خطه مصالح مهمه ایده مز فی المثل بر نغمه کار  
دوز کون ساز و اوازی طویل یوبده احداث اصوات متناسبه یی بر دائرة ده برلشدیر همارک  
یا خود بر معمار بیوک دیرک و تراش و تسویه اولنمش طاشلر تدارک ایده رک یاپه جخی بنانک  
قوایم و زوایای موافقه سنی تعیین ایده مامک کبیدر شرقی اوقیان کسه بر قاج ایو شرقی  
اوقوسه ده ینه خواننده اولوب اصل اداره ایدن سز کتراش اولوب هیئت کلیه  
بنسایه یی مطالعه ایلیه جک ینه معمار اولدیغی مثلاً حکمدار بو کاردن هیچ برینه مدید  
ابتدای تمیدیکی حالده جمله سنی ینه کندوسی یاپیره جغنه بنامنفعتی ملک و ملتته راجع اولان  
مصالح کلیه نک ایلر ولسنه بروجه تسمیم صرف ذهن سلیم ایدرک حکومتی سازموزون و بنای  
رصاصتمون کی یایماید در حکمدار غافل متدین اولوب فقط منازعات مذهبییه نک فصلنی اهل  
واریانه حواله ایله جانبیس معارضیندن هیچ برینی التزام ایتمیه رک نهایت النهایه و یریه جک قراری  
خلادن وقایه ایتلیدر حکمدار اولان ذات منازعات شخصیه نک رویتنی بالذات قبول ایلدیکی  
حالده خلق اطرافنی صاروب باشلیجه شیلری مطالعه یده میدان و یرمییه جکارندن بشقه محاکم  
و مجالسی عبث حکمنده قاله جغندن مفردات امور ایله قطعاً اوغراشمیوب قانونه حواله ایتلیدر  
و تأهل ماده سنده فلان قرینی فلانه و یرسون یوللو تنبیه و اراده فاملیاسنه داماد و وارث  
انتخاب ایده جک والد و والدیه نک حریتنی سلب و احیا و اهالی نک مشاق مزلیه نری



مسئولیتی المفی اقتضا ایدرامر خارج العاده اولمغه حقیقه مکافات ایده جک ادمی  
وارایسه دیون مکافاتیه سنی اغنیانک قزلرینی ویردیرمکله خلقلک کیسه سندن اوده میوب  
قابلیت صحیحه لرینه و قدیم خدمت استقامت لرینه کوره بعض اراضی خالیه ایله حال لرینه  
مناسب رتبه و منصب و یرمسی و انعام و احسانی فضله معینه سندن تعیین ایتسی ایله  
سایه سنده کسب رفاه ایتدیرملیدر - شعرك اعلاسی و ادناسی چوق ات کوروب زائد  
و نقصانی وضعف و توانی بیلنرودواوین اشعار مطالعه سنه علاوة شاعر ماهر اولنلرایله  
الفت و صحبتدن بیلندیکی کبی انسانلرک دخی سقیم و مستقیمنی فعله چیقارمق دائماً  
حالرینی مطالعه و تدقیقه منوط و بوده خارجه بر ازام کوروب ده بر قاج کلمات رسمیه  
سویلمک و فضیلت و استحقاق اطلاق اولنان شیء الفاظه متناسبه استعمالندن کایتدر  
ظنیله حقیقت فضیلتدن وایه و مایه سی اولیه رق انجق اصطلاحاتیه اقتخاریدنلری  
سویلمک ایله وجود بولمیب معلومات و مکاتبی موثوق و معتمد اولان ذواتدن احوال  
اولنه جق و قوف اوزرینه خلقلک ضعف و قوتلرینی تصویر ایدن افکار ذهنیه لرینی  
ولیاقت صحیحه لرینی خارجه چیقارمغه مربوط اولدیغندن نمایش صدق کاذب ایله  
شهرام انصافدن خفی انحراف ایدنلرک قیاس اجسامه مخصوص اولان اولخی  
مقامنده کی قوه میزه دلالتیه حالرینی ظاهره چیقاروب عقول سلیمه اصحابنک تصدیق  
ایده جکری صورته اعلان حکم ایتک کر کدر یوخسه ابنای ادمک حریتی و اوزر لرینه  
اولنان حکمک غایتی بیلیم معدل ترازوی تقویم امور عامه اولان فضیلت و اهلیت  
صحیحی ارامقدن اینجونه رک مداهنلرک کذب و اغفال لرینه اغتراراً روی ارضده اعتبار  
و اعتماد شایان انسان یو قدر اعتقادیه الفت و احوال خفییه لرینی خلقلک تجسس  
و تحقیق ایلدکلرندن غفلت ایله امر ارایام حیات و انهماک لذات شهوات ایدنلر قولا غور  
و قبودانی اولیان سفینه راکب و بحر بیکران حیرته غائب اولان کیسه یه تشبیه اولمغه  
لباس صداقتکاریده کورینان محیل و مکار اشخاصدن علی الدوام صاقنوب ارباب  
صداقت و فضیلتی بولدقده حوصله هضم لرندن زیاده نفوذ و ثروته نائلیتله مزاجلرینی  
افساد ایتیه رک انلری و واسطه لریه بولنه جق ادملری مناصب کیره و صغیره ده  
استخدامدن انتفاع و احوال تبعیه کسب اطلاع ایتلیدر النندن ایش کلور فنا ادملری  
خدمات دولته قوللانمق جائز اوله من ایسه ده چونکه بومقوله اشرار برارالق دسترس  
کاروبار و بعض ذوات ذوی نفوسه چاند قلرندن تبعه کلیرنده مضرت درکار اولمغه  
بردرجهیه و ارنجیه یعنی احکام مبرمه زمانیهیه اتباعاً او مثل اولرک مدت استخداملرنده  
تاروپودا سراردن دلرینه دعوای محرمیت امور ایده جک سر رشته امانتکاری و یرلیرک  
اداره موقت لری هنکامنده الیه بولنان بر قاج اصدقانک معاونت لریه ادملریتشدیروب کوچک  
ایشلرده استخدام و اعظام و مناصب رفیعیه به نصب و تعیین لرینه اهتمام ایله ارکان دولت



استحکام حقیقتی بولنجه حسب الزمان خدمتده بولنش اولمیرینه رعایه هر برینک معامله  
مناسبه ايله دفعنه و اومقوله لک ظهوره کتورد کیری محسنات من جهة ینه سیات عدا دندن  
معدود اولمغه بعد ذابوقاعده مضره نك دخی رفعنه همت اولمایدیر - مصالح دوانده  
استخدام اولنق اوزره اهلیتلو و درایتلو ادم یتشدرمک ظن اولندیغی قدر مشکل  
و چوق زمانه محتاج اولمیوب حال یأس ونومیدیدن ناشی کوشه انزوا واختفایه مائل  
یاخود فضیلت ذاتیه ايله میدان المغه فقر و فاقه سی حائل اولمش ادملر بولندیغندن  
بر کره مصلحت اربانی انتخاب ایتک نیت صحیحه سی اثاری کوریلنجه منزوی و مأیوس  
اولنلر سرنمای ظهور و کوچکرده انلرک اثرلرینه اقتفا یتشوب رفته فته مساند کیره ده  
مستعد رتق و فتق امور اولورلر دائره فاخره ثروت و سامانده مواد و هر اسندیکی  
حاضر و موجود اولان پرنسلر اثنای راهده تصادف ایتد کیری بر بیچاره نك حالندن  
متأثر اولورلر ایکن صاحبی طرفندن چوبانه اصهارلنن سوری کبی یداداره لرینه و دیه  
جناب خدا اولان تبعه وزیر دستانی بر کرده اوغراسلر نقدر مرحمت ایتلری لازم کلور  
حکمدار بولنن ذات معدلتعنوان بر سوری به نظارت ایدن شبان یاخود فاملیا یننده  
پدر مهربان کبی اولوب بی ادبانی تأدیب و فرمانبرانی تطیب ايله بی ادمه خدمت و حفظ  
ناموس قوانینی التزام ذمت همت ایدرک هر حال و حرکتدن شادان و دنیا و آخرتی معرور  
و ابادان اولور کیفیت خلقت انسانیه نه غریبدر که ادم آرزو ایلدیکی شیئی بر آورده  
دست تصرف ایلدکده هیچ صایوب نائل اولمیدیغی اداک حصوانه قدر خلجانندن  
حالی اوله مز - صبر هر کارده تانی و احتیاط ايله حرکتی نصیحت و صاحبی کند و منفعتنه  
وناسک اوزرینه اهلیت ریاسته دلالت ایدر بیوک قضیلتدر صبر سزلق بادی نظرده  
قوت و شدت قلبیه مقتضیاتندن کورینور ايسه ده عند الحقیقه او یله اولمیوب زحمته  
تحمل ایده مامکدن نشأت ایدر صفات مذمومه دن اولمسيله ادمه نفع و ضرری و خیر  
و شری حساب ایتدیر میوب میوه سی دها کماله ایرمامش اغا جملرک دالرینی فردیر  
ودق ایلدیکی بابک کشادینی بکلمیوب کسر ایتدیرر و مزروعاتی حلول اوان حصادندن  
اول بچدیرر که بونلرک جمله سی فنا و ضمننده مأمول اولنن اوللرک ظهور و خفاسی  
عالم رؤیاده مشاهده قلنان شیئک وجودی حفظ نفسه مؤدی اولمسيله آن انتباهده کم  
ونابید اولدیغی مثلاً و انسان موبد ایدتمککنده ظن ایلدیکی شیئی دفعه غیب ایده جکنی  
اشعار ایدر نیچه معنا اولدیغی مجرب ارباب نهادر - حکمدار عادل نوبت حکومه نده شرف  
و مفخرتی طریق اعمارده ارایوب هر کسی سویلدوب از کیمسه ینه ایناملی دائماً الدانمقدن  
قورقوب الدانیدیغی تقدیرده دخی خلقه بیلدر مکدن احتراز ایتاملی اهالی بی سووب  
سولک فضیلتی خاطر دن چیقار میوب حاکم و محکوم یننده محبت اولنجه اخافه اقتضا  
ایدر ايسه ده خطر نك علاج استعمال ایدر جه سنه کدر واسف ايله استعمال ایتلی و بر



مصلحتك ابتداءن مقدم انتہاسنی دوشنبوب بعدالمباشرة غیوروثا بتقدم اولمیدر حکمدارانك  
استحصال منافع مهمه به همتلری قرنا بعد قرن باعث نيك نام وعكسی سبب تقلیب  
اسایش قلوب انام اولغله جسیم ومهم مصلحتلراوزرینه رأی خفیف وسخیفنی قبول  
ایتدیرمکدن نیجه فرصتلی فوت وحال یاس وقتورده ادمه تمنی موت ایتدیرن هوای  
نفسه ایدا اویمیوب اعظم خزائن قلبیه انسانی ومنبع عقل وعدل کاراسانی اولان  
خوف خرابی برآن خاطر دن چیقارما لمیدر ( ❦ مجموعه فنون ❦ )  
( اشبو مواد حکمیه بندینک عبارہ سی ارہ سنہ وضع اولنان ( — ) خط اشارتی )  
( فقرہ نک تمام اولدیغنه دلالت ایلدیکی اخطار اولنور )

❦ معارف عمومیہ نظارت جلیله سنہ شرفپیرا دولتلو صفوت پاشا حضر تلیری ❦  
❦ طرفندن دارالفنون عثمانی کشادنده ایراد بیوریلان نطق ❦

جمله یه معلوم اولدیغی اوزره علمك فضائلی بحثنده نقدر سوزسویلنسه ینه حقیله بیان  
وتعدادی ممکن اوله من ملت اسلامیه نك تحصیل علوم وفنونه ترغیب وتشویق امرنده  
قرآن کریمك حاوی اولدیغی آیات بینات ولسان معجز بیان جناب نبوتما بدن  
شرفصنور بیورلمش اولان احادیث شریفه حکمت آیات جمله نك معلومی اولان  
کیفیاتندراهای مصر قدیم ایله اسکی یونانیلردن صکره علمك قدر و مزیت وشرفنی تقدیر  
ایدنلر عربلر اولوب خلفای عباسیه دن هارون ارشید و مأمون زمانلرنده علوم وفنون  
حقتده کوستریلان رغبت داخل حوزة حکومتلری اولان محللارده الحاله هذه  
مؤلفات جلیله وآثار معتبره علیه لریله مفتخر اولدیغمز بر چوق ذوات مشهوره نك  
ظهورینه سبب و علت اولمش واسپانیا عربلری ایسه برطاق ملل واقوام  
وحشیه نك غلیان وحرکتلریله روما اولرك انقلاب وانحلال حکومتلرندن صکره  
اول حوالی برقاچیوز سنه لر متواری سحاب جهل ونادانی اوله رق علوم وفنوندن  
برکونه اثرقالمش اولدیغی بر زمانده بیاغی اونودلمش در جه سنه کلمش اولان علم طبابتی  
یکیدن احیا وفن عملیات جراحیه یی مجددا اختراع ایلشلردن روایکیوز سنه یه کلنجه یه قدر  
حقیقت وکیفیتی واجزای مترکبه سی اکلاشیله میان نیجه شیلرك کشفنی موجب اولان نیجه  
صنایعك ایجاد و اختراعنه باعث و بادی بولنان فن و عملیات کیمیائیه مخترعات عربدن اولدیغی  
مثلا و حساب و علم جبری دخی انلر وضع و تأسیس ایلشلردن روکلدانیلردن منتقل و له رق علم  
هیئت دخی بولرك زمانلرنده خلیجه ایلر ولیوب حتی جسامت کره ارضی حساب اچون معدل  
النهاری بولق اوزره مأمون خلیفه زماننده اوروپایه مخصوصا ادم کوندر ادیکی دخی  
روایات موثوقه دندرو عربلر علم حیوانات و نباتات و معادن و احجار اوزرینه پك چوق کتابلر  
تألیف ایدوب موسیقیده یله ایلر و لمش لرایدی وابتدا کاغذك چینلوزدن انهرق حریردن  
وبعدہ فوق زراعتك انتشارندن صکره فوق و نکندن اعمالی و باروتك اول پاول انلر



ظرفندن استعمالی و تحری قباله شریفه ایچون پوصله ایجادی دخی عربله نسبت  
اولمقدمه در بونلرک انقراضلندن صکره علوم و فنون اوروپا قطعده سنه یکدرک هله  
بر یوز سنه د نبرویک زیاده ایلر و لمش و آثار جلیله سی اولق اوزره بولندیغمز زمانده خیر بخش  
عقول نیجه نیجه مخترعات عجیبه و احداثات غربیه کورلمکده بولمشد و بولندیغمز  
عصری ابتدای خلقتدن بوآنه د کین مرور ایدن ازمان و اعصاره غبطه فرما ایدن  
واپور و تلغراف الکتریک مثل و حیرت افزای عقول اولان اختراعات عجیبه محض فن  
حکمت طبیعیہ نلک ایلر و لمسیله وجوده کلش آثار جلیله دندر و بو کوردیکمز غرابدن  
ماعدادها نیجه اختراعات موجود اولوب بونلر پیدر بی تصادف اولندیقه کورلمکده  
و کیفیت ایجاد و اختراعی موجب تعجب و حیرت اولمقدمه در کر چه معرفت حقایق اشیا قوه  
مدرکه و عقول ضعیفه بشریه مستور اولوب و حقیقت مکوناته کسب و قوف درجه  
استحاله ده ایسه ده نیجه مفرد ظن اولنان عناصرک کیفیات حقیقیه سی اشبو فنون  
جلیله واسطه سیله بیانبوب بوجهتله درجه قدرت و عظمت الهید بر قاندها تعین  
ایلمشدر ظلام جهل و نادانیده قالان افراد بشر یا لکمز مشهوداته نظرله اکتفا ایدوب  
اهل علمک قوه علمیہ ایله واقف اولدیغی سرار کونیہیه مطلع اوله میهرق کیدر  
و بوجهتله درجه قدر خالق المکوناتی فهم و ادراک ایده میوب بولندیغمز کره ارضه  
نیجه ملیون سنه لر و ساعتلر و کونلرله بعدی اولان ثوابت و سیارات و نجوم بیعدادی  
یک یقین ظن و قیاس ایلر و اهل علم ایسه جوهر واده پرواز وزیر طبقات ارضه تک  
وتاز ایله بر چوق احوال فلکیه و ارضیهیه کسب و قوف و معلومات ایله قدرت خالق  
بی انبازه کمال عجز و ابتهال ایله نظر ایلر و علوم و فنون بو حال اوزره کوندن کونه ایلر و لر  
واحوال عالم بوسیاق اوزره کیدر ایسه بو کونکی کون نظر تعجب و استغراب ایله باقمده  
اولدیغمز مخترعات ایلروده درجه عادیه ده قاله رق قوه دن فعله ایصالی محال عدا اولنان  
نیجه تصورات ذهنیه نلک مبدل حقیقت اوله جنی و عقل بشرک نه بیوک شیلر وجوده  
کتوره جکی شو مقدمات مشهوده دن استدلال اولنه بیلور و علومک علی الانفراد  
خلقت ذاتیه بشریه بی انواع فضائل ایله ترین ایتدیکی کبی بر مملکتک مدنیت و مهوریتی  
دخی بوکا متوقف اولدیغی در کاردر دولت علمیہ عثمانیه نلک بدایت تشکیلده ایکوز  
سنه مدته علوم و فنونه کوستریلان رغبت و اصحاب هنر و معلومات حقلرنده اظهار  
اولنان معامله تشویق و حرمت بر اولقدر مدت دخی دوام ایتش و اوروپانک ملل  
متمدنه سیله دخی اختلاط و مناسبت حاصل ایدیله رک انلرله برلکده ترقی یولنه کیدلمش  
اولسیدی بو کونکی کون ممالک دولت علیه دخی دهها بر بشقه حالده بولندرق ممالک  
سارهنک ترقیات علمیہ و صنایعیه سی بزده دخی کاله ایرمش اولور ایدی هر نصل ایسه  
بر طاقم موانع و مشکلاتک حیولاتی جهتیله علوم و فنون بر دائرة محدوده داخلنده



دوران ایله احتیاجات زمانیهی تعقیب ایده مامسیله هنوز درجه مطاوبهیه واصل  
اوله مامشدر و بوحالی موجب اولان یعنی علم معاش خصوصنده تأخر مزی استلزام  
ایدن اسبابک بری بلکه اعظمی مبادله افکاره طریق بولنیه رقی برایکیوز سنه مدت حال  
انزواده کبی قالمش اولمسیدر زیر اعلوم عقلیه نک ایلرولسی انلرله مشغول اولنلریننده  
مداوله آرا و مباحثه منوط اولوب ملل متمدنه اوروپا ایشته بوتقریب ایله ترقی معارفه  
قدر تیاب اولمشلردر بزم ایسه علمی چینه دخی اولسه ارایوب المغله مأموریتز معلومدر  
بناء علیه و بحمدہ تعالی براز وقتدنبرو علوم و فنونک ایلرولسی حقنده دولتجه اتخاذ  
بیوریلان تدابیر ثمره سی اولق اوزره خلقجه تحصیل هنر و معارفه کرکی کبی رغبت  
حاصل اولش و مکاتب رشديه نک وضع و تأسیسی بومقصدک حصولی تسهیل  
ایلمشدر بومکتبلرک تأسیسی و کشادی تاریخنه دکن ممالک دولت علیه ده خدمات  
ملکیه و اقلام و دوائر سلطنت سنیه ده استخدام اولنق ارزوسنده بولنازلر و سائر کونه  
اسباب تعیش ارایانلراچون بر محل تحصیل علم و هنر موجود دکل ایدی خداوند کار خلد  
آشیان حضر تلی زمانلرنده بومقصدک حصولی نیت خیریه سیله دارالسلطنه سنیه ده  
وبعدہ ممالک محروسه نک بعض طرفلرنده رشديه نامیه مکتبلر کشاد اولنهرق وضع  
اساس بنیان معارفه همت بیورلش اولدیغی حالده جناب رب متعال سریر شوکتصیر  
اجلال و عافیت واریکه خلافتده مؤبد بیورسون وجود مکارم آلود جناب جهانبانیلری  
بوملاک و دولته بر عطیه مخصوصه الهیه اولان ذات شوکتسمات حضرت پادشاهی  
افندمز حضر تلرینک مبدأ جدید سعادت اولان جلوس همایون میامنقرون ملوکانه لری  
روز فیروز ندنبرو انتشار علوم و فنون و معارف حقنده مصروف و سزاوار بیورلمقده  
اولان ترغیبات سنیه واولبابده شرف صدور بیوریلان ارادات خیر آیات شاهانه لری ثمرات  
جلیله سی اولق اوزره کافه صنوف مختلفه اهالی اولاد لری تحصیل هنر و معارفه  
سوق و تشویق ایلمکده و بویولده اختیار مصارف بر امر مجهول اولدیغی حالده شمعی اولاد  
صاحب لری حال و اقتدار لرنجه بر چوق فدا کار لقلرا اتمکده اولدقلرندن از وقت ظرفنده  
ممالک محروسه شاهانه نک هیچ بر کرسی ولایت والویه و قضالرنده رشديه مکتبی اولمدق  
محل بولنیه جخی شو برقاج سنه ظرفنده کوریلان آثار دن استدلال اولنمقده اولدیغی  
کبی مؤحرا شورای دولته تنظیم ایله اجرای احکام مندرجه سنه اراده سنیه جناب  
پادشاهی متعلق و شرف صدور بیوریلان معارف نظامنامه سنک بالتدریج اجراآت  
فعلیه سی دخی بو نتیجه مطلوبه نک حصولی تسهیل ایده جکی در کار در وجهه محسنات  
عصر جلیل همایوندن اولق اوزره غلطه سرایی تسمیه اولنان مکتب جسیم اعدادی  
عسکری اولکی سنه مکتب سلطانی نامیه برلیسه په تحویل اولنهرق دروننده الحاله  
هنه ملل مسلمه و غیر مسلمه دن التیوز نفری متجاوز شاگردان تحصیل علوم و معارفه



چالش مقده در زر و بوندن ماعدا فقرا اولادی و کیمسه سزای تمام ذکور و اناث ایچون دخی دار الشفقه نامیه کذلک بش التیوز شاگرد استیعاب ایده جک صورتده بر بیوک مکتبک بنا و انشاسنه اراده مکار معاده حضرت شهر یاری شرف صدور بیورلمسیله بر مدت قلیله ظرفنده رسیده ختام اوله رق کشادی مأمول بولنشد رفنون و صنایع متنوعه تحصیلانه مخصوص اولمق اوزره صنایع مکتبی نامیه سلطان احمد جوارنده بیوک بر مکتب تشکیل و تأسیس اوله رق بونده دخی التیوزی متجاوز اطفال اهالی سایه احسانوایه حضرت شاهانه ده تأمین احوال اتیه لری مقصدیله تحصیل هنر و صنایعه صرف مقدرت ایلمکده در لر اشته سالف الذکر نظامنامه احکام منجه اول امر ده مکتب رشديه و بعده اعدادیه ملکيه و سلطانیه ده علوم و فنون مرتبه بی تحصیل ایله شهداد تنامه الوب حقیقه حق شاگردان دن تحصیلات واقعه علمیه و معلومات متنوعه مکتسبه لرینی برقات دها اكمال اتمک استیازله ایچون دخی دارالفنون نام و عنوانیله بنا و انشا اولنوب هیئت و کلاهی فخام حضراتنک بالذات کشادی رسمنک اجرا سنده بولند قلمری اشبو مدرسه علمیه نك تأسیسیله تحکیم اساس مدنیت صحیحیه همت بیورلمشد و شمدی یه قدر ممالک دولت علیه ده صنایع نفیسه تسمیه اولنان فنونک رواجی اولماق جهتیله بر بیوک باب تعیش مسدود قالمش ایسه ده بوندن بویله بوفلرک دخی تحصیلانه صرف اعتنا اولندیغی حالده بر از زمان ایچنده بوراده دخی آثار علمیه سی و کتب و رسائل تألیف و ترجمه سی و سایر امور تحریریه و معارفه تعلقی اولان برچوق خصوصات ایله اشتغال سایه سنده بیکارجه کسانک تعیش ایده جک لری مأمول قویدر و امر تعیش یالکز خدمات دولتده بولنمغه متوقف اولیوب النده هنر و معرفتی اولنلرک هر صورتله تعیشه یول بوله جقلمی و کسب ثروت و اقتدار ایده جکاری نیجه امثالی دلاتیله مثبتدر ملت عثمانیه و صنوف اهالی سائره هیچ بروقتده بویله بر عنایت سنییه مظهر اولماش اولد قلزند بواطف جلیلمک قدر و قیمت جهانبها سنی تقدیر ایله اولاد لرینی کیجه بی کوندوزه قانه رق تحصیل علم و کماله تشویق ایتلمی و امر مخبره و سیروسیا حجه حاصل اولان تسهیلات و علوم و فنون و صنایعک ایلرولمسيله آن بان وجوده کلمکده اولان اختراعات علم الدوام تغیر احوال و عادات ایله احتیاجات جدیده حصوله کتور سکرده اولدیغندن صنوف اهالی ممالک شاهانه دخی ایجاب عصر و زمانه توفیق حرکتله علوم و فنه و صنایعه از هر جهت ترقی یولنی طوتملی لازمه دندر همان جناب حق ولی نعمت بیمنت افندمر حاضر تلرینی ممالک شاهانه لرینک مستلزم سعادت حالی اوله جق بومثالو نیجه آثار خیریه یه و تأسیسات جلیلیه یه موفق بیورسون آمین

❖ حالامقام صدر تعظمايه رونق بخشا بهتلو دولتو عالی پاشا حاضر تلرینک ❖  
❖ صید تشکرینی حاوی مابین همایونه تذکره می ❖

دلسر نعمت عدم النعمت فراوانی و سیراب ماء الحیات الطافی بی یایانی اولدیغم و عنایت



جليله لرندن بر ذره سنك فريضه تشكرى ايفادن عاجز بولنديغم ولى النعمت بيمنتن  
يادشاه شوكت سپاه افندمن حضرت تلرينك حق نامستحق مستمندانه و باره صداقت ستاره  
عبيدانه مده مبسوط الاجنحه اولان نسر طائر مكارم ظاهر حضرت شهنشاهيلرى  
جمله سندن اولمق اوز ره تلطفا و تكريم دون اخشام احسان بيوريلان محصولات  
صيديه ظل افكن فرق مباهاات و مفخرت كترانه م اولدى اعجز چاكران جناب  
يادشاهى واحقر بندكان حضرت خلافتپناهى اولان بو عبد كينهك بو وجهله  
مخطر و تشريفه سزاوار بيوريلان تنزل و مرحمت حضرت ملوكانه قولكز جنة  
والله العظيم مبالغه سزاوار ورق جهاني و بلكه جاني دكر بر لطف جليل جديد  
و براحسان بيعديل مر احبديد اولمغه وادى شكر كذارى و محمد تكاريده لسان  
حال و مقال كترانم دمبسته و لال و صحراى شرح و تفصيل مافى البالده قلم عجز رقم  
عبيدانه م همپروا زمرغ شكسته بال اولمشدر همان جناب حق و فياض مطلق بوملك  
ملته و بندكان صداقت سيرته عطيه عظيمه الهيمه سى و جملهك باعث سعادت مستقلا سى  
اولان شهر يار ملك نهاد و شهنشاه معالى نژاد مد الله ظلال راقته على مفارق العباد  
افندمن حضرت تلرينى تحت عاليخت كامكارى و كاموريد م مخلص و ابد نشان و سايه  
توفيقا تو ايه جناب ظل اللهيلرينى الى الابد آسائش بخش خلق جهان بيورمى  
دعاى مفروض الاداسنى زيور زبان تذكر ايتمكده اولديغمك بروقت مناسبده خاكاى  
توتياساى حضرت خلافتپناهى به لطفا عرض و افاده سى وابسته رأى على  
خديويلريدر اولبايده اراده افندمكدر

﴿ على پاشا حضرت تلرينك مجودنديم پاشايه جواب اوله رق مکتوب موزون ﴾

ای مروت پیشه و دولتیناه \* وی وفا اندیشه و لطف اکشاه \* ای کریم الطبع مجود  
الخصال \* ای ندیم بادى اعلى الفعال \* نامه منظومه لطف اسلوبكز \* شقه مهر و کرم  
محموبكز \* اولدى بزم آرای شوق ابتهاج \* هامة توقير و اعزاز اوزره تاج \* راه سبكي  
ویردى چشمه تازه روح \* جان و دل بولدى مألندن فتوح \* او قویوب تکرار ایدوب  
از برلدم \* صکره حرز جان و ش حفظ ایلدم \* سر تسر معنای فرختر اسنه \* بلکه هر لفظ  
سرور افزاسنه \* ایری ایری بیک تشکرا یلسم \* نه دیسم اولبايده نه سويلسم \* ایده مم ایفای  
حق محمدت \* بوله مم لا یقلی تعبیر ولغت \* ایلدم آنک ایچون بی اختیار \* عزم وادی تسیر  
واختصار \* اعتراف عجز ايله خیر دعا \* خاتمه اولسه بومکتوبه سزا \* ربمزد اتم ویره اقبال  
تام \* عمر کز افزون ایده حق والسلام

﴿ حالامقام جليلة خارجيه زينت آورا بهتلو دولتو فؤاد پاشا حضرت تلری ﴾  
﴿ مأمودیت مخصوصه ايله بر الشامه ایکن نشان عثمانك بر قوطه سى ﴾



✽ گندولرینه احسان بیورلش اولدیغنه دائر علی پاشا حاضر تلی طرفندن ✽  
✽ کوتدریلان تبریکنامه سامینک صورتیدر ✽

مؤسس بنیان الارکان دوات علیه واصل الاصول شجرة ثمره سلطنت سنیه  
نام خیر اتسامنه اوله رق بوکره تأسیس بیوریلان نشان عالی عثمانینک برنجی رتبه سندن  
برقطعه سی حق احق عالیلرنده اولان توجهات جلیله جناب ملو کانه نک نشانه سی  
اولق اوزره قریحه صبیحه حضرت پادشاهیدن اوله رق ذات والای نظارتینا هیلرینه  
احسان بیورلش اولدیغندن کمال افتخار و مسرت ایله ارسالنه مبادرت قلندی حقا که  
دوات علیه اغورنده شمدی یه قدر هر بر حال و محله و خصوصاً او اطرف فی تشریف  
دولتلرندنبرو ظهوره کلان خدمات جلیله آصفانه لری و ذاتا پیرایه موقع اعلا اولان  
قدر جلیل داوریلری اقتضاسنجه بویله بر علامت فاخره ایله تزیین سیننه بی کینه لری  
احق صدور و شوالفات قدر عالیلری تقدیر ایدن اصدقایه مورث مسار نامحصور  
اولمغین دعای مفروض الادای حضرت تاجدار یه تردیفاً اثنیه علیه تزايد عمر  
وعافیتلری تکرار ایله ایفای وظیفه تبریک و تهنیته ابتدار اولندی اولبابده اراده  
افندمکدر افندم حاضر تلی

✽ عالی پاشا حاضر تلینک قوائم نقدیه نک تداوادن النسی ایچون ✽  
✽ تشکر نامه بلاغت اسلوبی ✽

سرمایه افتخار و حیاط اولان دولت علیه یه محض بخشایش الطاف و اکرام الهی  
وملک و ملکتک مؤسس بنیان عمران و رفاهی اولان ولی النعمت بیمنتز ولی النعمت  
جهان پادشاه خلافت عنوان و شهنشاہ عمیم الاحسان افندم حاضر تلینک مبدأ  
انواع فیض و سعادت اولان جلوس همایون شوکت مقرون جناب تاجدار یلرندنبرو  
نیجه آثار جمیله و جلیله سی مشهود عیون عالمیان اولان علو همت و کمال موفقیّت  
حضرت ظل اللهیلری انحلال آور تعقید مهمام دولت و شفا ساز اسقام مسام ملک  
وملت اولمغله بونعمت عظمی و عنایت کبرانک تشکرات مفروضه سی السنه خواص  
وعوامده هر بار مقدمه مناجات و خاتمه از کار و تحیات اولدیغی حالده نیجه سنین  
وایامدر که کساد داده بازار کاه معاملات انام و رواج افزای انواع مشکلات و مضرت  
انجام اولان قوائم فلاکت علایمک مسکوکات خالصه عمار ملازمه تحویلی و بالجمله  
عباد اللهک مملوساز همیان ضحرت واضطرابلری اولان نقود ناسره الام و اخزانک  
بویوز دندخی زر کامل العیار سرور بی پایانه تبدیلی اوله رق برکون ایچنده مشهود  
اولان تحویلاتی فوق العاده جمله من ایچون بر تاریخ جدید فوز و فلاح و حقیقه هیچ  
برتاریخده مثلی کورلماش بر خیر و احسان منتج النجاح اولمغین بای و کدا و پیر و برنا  
واقویا وضعفا كافة مسرور الفؤاد اوله رق دعای مفروض الادای تزايد عمر و شوکت



حضرت ظل اللهی بی تکرار یاد ایلش و ایللمکده بولنش اولمسیله بوبندکان عجز عنوان حضرت شهنشاهی دخی عهدۀ عبودیتزه فرض عین اولان تشکر و تحمیدی قلمادخی عرض ایتک شرفنه نائلیت املیه من غیر حد رفع رقعة شکرانیتته جسارت ایلدک هر حالده امر و فرمان حضرت من له الامر کدر

﴿ حالا مجلس والا رئیس ایهتلو دولتلو کامل پاشا حضرت تلینک سلیمان پاشا ﴾  
﴿ طرفندن کلن مکتوبه ارسال بیوردقلری جواب اطیف ﴾

هر حرف مکارم ظرفی موصل سرور غیر محصور و مال محاسن اشمالی مرسل الیاح آرام و حضور اولان احساننامۀ معالی موفور و عنایت نشور لری بو کره مشرف رس راحه وصول و ظهور اولوب بحمد الله الملك الغفور حلب الشهباء قدوم مبروک عالیله دار السرور و فرق بند کانه مدۀ توجهات سنیه لری کماکان مستقر و متمادی الصدور اولدیغی مفاد عالیندن استفادۀ واستبشار اولنه رق احقر من مور اولان بو عاجز صادقلری حقنۀ بوجهلۀ دخی مبذول و مبذور اولان التفات علیۀ سلیمانیلری بندۀ مکینه لری حائز نصاب مفخرت و حبور ایتکله سلیمان طبع محاسن نبغ کرامیلری دائماً محرم حر مسرای بلقیس صفا و هدهد آمال و اقبال آصفانه لری آن بآن پرواز نمایای سبای انتظام اولمسی ادعیه مفروضه سی هر دقیقه و زمان بخلوص الجنان ایصال قبولکاه جناب خالق الانس و جان قلمقده در افندم حضرت لری

﴿ نشان عثمانینک وصولنه دائر فؤاد پاشا حضرت تلینک مقام صدارته ﴾  
﴿ تحریر ایلدکلری تشکر نامه ﴾

جناب فیاض مطلق مجرد بودین مبینی تأیید و بنیان سلطنت سنیه ابد رهینی تشید بیور مق اراده صمدانیه سیله وجود عالمسود مر احم آلود حضرت پادشاهی بی بوملتۀ احسان و بوا احسان ایلۀ بونجه عباد صداقت نهادی کامران بیور مش اولدیغندن کافۀ امر و فرمان حکمت بیان حضرت ظل الی ملهمین حقیقیه ایچون بر نشان وقاطبۀ احوالده محاسن مآثر هم باهر الحکم جناب خلافتیناهی توفیقات و تأییدات لهیه دایل و برهان اولدیغی جهتله بود دولت قوی الشوکتک نقطۀ فیض مداری وملتک سرمایۀ افتخاری اولان نام فیض اتسام عثمانی یه نسبتله بر نشان معالی شان تأسیس بیور یله رق بویه بر همت بلند مرتبت حضرت شهنشاهیدن طولای جلهیه عائد اولان فخر و مباهاتدن قوللری دخی حصه دار اولق یترایکن مجرد لجه مرحمت و عنایت حضرت ولی النعمته پایان اولدیغنی اعلان ایچون اشبو نشان عالینک برنجی رتبه سی بو عید در مخریده حضرت پادشاهی یه دخی احسان بیور لدیغی تبشیر یله شرف صادر اولان فرماننامۀ معالی علامۀ جناب صدارتیناهی لری پیرایه هاهمه عیدانه هم



اوله رق نشان عالی دخی شرفورود ایلدیکندن شمسہ والاوحائل خضرای مباحات  
افراسی کمال تعظیبات واحترامات ایله زیور سینه عبودیت قلندی حق نامستحق  
مکرانه مده متوالیا ضیابخش اولان نیر خیر احسانات حضرت ولی النعمت ایچون  
ایاقت مکرانهم ذره موهوم الوجودک شعاع آفتاب جهانتاب ایچنده اکتساب  
انوار ایتمنک عینی اولدیغندن بو حالدہ عرض شکرانیتہ قالقشقی ینہ کندیمہ وجود  
ویرمک اوله جغندن یالکز عجز وابتہال بندکانہمک بیانیلہ هر حالده اقدم فرائض  
بیلدیکم دعای بقای عمر واجلال وشوکت حضرت پادشاهی یه بر قاتدها حصر  
انفاس ایله بویوزدن محدث نعمتہ صرف مقدرت ایلکه چالشدیغم وشویله بر عاطفت  
سنیہ یه مظهر یتیم ینہ دلالت وحایت خدیو اکر میلریله حاصل اولدیغندن منتدار  
احسان بی امتنان جناب و کالتپناهیلری اولمغله برابر ادعیہ لازم التأدیہ دوام فر  
واقبال داوریلرینہ مواظبتده بولندیغم محاط علم عالی صدارتپناهیلری بیورلدقده  
اولبابده وهر حالده امر وفرمان حضرت من له الامر کدر

﴿ فؤاد پاشا خضر تلی سر عسکر اولدقلرنده سردار اکرم خضر تلی ﴾  
﴿ طرفندن کلن تبریکنامه یه ارسال بیوردقلری جواب ﴾

ارسال بیوریلان تبریکامہ سامی اثر کرامیلری رسیده دست توقیر و حاوی اولدیغی  
عبارات نوازشکاری باعث سرور کثیر اوله رق دعای بالخیر دولترینک تکرار یله مصالح  
لازمہ سپاسداری یه مبادرت اولندیغی وصف جلیله عسکریه لرینہ مشارکتله مباحی  
وبوکا عائد اولدیغی وجهله تسهیل مصالح علیه لری امرنده ازدل و جان صارف  
مساعی اولدیغم مثلاً ذات والای سردار اکر میلرینک دخی اظهار اثار متقابلہ ایله  
تسریر قلب صدق انتمایه همت بیورملری اخص آمال ایدوی بیانیلہ ترقیم ثنانه  
عاجزی یه مسارعت اولندی افندم

﴿ کامل پاشا خضر تلی نیک صید تشکرینی حاوی مابین همایونه تذکره لری ﴾

جناب رب بی انداد اورنک آرای عدل و داد وسایه بخشای مفارق عباد اولان پادشاه  
عالیان پناه ولی النعمت خلافت منقبت افندمن خضر تلی نیک امر وفرمان سلیمانی  
عنوان جهاندارانه لرینہ نسر طائر ساهره سمایی وانواع تحیز ارض ومایی مسخر  
ومنقاد بیورسون آمین هیچ برشیئه استعداد وایاقتم واشعه آفتاب توجهات جهان  
افروز ملوکانه لرینی تلقی یه ذره اقتدار واهلیتم یوغیکن محض مرحمت وعنایات چاکر  
پرورانه آثار جلیله سندن و آزر تماند خداوندانه جله جلیله سندن اولمق اوزره امتثالاً  
لکریه (احل لکم الصيد) بودفعه رغبت بیوریلان شکار مکارم آشکاره محصول  
نعمت موصوفده بودانه چین خدمت دوایت بی نهان و بالشکر دوم النعم اقتضای



حکمت احتواستندن نائل وایه اولان غبد کینه نك دخی حصه دار نوال عنایات علیه  
بیورلمسی نه درجه زده مستلزم فیض حیات و سرمایه فخر و مباہات اولدیغنك عرض  
ویاننده قال و قلم عبیدانه عاجز و لال و هر نقدر فریضه شکر گذاری و محمدتکاری به  
صرف بارای اقتدار ایلمسم عشر معشارینی ادا و ایفا امر محال اولمغله ذمت عبودیتہ  
فرض مکتوب و زیور سر لوحه ارباب قلوب اولان دعوات مفروضه خلافتیناهی  
تکرارینه وقف انفاس حیات ایلدیکم معلوم عالی خدیوانه لری بیورلدقده امر و فرمان  
حضرت ولی الامر کدر افندم حضرتلری

﴿ کامل پاشا حضرتلرینك محمود ندیم پاشا حضرتلری طرفنه ارسال ﴾

﴿ ایلدکری جواب ﴾

مایه محاسن وایه دولترلنده مودوع دست قدرت و تخر بتکرده ارباب بصیرت اولان  
جواهر خواطر افروز بنده نوازی بوکره رسیده دست اخلاص پیوست اولان احساننامه  
آصفانه لری مطالعه و مزایای سامیه سنده باهر المغان و هر حرف لطائف ظرفنده  
مندرج بولنان معانی دقیقه شایان نظر اعتبار و امعان اولندیغنه بناء تو جهات سابقه  
و لاحقه علیه لری برر برر تفکر سبب تکرر تشکر اولمغله تشکر ایلم و احساننامه عالیکزک  
امثالی کی جوابسنر قالماسی صد دینه کلنجه شمدی به قدر صوب کترانه مه کر منامه  
آصفانه لری کلمش ایسه جوابی یازلمشدر جوابی ویریم هر نه ایسه جناب علی الالقاب  
دولتلی نظیر و مشلی نابود برو جود ممدوح و محمود اولدقلرندن ثنا و دعای دولترلنده  
تجويز قصور اولمديغی معلوم سامیلری بیورلدقده اولبابده اراده افندم کدر افندم  
حضرتلری

﴿ کامل پاشا حضرتلرینك مدحت پاشا حضرتلرینه ارسال ایلدیکی ﴾

﴿ مکتوب ﴾

اداره امور مهمه ده مهارتی معلوم عالمیان و هر منصبه لیاقت و کفایتی دوندن بوکوندن  
عیان اولان ذات ستوده سمات دولترلرینك چوقدنبرو مستحق و نزد ارباب بصیرت  
و تقدیرده جدیر ولایت اولدقلری رتبه سامیه وزارتتی احراز و دشمنك جاننه شیش  
اورمق ایچون نیشه کیدوب اهلیت ذاتیه دستوریلرینی ابراز بیوردقلرینی مشعر و مبشر  
اولان ایکی قطعه احساننامه مشیرانه لری مطالعه و فتحاوی مضامین حاویسندن حصوله  
کلان مسرت و مفخرتك بیانی لسان خامه اقتداره و قرطاس تطویل و اختصاره  
صغیه جغندن بوراسنی شهادت قلبیه دولترلرینه حواله ایله دعوات موفقیت عایده لری  
تکرار قلندیغی معلوم عالیلری بیورلدقده اولبابده و هر حالده امر و فرمان حضرت  
من له الامر کدر



❖ کامل پاشا حضرت قلیزینک سلیمان پاشا حضرت قلیزینہ ارسال ایلد کیری ❖

❖ جواب ❖

ثریا مضامین و شایان تعبیر نو زمین اولوب بوندن مقدم دست آرای تکریم و احترام  
اولان احساننامہ اصفانہ لرینہ عریضہ جوابیہ ترقیمہ عزیمت حجازیہ حاجز و دعای  
عالی داورانہ لریله اکتفا جائز اولدیغی حالده نجم طالع خدیوانہ لری آفتاب توجهات  
جهانبانیدن لمعه دار و ادرنه ایالتی شرف ولایت دولترندن محسود هر دیار اولدیغی  
دیگر عنایتنامہ چاکر پرورانہ لرندن بیلمه رک بوصورته مظهر فیض توجه عالی و بربری  
اردنجه پایتختدن پایتخته والی اولماری مقارنت توفیقات صمدانی یه دلیل جدید و دعای  
رسمی خلوص پرستان زمانه دن استغناسی بدید اولمغله دور و دراز تصدیعدن احتراز  
واختیار قاعده ایجاز قلنای اولیابده

❖ کامل پاشا حضرت قلیزینک سلیمان پاشا حضرت قلیزینہ جواب ❖

دل اکاها ولایتیناها اهالی ایالت و دین ذات تقوا سمات اصفانہ لری مثلاً اهل دین  
مرامی مراسم و آیین عاقبت اندیش دور بین بروزر صاحب یقینه محتاج اولد قلی  
جهتله حق عالی اصفانہ لرنده منصبی وقوع بولان توجهات جلیله حضرت پادشاهانه بی  
تبریکه و سلسله انتباه داورانہ لرینی ید اخلاص مؤید ایله تحریکه ابتدار اوزره بولاندیغی  
حالده عادت سنیه دولتری ایجابنجه سرعت و سبقت یه لطف و عنایت علیہ لری  
ارزان میوزلمسی هر بارتابع توجهات بنده نوازیلرندن شرمسار اوله کلدیکم کبی  
بود فعه دخی مع الحجاب بمن موفقیته دورانہ لری دعواتی معروض بارگاه جناب رب  
الارباب قلندیغی بیان معرضنده تقدیم عریضه عاجزی یه جرأت ایلدم اولیابده اراده  
افندم حضرت قلیزینکدر ❖ منشآت عزیزیه فی اثار عثمانیه ❖

( ذکر مقدمات وقوعه )

برمدتدنبرو مطرودا و مستغلا پتره بورق خارچنده واقع بر سرایده انداخته گوشه ذل  
و حقارت اولان امپراطورک زوجه سی قترینه صورت احوال دن بغایت متوحشه اولوب  
اوتنه دنبرو مرکوز خمیری اولان قوجه سنک خلع و تنزیلی ماده سنی تعجیل ایتک واجبات  
امور دن ایدوکنی جزم ایلدیکنه بناء اقامت ایتدیکی زاویه خول و عزلتدن اوچ قولدن  
ایقاظ فتنه یه دامن درمیان غیرت اولمشدر بر قولک سرکرده سی اولان لیفور اورلوف ❖  
نام کسنه مقدما دلی پترونک قتل ایلدیکی استرایج نفراتندن برینک حفیدی اولوب  
طوبیحی اوجاغی ضابطلرندن غایت دلبر و فرط جرات ایله نامور بر یکت اولق جهتی  
و کسنه واقف اولمهرق قترینه ک مداوم فراش فضاحتی اولان کروهدن اولدیغی  
حسیله سائر اورته لرده بولنان ایکی نفر قرنداشی و بعض نفرات و ضابطانی اضلال



ایتمشیدی ایکنجی قول باش وکیل سابق معهود ❖ بستوجفک ❖ وقتندنبر و افساد  
اولنان معلوم الاسامی رجال و کباردن عبارت و اوچنجیسی ❖ داشقوف ❖ نام اون سکر  
باشنده بر قارینک واسطه سیله اضلال اولنش رجالدن و سائر دن مرکب دیگر بر طاقم  
ارباب مفسدت ایدی مسفوره قترینه ذکر اولنان اوچ قولی یکدیگرینی واقف اتمیه رک  
استادانه قولالانوب اقتضاسنه کوره بشقه بشقه اعمال و تحریک ایلمسی بادی استغراب  
اوله جق حالاتندراوچنجی قولک سر کرده سی اولان ❖ داشقوف ❖ دیدکری زن  
پرفتن معهوده ورونچوف قزینک کوچک همشیره سی ایکن پدر واقرباسنک اصولنه  
مخالف اوله رق قترینه یه شدت تعلقی اختیار و اکثر ایامده یانندن ایرلیوب گاه مطاعه  
کتب اثار و گاه ملاحظه فنون مکر و احتیال ایله امرار لیلی و نههار ایتکد نناشی ایکیسی  
همجسم و جان اوله رق بینلرنده محرمیت کامله حاصل اولمشدر حتی قترینه نک بر منوال  
محرر مطرودا و مفضوب پتره بورق خارجنده کی سرایه نقلی ظهورنده قتانه مرسومه  
المصلحه پتره بورقده قالبوب سرای ایمپراطوریده و شهرده جریان ایدن احوالی نقیر  
و قسطیر قترینه یه تحریر ایدر ایدی زیرا علم و معرفت و دسیسه و مفسدته تحصیل کمال  
و مهارت ادعاسنده اولوب خلع و نصب ایمپراطور کی بر مصلحت جسمه نک عهده سندن  
کله جک اولور ایسه نام و شهرتی مشهور افاق اوله جق ظن باطلنه ذاهبه اولمشیدی  
اکا کوره غیرت و گرمیتی مز داد اوله رق اعمال فساد سهینی حددن بیرون و اوته دنبر و  
معلمی اولان اصلی اتالیالو بر مفسد حیله بازه کشف راز ایله بر قات دخی استفاده  
انواع مکر و فسون ایلد کد نصره مفسد مسفوری قترینه یه سوق ایله سرکابتی خدمته  
تعیین ایتدیردی مرسومه مان قترینه سایه سنده فائق الاقران و مالک اموال فراوان  
اوله جقلرینی قوروب بر قدم اقدم و اصل سر منزل مرام اولمق فیکری خواب و راحتلرینی  
کلیا سلب ایتمش ایسه دخی مطالعات بیهوده لری بر درلوفائده یی منیج اوله میه جفنی  
و بالکزد دوست ایدندکری چند نفر عسکری نفراتی کافی اولیوب لدی الاقتضا  
عسکری جلب ایچون اچمه یه و اصحاب شان و نفوذدن سرکرد گانه محتاج اولدقلرینی  
درک و تفتن برله ایمپراطور یچه هالکه وقتندنبر و (۱) قزاق باش حطمانی اولوب ثروت  
ویسار و بین العسکر فرط شهرت و اعتبار ایله معروف اولان ❖ راز و موفسکی ❖ نام کسسه  
افساد عسکر مصلحتنک تمام اربابی و ایمپراطورک صبی اوغلی پاوانک لاسی اولان پانین  
مدت مسدیده دنبر و تجربه امور ایله کسب تفنن ایتمش بر عاقل کار آزما اولدیغندن رای  
و تدبیرده جمله نک ارجح و الیق و ایمپراطورک تکدیر ایلدیکی رهبان طائفه سی اولوزندن  
اولوب بین المله اعتبار تام ایله شهرت شعار اولان بر مئیره پولید نشر اراجیف ایله قلوب  
ناسی ایمپراطور حقنه تبرید و تنفیه الت اوله جق خونه نک اقویسی اولدیغن ملاحظه

---

( ۱ ) قزاق باش حطمانی روسیه ده متوطن عموما قزاق طائفه سنک سز کرده سی  
اولوب جنرال رتبه سنده و وقت سفردده سر عسکر مشابه سنده در



ایدوب مسفورونی یکان یکان محرم ایتد کد نصکره فاجره مر سومه عسکری سر کرده لرندن  
وضابطان ونفراتدن بعضیسنی دخی بررتقریب ایله دائرة اتفاقه ادخال ایلدی  
ذکر اولنان اوچ قوللردن فضله اوله رق پتره بورقده مقیم فرانسه ونجه ودانیمارقه  
ایلچیلری ایمپراطورک طورو معامله سندن بالو جوه متنفر اولد قترینه بناء رجالدن پیدا  
ایتدکاری طرفدارلری دخی ایمپراطوردن خشنود دکلرایدی زیرا ایلچیلرطرف پیدا  
ایتمک ایچون اقتضا ایتدجکه تملق و مداهنه یی و بعضا ایچیه ایله اطماع صورتنی دریغ  
ایتمامک لازمه مأموریتلرندن ایدوی درکار ومسقولو ایچنده مداهنه وتلطیفه رغبت  
ایتمزوار ایسه ایچیه طیانه حق فردواحد بولمق احتمالی اولدیغی اشکاردر بوسورته  
ظهور ووقعه ده طبیعتیه ملحق سلسله عصیان اوله حق برطاقم رجال دخی موجود  
واماده ایدوی معلوم ایدی ایشلر بوسورتی کسب ایتد کد نصکره رؤسای عصاة  
یکدیگرک حالندن خبردار ومحمد القول والقرار اولد قلری ملایسه سیله مخفی برلرده  
عقد جمعیت وبعضا قترینه یی دخی جلب ایله مصلحتک وجه اجراسنی مشورت اوزره  
ایکن ایچلرندن مر سوم ❖ پانین ❖ ایمپراطورلق عنوانی لالاسی اولدیغی صبییه ویرلمک  
ووالده سی اولان قترینه وصایت طریقله حکومت ایتمک شقنی ترویج قیدنده اولغله  
بینلرنده اختلاف وشقاق واقع اولدی اثنای مباحثه ده لالای مسفور قترینه یه خطاب ایله  
مر امکنه اولدیغنی بیلورم اوغلکزی صندلیء حکومتدن دور ایتمک سودا سنده سز  
لیکن سز اسکی مسقوچارلری عرقندن و هیچ اولمز ایسه ولایتلرندن دکل ایکن  
باشلو باشنه ایمپراطورلق ادعاسنه استحقاق کز ندر مسقولو کی قدیمی وجنک اور برملت  
انحالت حکمدارینک برقزینی ایمپراطورلغه قبول ایتمک احتمالی هیچ عقلکز تجویز ایدرمی  
وملت مذکوره بیوک پترونک احفادندن برینی خابا وخاسر پاییه صندلیء ایمپراطوریده  
پامال ذل وحقارت ودیکرینی مضیق حبسده افتاده کوشه مذلت اولدیغنی کورنجه  
فتنه واختلال منقطع اوله میه جنی خاطر کزه کلزمی هله حالکزه چسبان اوله حق  
مرتبهدن زیاده رغبت ایتمک الحاله هنده سره لازم اولان نفسکزی تهلمکه حاضرهدن  
صیانت ایتمکدر والیوم جسارت ایتدیکمز حرکتی قانون حق وصوابه تطبیق ایچون  
سعیکز مصلحت مخصوصه ضمیمه اولیوب انجق اوغلکز ایچون اولدیغنی کوسترمکدر  
دیومر دانه وخلوصانه افادهء حال ایلد کده حضار مجلس مبهوت ومتحیر وقتترینه دخی  
برمدت اختیار سکوت ایله متفکر اولد قد نصکره مقابله برله سردایتدیکک دلیللر واقعا  
قویدر لیکن انزام اوله میورم زیراسن دخی مسقولوی رعنا بیلورسن مادامکه امورلری  
اداره اولنور مدیرلینک مبداء ومنشأنی اره مز نروا وزر لرنده اولان مدیر اصحاب بطش  
وجلا دندن وانجه اطاعتدن غیری برشی بیلزلر مقدملرده منجیقوف و بیرن ومونیخ کی  
متغلبلرک امثالی میدانده در بنم ایسه نپتم انلر کی اداره ایتیموب دائما اصول عدل



و حقانیت و قواعد حلم و ملایمتی در پیش ایله کمسنه یی کوجندیر مامکدر سنک در میان  
ایلدک فتن و اختلا لاته دأر مطالعائک دخی عبندر وقعه لر دائماً ایمراتورلرک حال  
صباوتنده و عنان امور و اسی النده اولدیغی و قتلرده ظهور ایده کلدیکنی اونو تکی  
والیوم ایمراتور ثبات و متانت ایله اداره ملکه بر شخص قوی الاقتدار اولسه در دست  
اولان وقعه ماده سنی خاطره بیه کتور ماضی ممکن ایدی قالدیکه سنک در دک او غم  
ایچوندرهنوز ولد صحیحی اولدیغنی انکار ایدن باباسی النده ترک اولنمقدن ایه والد  
مشقه سنه اعتماد اولنق اولی دکلیدر بنم ایمراتور لغه هوسم انجق او غمه اولان کمال  
محبتمدن و محافظه سنه معین اوله حق سنک کی ذواتی دخواهم اوزره مظهر مکافات  
ایتمکه غایت اشتیاقدن ناشی اولدیغنی بیلزمیسین بکامعین اولنلره علی الدوام متشکره  
اوله جغم و لازمه تشکری ایفا ایچون محتاج اولدیغم سرمایه اقتدارک تحصیلی سندن  
مأمول ایلدیکم رعنا معلومک اولسون دیو ختم کلام ایلدی مع مافیه مسفور \* پانین \*  
ملزم اوله مدیغندن بر در او نتیجه و قرار ویرلمکسزین حل مجلس اولندی لیکن مسفورک  
مرام خفیس لالاق وسیله سیله صینک ایمراتور لغنده باش و کالت منصبی تحصیل  
ایدوکی امر غیر مشکوک ایه ده قترینه سائرله بادی غبطه و حسد اولماق ملاحظه سنه  
مبنی مجلسده کلمات مطلقه ایله مکافات ماده سنی تذکیر و ایما و صکره صراحة باش و کالتی  
مرسومه وعد ایله جلب و تألیفنه بذل سعی اوفی ایلدی بوندن قطع نظر مرسومه  
داشتقوف لمصلحه مسفور لالا ایله ایکیده برده کورشدیکه طور و اداسی قرین پسند  
اولدیغندن لالا طرفندن کندویه اخر کونه معامله شنیعه تکلیف اولنوب عدم قبولی  
بادی اغبرار اولمشیدی شمیدی مرسومه اولمقوله بر امر خسیس ایچون بویه بر ذاتی  
کوجندیرمک طور ادبه مغایر در دیو تسهیلا للمصلحه بالغاما بلغ تفریح قلبنه بذل وجود  
ایتمکین مسفور دخی اولکی فواندن رجوع ایله مطیبا و ممنونا قترینه نک ایمراتور لغنه  
رضا داده و اولاباده هر کونه اختلاف و صعوبت بر طرف اوله رق امر اجرا سنده جمله  
متفقین حاضر و اماده اولدیلر قالدیکه وقعه نک حین ظهور رنده نفرات عسکریه یی  
اعطای بخشیش ایله تشویق ایتمک لازمه دن اولمغه پتیه بور قده مقیم فرانسه ایلیچیسندن  
استقراض مراد اولند قده ایلیچی مرسوم اظهار ترد دانشانده قترینه طریقی بولوب  
بر نفرانکله باز رکاندن مخفیجه یوز بیک روبله ( ۱ ) استدانه ایتشدراول ارا القده مسفوره  
قترینه دو چار اولدیغنی خوف و تلاش جانخراشدن ماعدا افعال قبیحه سنک اثری

( ۱ ) روبله روسیه ده سیم سکه در سکه پادشاهی یه نسبت ایله بوندن قرق سنه  
مقدمه کانه ایکوز اچیه رایج اولق اوزره اعتبار اولنور ایدی انجق صکره لرده فیئات  
اوینادیغندن اشبو کلبک وقت تالینی اولان بیک ایکوز اون بر سنه سنده اعتباری  
۲۵۵ اچیه ایدی قایق تعمیر اولنور باقر سکه نک یوز قطعه سی بر روبله ایدر



اوله رق مخفیجه وضع حمل غائله سیله مضطر به اولدیغندن قوجه سی بر تقریب خبردار  
اولوب رای العین ماده یی اکلامق و بین الناس مسفوره یی تشهیر ایتک نیتیه ناکهان  
مقیمه اولدیغی سرایه واروب اوطه سنه داخل اولدقدن هنوز وضع حملدن فارغه اولوب  
میدانده برشی مشهود اولدیغندن ایمپراطور مر سوم بو کا دائر مسموعاتی افترایه  
حمل ایله قاقوب کتدی مع هذا مقدم کی ترتیبی اوزره تطلیق ماده سنده مصر و بر مدت نبرو  
مشغول اولدیغی دائیما رقه سفری ترتیباتک تکمیلی عقبنده کندوسی دخی حرکتیه  
حاضر اولغله عزیمتدن بر کون مقدم زوجه سنک مقیمه اولدیغی سرایه بینش طریقله  
وارمق و مر سومه یی اولکون حبس و توقیف ایله امر تطلیقده نتیجه ویرمک نیتنده ایکن  
بر حالت نا که ظهوری تعجیل وقعه یه سبب اولغله قضیه بر عکس اولق لازم کلدی  
( ظهور وقعه واقعات قترینه ایمپراطور یچه روسیه ) ازما تقدم احداث فتنه یی التزام  
ایدن ارباب شورش واشوب زوالنه قصد ایتدکاری کسنه دن زیاده قاعده تیقظ  
وبصیرته رعایت ونجسس و تحریده دقت ایلماری طبیعت مصلحت مقتضاسندن اولغله  
قترینه نک عونو وهر ادارانی ایمپراطورک جزئی و کلی حرکات وسکناتندن خبردار  
و ایمپراطور مسفور غفلت کامله ایله اوقا ایتکدار اولوب حتی بعض خیر خواهان و معتمدانی  
واز جمله پروسیا ایلیچسی قراین احوال دن وسوسه یه ذاهب اولدقترینه بناء ایمپراطوری  
بر قاج دفعه اخطار و ایقاپ سودا سنده اولمشلرایسده متیقظ اوله میوب نهاییه الامر  
مصلحتدن اکراه ایتدم فیما بعد لسانیکزه المیک دیو تنبیه ایلدی بو صورتده من کل  
الوجه فارغ البال ومامون الحال اوله رق دائیما رقه سفرینه متهی عزیمت و چند روز  
جنبش و صفای سنده دل داده اولدیغی ورونجوف قزینی و طائفه زناندن بر قاجنی استصحاب  
ایله خارج شهرده واقع بر نزهتگاهه نقل و رحلت ایتش اولدیغنه بناء کافه ظهوراتدن  
استحلاب فائده فرصتین اولان قترینه نک عونو سی ایمپراطورک بو قدر نسوانی استصحابدن  
مرامی قوجه لزدن تطلیق ایله مقر بلرینه نکاح ایتدر مکدر دیو بر طاقم ترهات و بونک  
امثالی سرونی یوق نیجهار اجیف و مفتریات نشریله ایجاد قیل و قالدن و علی الدوام  
لازمه حزم و احتیاطی اجرادن بران فارغ دکالرایدی جمله دن زیاده متها لکه اولان  
معهوده داشقوف کمال وسوسه سندن محرم سر اولملرک یانه فردا بر رادم تعیین  
ایدوب نه طرفه وارد قترینی ونه اشاد کترینی تحری و تجسسده غایه الغایه دقت ایلدیکنندن  
بو ترتیب من غیر مأمول تعجیل مصلحتیه سبب اولمشدر شویله که یوم موعود تقرب  
ایلدیکی حسبیله محرم لردن بر اورته ضابطی نفرا تک بعضی سینه کشف راز ایتش اولدیغندن  
نفرات مر قومه نک بری سائر سر کرد کانک خبری وارد در ظنیله ایمپراطوری خلع ایچون  
قالقه جغز کون قنفیسیدر دیو اخشامد نصکره سر کرده نک بری سینه واروب سؤال  
ایتمکه شخص مر سوم توقیف اولدیغنی ایزینی کوزتمکه مأمور اولان جاسوس اکلا نیجه



همان اول انده مسفوره داشقونی بولوب ماجرای علی وقوعه نقل و تفصیل و مسفوره  
دخی زی و قیافتنی ارکک هیئتیه تبدیل ایدوب در حال بو خبر مهمی رفقاسنه افهام  
و خلال لیلده اتمام مصلحتیه قیام اولنق خصوصنده جمله سنی الزام ایتکد ناشی اوج  
نفر قنداش اولان اورلوفلرک بریسی قترینه پی بولندیغی محلدن قالدیروب قشلایه  
کتوره که وایکیسی قشلازه واروب مرسومده نک ورودینه منتظرا اقتضاسنه کوره  
نفراتی تحریک و اغوایه تعیین اولندیلر قترینه نک اول ایامده ایچ وتاب واضطرابی بر درجه یه  
وارمشکه پتره بورقدن خارج اوتوردیغی سرای نوا ( ۱ ) نه ری اوزرنده اولغله  
برقاج کوندنبرو بغچه نک بر کارنده اولان مفرزومستشار بر قصره یاتوب حین حاجتده  
اسوج طرفنه فرار ایچون قصرک پیشگاهنده من غیر التزام بر قایق توقیف ایتدیرمشدی  
بو حالت اوزره ایکن نصف الیلدنصرکه ناکاه اورلوف مرسوم ظهور ایتکله عجماله  
قالقوب اماده قلنان هنطوه سوار و وقت شفقه پتره بورقده ترتیب اولنان قشلانک  
پیشگاهنده قرار ایدیجک منتظر و رودی اولان عونیه سی تیرالندن قشلا دن اخراج ایده  
بیلدکلری یالکز اوتوز نفر سولتاتلره رسم یعنی اجرا ایتدیردیلر مسفوره سولتاتلرک  
بو مقدارینی کورنجه خیلجه تلاش ایدوب هر نه ایسه تردد و قتی اولدیغندن بو کیجه  
ایمپراطوری و اوغلمی قتل ایده جک ایکن یک جان ایله تخلیص کریه نه دسترس اولوب  
عرضکزه دوشدم دیو قشلایه التجا ایلدیکنی بیان اثناسنده سائر عونیه سی پیایی ظهور  
واورته زی ایقلاندیروب ضابطاندن کمی بیلدرک کمیسی دخی ایشک اصلنی تحقیقه  
وقتی اولدیغندن همان سائرلرک اثرینه اقتفا ایدرک جمله سی قسم یعنی ادایه مجبور اولدیلر  
جمعیت تکثر ایلدکده طوبجی اورته لری نی جلب و احضار ضمننده خبر کوندنبرو یله  
ضابطلری بولنان صادق مستقیم بر ادم عجبا ایمپراطور و فاقمی ایتدی دیو خاطرینه  
کلان شبهه پی حل ایچون جمعیتگاهه واروب مصلحتک صورتی درک ایدیجک باشه  
چیقه جق ماده اولدیغنی بالذات قترینه یه خطاره جسارت ایلدی مسفوره دخی متجددانه  
خطاب ایله سنک رای و نصیحتکی سؤال ایدن یوقدر نفراتکی الوب کاه جگمیسین  
بوکا جواب استرم دیو سو یلادیکندن شخص مرسوم شایر وب هر حالده امر کزه  
اطاعت واجبه ذمدر دیو سرعت امتثالنی اظهار و در حال واروب نفراتی احضار  
ایتکله ایکی ساعت ایچنده ایکیبیک عسکر قترینه نک باشه تجمع ایلدی اهالی شهر دن  
و مقدما جلب اولنان رهبان طائفه سندن وافر خلق دخی جمعیه قاریشوب هیئت  
مجموعه لریله مسفوره یه رفاقت و تاریخ هجرتک بیک یوزیتش بش سنه سنده واقع شهر  
حزیرانک یکر می سکنجی کونی علی ماجری العاده کلید ساده اکسای تاج ایمپراطوری

( ۱ ) نه رنوا مسقوا ایچندن چیقوب پتره بورق پیشگاهندن بعد المروور بالطق دکرینه

منصب اولور



رسمی اجرای مسارعت ایلد کد نصکره ایمپراطور یچه جدیده سرایه کوتوز دیلر اکثر  
 ناس هنوز خوابدن بیدار و صورت مصالحتدن خبر دار اولدیغندن کورولدی بی طوینجه  
 رؤیامیدر شکل شیدر بیلهمیوب رجال و کبار و سائر لری همان سرایه شتاب و علی العیا  
 ادای قسم بیعتیه باشلادیلر سرایه وارلدقده مرسوم اوغلو \* یاولوی \* قوجا غنه  
 الوب سرای میدانده مجتمع اولان عسکره یوقارودن کوسترمکله جمیع ناس اظهار کمال  
 سرور ایله دعا ایلدیلر اول اراقده ایمپراطور ک هلاکی حوادثی درون شهرده نشر  
 وایشار و خلقی زیاده تغلیط ایچون بریوک جنازه سوق و بازاردن طولاشدر یلوب کوتور ملک  
 حیلہ سی اختیار اولندیغندن غیری لاجل الاحتیاط شهرک خارجدن کله جک کافه  
 موارد و مسالکی صوب وضعیله کرکی کی تحکیم و ترصین و چند روز مقدم مخفیجه طبع  
 ایتدیریلان بیاننامه نک وافر صورتلری اهالی شهره و دول ایلیلرینه طاعیلوب کیفیت  
 حال اعلان و تبیین اولمغین بیان نامه مذکور معلوم اولق ایچون زیرده عینیه تحریر  
 اولندی \* صورت بیاننامه \* بز که جمیع روسیه لک ایمپراطور یچه سی ایکنجی \* قترینه یز \*  
 بالجمله صادق رعایامزه بیان ایدرز که روسیه دولتی نه کونه مخاطره ده اولدیغی جدا  
 و حقیقه غیه تکش وطن اولنلک جمله سی عندنده معلومدر اولما تقدمدنبر و روسیه ده  
 ریشه کی استقرار اولان این و مذهب بالوجوه اخلاص اولمغین اقصای مراتب افات  
 اوله رق یرینه اخر بر مذهب بیکانه نک ایجادینه بر رمق قالمشیدی ثانیاً بو قدر قانلر  
 دوکیلرک روسیه دولتک تحصیل میسر اولان شان و شهرتیه ایراث شین اوله حق  
 وجهله مؤخر ابروسیا دولتیه عقد مصالحه اولدیغندن بشقه وطن عزیزه وسیله اطمینان  
 و راحت اولان نظامات داخلیه دخی پامال اولمشدر بو صورتده رعایامز حقنه مرئی  
 اولان خطر دن متأثره اولدیغیمزه مبنی وجهله نک بخلوص البال اظهار ایتدکاری اشتیاق  
 و خواسته ردایله معامله اولنق تجویز اولنه مدیغنه مبتنی صندلی ایمپراطوریه قعودمن  
 اقتضا ایلدی دیو محرر در بیاننامه مذکور بر طرفدن نشر و اعلان اولنقده ایکن  
 ایمپراطور یچه جدیده عسکری قیافتی و کذلک عسکری زینده اولان معهوده داشقوف  
 رفاقیله را کبا صفوف عسکریه ایچندن کنار و امر و تنبیهنه مبنی عسکره بخشیش یرینه  
 عرق و یرلدیکندن جمله سی نشئه دار اوله رق و اوازه دعا و ستایشی تکرار ایدرکینه سراینه  
 عودت ایله راء یرنده قرار و قوجه سی اوزرینه وارمق ایچون ترتیب عسکر ابتدار ایلدی  
 (ارسال باش وکیل از جانب ایمپراطور بسوی قترینه زوجه خود) کشیده سلاک تحریر  
 اولندیغی وجهه اوزره ایمپراطور بی شعور بر دولو وهم و وسوسه اولمیدرق نقل ایتدیکی  
 نزهتگاهده اجرای مذاق ایتکده ایکن ظهور واقعه دن بر کون مقدم جز یچه رایحه فتنه بی  
 استشمام ایدن بر ادم اواطافه واروب تحقیقانی بیان ایتک مراد ایلد کده کلامنه حواله  
 سمع اعتبار اولندیغندن حبس و درزنجیر اولندی بو وجهله مرسوم غفلت کامله ده



وشهرده تحدث ایدن احوال دن اکاه اوله میوب پسترامن وامانده غنوده اولدیغنه بناء  
قرناومقر بان و همبرم الفتی اولان زنانی استصحاب و مقدم ترتیب اولندیغی اوزره قترینه نك  
مقیمه اولدیغی سرایه طوغری عنانتاب اولدقده اثنای راهده معتمدلر دن بری سیر  
سریع ایله یتشوب قترینه نك سرایدن لایلا فرار و غیبتنی و سرای مذکورده عظیم  
پریشانلق اولدیغنی مخفیجه اخبار و اشراب ایدیجك مسفور رفقا و همپارینه سر رشته  
و یرمیه رك ایلرویه طوغری سوق مطیه سرعت و سرایده زوجه سنك دائره سنه واروب  
کمال تلاشدن طولابله وارنجه بالتحرری دقت ایلدکده مر سومه یی بوله مدیغندن  
مستغرق دریای حیرت اولمشدر شهر دن پیایی خبرلر ظهور یله کیفیت احوال دن خبردار  
اولمغله یاننده بولنان باش وکیل ایله لدی المشاوره قترینه نك بوجسارتی عبثدر اذنکز  
اولور ایسه بن واروب الزام ایدرم دیو باش وکیل مر سوم اظهار متانت و اولیاده تحصیل  
رخصت ایلدیکندن پتره بورقه وصول و بالجمله قرناومقر باتی حاضر اولدقلری حالده  
قترینه نك حضورنده منول ایدوب طوتدیغکز ایش نتیجه پذیر مر ام اوله جق ماده دکلدر  
اولسه بیله مستمر اوله مرزیرا روسیه عسکری و دولتی یالکز پتره بورقده بولنان مستحفظین  
اورته لارینه و اهالی شهرده منحصرا اولدیغی ظاهر در بونلر استناد اولنور ایسه نتیجه سی  
وخیم اولور برالای عقاسزاد ملک سوزینه موافقت ایله زوجکز اوزرینه عسکر کوندرمك  
جائز دکلدر بو مثلاًو حرکت ایله زوجکزی دشمن دائمی ایتمکدن ایسه طریق اعتدال  
و ملائمه سلوک ایتسه کز غلبه عقلکز مقتضاسنجه هر مر ام کز سهولتله حاصل اولمش  
اولور دیو سویلدکده مر سومه اشته کور یور سون بنم مدخل یو قدر ناچار خلقت  
دخواهنه تبعیت ایده یورم دیو مختصرجه جواب ایله صحبتی اوزاتمیدیغنی و اطرافنده  
مداوم مقام خدمت اولان قرناسی کلمات مر قومه یی لدی الاستماع منفعل اولدقلرینی  
و بر طرفدن خلقت فوجا فوج بیعتله کلدکلرینی کورنجه سائرلر مثلاًو قسم بیعتی ایفایه  
تجويز تردد ایتدی صکره تکرار کلامه ابتدار ایله بن اصحاب سیفدن اولدیغنه بناء  
شمیلاک خدمت المدن کلیه جکی ظاهر اولمغله خانه مده اقامت و محل سؤظن قالماق  
ایچون یاننده برنفر معتمد علیه مباشر تعییننه همت ایلمکزی رجا ایدرم دیو سو یلیجك طبق  
استدعاسی اوزره خانه سنده توقیف اولمغین نتیجه حال هر نه کونه اولور ایسه اولسون  
وکیل مر سوم هم قترینه نك حقد و کینندن و هم پترونك سؤظنندن نفستی محافظه ایتمش  
اولدی (عزیمت قترینه بمعیت عسکر برای قهر ایمپراطور سابق) ایمپراطور یچمه جدیده  
صندلی قرالیه قاعده اولدیغی کون عونه سنك انضمام همت و غیرتیه اخشام اولزدن  
مقدم اون بشیك نفر عسکر جمعنه دسترس اولمغله سیف مسلول النده و معهوده داشقوف  
ایله قزاق باش خطبانی یمین و یسارنده ایکن تکرار ایسه سوار و زوجی اوزرینه وارمق  
ایچون ایلرویه سوق و تسبیل ایتدیردیکی عسکر مذکور المقداره طوغری حرکتله ابتدار



ایدوب عونه سندن وافر کسندل ابراز خدمت خمننده وراسندن سوق مطایای عزیمت  
ومقدما دانیارقه سفر یچون قوجه سنک ترتیب ایلدیکی اوچیك قزاق نفزاتی باش  
خطمانلری امریله عسکر مزبوره التحاق ایلدکارینه بناءیکدن تحصیل قوت ایلدیلر  
بوخبرلر پترویه پیای واصل اولدقجه غریق بحر کریمه و فغان اولش برالای ناقصات  
العقول ایچنده قالوب نه تدبیره تشبث ایده جکنی بیلز ایکن مقدم مفارقت ایتدیکی  
نزهتگاهده هوشینلو اوله رق موجود اولان عسکر خاصی طوبلریله برابر کلمنی  
تنبیه ایتش اولدیغندن \* مونیخ نام \* قوجامان جنرال ایلرویه کلوب اشته عسکرکز  
کلیور قالك طوغری پتیه بورقه کیده لم اولطرفده حالا طرفدارکز بولنوز وجله سی  
سلاحلنوب سزه معین اوله جقلری بی اشتباهدر مستحقین شهر اولان نفرا تک اکثریسی  
دخی بر تقریب تغلیط اولمش اولدقلرندن بهر حال بیراغکز الشه کله جکر در جنه که  
مجبور یتر اقتضا ایتسه بیله طائفه عصاة مقاومت ایده مز ل دیو بسط مقال ایلدکده  
قرناسی اوله جق بر طاقم جبان حر یفلر مترددانه حرکت اوزره ایکن یکر می بیک نفر عسکر  
ایله قته ینه نك تقریب خبری ظهور ایتکه طائفه نسوان نزهتگاه مذکوره عودت ایده لم  
دیو فریاده باشلادیلر جنرال مسفور تکرار کلامه اغاز ایله مادامکه جنکدن امتناع  
ایدر سزباری فروستاد ( ۱ ) ترسانه سنده وار لم اولطرفده عسکرودونخاموجود دراندن  
پتیه بورغه دخولز سهولتو اولور دیو سرد ایلدیکی رای و تدبیر جله عندنده رهین پسند  
وتحسین اولمغله همان اول دقیقه نفر جنرال قرونستاده محافظ نصب ایدوب ایلرویه  
ارسال عقبنده تدارك ایتدکاری ایکی قایق ایچنده ایمپراطور مسفور مونیخ نام جنرال  
وسا رتبعه ورفقاسیله معاسوار و سمع مقصوده طوغری شراعکشای ادبار اولدیلقال دیکه  
حکم تقدیر مانع تدبیر اولمغله محافظ مر سوم محل مأمور یتنه وصولند \* قرونستاده \*  
بولنان عساکر بریه و بحریه کمال خواهش درون ایله ایمپراطور اوغورینه جان فدا  
ایده جکاری نی تعهد ایتش لرایکن بر قاج ساعت ایچنده تبدیل اصول ایله رفع لوای  
عصیان و مر سومی در زندان ایلدیلر شویله که ظهور وقعده قترینه نك ندما سی  
\* قرونستادك \* ضبطنی اهم مهمامن عدایله اول خصوصی بر مکار حیلله بازك عهدده سنده  
حواله ایلدکارینه بناء شخص مر سوم بر قایغه سوار ونه طرفدن کلیدیکی افشا اولنماق  
تاکیدینی قایقچیلره تکرار علی التکرار ایدوب محله وارد قده ایمپراطور و رودینه منتظرا  
ساحله بولنان محافظ مسفور بالذات استنطاقنه سرعت ایتکه شخص مر سوم

( ۱ ) فروستاد بحر بالطقه نوانهرینك بوغازی قارشوسنده پتیه بورقندن سکز ساعت  
مسافده بر جزیره در روسیه نك بیوک ترسانه سی انده دروسعتلو ایکی لیمانی اولوب بری  
جنک سفینه لرینه مخصوص اولمغله متعدد طایفه لر ایله تحکیم اولمش در دیگری تجار کیلرینه



مصلحتدن بالکلیه تجاھل ایدرک کویا چقلکننده ایکن شهرده اختلال وارد دیو  
 بعض اقوال بی اساس مسموعی اولغله حسب المأموریه دونماده بولنمق ایچون  
 کلدیکنی طورابلهانه ایله افاده ایلدی بوتقریب قرهیه وضع قدم ایلدکده طوغری  
 قلیونجی قشلاسنه واروب بسط مقدمات لایقه ایله کیفیت حالی اعلان وایمپراطور یچہ  
 جدیدیه امتثال ومتابعیتک وجویتنی بیان عقیننده بخشیش وعروق توزیعیه  
 جمه سنی تشییط ایتکدننشی قلیونجی نفراتی ازیکزبان سرفروبرده رضاومطاماعت  
 وقره عسکرینک برمقداری مسفور ایله همدست موافقت اوله رق محافظ مرسومی  
 اخذ وحبس ایلدیلر تمام بومصلحتک تکمیلنده پترونگ قایتقاری ظهور ایدوب مأمین  
 عد ایتدکاری محله لدی التقرب ایکنجی قترینه دن غیری ایمپراطور بیلرز کلور سکر  
 قایتکزی غرق ایدرز صداسی من غیر مأمول هر طرفدن ظهور ایتکله دردمند  
 مسفور ناچار کپرویه عودت ونزهتگاه مذکور ه وضع قدم نکبت ایلدی ( اخذ وحبس  
 ایمپراطور سابق ) انفا بیان اولندیغی وجهه اوزره ایمپراطور مسفور اقامت اوزره  
 اولدیغی مسیره یه خائباً وخاسراً عودت ایلدکده براوطیده قیانونوب زوجہ سی طرفنه  
 برقطعه کاغذ تحریر و مألنده جرایم سابقه سنه مقر اولغله فیما بعد علی الاشتراک حکومت  
 ایتک رجاسنده اولدیغن درج وتسطیر ایلدی مع هذا اولطرفده بولنان التییوز نفر \*  
 هوستینلو \* عسکری مقابله یه اظهار کمال خواهش واستعداد وقوجامان \* مونیخ \*  
 دخی اولبابده الحاح و ابرامن زیاد بر زیاد ایتکدننشی بر درلو قرار ویرمیوب پیچ  
 وتابده ایکن تذکره سنه جواب ظهور ایتدیکنی وزوجہ سی برقوناق برویه کلدیکنی کورنجه  
 تبدیل زی وقیافتله تک وتنهاله جانبنه فرار سوداسنه ذاهب اولدی انجق بوکادخی  
 جسارت ایده مدیکندن غایت تذلل واحتقاری حاوی دیگر برقطعه تذکره تحریر یله  
 عفو وعنایت رجاو بقیه عمرینی ولایتی اولان هوستینده امرار ایچون برمقدار معاش  
 تعیینه مرحمت اولمنسن استدعا عقیننده ایمپراطور لقدن فراغ واستعفا یه اماده اولدیغی  
 زوجہ سنه انها ایلدی مرسومه بوتذکره نک دخی جوانی کوندرمیوب انجق کتورن  
 ادمی یاننه احضار و پتروی تاملین ایدرک کتوره بیلسه مکافاتہ شایان بر خدمت عظمیه  
 عدا اولنور دیو وعدا کرام ایله اضلال ایتکدننشی شخص مرسوم واروب عسکری  
 ترک ایله خود بخود زوجہ کزه کیده جک اولسه کز کافه مراداتکزه مساعدده اولنور  
 دیو ایتدیکی ابرام واصرارینه دردمند مسفور فریخته ویاننه یالکز ورونجوف قزینی  
 وغودوویجی الوب طوغری قترینه نک قرار کاه سابق اولان سرایه توجه وعزیمت ایلدی  
 وصول بولدقده نردبان باشنده تعیین اولنان مباشر لر اوزرنده موجود نشانلری  
 ولباسلرینی وجیننده بولنان وافر مجوهراتی اخذ ایتلریله بر مدت یالین ایاق باشی قباق  
 طور دیغی محله توقفدنصرکه براوطیده حبس اولندی انده محبوس ایکن \* پانین \*



نام باش وکیل ایمپراطور یچه طرفندن مأمور ایاننه واروب ولایتنه ارسالی و سائر بونک امثالی مواعید کونا کون تبلیغندن صکره ایمپراطور لقندن حسن رضا و اختیار یله فراغ و قصریدی محتوی النندن بر قطعه سند اخذ ایلدی عقیبنده ایمپراطور مرسوم مباشر معرفتیه قالدیر یلوب بر قلعه یه محبوسا نقل وار سال اولمغین مدت حکومتی یالکزی الی ای اولدی ( عودت ایمپراطور یچه بشهر پتره بورق ) ایمپراطور یچه مسفوره قوجه سنی بر منوال مشروح مظهر قهر و حبس ایتدیکی کون بولندیغی محلدن حرکت ایتیوب انده بیتوت و ایرتسی کون ایمپراطور سابق قرناسی یکان یکان کلوب بیعت ایتکده ایکن نوبت قوجامان مونجه کلوب بنله جنک ایده جک ادم سن د کلیسین دیو ایمپراطور یچه سؤال ایتکله جنرال مسفور کمال متانت ایله جوابه اغاز ایدوب بلی قیدنفیدن بنی اطلاق ایدن ذاتک حقنه لایق اولان بوایدی فیما بعد واجبه ذمتم سزک ایچون جنک ایتک واکا ایتدیکم صداقتی سزک حق کزده اجرا ایلکدر دیو مقابله ایلدی رسم مذکور کاتماندن صکره مرسومه موجود معیتی اولان سولتات نفراتی الوب جمله نک باشی قاعده لر نجه علایم غزا ایله مزین اولدیغی حالده باکمال دبدبه و حشمت شهره دخول و سیرو تماشا ضمننده کدر کاهنده اولان ازدحام ناسدن صدای دعا تکرار بتکرار اعلا اولنه رق سراینه نزول ایتشدر اولکوندنبرو جلب قلوب عامه ضمننده اراق اراق درون شهره کشت و کنار وهر کسه ابراز آثار خاطر نوازی یه ابتدار ایلدی حتی برکون سناتو مجلسنه واروب بعض مرافعه لراستماعنی التزام و صکره سراینده ترتیب دیوان ایله رسوم حکمرانی و احتشامی لایق وجهه اوزره اتمام ایلدیکنندن غیری زیارتنه کلان دول ایلیملرینی دخی هر برینی بررکونه تعبیر ایله اکرام ایلدی ( وقوع توجیهات ایمپراطور یچه جدید ) الت عصیان اولنملری تلطف ایچون اوغلنک لالاسی اولان پانی باش وکالت ایله کامروا واورلوفلره قوته لک القابنی احسان ایدوب ایچلرندن دوست اخصی اولان لیغور اورلوفه قوالیرلک نشانی و باجمله روسیه عساکرینک مدیر مطلق قائم مقامخی منصبیه قدر و شانی اعلا ایلدی مستحفظین شهر اورتلرینک ضابطان و سر کرده لرینی دخی ترفیع رتبه ایله مظهر اکرام و بعضیسنی اراضی تملیکیه بکام ایدوب انجق نفرا ته بخشیش اعطاسنده میرینک مضایقه سی مانع اولدیغندن عرق توزیعیه امر تنشیط و تفریح لرینه اهتمام وغرو نفسانیت اولنماق ملاحظه سنه مبنی ایمپراطور سابق متعلق لرینه اظهار انفعالن اتقای تام ایلدی ﴿ قترینه تاریخی ﴾ ﴿ یا قوای آرکیرو پولو ﴾

### ﴿ بعض تحقیقات ﴾

اداب مدینه و قوانین سیاسیه بو چراگاه عالمده ذاتا و طبعاً سر بست و مطلق العنان



کرمك داعیه سنده اولان نوع بشری قید و بند ایده جک و حدود معینه بی تجاوز  
و تعدی ایتدیر میه جک بر طاقم روابط و قیود دن عبارت اولوب انسان ایسه بروقتده  
حقنه راضی اولز بر حیوان و بو مثالو پیوند قیود و شروطی شکست ایتکه دائماً بهانه  
جویان اولدیغی حالده بو اصول و قواعدک بقاسی یالکز حافظ و حامیسی اولان حاکم  
عدک ثمره نظارت و وقایه سیدر و ادنی مسامحه اولندیغی حالده بو عقود قیودک  
انحلالی هزار بار تجربه اولمش مواد دندر کنلک عهد و شروط دولیه دخی ایکی  
دولت بیننده لفظی مراد بر مقاوله اولوب ایکی طرف دخی بونی فسخ ایله ایلروسته  
چکمک استیه جکی امر طبعیدر انجق بونک وراسنده در کار اولان بارقه کارزار  
و معرکه مهالک اثار قورقوسی هر طرفی حد معیننده طور مخه مجبور ایدر اما بر طرفه  
قوت و غلبه اثری کورلدیکی حالده اولطرف بالطبع بو عقود عهدی شکست ایله  
ایلرویه کیتک استرو نقض معاهده نك سبب حقیقیسی قوت و غلبه داعیه سی اولدیغی  
حالده ینه کندوسنک بر مطالعۀ مخصوصه سند و یا خود بین الدول عرف و عادت اولسنه  
بناء طوغریدن طوغری یه بونی فسخ ایده جکم دییوبده انواع تأویلات ایله عهد نامه  
تعبیر اتندن بعض مخرجلر ایه رق و درلو بهانه لر بوله رق فسخنده صورت لزوم کوسترز  
و مجلس مکالمه ده بیاغی حقلی چیقمه چالیشور و اگرچه اصول مناظره جه طرف  
آخرك حقلی اولدیغی تبین ایدر سنده چونکه محکمه دولیه نك حاکی قبضه  
شمشیر اولدیغندن اکا طیانان بهر حال الحکم لمن غلب قاعده سنجه دعواسنی قزانور  
وامضاسی تقلیب و اعمال سنان ایله چکیلان سندک حکمی نافذ اولوب و مجرد خامه  
شکسته زبان ایله یازیلان تقریرک تأثیری کورلیوب صحائف اوراقده یازادیغی کی  
قالور ﴿قطعه﴾ السیف اصدق انباء من الکتاب ﴿فی حده الفرق بین الجدوال لعب﴾  
بیض الصفائح لاسود الصحائف ﴿متونهن جلاء الشک والریب﴾ بوجهته دولتمه  
کوره اعظم وظائف واهم فرائض هنکام صلح و آسوده کیده بوش طور میوب و سفاهت  
وما لایعنی ایله مشغول اولیوب و وقت اسایشک هر دقیقه سنی غایت کرانقدر طوته رق  
ضایع ایتیوب همان تکثیر مکنک و قوته چالشمق ماده سیدر لیکن بو مطلب اعلانک  
حصولی دخی تحملدن زیاده ملک یولک یولک و مقدار نفوس و ثروتک اعطا و اداره سته  
مقدر اوله میه جفی درجه ده عسکر جمع ایلک ایله دکلدر زیر ا بوضورت قوت صحیحه  
اولیوب بالعکس موجب ضعف و پریشانیدر اصل قوتی منبع تکثراهای و مال اولان  
معموریت ملکیده ارامق لازم کلور و بونک استحصال اسباب لازمه سنه حقیقه  
وقوف و معلومات صحیحه اوزرینه سعی و غیرت ایتکک اقتضا ایدر و امر معموریت  
ملکیه ایسه دول و ملل سائر مدن عبرت المامش و پرده جهل و نادانی بصر بصیرتی  
استیعاب ایلمش اولنارک ظن واهیاری و جهله دولتک خلقدن آزاره المسیله و یا خود



هیچ برشی الماسیله حاصل اوله میوب بلکه اهلینک دولته ویردیگی ویرکوی سهولته  
و کندولرینه برکونه اغرلق اولیه جق تقریب و صورت ایله تأدیه ایتلرینک یولنی بولمق  
والنانشی لقمه دها طمع و آزمایورین اولیه رق هراچه سی ملک و تبعه نك صحیح  
مستفید اوله جغی یرلره صرف اولمق ایله اولور برتار لایه نقدر زیاده تخم اکیله بیلور  
ایسه محصولی او قدر زیاده اوله جغی امور معلومه دندر ایشه ملک ادخی عینیه بونک  
کیبار تسهیل نقل محصولات ایچون منتظم یولار و معاملات و مذاوضاتده هرکسه  
امنیت بخش اوله جق قوانین و نظم سامریا پیله رق تجارت و حرف و زراعتک توسیع  
و ترویج نه لیل و نهار دقت اولماید و بوماده لره وسعت کلدیکه تبعه نك یسار و ثروتی  
متزاید و بنابرین دولتک وارداتی دخی متکاثرو متوافرا اولور و واردات چوغالد قجه دوات  
استحکاماتی اتمامه و عسکرینی تربیه و توفیره کسب اقتدار ایدر الحاصل لسی الايجاب  
چیققی و چوبان مقوله سی برطاقم آدماری طو پلامق قوت حاصل اوله میوب دولتک  
شوکت و بقای منتظم و مرتب اردوله و بودخی پک چوق مصرقلره و نومصرقلرک  
تسویه سی دخی بروجه مشروح ملکک و اهلینک انتظام و معموریتنه منوط در دولته  
پک آشوری اعتنا اولنه جق ماده لرک بری دخی معاملات اجنیه اولوب وکلای دولت  
اولاباده دخی افراط و تفریطدن محاببت یعنی نه اظهار عظمت و برودت بیهوده ایله  
دول سائرینی قیرمق و نه لزومندن زیاده تملق و تکاپو ایدرک ناموس و استقلال دواتی  
یا مال ایتک و ادیلرینه کتمیوب دائماً ممکن مرتبه و شان و استقلاله طوقنیه جق درجه ده  
جمله سیله حسن معامله دن خالی اولماقغه برابر هر دولتک منافع مخصوصه سی و اصول  
پولتیقه سی نه مرکزده ایسه انکله ایشنی و معامله سنی او اصول نظریه قولانمق و منافع  
و پولتیقه سی بری طرفک منافع و پولتیقه سنه توافق ایدن دولتله حقیقه متفق اولمق  
مقتضیدر زیرا زمانزده بر دولتک نه مرتبه لده مکنت و قدرتی اولسه یالکز برایش  
کوره مدیکی و متفقه محتاج اولدیغی بالتجربه معلوم اولان حالات دندر و اشبو قریم ماده سنده  
قترینه نك اول امرده اوستریا ایمپراطورینی اله المغه و سائر اوروپا دولترینی دخی اغفال  
ایتمک چالشمسیله مرآمنه واصل اولمش اولسی و بزم پوشیلردن غفلتمز و اوروپانک  
پولتیقه سنه کسب و قوف ایدرک روسیه لونک اغفال ایتش اولدیغی دولتری ایقاظه  
عدم غیرتمزدن بوجه مضرتار کورلسی دخی بومدعا یه دلایلدر ایدی دولت علیه نك  
اولزمانک حکمنجه نه ترتیبات عسکریه سی و نه نظامات ملکیه سی و نه معاملات خارجه سی  
بالآده بیان اولنان قواعدهک هیچ برینه موافق اولیوب هر شیده غفلت تامه و نقصانی و تفرقه  
کامله درکار اولدیغی و روسیه لونک تدارکات کلیه حربه سنه قارشو اتخاذا و لنان تدابیر  
انجق براوزی سرعسکری نصبنه منحصر بولندیغی حالده رئیس خیری افندی نك  
روسیه ایلیچیسپله واقع اولان مکالماتی صرف عیبه اشغال قیلندن اولدیغنده



شبهه یو قدر بزم بوتدار کسزلک و تدبیر سنز لکمزه مقابله روسیه ایمپراطور یچہ سی بوقضیه بی  
 شو قدر سنہ دنیو ملا حظہ و در پیش و مقدمات و وسائلنی مطالعہ و تفتیش ایدوب  
 اقد مجہ بسط و بیان اولندیغی و جہلہ بومطالعہ او زرہ نچہ ایمپراطور یلہ عقد پیوند اتفاق  
 ایتدیکی زماندنبرو تدارکات حربیہ سنی اکیال و ایفایہ ایجابی و جہلہ اعتنا ایتدکن  
 بشقہ روابط دوا یہ جہ دخی بو خصوصہ لازم کلان تدابیرہ تثبث ایتشددر حتی قریم  
 منازعہ سندن طولایی دولت علیہ طرفندن حرب امارہ سی کورلما مشیکن قترینہ  
 عاقبہ الامر دولت علیہ ایلہ بر سفر اچقی نیتندہ اولوب انجق سفرک تحقیق تقدیرندہ روسیہ  
 عساکرینک مسافہ بعیدہ دہ مشغولیتلرینی اسوج دولتی فرصت اتخاذا ایدرک اخذانہ تمامہ  
 قیام ایتسی محتملاتدن اولغہ بوراسنی دخی مطالعہ ایدرک بالدفعات اسوجلوا ایلہ  
 کیرلوجہ عقد سررشتہ اتفاق ایتکہ چالیشوب نہایت بواثنادہ اکا دخی دسترس  
 اولشددر شویہ کدرأس حدودہ تخصیص ایتدیکی بر محلدہ اسوج قرالی ایلہ ملاقاتہ طالبہ  
 اولوب اسوج قرالی اگرچہ اول امر دہ الندہ کی اغری بی بهانہ و تمارض ایدرک ملاقاتدن  
 امتناع صورتی کوسترش ايسہ دہ قترینہ بونکلہ فارغ و مندفع اولیوب کندوسی  
 کالہ مدیکی حالہ بن استوقولم شہرینہ واروب کوروشورم دیو اصرار ایتکہ ناچار  
 اسوج قرالی دخی رضایہ مجبور اولوب ذکر اولنان محل موعودہ ملاقات ایتدکلرندہ  
 روسیہ لو ایلہ دولت علیہ بیندہ اعلانی متحقق اولان سفر دہ اسوجلوب بیطرف اولق  
 و سفرک ختامندہ اسوجلونک دانیمارقہ دولتنہ تابع اولان نوروجیا قطعہ سنی ضبط  
 ایتسی خصوصندہ روسیہ دولتی طرفندن اعانہ اولنق صورتلری بینلرندہ خفیہ مقاولہ  
 و تصیم اولاندقدنصرکہ اسوج قرالنک محل ملاقاتہ ورودیلہ واقع اولان یول مصرفنی  
 بهانہ ایدرک کندوسنہ قترینہ طرفندن ایکوز بیک روبلہ اهدا و حقندہ مر اسم احترامیہ  
 بالغامابلغ ایفا قلمشددر و چونکہ اورپانک بوندن اقدام بیان اولندیغی و جہلہ واقع  
 اولان حال اختلالی قترینہ نک اجرای سوء نیتندہ مساعد اولوب همان اسوج خصوصی کندویہ  
 موجب اندیشہ ایدی بو صورتلہ اول غائلہ بی دخی برطرف ایلدی و الحاصل مادی  
 و معنوی بالجلہ وسائل و مقدماتنی در پیش و مطالعہ ایتد کندنصرکہ قریم مباحثہ سسنہ  
 باشلامشددر دوات علیہ ایسہ ہنوز بوندنصرکہ ترتیب مقدمات و ایفای تدارکات  
 ایدہ جکی جہتہ مجلس مکالمہ دہ خیری افندی ہر نقدر قانون مناظرہ جہ دعواسنی  
 اثبات و خصمی اسکات ایتش ايسہ دہ انجام کار دعوایی روسیہ او قزانمش اولدیغی  
 وقایع آتہ دن معلوم و آشکارا ولور \* تاریخ دوات علیہ \* جودت پاشا \*

دوات علیہ ابدیۃ الدوامک برقاچ صنفدن عبارت اولان طوائف عسکر یہ سنک منتخب  
 و معتناسی یکجری کروہی اولوب یکجری اوجا غنک حین وضعندہ یکجری یکتتری مرکز رضا  
 و اطاعتدہ ثبات کوسترہ رک او وقت سفر لندہ نوجہلہ ایشہ یرامش ونہ درجہ لردہ



اظهار مرادنی و حیت ایش اولدقلری نزد اولی انهماده روشن و هویدادر انحق  
مر قوملر رفته رفته طورلرینی دکشدیروب خروج علی السلطان ایتک وسفرلرده  
ایشه یرامیوب تشت لشکر اسلامیه وسیله اولق و سلطنت سنیه نك مصالح و تدابیر نك  
نك و بدینی فرق ایتکسزین بوماده بی استمیوز دیوقدم عصیانله اسائه قالدیشه رق دین  
ودولت علیه انفع نیجه نیجه ارای صائب پسندانك کیوقالسنه سبب ونهایتنده  
تصدی دعوائ سبب ایله مورث شوروشغب اولق مثلاً انواع فضایح و قبا نیجه جسامتقلری  
واعدا ی دین دخی هر طرفدن فرجه بولوب اهل اسلامه غالب اوله رق بو قدر قلاع  
وبقاعك یداجانبه کچمسی و نیجه نیجه امت محمدك ایدئ مشرکینده اسیرقالسی حالتلری  
نوجمله صورت ظهور بولدیغی علی التفصیل مضبوط کتب تواریح لازم التذیل ایسه ده  
ینه انلرا زمنه قدیمه یکچریلری اولوب لدی الحاحه بعضاً تألیف و بعضاً تخویف ایله مهمما ممکن  
قوللانیلو رودشمن دینه اولدقجه برقرالتی کوستره جك قدر ایشه یرارلر ایش الحاله هذه  
زمانزده یکچری نامنه اولوب زمین مر دانکی و حیتده یکتلك لافنی اورن قبا دایلرک  
فضایح حال و شنایع افعاللری درجه تحملی اشوب دولت علیه نك بر محله سفری  
ظهور ایتسه در سعادتدن محل مقابله دشمنه وار نیجه غصب اموال و هتک اعراض  
یوللو انواع آسائقلری وقوعندن فضله دشمن دین ایله اثنای مقابله ده بیهوده فترتله  
قویاروب اطاعت امر اولی الامر ایتیه رک لشکر اسلامیه انك تشت واعدانك  
تغلبنه وسیله قویه اولدقلر نك تفصیل و قبا نیجه متنوعه و فضایح لری نك بیان و تکمیلی  
استیعاب کرده مجلده هزار اوله جغی استغنا بخشای تکلفات بیان و اشعار در چون  
جنود اجانب هر طرفدن لشکر اسلامیه غالب و یکچری یادکارلرنده دیانت  
و حیت و جنک و حز به رغبت کلیاً مفقود و غائب اولدیغندن بشقه دشمن دینك  
عسکری معلم و لشکر اسلامیه ان هر نقدر جنکه راغب اولسه لر بیله فنون حربیه ده  
عدم و قوفلرندن ناشی اعدا ایله مصادمه و مقابله یه قدر تیاب اوله میه جقلرندن  
بهمه حال دفع صائل ایچون معلم عسکر تدارکی اهم و الزم ایدوکی طرف اشرف  
جهانداریدن لدی التیقن بوامر مهمه بر صورت و یرلمسنه اراده قاطعه جهاندار ی  
متعلق اولدیغی تبین ایتکین بالمله و کلای دولت و خیر خواهان سلطنت باش باشه  
ویروب مشاوره و مذاکره ایدرک هیئت مخصوصه ده بر صنف عسا کر ترتیب و محل  
مناسب تخصیص اولنوب علی الدوام تعلیم طوپ و تفنک وادمان حرب و جنک  
ایتدیر لک و طوپچی و لغمچی و خبره چی اوجاقلری دخی تحت ضوابط مستحسنه یه  
ادخال ایله نفراتی کذالك صنایع لری نی تعلیم ایلک و بونلرک امر اداره لریچون مناسب  
ایرادتدارک و مستقل بر خزینه ترتیب و بر دفتر دار نصب اولنق اوزره بالاتفاق قرار  
و یریلوب قراری اوزره تنظیمی نموده مفصل و مشروح صحیفه یرای مبدور اولان



خط شریف موهبت زدیف جهانداری موجب بجه در جنك اول شق ثانی دفتر دارلغنه  
 نظام جدید دفتر دارلغنی عنوانی علاوہ سیلہ رجال دولت علیہ دن مصطفی رشید  
 افتندی یہ الباس خلعت و برطرفدن قشله لر بنا و نفرات تحریرینہ مباشرت اولنوب  
 رفته رفته روابط نظامیہ لری تحکیم و استحصال و مؤخرأ ایالتلو عسکری دخی تعالیم  
 فن حرب ایتک اوزره اشبو نظامہ ادخال و خرب و جہادہ متعلق اولان بالجمہ اواز مک  
 رابطہ مستحسنہ بند و توثیقی تدابیری اکمال اولنہ رق برو جہلہ حسن نظام و رابطہ  
 بولشدیکہ اصحاب فراست و زکا و ارباب انصاف و نہا عندلرنده و بتخصیص دول  
 نصارا پینلرنده بغایت پسندیده و مقبول اولمشیدی انحق ( بیت ) فساد اولسہ اساسندہ  
 بنالک پایداری اولمز \* نیجہ مسما رہت صرف اولسہ استوار اولمز \* مزایاسنی مصدق  
 بومادہ نک دخی صورت رابطہ سی فساددن خالی اولمامسی اساس رابطہ سنک  
 اندراسنی ایجاب ایلدی شویله کہ حکم اور هفت اقلیم اولان پادشاھان صاحب دیہیم  
 سبب تأیید دین قویم و باعث تأیید دولت ابد مستقیم اولہ حق بو مقولہ امر اعظمک  
 انحراف کردہ راه سقیم و توجہ نمای مسالک مستقیم اولہ حق طریق سهل السلوک  
 ادراجہ ادارہ فکر سلیم ایتک مقتضای رسم رسم ایکن حضرت شہریار قوی  
 مکنت مفطور فطرت ظرافت و مخمور خیر درایت اولمغین و کلای دولت و قرنا ی  
 سلطنتلرینک درجہ افکار و رتبہ شعور و آثارین کشیدہ میزان انصاف و سنجیدہ  
 معیار معدلت اتصاف ایدرک جملہ سنک حیثیت ذاتیہ و قابلیت زمانیہ لریں ظاہرہ  
 چیقاروب اکا کورہ ہر برینک حوصلہ لیاقت و اہلیت لریںہ کنجیدہ اولہ حق خدماتک  
 کندولرینہ احالہ سنی ملاحظہ و ( بیت ) زادہ طبعی ایدر مشایما \* ہر کسک رتبہ  
 استعدادین \* نشیدہ حقایق نتیجہ سن مطالعہ برلہ نظامات مذکورہ نک تأیید اساس  
 رابطہ سیچون اول کورہ باہر الشکوی لایحہ تقدیمہ مأذون بیوردیلر و اشبو  
 لایحہ تقدیمی ارادہ سندن مراد شاہانہ لری دخی ہم اصحاب لوایحی مرتبہ  
 استعداد لریںہ موازی خدماتدہ استخدام و ہم ( ع ) دست بر بلای دست است تابفوق  
 آسمان \* مثل مشہوری اقتضا سنجہ تقدیم اولنان لایحہ لردہ دین و دولت علیہ نفی  
 موجب تدابیر و وقوعندہ اجرا سنہ اقدام اولنہ رق بو دولت قوی شوکتک تأییدینہ  
 روی احتمال کوسرلک صورتی ایدی مع هذا ( و شاو زہم فی الامر ) حدیث حکمت  
 تحدیثی مدلولجہ تقدیم لایحہ ارادہ سی برامر مستحسن ایسہ دہ حریم سلطنت علیہ  
 کسب تقرب ایدنلر بومادہ بی ترویج بازار مفسد تلرینہ ذریعہ قویہ اتخا ذیلہ کیدرک تقدیم  
 اولنان لایحہ لری ملعبہ صبیانہ دوندیروب ہر کسک درجہ استدادی لایحہ سندن  
 معلوم و رتبہ ادراکی زادہ طبعندن مجزوم اولور ایمش شایعہ سی افواہ ناسہ القا  
 و شہر پار سکندر و قاری دخی تہ اربابہ دوشوروب لایحہ لردہ حسب البشریہ



مخالف مزاج تاجداری اوله جق تدایر نادرست ظهورنده انواع حیل و لطائف  
 رو بهانه ایله جهانداری بهرام اقتدار حضرت لرینی مجبور قهقهه استهزا ایلمارندن  
 ناشی اتا بکان سلطنت سنیه دن اولان اینسای زمان وار باب شعور واذعان قضیه  
 کسب اطلاع وایقان ایدوب ناچار اول کروهک موافق مشربلری اولان کریوه  
 صعب السلوک پویان و بوسیله ایله عساکر جنیده نیکچری نفرتیله بینارنده  
 معادات و مباینت کلید جریان ایتکین نهایت قتن و فسادات آتیه البیان مرایای  
 ظهورده نمایان اوله رق اعاذنا اه الماک المنان صورت انقراض دولت عثمانیان الم  
 افروز خاطر عالمیان اولق درجه لرینه تقرب ایتدی انجق بودولت علیه ( ولقد  
 کتبنا فی الزبور من بعد الذکر ان الارض یرثها عباد الصالحون ) ایت کریمه سیله  
 موصوف اولان سلطنت سرمدیدن اولمغین الی اخر الادوار اوا مرو نواهی احکامی  
 شرقاً و غرباً مؤثر اولسی الطاف خفیه الهیه دن مستعد عادر  
 ﴿ وقایع سلیمیه ﴾ مصطفی نجیب ﴿

﴿ ترجمه قصیده ﴾

زربفت نگاه قوی الابصار دن عری وحافی • وادراک ماهیت و حقیقتی عقول  
 و افهام اولی النهایه ستیرو خفی • بر ورقای علوی سریرت که بساتین عالم بالای  
 روحانیدن پریده • و عاقبتی لانه بوم و غراب اولان سر بام بدن انسانه رسیده در •  
 اشعه پروبال عزتی • و بارقه یال و بال رفعتی • آرایش آزاده چرکاب علایق •  
 پر تو آفتاب حقیقه الحقایق در • مهبط شوره بوم طلل • و منزل که ظلمت آکین  
 زال و خلل • اولان خرابه زار تن انسانه تعلق و مواصلتدن ابواستنکاف ایتدیده ده  
 ( قلنا اهبطوا منها جمیعا ) فرمان قضا جر یانندن فرار • خارج طوق اقتدار •  
 اولمغله کرها قبول نزول • وجوهر رخشنده سنی ایتلاف ارجاس ایله مشغول  
 و معلول ایدوب بوطورده دخی ظلم و وجهول اولدی • و جریحه درد افتراقیله  
 الماک و پریشان اولدیغی عهد جبران ملاء اعلی • و گذرگاه منازل و مراتب علیا •  
 ذوق و اشتیاقی یاددن آزاد • و مخالطه تراکیب عنصریه ایله آلوده و برباد اولوب •  
 آرزوی نفس و هوایه محکوم • و تحصیل کمالات انسانیه دن محرومیتله مزبله  
 دنیای دنییه فریفته • و دانه مز خرفنه الدانوب دام حیل و مکرینه گرفته اولدی •  
 و تارة مجاورت یاران قدیم • آرایش بخش خاطر الیمی اولوب • بال بکشا  
 و صفیر از شجر طوبی زن • حیف باشد چو تو مرغی که اسیر قفسی • ترنمایله نالان •  
 وسیلان مدامع بی پایان ایله کریان و حیران ایکن • جرس فریاد میدارد که بر بندید  
 محالها • بانک صلصاه جانخراشی • موجب افزایش حزن و تلاشی • اوله رق



بی توشه وزاد • طی مراحل بعاد • اصعب من خرط القتاد • اولدیغنی فکر ایله  
 دوراندیش • وسهام آلام حسرتله دل وجانی ریش برریش اولوب • رحلتدن  
 اباواکراه ایدر • وعاقبت ( کل نفس ذائقة الموت ) حجت قضا امضاسنه رام  
 وامر متحتم الجریانه تسلیم کرده زمان اولوب • هر کسی کودور ماند ازاصل  
 خویش • بازجوید روز کار وصل خویش • دهرک کیدر • وعالم جسمانیدن  
 مفارقتله اجنحه باز فیفای عالم روحانی اولدقده • الناس نیام فاذا ماتوا انتبهوا •  
 عیون نائمة بدیهه ایله مشاهده ایده مدیکی اعیان وحقایق روحانیه پی لدی الانتباه  
 انوار بصیرتله ادراک ایلر • واکر تجلیات علوم الهیه وانوار اعمال صالحه وصفیه ایله  
 روشن و مزین بولنور سه شواحق جبال روحانیه ده آشیا نسا از اعزاز و ترنمات لاهوتی  
 اواز ایله نغمه طراز شهناز ناز و نیاز اولور • الهی بوفضای فسیح الانحی روحانی •  
 وصحرای لامکان نمای نورانی • که از قدیم اول ورقای عنقا شکار زرین بالک وطن  
 جاودانی • وحائز اولدیغنی عزت و شرف هیولای عنوان حال و شانیدر لطافت  
 علویتنه منافی و سمومی تبث قدر و اعتبارینه مباین و تابع چار فصل فانی ایله زبول یافته  
 محو و زوال و دمن بدن انسانه هبوط و نزولنده مرموز و ممکنه - وز اولان سر حکمت  
 لایزال ادراکنده دل اکا هان درگاه اله و آله و حیران • وعقلای جوینده راه انتباه  
 دمبسته و سرگرداندر • الهی اگر نزول و هبوطی سامعه آرای اذعان و ایقانی اولمیان  
 معانی خفیه قدسیه • و سر ارسنیه ملکوتیه • استماعیله ادراک مزایای جلیه •  
 ایدوب رسیده حد کمالات انسانیت اولق نزومنه مبنی ایله حیف و دریغسا که رهن  
 زمان بلامهل و امان طریق عمرینی قطع ایدوب طلوع ایتمک اوزره غروب ایلر •  
 خصوصاً سرعت طلوع و غروب فکانها برق تالق بالچی • ثم انطوی فکانه لم یلمع •  
 مقدار یدر • بر پرده که آرامه بومقدار اوله مهات • اربابی نیچه کسب کمال و هنر ایلر •

### ❖ درس نمونی آدم و ارتقای او بمدارج کمال ❖

امور بدیهیه دندر که هر مولود تن داده مهت وجود اولدقده حواس خمسّه ظاهره سی  
 اویانه رق نور و ضیایی • نرم و حشینی • طعم شیر مادری • دمدمه اصواتی •  
 و هر راحه پی • بتدریج حس ایدر • و بر از صکره جه حواس باطنیه سی شیاً فشیاً  
 قوتلندرک ابتدا صوت شدید ایله صوت خفیفی فرق ایلر • و علی الفور پدر و مادر اخوان  
 و اخوات و پیرامنده ملازمت ایدنلرک نعماتی بشقه بشقه تمیز • و شکل و شمائلارینی  
 درک و تشخیصه باشلر • و نطق و تکلمه استعدادی ترقی یه مائل اولوب کیدرک قرائت  
 و کتابت زمانی کلور • فهم جرا • کسب صنایع و فنونه همتی روز افزون اوله رق  
 افزایش معارف و علوم ایله ماکه لندیکه استکشاف احوال کائنات و تتبع حقایق



موجوداته رغبت ایدوب حاضر دن غائبه محسوسدن معقوله جسمانیدن روحانی یه  
 ریاضیدن طبیعی یه طبیعیدن الهی یه انتقال ایله صاحب فکر و نظر اولور . بوترقیات  
 حسیه و معنویه دن استشعار اولور که قوای بدن انسان اجزای عنصریه نکرفته رفته  
 افاضه ایتدیکی نشوونما ایله ترقی ایتدیکجه قوت عاقله مدر که دخی قابلیت بدنه برابر درجه  
 درجه تزايد ایدر . حکما بواطوار متوالیه مدتلرنده جریان ایدن ترقیات مشر و حده  
 توفیقاً ابتدا اطفالک فعل و ادراکدن خالی اولان استعدادینه عقل هیولانی . ثانیاً  
 علم بدیهات ایله اکتساب نظریاته اولان استعدادینه عقل بالملکه . ثالثاً بدیهاتدن  
 استنباط نظریاته اولان ملکه سنه عقل بالفعل . رابعاً ادراک ایتدیکی نظریات دائماً  
 عننده حاضر اولسنه عقل مستفاد . تعبیر ایتدیگر . بومر تبه کمال عقلدر  
 و مشاهده غیوب مقامی اولوب انبیای عظام و ورثه کرامه مخصوصدر که تعریف  
 و بیانی خارج طور امکاندر . الحاصل مراتب اربعه مذکورده دن بشقه تعریف عقلمده  
 جریان ایدن آرای غامضه بی انتهایانک بیانی بوجمله احقر در عهده ایتدیکدن عاجزدر  
 . امر غریبدر که گروه معترله نزدنده عقل علی حده افراد انسانه مساوات اوزره تقسیم  
 اولمشدر . و تزايد و نقصانی علمک کثرت و قلتیه منوطدر . حالو که مراتب عقل  
 متفاوت و متخالف اولسه و هر شخصک عقلی شخص دیگر عقلنه معادل و مساوی  
 بولسه مذاهب و مشارب تنوع و تعدد ایتزدی . و هر شخص شهره اهدادن بشقه  
 صوب ناصوابه کتمزدی . و تحصیل معارف متنوعده بروقتده و برسندیه و بر استاددن  
 شریک اولدقلری حالده تلمذ ایدن شاگردلرک جمله سی راده استفهامده یکسان اولق  
 و واصل ابن عطا مجلس تدریس حسن بصیریدن اعتزال و ابایدوب قاچنما مق اقتضا  
 ایدردی . ( مولانا ) . کودکان کرچه بیک مکتب درند . درسبق از یکد کر بالاترند .  
 کرچه انسان افزایش علم و هنر و کنارش تجارب و عبرله و سعتلنور . لکن مرزوق  
 اولدیغی عقل فطریسی حدینی تجاوز ایده من . و کیندنن عقل و اکمل ذواتک  
 ایشیدیکی منزله کیده من . چونکه بعض جاهل زیرک دانی ابله و بدرکدن . ونیجه  
 شبان تیزدل پیر کاهل و غافلدن عقل و ارشد اولدیغی مشهود و مسلمدر . الحاصل  
 عالم کون و فسادک مواد متضاده و کیفیات متباینه ایله ترکیب و تعین ایتسی . و اجرام  
 فلکیه نکر اوضاع متنوعه ایله در کار اولسی کافه موالیدک امرجه و طبایعی اختلافی  
 مستلزم . و انسانک دخی موالید سائره کبی بر حالدن حال دیگره منقلب و اختلاف  
 طور و حرکتله مضطرب اولسنی متحمدر . الحق بوهرج و مرج اره سنده نفسنی  
 الحق و فطرت زکیدی حکمنده قالمق ایچون برمدیر حقانی یه احتیاج ضروری اولمغله  
 قوت عاقله مدر که ایله مکرم و تأییدات روحانیه ایله ملهم بیورمشدر . اگر بونعمت  
 شریفه نکر شکرینی ایفایه همت . و عقبات اخلاق دریهدن صیریلوب فضای فوز



ونجاته چیمغه عنایت • ایدر سه • چراغ عقلی الدن بر اقیوب غرور واستکبار سر  
جستجوی حق و صواب • وعقل جریسنی تور آفتاب • اولی الالبابه پیوسته ایتکه  
شتاب • ایتلیدر • هست عقلی همچو قرص آفتاب • هست عقلی کتر از ذر و شهاب •

﴿ در خصایص جوهر عقل ﴾

عقلک ماهیت و حقیقتی امر نده بین العالم جریان ایدن مباحث بی پایان اساطیر فلاسفه  
ودساتیر سالفه ده مبسوط و رایکاندر • لکن هر مؤلف و حکیم ذوق و مشربنه ملایم  
قیل و قالدن عبارت اولمغله هنوز سر حقیقت سراد قشکاف بداهت اولیوب اول  
شاهد غیب ربانی تتق بند نقاب لن ترانیدر • عقل پنهانست و ظاهر عالمی • صورت  
مأموج یا زوی نمی • شو قدر وار که سرا پرده غیبدن منعکس اولان اشعه اثاری  
نمایان اولوب انسان مقارن توفیق منان اولدیغی حالده متابعتیله واصل سر منزل عرفان •  
ومظهر افزایش نور ایمان • اولور • چونکه عقلک آثار و انواری کافه کائنات اوزره  
منتشر در • نبات و حیوان بیللمعاندن مراتب جنسیت و نوعیتلری و فقیجه حصه دهند  
حس و ادراکدر • وانسان خلایق کون و مکانک اعدل و اکملی و تفصیل کائناتک  
خلاصه و مجملی اولمغله مستجمع خصایص عقل اولق خصیصه فطرت زکیه سیدر •  
لکن عقلک اشارت اولندیغی وجهله فضای فضائی بعید النهایه اولوب • شخص  
واحدک تکنای حومه استعداددن افزون • و هر شخصک وسعت و قابلیتته نسبتله  
اشعه مزایای درجات متفاوته اوزره رونمون • اولور • دیمک اولیور که بر انسان  
ماتند هلال آسمان انوار عقل و اذعان الیه مشار بالبنان اوسه دخی آزاده معایب نقصان  
اوله مز • و مقابل شمس توفیق اولدیغی اکیال نفسه طریق هدایت بوله مز • مکر  
حوایج ضروریه تدارکنده ابنای جنسیله اجتماع و مشارکته اولان احتیاجی مثلاً و امور  
عقلیه و دینیده دخی استظهار و استعانهیه محتاج اولدیغی کوررده • عقل با عقل دکر  
دوتا شود • نور افزون کشت و ره پیدا شود • دنیا و عقبایه متعلق مهمات ضروریه سی  
امر نده اهتدای شعاع نبوتله تنویر درون ایدن ارباب فلاح و انتباهه مراجعت و متابعت  
همت و عنایت ایدر سه دارینده نجات و سلامت بولور • و بالعکس ورطه مکابره وجود  
پسندیده قالب ره نارفته هوسنه دوشرسه فلاسفه سالفه مثلاً و ککشته راه ضلالت اولور  
( نظامی ) عقل آبله پای و کوی تاریک • آنکاه رهی چوموی باریک • توفیق  
توکر نه ره نماید • آن قفل به قفل کی کشاید • ﴿ زمور الحکم ﴾ ☀ سامی پاشا ﴿

خلفای عباسیه دن مأمون بن هارون الرشیدک ، قربان خاص آستان و محرمان سرایر  
دیوان مطاع عالمیانندن بری اولان عمرو ابن مسعده که رتق و فتق مصالح سلطنت  
و خصوصیه حسن تنسیق و تنظیم امور مالیه دولته کندوسنی و خید زمان پیاور



و بوحیثیتله بالانشین محافل امثال و اقرا ن اولور ایدی موئی الیه بویله پیمانه  
 پیمای نوشانوش بزم آمال و نعره فزای جوشا جوش نشئه اقبال اولدیغی زمان  
 زمانپرستانه سنک برشدره جلاوه مستانه سنه متصادف و جرعه کشان مصطفیه  
 ( و فوق کل ذی علم علیم ) نص جلیلنک مستغرق کیف بیکم و کیفی اولنلردن  
 بریسنه نصورتله ملاقات ایدرک حقیقت ذاتنه واقف اولوب نوعما هشیار و دار و جوی  
 درد سر خار اولدیغی بویله برطرز لا ابالیانه ده نقل ایله نقلرس مجلس اهل مذاق  
 و یخپاره انداز اقداح جگر سوختکان اشواق اولور که اهواز و لایتنک طبیعت اراضیسی  
 فوق العاده قوه منبته ایله مشتهر و افکار اهلایسی توفیر اسباب زراعتنه منحصر اولدیغندن  
 هریری معمور و آبادان و دهقاننک هر بری خواجه کامران بندرگاه ثروت  
 و سامان اولدیغی حالدده نصل ایسه اورایه مرکز خلافتدن نظر تقید و مبالغات ایله  
 باقلمدیغندن حقوق بیت المال مسلمین اولان واردات و عائدات کثیره سی کاشتکان  
 بی انصاف و شخنکان منتشره الاکنانک ایدئی مطمع و اعتسافلرنده کیکشته ائلاف  
 و اسراف اولمقده اولمسیله ولایت مذکوریه معتمدان ارکان سلطنت و اصحاب استقامت  
 و فطانتدن بر مأمور کونده ریله رک اعمال و مستوفیاننک محاسبه لرینه باقلمدیغی و حقوق  
 مشروعه خزینه پنجه اغتصاب مستولیان مهینه دن تخلیص و مجرای اصلیسنه ارجاع ایله  
 برابر ولایت مذکورهنک محصولات ارضیه سنه کوره مرتبات دیوانیه سی تعیین  
 و تخصیص قلندیغی حالدده خزینه دواته منافع عظیمه بی جالب و عجزه اهالی دخی خونه  
 اهل تعدیدن قور تاریلوب جانب خلافته دعوات خیریه بی مستجاب اوله جغی رسیده  
 سامعه مأمون و انبار ضمیر خلیفه بو بذور انتباهک محصولی اولان اجناس حبوبات امانی  
 و امال ایله مالامال و مشحون اولمقدن ناشی ولایت مذکورهنک تفتیش و معاینه و رؤیت  
 محاسبه و اجرای مساحه سیله دفترینک تنظیم و خریطه سنک ترسیم و مرتبات  
 دیوانیه سنک بوجه عدالت ترتیب و تقریر یله متفرعات سائرهنک تنسیق و تمیمی طرف  
 خلافتینا هیدن بکا امر و تفویض اولندی ایشک جسامتی حسیله معیته نزومی قدر  
 استصحاب مأمورین و کتبه و کمال احتشام و دبده ایله دجله دن برکی یه را کبأ متوجه  
 سمت اهواز و یازموسی اولدیغندن کورته اوزرینه ترتیب عریش و درونی ملوکانه  
 تفریش ایله مظله نشین حضور و اهتراز اولدم شدت انحدارنهر ایله کمینک سرعت  
 سپرندن حاصل اولان اهویه رقیقه دلجوسو بسو هبوب ایدن نسایم لطیفه سمنبو ایله  
 نرمانرم مرازجت و استئناس و بسایط وجوده انبساط بخش تماس اولدقجه کندومی غرور  
 موعوده خلد برین و میان مروحه جنبانان حورغین ایجره متکازن چاربالش ناز و نعیم  
 و یاخود کشتیسوار تنسیم اولمش قیاس ایدرو بویله بر صفای خاطر کشاوراحت روح  
 افزایله اطرافه نگاه انداز تنزه و تماشا اوله رق کیدر ایدم ناکاه اوزاقدن بر صدای رقتما  
 استماع ایله او طرفه طوغر و حواله سماخ استیصا اولمقدده زورق انتظام حال کز امتعه



سرور و کامکاری و بادبان آماکن شرطه سعادت و نیکبختی ایلہ مملو و روبراه قبلہ آرزو  
اولان ای سکان سفینه بو بیچاره غمگسار و برافتاده خاک مذلت و ادباری جناب  
افزینده پروردگار عشقنه اولسون اشبورطه هولناک و حال مشرف الہلاکده  
براقوب کتیک و عزیز باشکزی ایچون بوبی سر و ساماندن لطف و مرحمتکزی دریغ  
ایتمک دیو برانمک کنار نہردن استغاثہ ایتکده اولدیغنی اکلا یوب در عقب مینک  
صدا کلان محله طوغرو چورلمسنی امر ایلہ کیفیت حالی تحقیقہ قصد و تائب و ساحل  
نہرہ تقرب ایدرک اوزرنده برقیص و سر اویل و سر نہادہ خشتیپارہ تذلیل اولہ رق  
بر پیرنا امیدک بر طرفدن اثر جوع و عطش شدید و دیگر طرفدن تأثیر حرارت خورشید  
ایلہ دائرہ حیاتدن نابید اولق درجہ سنہ کلمش اولدیغنی کوردم و همان اتباعہ امر  
ایدرک بونلر پیر مومی الہی اوردہ دستگیرہ اغوش حرمت و سغال رأس بيشعورینی  
شبنم پذیرشاشہ مرحمت ایلدکاری حالہ درون سفینہ ادخال ایتد کلرنده بیان  
اولنان سایبان را حترسان التندہ براز وقت قالہ رق و قوای دماغیہ سی ہوای نسیمی الہ رق  
عقلی باشنہ کلمک ایچون چاق یانی باشمہ اوتورتدم برہہ من الزمان پیرنا توان خواب  
کراندن تیغظ ایدرکی دیدہ کشای حیرت و واهان اولدیغنی مشاہدہ ایلدیگمہ احضار  
مائدہ ما حاضر و کشیدہ سماء مختصر ایلہ تکلیف طعام و ازالہ و حشتنی موجب اولہ حق  
صورتنہ بسط لذا تذکلام ایل یوب مومی الیہ اداب کاملہ ایلہ برازشنی تناول ایدرک اکتفا  
و پابرجای خدمت اولنلرہ گوشہ چشم و ابر و ایلہ سفرہ نک قالدیرلمسنی ایما ایلدکدن  
واورتنہ دن ادوات اطعمہ قالدیرلدقدن صکرہ عریشک بر طرفندہ زانو زدہ مسکنت  
اولدی ارادن بس اون دقیقه قدر کچہ رک پیر مومی الینہ یرندن قیام و حرکت ونہ دہشقی  
شفقتین تکلمہ رغبت ایلدیکندن و بنم دخی اوارالق ذہنک بشقہ شی ایلہ مشغول اولمسی  
ادارہ کلامہ مانع اولدیغندن درونمہ بعض مرتبہ طریان قسوت و میل پستراسترا حتلہ  
بو اختیار بستہ دم بنم بونجہ خدم و حشمی کوروب طورروانک اوزرینہ بکا تعظیم  
و توقیر ایچون بورادن قالقوب و مینک مناسب بر محلانہ چکیلوب اوتورمسی ہر حالہ  
موافق اداب تواضعکاری اولہ جغنی بیلورایکن اولہ اوتوروب قالمسنہ جانم صقیلہ رق  
بونلر بر تقریب اورادن دفع و اشتغال قوردم و ارائہ چین جبین ایلہ ای پیرنہ جیسن  
دیو صوردم مومی الیہ چولخہ اصنافندن بر مرد فقیر پریشان روز کارو ( کلیم بخت  
کسی را کہ بافتند سیاہ ) ( سفید کردن آن امری از محالاتست ) نشیدہ سنجہ بر سیہ بخت  
تہکارم دیوب سکوت ایدنجہ پیر مومی الیہک اثنای استغاثہ دہ پیچیدہ دوک براعت  
استہلال و کشیدہ کلافہ حسن مقال ایلدیکی زرتارادای بلیغانہ نک رقت معانیسنہ  
دقت و ہر نقدر کندوسی عریان محروب ورشتہ اموری دوچار بیجا پیچ فلاکت و کروب  
ایسہ دہ بر منطق ( الظاہر عنوان الباطن ) ناصیہ حالنک متضمن اولدیغنی اثر نجات



و بزرگی ایلہ برابر طرز و طورینک رشاقّت ادب و تربیہ سنہ امالہ بصیرت اولنجه مومی ایلہ  
 مرد جولاه و نساج دیاج قصیدہ لامیہ عجم مطلع غرای غرہ توأمنی کہ ( اصابہ الرأی  
 صانتنی عن الخطل ) ( و حلیۃ الفضل زاتنی لدی العطل ) منظومہ مشہورہ سیدربونی  
 پیر مومی الیہک پای انداز پای معراج روحانیتی اولمق اوزرہ بافتہ دستکاه بداعت ایلمش  
 اولدیغندہ اشتباه اولدیغنی ملا بسہ سیلہ برمنوال محرر النان جواب موجب استغراب  
 اولدیغنی حالده پیرلا ابالی مقدمہ سؤال وجوابہ بوصورتلہ ترتیب نالی الیویوب اشتہ  
 عاجز برکشتہ حالکیز بوکارکاه عبرت دستکاهدہنہ کونہ پلاسپوش حرفت اولدیغم عرض  
 سراپردہ اجلال قلمندی پس بوفلا کتزدہ بیکسہ دستگیر و مددرس اولان ذات  
 مقدساری نہ مثالو حرفت و صنعتہ مربوط و حصول تعیش وزند کانیلری نصل اسبابہ  
 منوط اولدیغنی افادہ سنہ تنزل عالیترینی رجا ایدرم دیوز بانکشای جرأت اولدقدہ  
 بر قوجہ سفینہ خلقی امر و فرمانمہ کردندادہ و کثرت احتشام حسیلہ مرتبہ جاہ منزلتم  
 استفسار و استیضاحدن ازادہ ایکن پیراشفتہ نہاد بنی ارباب سوق و حرفتہ اسناد ایلہ  
 صنعتدن سؤال ایتسی اثرعتہ و بلاہتدن بشقہ معنایہ حل اولنہ مز دیہ رک ہم متعجب  
 و ہمدہ اولوجہلہ کوریلان معاملہ بیقیدانہ دن تنکدل و مضطرب اولہ رق مع مافیہ مدار  
 ادارہ امور دولت و وسیلہ نیل معالی اجلال و منزلت اولان صنعت کاتبہ منسوب  
 اولدیغنی سویادم پیر پڑمردہ ہیئت بوسوزی ایشتدیکی کی برطرز استخفافدہ بکا حالہ  
 نظر دقتلہ ای بزرگواری موانع انتسابکی بیان ایلدییک صنعت اشرف صنایع اولوب  
 بش قسمی جامع و سنک خامہ زن اشتغال اولدیغک کاتب اقسام خمدن قنقیسنہ  
 راجعہ دینجہ کاتبک بش قسم اولدیغنی عمرمدہ ایشتمدیکمدن پیر پری مزاج اولیلہ نساج  
 و خلایج مقولہ سندن اولیویوب بازار معرفتدہ بشقہ برقاش کرانقیمت و تار بودا نسبہ وجودی  
 مغزول بنان عوان حکمت اولدیغنی اکلادم و ہمان کندومی طوپلیوب حضور پیردہ  
 زانوزدہ ادب اولدیغم حالده اقسام مذکورہ نک بیان و توضیحنہ دخی ہمت بیورلمسنی  
 رجا ایلدم مشار الیہ جواب علی الرأس والعین ایلہ بنی قریرالعین اعزاز ایلد کد نصرکہ  
 بووجہلہ ناطقہ طراز اعجاز اولدیکہ اقسام خمدن برنجیسی کاتب رسائل و منشی  
 بمعاد لدر کہ اکثر علوم و فضائلدہ حائز نصاب کامل و خصوصیلہ علوم ادبیہ نک  
 کافہ سنہ و علم معرفتی شامل اوللی یعنی فن لغتدہ مہارتی بر درجہیہ وارہلیکہ دفاین  
 معلومات بسیطہ سی یانندہ اثار ز محشری وجوہری حجر و مدر و دریای مستحضرات  
 محیطہ سی عندندہ قاموس فیروز آبادی قطرہ کتر مقولہ سندن قالمید رو کجینہ وصال  
 یار مہربان بہاء ترصیعات مضامین ایچون صرف ایلدیکی نقود الفاظ دلستانک مصدر  
 انس و سلاستندن مشتق اولمید روینبوع خامہ بلاغتدن نبعان ایدن ماء الحیاء ترکیبات  
 شافیہ و زلال تألیفات کافہ سنک صفای جریانی بر نحو اوزرہ اوللیکہ معین معانی بحر



البیانی دلتشکنان فصاحتہ مشرب لذۃ للشاریین ولہجۃ تعبیرات بدیعہ سنک حسن  
 ادای مورث البہجۃ سی اشفتکنان بلاغتہ نظرہ انداز تسر الناظرین اولمتلہ برابر اسالیب  
 عربدہ وامثال وخطب واشعار بلغادہ استحصال رسوخ تاملہ تطویل وایجاز کلام  
 اقتدارینی احراز وشویلہ کہ استدیکی زمان بر معنای معجزی کلمات اینسہ سامعہ نواز  
 وفقرات سلیسہ براعتپردازیلہ مطالعہ ایدلرہ اصلا ملال ویرمیوب او قود قجہ باعث  
 افزائش شوق و اهتزاز اولہ جق ولحررہ (ایتسہ اطناب کلام اولمذشی<sup>۱</sup> معجز رقم (امتداد  
 لیلہ وصل نکاری اندریرر) مفہومنہ ماصدق دوشہ جک صورتدہ برقاج جزا ووراق  
 نکارشپنڈ یز بدایع منشیانہ ایدرک قامت بالای سخنی رغبتنای وادی دراز و بالعکس معانی  
 حاویہ دقیقہ سی تشریح اولنسہ بر رسالہ اولہ جق مقالہ یی بر ایکی کلمدیہ درج ایلہ  
 (خیر الکلام ماقل و دل) قاعدہ سنجہ خال دلارای مقالی حسن افزای رخسارہ ایجاز  
 ایلد کدن ماعدا حسن خطنی مغبوط تازہ خطان حسن و جمال ایدرک بوندہ دخی  
 اقرانی بینندہ کسب امتیاز ایلیدر وایکنجیسی کاتب احکام اولوب بودخی علوم  
 شرعیہ دہ و خصوصیلہ فقہک معاملات جہتنہ عاڈ اولان مسائل دقیقہ سندہ مذاہب  
 اربعہ اوزرہ حل مشکلات انام ودعاوی<sup>۲</sup> مبہمہ ووقایع معظمہ یی تسجیل واعلامدہ  
 حجت مہارت فائقہ سی امضا کردہ تصدیق کافہ اہل کار و استخراج عمیقہ سی مصون  
 شائبہ قیل وقال اولق ایچون مسائل امہات کتب فقہیہ مستحضری اولد قدن بشقہ  
 رموز و اشارات حکمیہ دہ دخی ید طولی اصحاب بدن بوئلیدر واورچنجیسی اولان  
 کاتب معونہ تعریف اولنان کاتب رسائل درجہ سنہ قریب قوہ قلیدیہ و علم محاضر اتدہ  
 ملکہ کلیدیہ مالک اولد قدن بشقہ کلیات احکام سیاسیہ ایلہ برابر مفردات معاملات  
 ناسدن ہیج بردقیقہ تزدندہ مستورا ولاملی وانکشاف خفایای امور دہ سرعت انتقالی سرعت  
 ضیای شمسدن اشاغی قالماملیدر ودر دنجیسی کاتب خراجدر کہ حکمت عملیہ وعلوم  
 ریاضیہ دہ وفنون ادبیہ نک بعض اقسامندہ معلومات کافہ سی و بولندیخی اقلیم  
 طبیعت اراضیسنہ و محصولات طبیعیہ و معمولات صنایعہ سنک کیفیت و رواج  
 و قیمتلرینہ و مملکتک موازنہ ادخالات و اخراجاتلہ استحصال معوریت و سکنہ  
 و اہالینک ازدیاد سامان و ثروتلری نہ مثلاً اسباب نافعہ یہ توقف ایدہ جکنہ و قوف تامی  
 اولد یغندن بشقہ اقتدار و لیاقت ذاتیہ سی مأمور اولہ جغی خدمات دولتدہ تعداد  
 اولنان معلومات نظریہ سنک مطلوب اولان اثار فعلیہ سنی بلا تردد ایفایہ وافی اولمایدر  
 بشنجیسی عارض دخی اطلاق اولنان کاتب جیش اولہ رق بودخی اوچ صنفدر  
 بریسی عسکرک امور مخابرہ و تحریرہ و دیگر ی مواد حسابیہ و ادارہ وبری دخی ضبط کنیہ  
 ایلہ بونک متفرعات سائرہ سنی ایفایہ مأمور اولان کتابدر صنوف ثلثہ مذکورہ دن  
 برنجیسی کاتب رسائلہ لازم اولان معلوماتدن بشقہ اصطلاحات فنون حربیہ



وعسکریه واقف وایکجیسی دخی مقدمات علوم ریاضیه ایله بعض علوم  
ادبیه واونجیسی بونلرایله برابر دقایق علم لغته عارف اولمیدر اشته کتابک  
اقسامی کشیده سناک تقریر وهر برینک محتاج اولدیغی معلومات بشقه بشقه بیان  
وتذکیر اولندی باقلم ذات والانی اقسام مذکورهدن قنغیسنه داخلسکز دیو سوال  
ایلد کده کاتب رسائل اولدیغم جوانی ویردم اذک اوزرینه پیرنحریرز بانکشای توقیر  
اوله رق افندم منسوب اولدیغکز قسم اقسام سائرهنک کافه سندن ممتاز وکاتب رسائل  
احراز نفایس کالات وفضائل ایله سرفراز اولوب انجق دعوائیه برهان وعاشقه نشان  
مصدافجه سکا برسوال لازم کلورنه بیورر سکز دید کده اگرچه پیراکاهضمیرک دریای  
علم وفضیلتی یاننده بنم بضاعه قلیله وجود حباب وضيای خورشید کمال ومعرفتی  
عندنده سرماییه ناچیزه شعله شبتاب مثابه سنده قاله جغنی وایراد ایده جکی سواله  
جواب ویرمک خرجم اولیوب مشارالیه بنی هرجهتدن وادی بهت وافحامه صاله جغنی  
مقدمات تقریر و تعبیرندن جزم ایلمش ایسه منده چاره که اعتراف جهالت زبانسوز نخوت  
وزارت اولدیغندن سرد اولنه جق سواله جواب ویرمک اوزره حاضر ومنتظر اولدیغمی  
افاده الینجه پیر طلیق اللسان وادی سوالده بووجهله اطلاق عنان بیان ایلمدیکه فرضا  
والدهک امرأه طالق و فقط سنک سایه کده اسباب رفاه ونعمتی هر وجهله دلخواهه  
موافق اولدیغی و آخره تزوجی عند کزده غایت منفور بولندیغی حالده ذاتکزدیار  
اخرده ایکن حقنده حسن اعتماد وکمال حب ووداد کز اولان اعز احبابکزدن بریسی  
مزبوریه عقد و تزوج ایتدیکینی استخبار ایله تعجب وحیره دوچار و ابرام سوائق طبیعتله  
اول ذاته بر مکتوب تحریرنده مسلوب الاختیار اولسه کز بو مکتوبک معرض تبریک  
وتهنیتده می یازمقلخی مزاج مصلحتیه ملایم دوشریوخسه حاصل اولان تعجب وانفعالك  
اظهار ایله عتاب وستمی مستلزم بعض کلمات تعریضیه درج اولنمیچی مناسب اولور  
والحاصل مکتوب مذکورنه زمینده یازلسه مقتضای حاله توافق ایدر بوبابده رساله  
وجدان وایقانکزه مراجعت و بر مکتوب تحریرینه همت اولنسه ده انکله هم ادعا  
ایلدیککز کاتب رسائل اولمقده اولان درجه قدرت وبضاعه کزی وهمده فن  
کتابتده نه مرتبه سلیقه مالک اولدیغکزه برابر آثار قریحه و براهه کزی عرض قرطاس  
ازمایش ایلسهک دیو واقع اولان سوالی اوزرینه احضار ادوات قرطاسیه ایله لویه کیر  
افکار و همان برچار یکدن زیاده صندوقه قوه تخلیه بی قارشید یروب حمله کاه معنای  
مقصوده لایق بر کاله موافق بولمقلغه برزده دامان اقتدار اولمش ایسه منده ادای مرامی  
مشعر هیچ برشی متبادر خاطر اولمدیغندن حرف واحد تحریرینه قدرتیاب اوله مندیغم  
حاله پیرظر افتسمیر بنم سرفروبرده زمین تحیر اولدیغندن درجه بضاعه می قوه فراستله  
میدانه چیقاروب سنک کاتب رسائلده مهارت و ملکک اولدیغی معلوم اولدیغندن



کتابک قنغی قسمندن ایسه کطوغریسنی خبرویر که اکا کوره مناسب اولان سؤالی ترتیب  
 و تقریر ایدیم دید که کاتب احکام اولدیغنی سویلدم اوله ایسه ایکی شخص یکدیگرینک  
 باشلرینی یاروب ایکیسینک دخی قانلری ریزان و بر برندن شکوه کسان اوله رق حاکم  
 شرعه مراجعت ایتسه لده درجه جرحه لری کشف و معاینه ایتدیرلده کده برینک یاره سی  
 عظم قحفک غشای خارجیسنی تجاوز ایدرک عظم مزبوره قدر رسیده اولمش ایسه ده  
 دها ایلویه واره مدیغنی و دیگرینک جرحه سی غشای خارجی یی تجاوزله برابر کاسه  
 سمین راسه دخی نقب انداز تالم اولمش ایسه ده غشای داخلی یی زده لید مدیکی تحقیق  
 ایتمش اولسه که اشبو جرحه لردن برنجیسنه مأمومه وایکنجیسنه موضحه تعبیر اولنور  
 بوا یکی شخص مجروح حقننده احقاق حق ایچون نوجمله حکم ایدلک و هر برلرینک  
 درجه جرحه لرینه کوره نصورتله دیت تعیین قلمق اقتضایده جکنه دأرسندن قاعده  
 شرعیه سنه توفیقاً جواب استرم دید که بو مشاو مسائل دقیقه شرعیه یه وقوف  
 اولدیغندن اتیان جوابده بیتاب و بونده دخی شرحه دار شرم و حجاب اولدیغنی کورنجه  
 پیر و قورای گفته خور سنک کاتب احکامده دخی بیشعور اولدیغک تبیین ایتدی دیو  
 خطاب و کتابک اقسام سائر سندن قنغیسنه داخل سن دیه رک تکرار استجواب ایلدی  
 بنم ایسه اول اراق اکثر مشا غلم کاتب معونه اوزرینه معطوف اولدیغنی پیرک بالاده  
 سبقت ایدن تعریف و تقریرندن ظن و تخمین و بویحشده صوره جنی سؤالک اعطای  
 جوابنه مقتدر اوله جغم خصوصنده زعم یقین ایله کاتب معونه اولدیغنی سویلدی کده  
 اوله ایسه برادرمک بری منکوحه و بری جاریه اوله رق ایکی همفراشی اولدیغنی وایکیسی  
 دخی کندوسندن حامل بولندیغنی حالده اول آدم دیده پوش عالم شهود و بعد منکوحه سندن  
 بر قزی و جاریه سندن براوغلی زیور کهواره وجود اولسه و منکوحه سی واید مذکرک  
 ضره سندن ظهور ایلنسندن ناشی مال میراثجه کندی طرفنک برو طرفه نسبتله متضرر  
 اوله جغنی بیله رک و بو کابین الضرات وقوعی ضروری اولان غیرت زوجیه دخی منضم  
 اوله رق جاریه نک اوغلانی بنم محصول مشیمه موله مدر دیو ادعا ایله اورده اغوش صحابت  
 و جاریه ضعیفه نک معرض اخلاص و مسکننده کندوسنه وقوع بولان استرحامی اوزرینه  
 محرره (خلوص عرض ایلدکجه لایق اولدم ظلم و ازاره) (نیازم باعث افزایش ناز  
 اولدی دلساره) مألجه بیچاره نک تضرع خالصانه سنی عدم قبول ایله اشبو صنیعه سنه  
 قوت و یرمک ایچون سلوطة بنم او غلمه مسلطه اولیور دیو عادت نسوان اوزره  
 اظهار فریاد و شماتت ایتسه ده قونوقومشو باشلرینه طوپلنسه و حقیقت حالی جناب  
 واقف السرا یا ایله مزبور یئندن بشقه بیلان اولدیغندن محکمه شرعیه مراجعتی  
 مناسب کورمیه رک فصل دعوی ایچون دواوین عرفیه دن برینه کلوب نقل ماجراوسن  
 اوراده ریئس و حاکم مقامنده بولنسه کده بوبایده سنک حقانیتکه التجا ایلسلر بونده



حق و صوابه وصول ایچون نه یولده اجرای تدقیق و مزبوریتندن قنغیسی ظالمه  
 و قنغیسی مظلومه اولدیغی نصل تفریق اولنق لازم کلورسکا سؤال ایدرم دیمسیله بویه  
 برد عوی قوه قدسیه دن بشقه صورته کشف و حل اولنق ممکن اوله میه جغندن  
 بر زمان دوشند کدنصره شق شفیه مقتدر اوله مدیغمی کورنجه پیر علائق ازاده سن  
 تمیز حقوقده دخی تفریق بیاض و سواددن عاجز طفل نوزاده دن دخی ساده ایش سن  
 بونکه برابر دتوای کاتب ایدیورسن صحیح کاتب ایسه ک اقسام خمس متبایه دن  
 قنغیسنه داخل اولدیغنک طوغریسنی سویله که بیهوده تطویل کلام ایتیه لم دیو بی  
 کودک شیرخوار کی ایچیده قاط عجز و اضطرار ایش ونه سمته عطف کلام ایلسه م  
 درت طرفی صاروب صارمه لیوب قلدا نغمه مجال براقیه جخی جزم اولنش اولدیغندن  
 اسلوب حکیمانه ده مجرای سخنی بشقه بروادی یه اماله ایله الندن یاقه پی قورتر مقلغی  
 قورمس ایسه مده بو قضیه دخی اعتراف جهل صرفی منتهج اوله جخی حسیله بوراسنی  
 حوصله مزاج نحو تکارانه مه صیغدی ره مامش و کاتب خراج قسمی امور مالیه کتبه سی  
 اولدیغی تعریف سابقدن خاطر مده قالبوب صغر سمندنبر و دولتک خدمات مالیه سنده  
 ابراز کفایت ایتکده بولنش اولدیغندن و بوبایده هر نه سؤال اولنسه جوابندن عاجز  
 قالیه جغمی مجزوما بیدیکمندن سوزک طوغریسی کاتب خراج و بوبخنده ترتیب  
 اولنده حق مسئله نقد رادق و ارق اولسه دخی بلا تردد اتیان جوابده اعمال فکر  
 و اندیشه یه غیر محتاجم بونده همان سؤال ایده بیه جک قدر سؤال ایله دیو متصل بانه  
 جواب ویردیکمده پیر دقایق شناس عرض رویدل استئناس ایله میدانه قوید یغک دعویه  
 نظراً شاید بونده دخی ملزم اولمقلغک لازم کلور ایسه پک اشوری محجوب اوله جفکدن  
 شوم مسئله ده مساک انصافه عدول ایله سکاپک ساده و خفیف برسؤال ترتیب ایدیم  
 اگر اراضیسی هنوز تحریر ایله داخل دفتر خاقانی اولمامش اولان برولائیک تخصیص  
 مرتبات دیوانیه سی مننده امر مساحه سنه مأمور اولسه ک بوایشه نوجهله شروع  
 ایدرسن دیدی بومثلاً و عملیاته حسب المأموریه و قوف و معلومات اولسیله اختیارک  
 بوسؤالندن سینه اقتضای مال مال انشراح و مسار اولدیغی حالده اگر مساحه ایدم حکم  
 اراضی مربع الشکل ایسه انک مساحه سی ایکی ضاعک بر برینه ضربیه حاصلنه یعنی  
 ضلع واحد مربعنه و اگر مستطیل الشکل اولور ایسه ضلع اطولک ضلع اقصره مستطیلی  
 یعنی حاصل ضربی مساحه مطلوبه یه مساوی اولور و مثلاً الشکل اولدیغی حالده  
 عمود مثلاً مستطیلی تنصیف اولند قدده مساحه مثلاً تبین ایدر و یا خود اضلاع مثلاً  
 انصف مجموع اضلاع بیننده که تفاضلراخذ و برینه ضرب ایله حاصلی تکرار نصف  
 مجموع اضلاعه دخی ضرب اولنوب حاصل اخیرک جذر مربعی اخذ اولند قدده اشبو  
 مأخوذ مثلاً مذکورک مساحه سنه مساوی اولور و اگر دائروی الشکل ایسه مساحه سی



نصف قطر دائره نك نصف محيط دائره مستطيله يعنى بر دائره نك مساحه سى ضلع  
 اطولى نصف محيط دائره و ضلع اقصرى نصف قطر دائره مساوى اولان بر مستطيل  
 مساحه سنه يا خود زاويه قائمه ي محيط اولان ضلع لر دن برى محيط دائره و ديكرى  
 نصف قطر دائره مساوى اولان بر مثلث قائمه الزاويه مساوى اولور و ينه مساحه  
 دائره نصف قطر مربعك ۱۶۱۶ — ۳ عدد ينه ضربيله و يا خود قطر دائره مربعك  
 ۷۸۵۴ — عدد ينه ضربيله دخى استخراج اولنه بيلور ديو سرد معلومات و بو بحثلره  
 دائره نقدر دقيق اولور ايسه اولسون ايراد اولنه حق اسئله يه اتيان جواب دن عاجز قاليمه جغمدن  
 بحثله عرض مباهات ايلديكمده اكر مساحه اولنه حق اراضى مثلث مختلفه الاضلاع  
 قائمه الزاويه اولور و يا خود قطع ناقص شكلنده بولنور ايسه نه پيار سن ديو استفسار  
 ايلسييله و واقعاً بنم فن هندسه ده خيلجه معلومات و ارايسه ده بو مثللو مسائل دقيقه سى  
 لا يقيله خاطر ده قاليموب پيرك اشبو سؤالى ايسه بوجه محرر بالاقدام كنندم جلب ايتش  
 اولديغمدن بونده دخى اظهار عجز ايلك ارتق ناموس سسز اغه انتقال ايده جك اولسييله  
 سؤال مسرودك جوابنى سفسطه ايله كچيرمك كى قوروب خاطر مده قالد يغنه نظر آشويله  
 ياعلى و ظنه كوره بو صورتله عمليات اجرا اولمليدركى بر طاقم كلمات مبهمه و مشكوكه  
 ايراد ينه قيام ايتش ايسه مده پير مشار ايله بويله مغلطه و سفسطه يه احاله سامعه  
 اعتبار ايدر ذوات دن اولديغى جهتله دكل مواد محسوسه دن عدا اولنان فن هندسه نك  
 معادلات عاديه سنده علوم معقوله نك مسائل غامضه سنده بيله بو مثالو ظن و شبهه ي  
 متضمن اجوبه عند الفحول قبول اولميه جغمدن مالا يعنى كلام ايله سوزى اوز اتمق  
 نه لازم همان بو بحثده دخى اقرار عجز ايله اقسام كتيب نك قنغي سنه داخل اولديغى  
 طوغروسويله ديوبنى فوق الغايه دوچار حجاب و (دع مايريك الى مالايريك) مفهومى  
 اشراب ايلدى كانب جيشك اوچنجى صنفى كه كنيه ضبط ندن عبارت اولديغى  
 سبقت ايدن تعريف دن معلوم اولوب بونده ايسه بر كونه مشكلات ملحوظ اولمديغمدن  
 ارتق نهايت درجه يه تنزل ايله صنف مزبوره منسوب اولديغى افاده ايلديكمده  
 اكر كنيه لر ينى ثبت دفتر ايله جكك افراد عسكريه ايچنده ايكيسنك دخى مملكه  
 و محله لرى و كندولرينك ويدرلرينك اسملى و سن و اشكال وجود لرى يكديكره تماميله  
 مشابه ايكى شخص ظهور ايتسه و فقط برينك اوست و دكرينك الت دوداغى بيريق  
 اولسه بونارى دفتر جه يكديكردن تمميز ايجون كنيه لر ينى نصورتله ضبط و تحرير ايلرسن  
 ديو كتيب ه ران ميدان سؤال اولدقده بونده دخى مبارزه جوابده بيمجال قاله جغمدى  
 ادراك و دهان جرأت مناظره ي امساك ايله افندم عاجز لرى هر نقدر مساك كاتبه شمدي يه  
 قدر اخلاى وجود و پك حوق ايشلرده بولنه رق حاصل اولان تجاريب عديده و اثار  
 اساتذهدن اخذ و اقتطاف ايلديكم مستحضرات مفيده ثمر ايله مأمور اولديغم مصالحى



حسن ایفایه بذل مجهود ایش و بصورتله هرشیده ابراز موفقیتله بین الاقران احراز امتیاز و حیثیت ایش ایسه مده او یله وقتیه علوم و فنون مقتضیه بی اهل وار باندن صره سیه اخذ و حفظ ایده مدیکمدن معلوماتم اساس اصلیری اوزرینه مبنی اولیه جغی امر طبیعی و ذات عالیری ایه بویه اتفاقات حسنه دن اوله رق میسر اولان اجتماع و ملاقاتی حقه مده جمله اسباب بختیاری و فیوضاتدن عدا یدرک سایه صفت مقارنت استادانه لرندن برآن تجویز مفارقت اولنمیوب هر نقدر سن و سالم مساعد و درجه لیاقت و اقتدارم مستعد دکل ایسه مده اوسایه مده ممکن مرتبه استحصال معلومات اساسیه موفقیتم اقصای تمنی اولوب بوندنبویه اوقات باقیه زندگانیزک برلکده امرار اولنمسنه لطف و تنزل بیورلمسنی رجا و مبدأ استفاده عاجزانهم اولق اوزره دمندنبر و ایراد بیوریلان مسئله نك بیان اجوبه سنه دخی هم تحریرانه لرینی استدعا یدرم دیو کمال تواضعله عرض تضرع ایلدیکمده پیرادیب نکته دان در عقب تحویل طور و لسان ایه نیجه علامه دورانك موقع امتحانده اتیان جوابدن عاجز و ناتوان قالدقلری کوریلوب ایشیدلمش و بویخصوص انلرك فضل و کمالرینه اصلا ایراث نقیصه ایتمامشدر مسئله مذکوره نك جوابلرنده طرف والالرنندن کوریلان تانی دخی بوقبیلدندر بوبابده وقوعه کلان جرأت و جسارتك عفوینی استرحام یدرو دائرة علمیه لرنده قبول حقنده نائل اولدیغم و عدد و لئلرندن طولایی تشکرایلرم وادیسنده سر ایلدیکی مقدمه ایه برمنوال محرر حاصل اولان محجوبیتك ازاله سنه همت بیوردقدنصکره مسئله مذکوره نك ایراد اجوبه سنه شو و وجهله شروع ایلدیکه خلاف مرضی اوله رق والده کک وقوعه کلان تزوجی کیفیتي مطلقا ابتدای امرده انك طرفندن کوستریلان طلب و موافقت اوزرینه مستند و شمدی زوجی حقنده ابراز اولنه جق ستم و عتاب اکاعا داوله جغندن و حقوق والدینك درجه سی ملاحظه اولندیغی صورتده انلر حقنده اصلا اطاله اسانه حق و صلاحیتمز اوله میه جغندن مومی الیهانك بویه دائرة مشروعه داخلنده واقع اولان برحرکتندن طولایی مؤاخذه اولنمسی مسلك رضا جویییه مباین اولوب فقط احبابکدن بولنان ذات بوماده ده بالذات مراجعت ایده من ایسه مده و سایلط مناسبه ایه کیفیتي طرفکزدن استزاج ایلدکدن و استحصال موافقتکزه موفق اولدقدنصکره اجرا ایلمککی اقتضا یدر ایکن بوکارعايت ایتامسندن طولایی معذور اوله من ایسه مده بودخی شایدینه ذات عالیرینك تحصیل توجه و رضایر ضمننده بعضی الدنیاته مرهون اولمسنی مضمون ایدو کندن بوبابده اول ذاتی دخی معاتب طوتمق کسر و تنفیر قلبندن بشقه معنایی مفید اوله میه جغنه ومع مافیه وقوع حالی تحسین ایه ایفای تبریک و تهنیت و ابراز سرور و ممنونیت اولنمسی دخی مین وریا اولوب بونی شیمه حمیت و صلابت قبول ایتیه جککنه مبنی یازیله جق مکتوبه نه ستم و عتاب ونه ده اظهار مسرت و تبریک



و تهنتی متضمن خطاب درج اولیسی مناسب اوله بیلوب انجق مصلحتی نتایج احکام  
تقدیریه عطف واسناد ایله مکتوب مذکورک ( کلک مشیت صمدانیه نك نقش انداز لوح  
ازل وخامه قدرت ربانیه نك کشیده نیرنك لم یزل ایتش اولدیغی احکام شؤنیه نك بوعالم  
کون وفسادده ترتیب اوزره صورت انداز مرآت ظهور و خیر و شر هر نه ایسه ذره قدر  
تغیر ایتیه رك جلوه نمای حیر صدور اولسی مبرمات اموردن و بوکا سرداده تسلیم  
ورضا اولمقدن بشقه چاره و تدبیر و لنق جله ممتنع ایدن اولوب اشته بو وجهله بر مقتضای  
حکم مشیت میانه مزده رابطه پذیر اولان علاقه ابوت و بنوت معنویه کیفیتندن طولایی  
( اگر محول حال جهانیا نه قضا است ) ( چرا مجاری احوال برخلاف رضا است )  
( هزار نقش بر اورد زمانه و بنود ) ( یکی چنانکه در آینه تصور ماست ) منظومه سنی  
تذکار و بو و تیره ایله تجدید مناسبات قدیمیه ابتدار ایدرم ) مآلنده یازلمسی موافق حال  
کورینور و بر لرینك باشلرینی یاروب حاکم شرعه مراجعت ایدن شخصیندن جرحه سی  
موضجه درجه سنده بولنان مجروح ایچون تعیین اولنه جق دیتدن مأمومه ایچون ایکی  
ثلث مقداری زیاده دیت فرض و تقدیر اولنوب اشبو ثلثان جرحه موضجه صاحبندن  
اخذ و تحصیل ایله جرحه مأمومه صاحبنه ویرلمکله حکم اولنور اعلام شرعیسی  
دخی بو حکمه توفیقاً ثبت و تسجیل قلنور اما اولدمز کرم تو فانك منکوحه و یا مغرو شه سندن  
قنغیسنك نهانخانه مشیمه سندن سر نمای عالم ظهور اولدیغی دعواسنك فصل  
و حکمنه کلنجه بر مقتضای حکمت الهیه مادر ذکورک سوتی مادرانائه نسبتله اغرا اولدیغی  
بالتجربه ثابت اولدیغندن مزبور لر دن ایکیسنك دخی راووق پستانلرندن درجه  
مساواتده برر مقدار سوت تقطیر اولنوب وضع کفتین میزان قلنهرق قنغیسی وزناً  
اغرا کلور ایسه و ایدمذ کرانك اولدیغی نمایان اولور و اگر مساحه اولنه جق اراضی مثلث  
مختلفه الاضلاع قائمه الزاویه اولور ایسه زاویه قائمه یی محیط اولان ضلعلر دن برینك  
دیگرینه مستطیلنك نصفی مساحه مثلثه مساوی اولور و قطع ناقص شکلنده  
بولندیغی صورتده محور کبیرك نصف محور صغیر ضربنك حاصلی ۲،۱۴۱۶  
عددینه دخی ضرب اولندقدنه مساحه مطلوبه حاصل اولوب قطع مکافی شکلنده  
بولندیغی صورتده دخی اول قطع مکافی اوزرینه هر سوم اولان مستطیل مساحه سنك  
ثلثانی مساحه قطع مکافییه مساوی اولور و لسان عربده الود داغی بیریق اولان آدمه  
علم و اوست دوداغی شکافدار اولان آدمه افلج تعبیر اولندیغندن یوقار و ده حال و کیفیتلری  
تعریف اولنان شخصیندن برینك کنیه سی بالاسنه علم و دیگرینك افلج اشارتی ویریلور  
دیو ختم کلام ایله سکوت ایتدی ﴿ معنی الکتاب ﴾ نزهت افندی ﴿

﴿ بر مملکتک طریق اعماری ﴾

بوراده کوردیکرک و جهله حرکت یعنی لیان امنیت و سلامتده طائفه تجارک تسهیل



دادوستادینه معاونت و ملال مجاوره و سائرہ یہ حرمت ایله بعضا وقوع بولان حالات  
 متقاضیه لرندن غفلت وعداوتلرینی دعوت ایدن کبر و غرور دن بجانبت ایدرک اخلال  
 نظام بلد و اموال ناسه مدید ایدنلری سیاست و تأدیب و حرقت و زراعتہ اہالی مملکتی  
 ترغیب ایله مضرت عمومیه سی مسلم و باعث افساد مزاج بنی آدم اولان علت سفاهتدن  
 و مداخلہ مادہ تجارتدن صاف مغلہ واردات معینہ یی لزوم حقیقیسنہ کورہ صرف و ادارہ یہ  
 دقت و اعتنا بادی حصول ثروت و غنا اولور چونکہ اساس رفاه و راحت اولان  
 مادہ تجارت ماء جاریہ شیه اولوب بیوکلر بالذات قارشد قلرنده مجرای طبیعیسندن  
 چیقروب کندولری منتفع اولہ میہ جقلرندن بشقہ اہالی یی محروم و محزون و داخل  
 حکومتلرندن رفته رفته تجارتک آمد و شدی کسیلہ رک همجواری بولنان ملت و حکومتلری  
 ممنون ایتش اولورلر اگرچه بوندن مقدم بورای کرید کز پک بیوک تعجب ایدر  
 ایدکر اما چه چاره اجانب و اقارب دن ترسان اولان حکمدار من لیمانہ کیروب چیقان  
 سفانک اعدادینی و اصحابنک مملکت و آدینی امتعنک جنس و مقدار و بهاسنی و تجارتک  
 سرمایہ یسار و غناسنی بیلک و درلودرلو بهانه لرایله ویرکولرینی آرتروب کندوسی  
 تجارت و بوجهتله سربستی بیع و شرایی لکهدار خسارت ایتک استدیکندن یوما فیوما  
 طائفہ تجارت بولیمانک طریقنی اونودوب سربست تجارت و راحت ایدہ جکلری سمترہ  
 اخذ و اعطایہ اعتبار ایدر اولدی لردیه رک بر کرہ حسرت کشانه مملکتہ نکاه و ( آہ بیچارہ  
 صور بحر سفید و سیاه تمامی سکان روی زمیندن سکا ویرکو کتورر ایکن بو کیدشله  
 عجبا کیلرک اللرنده مأسور اولہ جقسن ) دیو درین درین انین و آیدنجه ( بوقوت  
 و قدرت ابتدانه صورتده حاصل اولدی ) سؤالنه مبادرت ایلدم جبل  
 لبنانده کراستہ سی انشای سفینه یی الویرشلی اورمانلر موجود و زمان قطع و نقللری  
 محدود اولوب لزومی اولان معمار و نجاره و سائر ایشہ پراره اعتبار اولندیغنی ایشیدن  
 ار باب حرف و صنایع پیدرپی وارد و مجتمع اولہ رق هر برینه دکرینه کورہ تعیین مرتبات  
 و برطرفدن یتشدریلان قپود انلرایله امور ترسانده استخدا م اولنانلر حقلرنده مکافات  
 اولنوب مدت خدمات و حیاتلرنده کندولری و بعد وفاتهم اولاد و عیاللری بالغ ما بلغ  
 کچندیریلور و ایچلرندن خسته اولنلرینه باقدیریلور اولدیغندن کمال امنیت بال و اسایش  
 حال ایله بحار بعیدیه عزیمت و تجارت و چو جقلرینه کورک حکمک و خلاط بوکمک  
 و شورش دریادن خوف ایتماک اسبابنی ارانہ و تعلیمه هوس و رغبت ایتلری سبب  
 خواهش صفار و کبار و اعظم مدار آبادانی و اقتدار اولوب بر حکومت مستقلہ ده یالکر  
 اطاعت زیردستان حصول مطلب و مرامه کافی اولیوب بو عالمده هر کس منافع  
 شخصیه سی آرزو سیله صنعت و خدمته هوس ایدہ کلدکلرندن دائما محبت قلوب عامه یی  
 اجتلاب حکومتک معیوریت و رفعتنه اعظم اسباب اولہ کیشدر ( دیمسیله ترسانہ



و مخازنی و بالجملة کوريله جك اماكنی كزوب آلات وادوات مشهوده نك اسامیسنی برر  
برر صورت و برر زمان صحیفه مفكره دن محو و نسیان ایتسون احتیاطیله یازار و دستگاه  
اوزرنده بولان بر سفینه نك تناسب انشاسنه بقارایدم

﴿ اهالیسنك حسن اخلاقی جهتیله تك دیارینك كمال معموریتی و سکنه سنك ﴾  
﴿ رفاه و سعادتی ﴾

(تك) بر نهر كنایمی اولوب داخلندن جریان ایلدیكى اراضی منبت و محصولدار وایام  
صیف و شتاسی همان هموار اولان دیار بونام ایله شهر تشعار اولمشدر كه اراضیسی  
سنه ده ایكى دفعه اکیلور بیچیلور یوللری اطرافى انواع اشجار ایله معمور و صحارى  
و جبالده كزن قیونلردن حصوله كلان پیاغی هر یرده معتبر و مشهور در پك چوق  
زروسیم معدنلری و ارایسه ده اهالیسنك خارجا تجارت ایتاملری و اصول مخصوصه  
تعیشلری اقتضا سنجه احتیاجات حقیقه دن عدوا اعتبار ایتوب اوائل الفت و تجارت مزده  
سیم و زری حدیدیرینه چفت صبانلرنده استعمال ایدرلرایدی جمله ذكوری زراع  
با خود راعی اولوب نساسی پیاغی اكیروب اینجه و غایت بیاض قاشراعمال ایتك و اكثر  
ما كولاتلری میوه و سوده منحصر اولدیغندن نادرایمك پشرمك و قیونلرك در یلردن  
پاپوشلر و بویه لی در یلردن چادرلر یا یوب كیدكلى البسه یی ديكمنك كی اموردا خلیه  
بیتیه لریله اشتغال ایدرلر كندولرند نصر كریه قاله جق مساكن و منازل یا مغله دنیایه  
علاقه یی استمد كلرندن حرث اراضی ورعی بهایم و فقط زراعتله لازم كله جك قدر كراسته  
كسمك و تیموردوكك ایله مشغول اولورلر یلنلرنده اراضی غیر منقسم و هر بری آزاده  
حكم حاكم اولوب مدار امتیاز پیرانك مرتبه قوه عقلیه و تجربه لرندن و جوانانك پیرانه  
مقارب فطانت خلقیه لرندن عبارت اولوب ایچلرنده اخلاق رذیه اربابی اولدیغندن  
قباحت و وقاحت پك آرزو قوع بولور ایشه ده هر فاملیا بیوكنی حكمدار كی طانیدیغندن  
قباحت ایدن اولاد و احفادی فاملیانك رایله ترییه و تأدییه دقت و محصولات  
ارضیه دن كایت اولان كافه اشیاده جمله صورت اشتراكده اولدقلرندن موسم بموسم  
میونك و چایرك كثرتی اولان یرلره نقل و اقامت و كیمسه نك منافع مخصوصه دعواسی  
اولما مغله بلا نزاع و صداع علی السویه راحت ایدرلر یانلرنده اینه تینه و سیم و زراوانی  
و مجوهرات و اقشه لطیفه و اطعمه نفیسه و آلات موسیقی سوزلر بله محاربات و فتوحات  
و انقلاباتدن و حكومتلریننده تسویه حدوده دائر منازعاتدن بحث آچلاسه (او مقوله صنایع  
انسانیه یی افساد ایده جكندن مضر در) دیور غبت ایتوب بو قدر لوازم كاذبه یه  
مانوس و اسیر اولانلر بزدن زیاده می یشارلر و انسان بالنفس فانی دكلدرده مدت عمر  
قوتیه پایلان شپلر زواندن اولوب سنده واردر بنده بو قدر بنده سبیل طبايع



اوزونمیدر که بری برلرینی تلفه تعجیل ایدرلر اراضی موجوده کفایت ایتدیکندمنی  
 حدود نزاعنه قالقیشورلر بزمکیلری استسهلر ترک ایدوب بشقه یرده اکر بیجرز برانسان  
 سائر انسانلره حاکم اولوب کمال عقل وعدل ایله حکومت ایتک مشکل اولدیغندن تمنی  
 ایده جک شی دکلسهده برملت مطیعنهک اداره سنه طرف حقندن مأمور و یا خود التماس  
 اهالی ایله مجبور اولور ایشه قبول و بوا یکی صورتک غیری اهالی بی اسیر و تحیب و لزومندن  
 زیاده فیضان ایتش نهر کی اراضی منبته بی تخریب ایتک دیمک اوله جغندن نکول  
 ایتلیدر ( جوابنی و یررلر ) ( فی الحقیقه بو آدم لر علم طبیعتی ایوم طالعه ایله حکمته  
 واقف اولدقلرندن بزی بکنزلر ایدی ) بو حکایه و تعریفدن تلماق حظ ایدوب ( شراب  
 ایچرلمی تزوج و محبتلری و ملل مجاوره ایله انسیتلری نه صورتده در ) دیمکله  
 ( مللکتلرنده اوزمک انواع و اعلاسی و ارایسهده ساده اکل ایدوب مفسد طبایع ناسدر  
 دیوشرابی استعمال دکل اعمال بیله ایتزلر هر کس برقاری آلور والی آخر العمر برلرکده  
 اولورلر زوجهک زوجه و زوجک زوجهیه محبت و رعایتلری اولوب برجان ایکی قالبده  
 کبی امتزاج ایدرلر و بعضیلری یوزیکرمی سنه قدر عمر سوررلر و موقعجه ایکی طرفلی  
 طاغ و دکر حیلا و اتیله ملل سائرهدن منفصل اولدقلری جهته غوغا اولدیغندن  
 بشقه اهالی مجاوره بونلرک فضیلتلرینه حرمت ایدوب مخالف اولان ملتلرک بینلرینی  
 تألیف ایچون بونلردن حکم نصب ایده کلمشار حتی تقسیمده او یوشه مدقلری اراضی  
 واملای بونلره ترک ایتشار و اراضی مخصوصهیه دائر و سائر نزاع و اختلاف و ایچلرنده  
 اصلا کذب و خلاف اولدیغندن قو کشولری کو جنملرندن حذر ایلدیکی مثللو بونلرده  
 آنلردن قورقوب ترک دیار و موت و فنای اسیرلکه ترجیح ایتدکلرندن صلح مؤبدنه نائل  
 اولشاردر بزی ابتدا کوردکلرنده تعجب و حرمت و ( قاوس ) جزیره سننده  
 بر شهر بنا ایتمازه موفقت ایلوب اشیای زائده بی بخش ایتدکلدن متلذذ اولدقلرندن  
 ما کولاتلرینی و یپاغی یوکلرینک فضلہ سنی من غیر مبادله بزه بخش ایله آلتون و کمش  
 معدنلرینی دخی ارا نه و ترک ایدرک یرلری یاروب آلتون آراد یغیزی تعیب ایدوب ( یرلری  
 بو قدر درین قازمق نه لازم فقط حرثله قناعت ایتسه کز سزی بسلیه جک اوازمی و یرر )  
 دیرلر ایدی کندولر یله حاصل اولان الفتہ مبنی بعضیلرینی کمجیلکه آلشدر مق  
 آرزوسنده اولدق ایشهده و یره جکمز کنجیلر طبعاً و تربیه بوزیلوب و برآدم یوریه جک  
 ایاقلری و ارایکن ساقط الحرکه اولوب اوت و برو حرکتده معاونه محتاج اولدیغی کی آنلرده  
 بر طاقم لوازم غیر ضروریه تدارکی حلتندن کوتورم اولورلر بوراده هر شی چوقدر  
 و خارجده در یوزه معیشت حاجت یوقدر هول دریاه و غائله دنیایه نیچون کرفتار  
 اولسونلر دیوراضی اولدیلر ) حکایاتی ایله تلماق و قپودان خوابه بدل سوزه طالوب  
 شبد یرر هروان لیل طی مسافه فراز طریقندن نشیب انحطاطه میل ایلدیکنه سفینهده



راحتسزلك وقوعندن كسب وقوف ايلديلر شو صورتله كه قبر يسهده مقامنه  
حرمت وقاليسو جزيره سنده پسر عشق افسرينه رعايت اولنميان زهره عداوت  
بهره منتور و تلاقدن اخذ ثار جاسنه ثوابت و سياراتي زير پالرنده كوروب كره ارضي  
آب آلوده بر قبضه چامور و اوزرنده اجتماع و احتشاد و بيوك بيوك بلده لر و جسيم جسيم  
اردولر و دقيق دقيق پولات قهر تاسيس و تشكيل و ايجاد ايدن ابنای ادمی بردانه حقير  
ايچون بری بريله چكيشور مورعدو شمار ايدن غره آرايان عوالم علويه دن استمدادی  
ورد و قبول التماسنه دائراسئله واجوبه روحانيه نك تتابع و امتدادی صره سنده سفينه  
فلاغوزی بين النوم واليقظه وضع ارض و سمایی و حرکت كواكب و سواحل دریایی  
بشقه كور مسيله اتاكیه يه ياقلاشيور ظن ايلدجكه نظرندن اوزايوب سببی بيلميدندن  
تعجب ايدرك و كيدرك ليمان ايچنده اولنان لقرديلری ايشيد يوركي كندینی طو پلايوب  
يدينه و يريلان تعليماتی اقتضاسنجه تملاقك عودتی بيلممك ايچون بيوك جزيره ياننده كي  
جزيره لكر انداز اولمغه چالشدی

❖ سفينه نك اتاكیه ظنيله سالانته شهرينه مواصلي ❖

دكزلر قباروب ساحلاره چار پديغنی ايشيدوب سفينه يي قره يه اوغرا تمقدن شعوری  
قاريشورايكن كوردیكي يرلر نظرندن دور و طاعله وقت غروبده فوق افقده كورينان  
سحاب پاره لر مثالی منظور اولديغندن كانه درين رؤياده درده او يانمغه اوغرا شدیغی  
و سفينه سوق هوايله ايتالياسوا حله ياقلاشلمدیغی حالده شفق آچلمغه و اختران اشعه  
داران ظهور نور آفتاب عالم تابدن كریزان و مختفی اولمغه باشلمغه قولاغوز ( ارتق  
شبههم قالمدی اتاكیه يه كلك مژده تملاق مادر كزی و بلكه پدر كزی بوكون  
كوره جكسكز ) دیو باغرمغه تملاق یوقاری چيقوب ساحله باقد قدده بيله مدیكندن تأسف  
ايدرك ( واه بزنره ده يز بواتاكیه دكلدر آی قلاغوز الدانیور و دیار كزه اوزاق اولديغندن  
بوقیلری بيلمیورسكز ) دیدكده ( یوق یوق عفو ایدرسكز پك اعلا بیلورم  
بالدفعات دخول و خروج ایتدیكم حتی ایچنده کی اوفق قیالینه وارنجه صور لیمائی  
کی بيلمديكم لیماندر عجائب سزمنه اولدی شو طاعلری و طاشلری دوكن طالعهلری  
كور میور و بيوك کلیسای طانیور و اشته پدر كزك خانه سنی بيلمیور میسكز ) دیدی  
تملاق ( اوله دكل ياكلیشكز وارد ربن بالعكس مر تفعجه بر ساحل بسیطده اتاكیه يه  
بکزه مر بر بلده كوریورم كندیكزه كلكز ) دیدكده قولاغوز قید حبال خیالدن  
قورتیلوب ( واقعا خطا ایتدم بواتاكیه دكلدر بيلم بكانه اولدی رؤیادن اویانوره  
دوندم بومملكت كریدن فرار ایدن ( ایدومنه ) نك بنا ایلدیكي ( سالانته ) دركه  
هتوز سوری ناتمامدر ( دیمسندن تملاق آغلمقه و سفينه لیمان آغز بنه وارمقه



اولسيله آشنای حقیقت هر حال اولان متور تغییر طور ایتیه رك ( باق تلاق شیوه  
 قدر سزه ارأه طریق فخر و مباهات و زحمت تجربه و امتحانی رسیده درجه مکافات  
 ایتك ایچون بزی بورایه قدر ایصال ایلدی ایمدی میدان جهانده سنکمنشان  
 ناموشان اولان پهلوانانك کوشش لرینی و پدر کزك باشلیجه ایشلرینی یاد و تذکار ایله بوندن  
 ایلر و سنه سپردار سینه اصغبار و سزی درمانده و عاجز ایتك استیان طالع کچروی بورمغه  
 پافشرده ثبات و اصرار اولمالی سکز آفات بحریه دن زیاده قالپسونك معامله سندن  
 قورقار ایدم شمدی قورقیلورشی بو قدر بو بلده ده بولنانلر بزی بیلنلر در ایچرو کیرملیدر  
 وایدومنه یی کوره لیدر) دیره رك لیمسانه انکر انداز آرام و فینکه لیلرک هر طرفده تجارت  
 و حسن الفتلری حسیله مظهر اکرام اولدیلر

﴿ وقایه صحتہ دائر بعض نصایح ﴾

( ابنای آدمك اطبایه احتیاجی صحت وجودی دعوت ایدن حال اعتداله قناعت  
 ایتوب تقلیل عافیت و اخلال صحتہ علت اولان ذوق عیش و عشرته انهما کلرندن نسات  
 ایدر قلت ما کولات و مشروباتی جهتیه فقر اغنیادن آزنا مزاج و نادر طیبیه محتاج  
 اولوب طبعده توافق ایدوب زیاده اولنان طعام وجودی بسلیه جک یرده بادی ناخوشی  
 و اسقام اولور علاج دینلان شی کمال احتیاجده قبول و تناول اولنه بیلور رأس  
 ادویه پرهیز و حیه در ذهن و فکرک راحتی و یوریمک و ایشلمک ایله وجودک ریاضتی  
 سبب تصفیة دم و علت ادامه صحت بنی آدمدر ) نصایحی علا جندن زیاده تأثیر  
 ایتدیرر اولغله بونلری مأمور و تعیین ایلدیکندن خستکانی تمیز یرلرده یاتروب پرهیزلرینه  
 دقت ایتلریله جمله کسب عافیت و قوت ایدوب تشکر و دعا و لطف همتی تعداد و ثنا  
 ایلدکلرینی کیجه نزی اردونك ایچنده کزدیکی زمانده تلاق ایشیدرک ولادت ردیه سندن  
 نشئتله ایتدیکی خویشلر لقلری تفکر و فعل و حرکتی ید اداره سنده قالسه مادرینی  
 دکلایوب هر خطوه سنده دوشر صبی کی اوله جمنندن تربیه مؤثره یه مظهریتدن خلاف  
 خلقت ذاتیه نازک مزاج و لطیف الامتراج اوادیخی ایچون جناب و هاب بی منته تشکر ایدرک  
 جریحه داران و بیچار کانك یتارلرینه دقت ایتدیر مسیله ( هپپاسنک ) وجود  
 خون آلودینی میانه اموانده بالذات آریوب بولوب میدان محاربه ده کوستردیکی ثبات  
 و متانتی شمار و مقدمه ایلدیکی معامله یه پشیمانی و ندامتی تکرار و اعتذار و قاعده نرنجه  
 حطب و خشب جمع اولنان محله کوتوروب ( سنی سومییدم حسد ایدر ایدم طریق  
 اقبالدن متوجه اقلیم بقا و آلوده اولدیغیز سفالت دنیویه دن کشیده دامن استغنا  
 اولدک ) دیوا حراق وجود و حفظ رمادینه ایتدار ایلدی \* فالانتک قبیله سی اسلمه  
 سر نیکون و متوفانك لالاسی رأس رعشه دار و دیده پر خون ایله حاضر اولوب میته



متوجهها ( سنی بو حالد کورمک ایچونمی یشادم مادرك كدرندن اوله جك و حرب  
وضربدن احتراز ایتماکی سکا او کر تدیکمدن بونی بدن بيله جکدر بنیده کتدیكك  
یره کوتور ) دیهرک اشکریز سوز و کداز و جماعت موجوده خواستکار آمرزش  
خدای بی انباز اولدقلری هنکامده وجودی بالتمام لقمه ذات الضرام اولدیغندن  
تلقا، خاکستر معتبرینی چیچکار له مزین برآلتون قوانوز درونه قویوب اسیر فراش  
ودست کر بیانگیر اجلده جانخراش اولان ( فالانت ) اولدجکه کندینی ادرالکو  
( آه برادر روح برابر عالمک باغ و بهاری ویوغی واری سنسز بکا حرام و دنیا و عقباده  
آرلماق اقصای مرام اولمغله بعد مانه کونه قالیم همان اولیم ) فز عیله سرور وینی  
سوده سنک و خاک ایلدیکی حالد قوانوزی تقدیم ایتکله برادر یله بیلرنده کدران ایدن  
معامله معاداتی و دست دشمندن خلاصنه بذل ایلدیکی غیرتی فکرو ملا حظهدن چاشنیاب  
زهر و شکر و کریه و خنده آراسنده آسمیه سرائکن تلقا در آغوش و آشیان سرندن اطاره  
مرغ هوش ایله بر زمان لایعقل و مدهوش بسته دهان و چشم پوش اولدقدن صکره  
آیله رق قوانوزی آلوب ( سزا اولسه کز قنداشمی قوشلر لر ایدی وار اولکز )  
دیودعا و مکرر مکرر بایلوب آیلسی اوزرینه رماده متایلا کندیده قوانوزک ایچنده  
کنجیده اولسنی تمنا ایلدیکنی ارد و خلقی کوروب تلقا ک رتبه انسانیتنه حیران اولمش و  
( ادراست ) بر سوری به صال دیرو بده مایوسا قرا کلق اورما ایچنده کائن مغاره سنه  
سنه دونوب بردخی صالدر مغله قیونلری تلف ایتک ایچون پنجه و دنداننی تیر ایدن آج  
آرسلان کی خصمی اوزرینه هجوم شدید نیتنه ورود امداده ارتقا باورای کهمساره  
چکلمش ایدی ❖ ترجمه تلقا ❖ کامل پاشا ❖

---

❖ یکانه آفاق ویسی افندیك توران شاهی عبدالله خان جنکیزی حضر قلرینه ❖  
❖ وزیر اعظم محمد پاشا طرفندن یازدقلری ملطفه بلیغدر ❖

مادامکه مسند نشین طارم چارمین و فرمان خطه خاور زمین برق براق صبح تابدار  
سپاه زرین قبای اشعه و انوار ایله فضای فرح فزای عالم علویده ترکتاز و قهر  
دشمنان ایچون دست قطاولی دراز ایدوب فرقه سپهکاران کشور شام و شیعه  
ظلمت شعاران ملک ظلامی میان میدان دلاوریده پامال و عرصه فضای جنک  
داوریده پریشان حال ایلیه همیشه اول شهریار جهان مطاع مالک الرقاب  
و تاجدار واجب الاتباع آسمان جناب که هیکل شمشیر جنانگیری صبح نجسته طلوع  
عالم اجلال و سپر زرین ظفر قرینی مهر جهان تاب سپهر اقبال و کلاله توغ پرفروغی  
شانه زده مشاطه کامکاری و نهال رایت نصرت آیتی آنخورده سلسیل بختیاریدر  
( قطعه ) آن صفدری اشهب زرین سنام چرخ ❖ چون شب زکر دابلق کرزش



اوا هست ❖ ماه سپهر منزلی کش بزخم تیغ ❖ چون آفتاب کشور خاور مسلت ❖ اعنی  
 حضرت خان عزت قرین و خاقان سعادت رهین مربع نشین مسند شهر یاری معلی مکان  
 محفل تاجداری نور حدقه سعادت نور حدیقه عدالت سلیمان حشم فریدون  
 علم دارا کشور سکندر ظفر بهمن احتشام رستم انتقام قهرمان شجاعت نوشروان  
 عدالت خداوند کار سپهر آستان ابو المغازی عبد الله بهادر خان خلد الله ملاذ الانام  
 الی قیام الساعة وساعة الفیام حضر تلرینک ذات نجسته سمات و وجود فرخنده  
 صفات لری پیرایه بخش اورنک خانی و رونق افروز افسر کیانی اولوب رأی عالم  
 ارالری ناظم مهمات دین و دوات و تیغ کشور کشالری حاسم ملات ملات و ملات  
 اولمغه ظل ظلیل حمایت لری مفارق مسلمین اوزره محدود و دامن سایبان عزور فعتلری  
 طناب خلود ایلله اوتاد نجرمه مشدود اوله ❖ قطعه ❖ نا ابدباشی الهی در سرای  
 کشفکان ❖ بر سریر پادشاهی کاه بخش کامیاب ❖ جاه و خشم بر عین و ناز و نعمت  
 یریسار ❖ قمع و نصرت در عنان و بخت و دولت در رکاب ❖ غب ذا ایمن اوقات  
 واسعد ساعاته رسول عزت شعار و ایلمچی فرخنده تبار افتخار المقربین ظهیر المله  
 وال دین علی بهادر زید قدره کمال خیر ایلله بودیارسعادت مداره واصل و محط رجال اقبال  
 اولان دار السلطنة عظمایه داخل اولوب ادای مراسم رسالتده سعی بلیغ و نامه  
 نامیلری در کاه معلا یه تبلیغ ایدوب اعلی حضرت شهنشاه عالم پناه فریدون غلام  
 کواکب سپاه سلیمان مقام شهنشاهی که دبده کوس احتشامندن قباب کارخانه عالم  
 پر آواز بلکه هول استماعندن نسرواقع متصدی پرواز در عالم پناهی که تیغ جهانبانی  
 ضیابخش مملکت خاور و باختر بلکه آتش انداز راه کهکشان و خرمن سوز خورشید  
 انور در ❖ نظم ❖ آنکه چون چتر جلالت سایه عدل افکند ❖ کم شود چون  
 زره اش خورشید در تحت ظلال ❖ آسمانست او ولیکن آسمان بر قرار ❖ آفتابست  
 او ولیکن آفتاب بی زوال ❖ طرازنده سریر جهانبانی فرازنده لوای صاحب قرانی  
 تاج بخش افسر ربانی جهاندار عدو بند کشور کشایی مسند ارای محفل عدالت  
 رونق افزای اکلیل سعادت نتیجه کار کاه عالم تکوین خلاصه الطاف حضرت  
 رب العالمین امین خلافت عظمی مدار امانت کبری انجم خدم ملائک حشم سلیمان  
 شوکت یوسف ابهت کیوان مکان مشتری عرفان بهرام رزم ناهید بزم عطارد  
 قلم آفتاب علم قرر خسار فلك رهوار بوبکر صداقت فاروق عدالت عثمان حیا حیدر و غا  
 السلطان ابن السلطان ❖ مفخر سلاطین الزمان خادم الحرمین الشریفین و حار  
 سهماعن شوائب الشین لازالت اعناق الانام متقلده بقلائد احکامه ولادارت  
 الافلاک الاعلی مدار مراده و مرامه حضر تلرینک شرف دامن پوس عزت مأنوسلری  
 ایلله مشرف و کوش هوش کوشواره ❖ کلام نجسته فرمان لری ایلله مشنف اولوب اعتبار



علیه شهنشاهیده سعی جمیلی مشکور وانظار ستوده آثار صاحب قرانی ایلہ منظور  
اولدقدنصرکره بودولتخواه بی اشتباهی اخبار نوازش پادشاهانہ ایلہ ممتاز وایصال  
نامہ شرف محو بلہ سرافراز ایتدکده خامہ مشکین جامہ ورقم زده کلک عباسی  
عمامہ اولان عضون همایونی تلقی بالقبولہ مبادرت وشرف خدمت علیہ  
شہر یار یلری طوق ربقة عودیت قلندی من بعد مو جبات تالف طرفین سوقنده اقدام  
ودواعی تحاب جانبین بسطندن اہتمام اولنوب متوقعدر کہ میامن اتحاد ایلہ کار عالمہ  
نظام تازہ و حال بنی آمہ رونق بی اندازہ کلوب بعنایۃ اللہ تعالی احیای دین مبین و احراز  
رضای رب العالمین اولانہ

❖ باقی ہمیشہ بخت بکام فلاك غلام ❖ اجرام رام ودولت واقبال مستدام ❖

❖ فرید عصر ویسی افندیك سلطان العلما شیخ الاسلام صنع اللہ افندیہ تبریک ❖  
❖ مشیختہ دائر مکتوب لطافت اسلوب بلریدر ❖

تا کہ سلطان فرمان فرمای قضا و قدر و منان جزیل النعمای و اہب القوی و القدر مکامن  
غیب و مواطن شہادتہ حضرت صفت علیہ ایلہ تجلی کوستروافاضہ معارف لاهوتیہ  
وعوارف ناسوتیہ ایلہ بخشندہ کمالات ارواح و صور اولوب علامہ اسم علیی مسند  
آرای دارالافتای فضل و ہنر و کاشف الرموز آسمان وزمین و مسئلہ آموز ملائکہ و بشر  
قیلوب افضل زمانہ اولان اکمل افراد انسانی اول اسم شریفک حقیقتنہ مظہر و کلمہ  
فطرت سالمہ سن صیغ علوم بہیہ و حقایق کونیہ والہیہ یہ مصدر ایلہ ہمیشہ اول مظہر  
اسم علیم و مصدر فیوض علام حکیم اولان سلطان علماء اعلام و برہان فضلی ذوی  
الاحلام پیشوای نجستہ رأی بر جیس مقام و مقتدای مشکل کشای ادریس احترام کہ  
سججل جمال نمای دقایق غیبی و آیینہ آفتاب الجلالی حقایق لاریی اولان طبیعت  
انسیہ سی مصقلہ قوت قدسیہ ایلہ جلا یافتہ و سندس قامت ارای شہدان اسرار  
و استبرق رونق افزای عرایس آثار اولان نسیم عبارت مطبوعہ سی تار یود قواعد معقولہ  
و مشروعہ ایلہ منوال صداقت اوزرہ تافتہ اولوب کلک نادرہ کار فتوی نکار و پراعت براعت  
شعار کوہر باری نہال فردوس فتوی در کہ دائم اثرات تحقیقاتی مجددة الامثال یا شمع نور  
افشان ہدادر کہ فتائل نال ایلہ ضیا بخش کاشانہ کمال یاعصای حضرت موسی در کہ  
حیان الخبال سحرلہ درونی مالا مال درو مجبرہ عنبر نثار معجز آثار و دوات فضائل دثار معارف  
مداری مجمرہ بخور افتادر کہ ادخنہ ارقام مشکفام ایلہ معطر نرہت کاکہ جاہ و جلال  
یاسر چشمہ نیل معنادر کہ فیض انوار سطور ایلہ اقالیم اوراقہ رسانندہ برونوال یا قندیل  
عبادتخانہ تقویدر کہ دهن مداد و فتیلہ لیتہ ایلہ پرتواند از زوایای فضل و افضال در  
زہی عالم ربانی و ابو حنیفہ ثانی کہ احیمای دین و وراثت سید المرسلین ایلہ ممتاز علماء



عالم بلکه رأس مأیة عاشرده تجدید شریعت زاهره ایله رهنمای سعدای بنی آدم و بالجمه  
 مجمع البحار فنون ظاهره و باطنه و برزخ البرازخ علوم بارزه و کامنه اولغله طینت پاک فرح  
 صفاتی کمال نزاهت جوهرندن مغبوط ملأ علی اولمشدر و عنقای سریره خجسته سماتی  
 جناحین علم و عمل ایله قاف تقرب الهیده مکانک بولمشدر ❖ نظم ❖ آسمان افضل  
 زمانش خواند ❖ دهر علامه جهانش خواند ❖ هر چه در دهر نقش دانا نیست ❖ دل  
 اورا بدان توانا نیست ❖ عقلیش از قیاس عقل برون ❖ نقلیش از اساس نقل فزون ❖ او چوابر  
 کرم بفرق جهان ❖ طالبان چون صدف کشاده دهان ❖ لازالت آیات علمه و کماله  
 متلوة فی جوامع الملک و الملکوت و ما برحت بنیات فضله و افضاله مقروءة فی صوامع الامکان  
 و الجبروت حضرتلرینک وجود مسعود فرخنده خصال و ذات قدسی الصفات مسلوب  
 المثالی حوزة حمایت الهیده دایما محفوظ و جمیع لذات روحانیه و حظوظ وجدانیه  
 ایله متلذذ و محفوظ اولوب همیشه مسند آرای دولتسرای شیخوخت اسلام و بالانشین  
 دیوانخانه وراثت سیدالانام اولغله مشید ارکان شرع مبین و مجدد دین خاتم النبیین  
 اولملری مقرر و زمام سعادت دینی و دنیاوی و بلکه عنان تصرفات ارضیه و سماوی و  
 دست قدرتلرینه مسخر اوله ❖ و هذا دعاء لایرد لانه اذا مادعونا امنته الملائک حقا که  
 اول افضل مراتب بشریه و منبع کمالات علیه و نظریه اولان منصب عظیم الشان و مقام  
 باهر البرهان قامت خلقت زیبارینه خلعت راست و بالای فطرت و الالرینه جامه بی کم  
 و کاست اولوب اگر چه برق چگون بطریق العاریه شرف بخش قالب غیر اولدی لکن  
 بحمدہ تعالی ینہ مالک حقیقی سنه رجوع ایدوب لایقن بولدی فی الحقیقه نزد عقلاده  
 الی الان بومعنی غیره میسر و حضرت علیه لردن برخطه انفکاک متصور اولمیوب الحاله  
 هذه بسط مقدمات تهنیت ناسزا و دعوی تحصیل حاصله مبتنی اولغله مردود عقلا  
 اولفین محض دعای بقای عمر و ارتقای دولتلری اوزره اقتصار و لوازم عبودیت و مراسم  
 خلوص طویت اولان دعوات شریفه لری تکرار قلندی ❖ قطعه ❖ من ختم  
 سخن میکنم اکنون بدعایت ❖ کامین ملائک میان دل و جانست ❖ تاهست جهان در  
 کنف امن و امان باد ❖ ذات تو که او واسطه امن و امانست

❖ رهروان کعبه خلعتدن بر صدیق و فاکاره حرقت و فرقتی شامل مکتوب ❖  
 ❖ دل سوزلریدر ❖

❖ زاشتیاق توام حسته تابکی زفراق ❖ پسای نامه نویسم تحیه المشتاق ❖  
 همیشه صبح سعادت هدایت فالق الاصباح ایله مطلع اقبالدن دمیده و دایما نسیم اقبال  
 عنایت مرسل الی یاح برله مهذب سعادتدن وزیده اولوب دادار زمین و زمان کلشن  
 امیدلرینه ستاره بختی دیده بان ایتمکدن خالی اولیه مدت میددر که کسب یدم دعای عمر



و دولتری و کار دستم قرع باب همستریدروا لهذا طیب حکمت شناس و داد برش  
 مهجوران مجروح الفؤاد قلند قدده بو طعنه خوار نیزه دوری و بیغوله نشین بیمار خانه  
 صبور و داروی هشبر فرا سکاری برله مدهوش و توزیع ادویه مرحت اشناسنده  
 بالکلید فراموش اولق سزا کورلیوب بلکه مخدرات احوالندن رفع سرا پرده زاز  
 بر کزیده ضمیر مخلص نواز اولور سه ( درحالم از نظر نکنی لحظه تلطف ❖ بر صفحه وجود  
 نماید اثر مرا ) الخالة هذه صعوة جان ناتوان تهجم عقاب فنایله اشیانه تندن پرواز  
 اولمشدر لکن چار دیوار خانه زندگانی رهگذر سیلاب فراق اولمغه مستعد ویرانی  
 اولدیغی مقرر در ( قطعه ) بیچاره کسی که باتوم مفتون باشد ❖ دور از کرش دلی بود خون  
 باشد ❖ ان کش نفسی قرار بی روی تو نیست ❖ اندیش که بی تو مدتی چون باشد ❖  
 تابش هوای محبتله حاصل اولان سوز درون امتداد ازمنه هجرانله مستتبع حرارت  
 بیرون اولوب فیح جهنم عدا دنده اولان مرض هائل شام جنت مشامه داخل اولدنبرو  
 وجود ناتواندن زائل اولمشدر بو مقوله اوقات عمر کاه داخل محاسبه حیات اولور سه ده  
 ( عربیه ) واخیبتاه الله يعلم ما حلت من سقم ❖ وما تضمنته من شدة الداء ❖ لوانه  
 اعضاء مرء خاطبت بشرا ❖ خاطبتك بوجدی كل اعضائی ❖ بناء علی ذلك نه كنندم  
 وارمغه پاینده قدرت ونه نامه یازمغه دستمده قوت مشاهده اولنوب بالضروره مافی  
 الضمیری انهاء عقده تأخیره القائل لشمدر نه آنکه خوار سلوت بئس البذل نشأة مودت  
 واقع اولمش اوله بنم سلطانم بوزمانه کنججه ارسال ملطفه لطافت شعار ارسالندن تحاشی  
 حصوله التفاتمزه سوء ظندن ناشیدر و یا خود فرط سرور مهملکات بشردن اولدیغی  
 قلب شریفلرینه خطور می ایتشد ❖ بیت ❖ جز کلام توشنیدن هوسی نیست  
 مرا ❖ نبود آرزوی تشنه مکر آب زلال ❖ شمدن صکره باری مر اسلات مطبوعه کثر  
 الجنان غیر مقطوعه قلنقی رجا اولنور چونکه کیفیت شوق و غرام کیت نکایات ایام  
 کبی قابل اعلام دکادر ( اذالم تستطع امر افدعه ) مضرونی پیش نهاد و خامه فصیح  
 البیانی ختم کلامه ارشاد اولندی همواره خیام عزتاری ستون تأیید الهی برله قیام  
 و بنای دولتری اساس همت مردانله استحکام اوزره اوله بالذی شق القمر بینانه و جری  
 الوحی علی لسانه

❖ تصاویر شوق و میلان محبتی مبین کلت کوهر فشان ایله نکاشته ❖  
 ❖ قلنمش مکتوب فصاحت اسلو بلریدر ❖

بو کلونی فرش کلبك محبتله نسیم چمنیرای نیاز مندی سنبل پاش عبارت اولمغه باعث  
 اولدر که چراغ برتوانداز دیدار لری انجمن پیرای نگاه اولمغالیدن مردم چشم که  
 هندی نیکه بیان سرا پرده باصره در اول مرتبه اشکبار حضرت اولمشدر که یاقوت



کاسه دیده لبریز خونا به شفق کونه اولوب تابش اندیشه گداز هجراندن پیدری چکدیگی  
دود آه بیجانی بر کونه نمایش بولمشدر که کو یابر چشمه سار خون اوزره پرند بنفشه فامدن  
بر سایبان کبود رنگ افراخته قلمشدر هر مژگان ایسه تراشه خون جگر له بر نهال ارغوان  
واشک خون آلود بر سیل روانه دونمشدر نیاز مندز که دست نسکه بردخی اول بنفشه پیرای  
باغ نوردن کلچین مشاهده اوله بوندن زیاده شاهد شعله خرام قلم بولاله ستان سخنده  
جلوه کر قلمدی باقی همواره ❖ بیت ❖ خاطرت راهمنشینی بانشاط و بیغمی ❖  
دامنت را آشنایی با کلی بخار باد ❖

❖ جمالی زاده یه منصب تبریکنه دائر و شوق و غرامی مشتمل مکتوب یلنظیر لریدر ❖

❖ ماذا اقول ومال الناس من صفة ❖ محمودة قط الاوقدر کبت فيه ❖  
❖ کالشمس کل الوری من فضله اقتبسوا ❖ الکاف زائدة لا کاف تشبیه ❖  
جوهری خرد خرده دان که حکاک چالاک دست مروارید بلاغت و بیاندر دریچه  
کنجینه حکم یعنی شکاف قلم خجسته رقدن جواهر کرانمایه مدیحه جنابلر یند مائل بر در  
نظیم وجوده کتورمک و معرف ناطقه که دلال بندرگاه آمد شد اسرار غیبیه در خزانه  
واردات الهیه اولان صندوقه دوات فرخنده سماتدن لالی مناقب ستوده زینه مشاکل  
دستگاه تجار بلاغت بر شجر اغ عالم تاب یتورمک محض خیال باطل و اندیشه بی طائل  
اولغین تیشه کان کن اندیشه مسادفه سنکپاره عجز و قصور دن رخنه خلل بولمشدر  
وشتاور محیط فکرت که غواص قلم بلاغت در غرقه خیراب کرداب حیرت اولمشدر  
عندلیت مدیحه کوی زبان بستان سرای براعتده بونوعه بنیاد نغمه عجز ایلر که ملحوظ  
اولان معانی ممکن دکل بیانی سویدان قلب پر خونکه چکیده قلم صنع پرورد کار در معلم  
اول قوای مدر که ایکن همواره آغاز خطبه قصور ایدوب در که ❖ بیت ❖ وما انا الا  
قطرة سحابه ❖ ولواتی الفت الف کتاب ❖ الحق فراخور ذات مفاخر مآثر لری اولان  
مدیحه بدیعه داخل اندازه دانش دل بی غش اولمدیغی و منیحه حوزه وسع و طاقت  
طبع اولان نفایس عقود سخندن کردن و کوش عرایس جمال مناتب حمیده لری زیب  
زینت بولمدیغی درجه تحقیقه اولغین اجتهاد عاجزانه مه عنان کیرشبد یرمیدان اولوب ناچار  
سمت عرض مرآه اماله لجام قلمدی ❖ بیت ❖ ما کلف الله نفسا فوق طاقتها ❖ ولا تجودید  
الابماتجد ❖ چهره کشای سراری سرار عالیشان اولان سلطشان غیبان جنابنه  
معلومدر که اول دمکه اقتضای روز کار چیره دست برله شیرازه مجموعه صحبت ملاقاته  
کرلاک تفرقه یتدی دست برد صرصر غم اوراق جریده مذاقی پریشان یتدی بوغم  
فراقکه مصادف جان غمنان اولدی اساس آسایش اجلال تمام بولدی اولادیده  
برخون که نرکس شکوفه زار بنیان پیر تاثیر تلخابه اشک حسرتدن ضریر و علیل قالدی



کلیک زبان که اهل باره حقه لسان در بنیاد نغمه سخن سراییدن قالدی باغبان گلشن سرای  
 جنان که جاندر کلدسته بلاغت بسته افکار بدیعہ بی زیور طامحه سراچه نسیان قیلدی  
 قوه مخیله که صورت باز حیمه خیالدر ضعیف فتیله روغنندان فکر تدن عجز صور تکرین  
 کوستر اولدی بو حاله قریب کره قضادن شیشه خاطره بر گروهه پولادنهاد اصابت  
 قیلدی که تصویری آینه صاف صفایه کدر کتورز بلکه قندیل قبه دماغه که جان  
 جهان نمای عقلدرستی یتورر مضمون بو که میوه بخش خسته دلان عالمیان اولان  
 دوحه منصب عایلرینه گروه مکروه سفهادن بر ناقبول بو الفضول کمند نادرست  
 بند تصرف صالمش اول نامزد مناسب جنابلری اولان نو عروس نازنین مناصبک  
 کردن تصرفی ناچختکان خام طمعدن بونا محرم حرم قبول حلقه بازوی آرزویه آلمش  
 جاسوس سامعه اولدمکه بو فجمعه بی مجلس خاص حواسه یتوردی آز قالدیکه عابد  
 سجاده نشین روح محراب جسمانی قالب بدنه تکبیر و داع ایدمه واستاد کاردان طبیعت  
 دکانین طربخانه حواسی پکیده لکن الحمد لله تعالی علی نعماء الخفیه که ناکاه بشیره  
 رقعہ امید بو یله اثاره سکر پاره نوید قیلدی شکوفه فروش فردوس مراد بو یله کلفشان  
 مجلس آرزو اولدیکه اول کلدسته بخش حاجت مندان اولان وجود شریف عالیشانک  
 شکوفه زار منصب اعلالری من بعد دست زده دیگران اولمیه بلکه شهرستان حکومتلری  
 اولان محله هیچ کسک ساعی آرزوسی رهگذر وصول بولمیه حقا که بو پرتو شجر اغ  
 صفا که مشکوه لا شرقیه ولا غربیه ❖ دن اقتباس انوار ایتشدر تابش نورندن  
 باروتخانه دل مدعی ناذانه آتشیاره خبیت یتشدر (قطعه) شکر خدا که شام امید  
 زمانه را ❖ صبح ظفر زمطالع غر و شرف رسید ❖ هر ناوک دعا که کشیدند اهل  
 راز ❖ از بازوی نیاز همه بر هدف رسید ❖ لکن اول ناوک دعا دکل که شرف  
 ملاقات امیدینه هدف اجابته چکله واول تخم آرزو دکل که صحبت تلاقی رجاسنه  
 زمین آماله اکلہ زیر لعبت بازقار خانه روز کار اول نابکار دکلدر که کعبتین امید ارباب  
 اشنیافی موافق منصوبه مراد قیله و نفاق بی وفاق چرخ ناپایدار اول حیلہ گذارمیدر که  
 میانه اصحاب و دادده رقرن شکل اجتماع اوله لکن بحمد الله تعالی سلطان خیال بی مثال  
 نورانی تمثالری خلوت سرای خاص الخاص دله همیشه نزول اجلال بیور مقدمه در  
 خادم دهلیر سینه که خواجه سرای جنادر همواره دیده فرسای جان عزیز اولان  
 پایلرینه یوز اور مقدمه در بیت ❖ قرب جایست مر اباتو و بعد بدنی ❖ همچو در  
 عشق نبی حالت و یس القرنی ❖ چونکه ملاقات صوری محال و تصور وصال محض  
 خیال ایدوکی نقش سکه بالدر لازمدر که سویدای قلبدن ازاله صورت سودای  
 بی مال ایدوب فذلکه سطور خلوص نامه طراز دعا یله مذیل اوله و پیرامن پرنیان پوشان  
 و داد و اتحاد شریطه ثنایه آرایش بوله ❖ قطعه ❖ ویسی سواد دیده یله یاز دعا سنی



✽ اولسون طراز ذیل سخن عنبرین کنار ✽ پیوسته تا که وصف کل گلستان  
اوله ✽ آرایش رقصه کاک مشکبار ✽ اوصاف دلپذیری ارباب نظم ایده ✽  
دیباچه جریده شعر صفا شعار

✽ بو مکتوب بدیع الاسلوب دخی آثار قلم عنبر بارند در که تبدیل طریق ✽  
✽ نیابت ایتمه سنی استعدا ضمننده وزیر اعظمه تحریر اولنمشدر ✽

✽ اگر مجال بود کز زبان همچومنی ✽ حکایتی برساند بیارگاه وزیر ✽  
✽ زمین ببوسد و بعد از دعا چنین گوید ✽ که ای جناب تو بالاتر از سپهر اثر ✽  
✽ مر از طالع وارون شکایتیست عظیم ✽ اگر مجال بود شمه کنم تقریر ✽  
✽ کنون در آینه رأی عالم آرایت ✽ بدین که کار مرا چیست صورت تدبیر ✽

خلق معتدل ترکیب انسانی نفخه ( ونفخت من روحی ) دن نشوه تعین و ظهور  
بولد قد و جوهر کرانه های عقل که شجر اغ کنبینه دماغدر واسطه امور زندگانی  
اولوب کتابه تقدیر هر کسه تمغای ناصیه جبین اولد قد و اراده حکیم علی الاطلاق  
جل جلاله طوائف اهل اسلامدن بر طائفه ک دنیا و آخرتده سرگردان و پریشان  
اولسنی روا کور مش و واضع الاسماء قضایا اناره قاضی دیو نام و یرمش ( قاضی که  
دیدک قصیه معلوم ) بدیهه عقله معلومدر که هر کیم دنیا و آخرتده سر منزل سعادت  
آرزو قیله طریقه قضایه کتمز و منصب قضایی که فی الحقیقه نازله قضادر باعث معیشت  
زندگانی ایتمزیرا قاضی که متولی اوله بهر حال یا عادل مجازی یا ظالم حقیقی اولور عدالت  
ایسه فی زماننا مخالفه دور اصول روزگاردر شائبه عدالت ضمیمه قضایا مرام  
قیلنه البته سبب تزییف کاردر تغیر عقائد خلائق بر مقامه ایرشمشدر که عدالت حکام  
محض زور در زور ایسه وسیله شهرت ظهوردر قاضی که عدالت شعار اوله بهر حال  
سر رشته اسباب معیشتی عقده تعسر بولور و باعث منصب دیگر اوله جق مبلغی  
تحصیل ایسه صبر عاشق شیدا کی محض خیال محال اولور قاضی که افراط جهلندن  
دفع ظلم ظلمدنی لازمه عدالتی بیله مطلقا قوای ذائقه سی لنداید دنیویه دن محروم  
اولد یغندن ماعداد بد خلق و بد زندگانیکله موسوم اولور بلکه حضور عامه خلائقه  
اهانت و اقرانی ایچنده مذمت ایدرر ✽ بیت ✽ بو دردی محنت عدل ایله بیزار  
اولمین ییلمز ✽ عدالت بر بلادر کیم گرفتار اولمین ییلمز ✽ و اصحاب سلطنت که  
صاحب سیف مطلقدر استرفاع ظلم ظالم و استزائه مظالم قیلور سه ✽ قلم انجارسید  
وسر بشکست ✽ واکر العیاذ بالله العظیم ظالم فقرا سوز اولور سه روز قیامت که یوم  
پرلوم ندامتدر تازیانه غضب قهار ظلمه حکامی دمساز ضرب بی اصول ثقیل ایتدکده  
وزبانه سیاستگاه فراغنه ظلم یشه نک اوتار جنک قامت اولان اعصاب و عروقن



زیرویم جحیم و صراطده بر بر سویلند کده اول مظلومان جفا دیدی و ملهوفان  
 ستم کشیده و یتیمان کیسوندان مید و ارا مل هفتاد سیده صد هزار ولوله و فریاد ایل  
 کریه کنان داد خواهان دامن و کریمانه دست تظلم یتور لر سه و کشان کشان  
 محکمه عدل حقیقی اولان حضور رب العزت کتور لر سه معلومدر که حال نیجه اولور  
 خصما که طلب حقوق ایدر لر مقدمات علوم عقلیه و دقایق محاضرات فکریه دن  
 ناشی اوجوبه مسکته ایل ساکت اولمز لر که قاضی زکی انلری جر بزه وقوت مباحثه  
 ایل الزام قیله و کما کان منصب قضا سنده دکل که حجج و عروض باطله و ترتیب مقدمات  
 هائله برله تحویف ایدوب گاه اهانت شرع ایلدی گاه کفر سویلدی دیمکه ابطال حق  
 اولنوب قاضی شاطر مغلطه حیله شرعیه ایل مطالبه خصما دن خلاص اوله  
 ❖ بیت ❖ گوشه راحت ایدی قبرک عذاب اولسه ❖ خوش تفرجگاه ایدی محشر  
 حسابی اولسه ❖ ایمدی سعید مهتدی اول قاضیدر که قضانک بومقوله و رطبات  
 مهلکه و خطرات موله سنی بیل و ملاحظه ایل استخلاص ذمت ایچون اول طریق  
 ترک قیله واسعد السعداء اول صاحب دولتدر که کرداب عمان قضایه دوشمش قاضیدر دن  
 بریسی امید خلاص ایل جبل المتین رجایه تثبیت ایتسه انی ساحل مقصودینه ایلته و خزانه  
 خانه بی بهانه پادشاهیدن ا کا دفع ضرورت بشریه ایچون وظیفه نظیفه که فی الحقیقه  
 حاجتمندان عالمه قصر ایتش اوله احسان ایده و همیشه حاجات نامرادان ایتکله  
 اصحاب سعادت ایچره تعیین خاص بوله اول وزیر عالمگیردر که سر منجوق ریات  
 عظمت و اقتداری موازی سر علم مهر در نیجه وزیر آصف سلیمان نظیدر که مهجبه  
 سنجاق وقاری محاذی هلال قبه سپهر در علم الیقین معلومدر که اکر اول وزیر  
 پاکیزه تدبیر بنم عندلیب جانم دامگاه قضادن رمیده خاطر اولدیغن بلیدی بهر حال  
 گوشه باغچه صدقه سلطانیده جایگاه و آشیانه و آب و دانه ارزانی قیلوردی و اکر دردی  
 دوا ی قضادن خاطر خسته اولدیغن رسیده مسامع کر مکار یلری اولیدی دار الشفاء  
 مکارم پادشاهیدن از الیه امراض فقر و فاقه ایده جک حب شفا بخش عطایا که قراضه  
 سیم علوفه ملفوفه در احسان ایدردی ❖ بیت ❖ صوچ بنمدر که اکا حامی عرض  
 ایلدم ❖ آرزوی دل بیچاره ندر سویلدم ❖ چونکه ابکار طرفه عذار افکار رفع  
 برقع حجاب ایدوب جواهر زاهره مقصود و مرا می منظومه سر رشته عرض حال  
 ایتدی و سر پرده عصمت خانه درونده پرورش بولان و عروسان پاکیزه جمال  
 مراد ارسته حلّی ملی تضرع و نیاز اولوب محل ظهوره یتدی یعنی صحیفه کافور  
 التباس قرطاسه صندوقه مداد دن نیکنه ریزه ریزه عنبر تمنی بی پریشان قیلدی و صفحه  
 بیاض تقریر و دو کیلان نقطه اشکال تحریر دن نیکنه مافی الضمیر بیلدی لایق دوات  
 قاهره و مناسب سعادت باهره بودر که تصدیق لاف و کداف چا کری و اجرای قاعده  
 سنده وری قیلنوب بو آتشدان قضاده سوخته خاطر سنده نیاز منده شر بتخانه الطاف



شامله الاطراف لرندن کاسه آب حیات التفات مبذول قیلنه تا که از دخام امراض  
مختلفه قضا دن ضعیف و مأیوس العلاج اولان دل درد مند محتاج قوت قوت حیات  
بوله ﴿ بیت ﴾ آکلندی مرادی دل ویسی ضعیفک ﴿ باقی نه دیم کا ولیسه  
معلوم شریفک ﴿ منشآت ویسی ﴾

﴿ نوع ثالث حفظ لسانده حفظ اعضا و حفظ اوقات و حفظ اعمال و حفظ احوال و حفظ حیات  
و سلامت آفات و ستر اسرار اولدیغنی یلدریر ﴾ ای عزیز معلوم اولسونکه اهل الله دیمشدر  
صمت افضل علومدر و حکمت حی قیومدر لسان نطق ایسه کوکل صمت ایله و لسان صمت  
ایله کوکل حکمت سویله کلام فضه اولسه صمت التون اولور نیجه ناطق نادم اولور  
و هر صامت سالم اولور صمت لسان الفاظی ترک ایتکدر و صمت قلب اعتراض و اعراضی ترک  
ایتکدر صمت قلب مورث حیدر و حیرت موجب واردات و کشف بغتدر عارف صمت  
ایله مالک اولور و عاشق صمت ایله هالک صمت افضل خصال مؤمندر و اکثر عافیتی  
مؤمندر و بلا نطق ایچنده متعیندر صمت ایله کوکل کوزی کشاده اولور و عقل ازدیاد  
و راحت بولور همان البته لسانکی ضبط و بطایله که انک عصیان و طغیان سائر اعضا دن  
اشد و اعظدر همان البته لسانکی قید و بند ایله که انک فساد و عداوتی جمیع اعضا دن  
اضر و اعدر پس حفظ لسان جمله دن اهم و الزمدر زیرا که حفظ لسانده حفظ اعضا و ار در  
نتکیم خبرده کلمشدر که آدم اوغلی صباحه داخل اولدقده جمیع اعضاسی لسانده الله  
ایچون مستقیم اول دیرلر زیرا که اگر سن مستقیم اولور سن بزدخی مستقیم اولور  
و اگر سن منعوج اولور سن بزدخی اعوجاج بولور ز دیرلر پس نطق لسانک اعضای  
انسانه توفیق و خذلان ایله تأثیر بلیغی ظاهر و نمایاندر نتکیم بالاده ذکر اولنان حدیث  
قدسی دخی بومعنایه دلیل و برهاندر که ای آدم اوغلی اگر یور ککده بربر کلاک و بدنکده  
برضعیفلاک ورز قکده برنقصان بولد کسه تیقن ایله که مالا یعنی کلام سویلشن اول  
کلامک تأثیرندن بو بلالره دوشمششن و حفظ لسانده حفظ اوقات هم وارددر زیرا که  
انسانک اکثر تکلمی لغویاتدر که جمله سی تضییع اوقاتدر (شعر) و اذاما هممت بالخوض فی الباطن  
﴿ طل فاجعل مکانه تسبیحا ﴾ و اغتنام السکوت خیر من النطق وان کنت فی الکلام  
فصیحا ﴿ و حفظ لسانده حفظ اعمال دخی وارددر زیرا که چوق سویلین غافل البته غیبت  
ایدر پس انک اعمال حسناتی اعداسنه کیدر نتکیم بر عارف دیمشدر که اگر غیبت ایلسم  
کندی والده مک غیبتن ایدردم تا کیم حسناتم اکا کیده ایدی و حفظ لسانده حفظ احوال  
دخی وارددر زیرا که لسان مفتاح خزانه عرفاندر پس کثرت کلام ایله کوکل جواهر حکمتدن  
خالی قالور و نااهلی عندنده ضائع اولور و حفظ لسانده آفات دنیادن دخی سلامت  
وارددر نتکیم دینلشدر که اول کلامی لسان کتورمه که اول موجب کسر انساندر



زیرا که بسط لسان فسادش اندر لسان مکنیده ارسلاندر وصمت اندن امن واماندر و حفظ  
لسانده افات آخرتدن دخی سلامت وارد در تکیم حدیث شریفده وارد اولمشدر که  
نامی یوزی اوزره ناره القا یتز الا که حصاید السنه لری ایدر پس حفظ لسان سلامت  
هر دو وجه اندر و سرمایه اهل عرفاندر و حصن متین دل و جاندر تکیم حضرت داود  
علیه السلام حضور ینه لقمان حکیم کلوب ❖ کورمشدر که انک یدنده آهن بولاد  
ملایم بال مومی اولوب اندن حلقات صفار متداخله ایله بر صنعت عجیبه قیلمشدر و لقمان  
انک بو فعلندن تعجب ایدوب اول حلقات منسوخنه ایچون اولدیغن صور مق مراد  
ایلد کده لقمانک قلبنده اولان حکمتی انی سؤال ایتمکدن منع ایتمشدر پس وقتا که اول  
خلیفه الله اول معجزه سین تمام ایدوب انی کیوب لقمانه خطاب ایتمشدر که بوزرح انسان  
ایچون حین محار به ده بر متین قلعه در و لقمان حکیم اکادیمشدر که بنم بو صمته نه دیر سنکه  
سؤال ایتدم پس حضرت داود علیه السلام بیورمشدر که صمت بر حکمتدر که فاعلی  
از در و دل و جان ایچون حین محاورده بر حصن حصین ممتازدر صمت ایدن سایم و بی  
باکدر وزات لسان اشد هلا کدر اگر کتم ایدرسن سرک سرور کدر و اگر افشا ایدرسن  
ضرر و ثبور کدر سرک اسیر کدر و سن امیر یسن اگر افشا ایلد کسه سن انک اسیر یسن  
سوز و ار خلق ایچنده سوز و ار خلق ایچنده هر مقامک بر مقالی و اروهر امرک بر مأل و ار

❖ نوع رابع تقلیل مقال مورث عز و اقبال و متج نیل کمال و موجب حفظ احوال اولدیغن  
بیلدیرر ❖ ای عزیز معلوم اولسون که اهل الله دیمشدر که لسانکی ذهبک کی مخزون ایله تا کیم  
نکته ایله قلبک مخزون اولسون لسانکی محبوس لب و دندان ایله تا کیم سنی مقید بند و زندان  
ایتمسون اگر کلامی قلیل و صمتی طویل ایدرسن البتده سترو سلامت یولنه کیدرسن  
کشی کند ی لسانی التنده کیر لشمشدر هر نه کیم لسانه کلور اول سوز زیانه کلور انسانک بلا سی  
لسانندن اولور (یت) باغله ای حق دهانک خاموش اول مثل صدف ❖ کیم زیانکدر زبانک  
خصم جاندر شبهه سز نیچه لغو صاحبنه نقصاندر و نیچه لسان صاحبنه دشمندر مجلس  
امانتدر و نقل مجلس خیانتدر صلاح انسان حبس لسان و بذل احساندر اول فکر ایله  
بعده سو یله لسان عاقل قلبنده اولور و قلب احق فنده اولور حتی سو یله غنیمت بوله سن  
و باطلدن سکوت ایله امین اوله سن هر انسان لسانیله مؤاخذه اولور و کتم اسرار ایله  
هر مراد النور تکیم بر کیجه حال د یلنجه بر بلبل بر کلشنده بر شاهین شاهه فر یاد ایله  
سؤال ایتمشدر که ننددر که سن و بن قوش نو عندن ایکن سنک یرک ید سلطان بنم یرم  
خار کلستان اولمشدر سن کوزل که کلیکک یورک و بو کر کن اکل ایدرسن و هر طیری  
صید ایدوب مراد اولور سن و سلطان عننده قدر و قیمت بولور سن و سلطان طیور اولور سن  
و بن هر کیجه فر یاد و آله تاسحر گاه کشاد غنجه کلی بکارم بن او یومد قجه اول آچلمز



اویانور مکہ کل اچلمش بن انک اچلدیغن کورہم بر کرہ مرادیمہ ایرہم بی مراد اولوب  
 خارزارہ ایچندہ زار زار اغلرم قانلیودوب یورکم طاغلرم پس شاهین انک جوابن  
 شاهاتہ ویرمشدر کہ بن بیک مراد الورم و برنی سویلم سن ایسہ بر مراد المزدن بیک سویلرسن  
 انک ایچون بی مراد قالوب اہ ایلرسن ( بیت ) سکوت ایلہ حتی کہ صمت ایچرہ وار ❖ نیچہ  
 بیک لسان و نیچہ بیک بیان ❖ خیر کلام لفظی قصیر و مفہومی کثیر اولاندرو نیچہ سکوت  
 ابلغ کلامدر نیچہ کلام امثال سہامدر نیچہ انسانی ہلاک ایدن لساندر نیچہ نعمتی  
 سلب ایدن کلامدر زات لسان زات قدمدن عظیمدر و جرح لسان جرح سناندن  
 الیمدر اول صمت کہ سکا سلامت و وقار در اول سوزندن خیر لیدر کہ ندامت و عار و یر  
 حفظ لسان رأس ایماندر کلام ایلہ انوار ذکر اللہ کوکلدن زائل اولور پس کثرت کلام ایلہ  
 کوکل مظلم قالور طوبی، اکا کیم لسانہ مالک و ہر حالہ شاگرد عارف کہ اہل حال اولور  
 انک لسانی لال اولور ( بیت ) حتی بحث ایتہ اوزات پاکدن ❖ حیرتہ وار کیم یوغ اندہ  
 انجات ❖ لسان حفظ ایدن نفسنہ اکرام ایدر سرنی کتم ایدن روحنہ احترام ایدر  
 صدر عارف صندوق سر در صمت جاہل کندوی ستر در دینلنہ مالک اولمینک ایسی ندمدر  
 وایکی لسانک بری دخی قلمدر لسان حفظ ایدن امین اولور و حکمتلہ نطق ایدن عزت بولور  
 ناسہ بیلد کلرک سویلہ بیلد کلرک سویلمہ انلری کندیکہ و اہل عرفانہ بار کر ان ایلمہ بدن  
 و لسانک لہ ناسہ مقارن اول و دل و جانک لہ انلرہ مباین اول ( بیت ) ضیای شمس خفا فیش  
 نیلرای حتی ❖ بوسر وحدتی کثرتہ ایتہ ہیج افشا ❖ بیلم دیمک نصف عیوب  
 اورتمک تمام حلمدر لا ادری لفظنی ترک ایتک جنک وجدال سمتنہ کتمکدر عاقل ہر بیلدیکن  
 خلقہ ناقل اولز تکذیب اولنہ جق کلامی خلقہ سویلمہ و ہر بیلدیکن حکمتی اظہار ایلمہ  
 ( بیت ) کوکل صقین شکر از مہ دہان رنجورہ ❖ کونش جمالی بیہودہ سویلمہ کورہ ❖  
 عورت و عبدینہ کشف راز ایدن انلرہ عبد اولوب نیاز ایدر سرنی خلقہ افشا ایدن  
 نفسنی عذابہ القاید فقرنی خلقہ اظہار ایدن قدرنی بی اعتبار ایدر مالک لہ سخی اول  
 دریغ ایلمہ سرکہ بخیل اول صقین سویلمہ مالنہ بخیل اولان ذلیل اولور سرینہ بخیل اولان  
 جلیل اولور کندی سرنی حفظ ایتین احقدر اول سنک سرنی صقلیہ جفی محققد  
 بر سرنی کشف ایدنہ بردخی سویلمہ کندوی بیلز را ایچندہ کندیکی ذلیل ایلمہ ( بیت ) همان  
 سر صقلہ اولسون سر سلامت ❖ کہ قلبی صافی پر اسرار اولاندرو ❖ واقف اسرار اولمینہ ❖  
 ہتک استار ایلمہ ہر کسک ہر سوئلنہ جواب سویلمہ صقین کسہیہ سو خطاب ایتیمہ سن  
 تا کیم ہر کز بد جواب ایشتمیہ سن صقین جاہلہ عقلی یتدیکی حکمتی سویلمہ کیم سنی  
 تکذیب ایلمسون زیرا کہ حکمتک سنک اوزرنده حتی وارد و حتی بودر کہانی نا اہلندن  
 حفظ ایدہ سن تا کیم ضایع اولسون ( بیت ) خبردار ایسک اسرار ازادن حتی ❖  
 صقلہ سرنی دیمہ ہر بر خبرہ طوی ایتہ ❖ تکیم خبردہ کلشدر کہ انجوی افواہ کلابہ



آئینه سز و جواهری اعناق خنازیره آئینه سز زیر که حکمت انجو و جواهر دن کو بکدر  
وانی انکار ایدن کلب و خنازیر دن الیقدر سری صدرینه صغین امین اولمز و کذاب  
اولان هرگز خیر کورمز انسان برنسنه یی کتم ایتمز الا که صفحه وجهنده کورینور و فلتات  
اسانندن یلنور اگر نطق فضه اولور سده صمک التون اولور

﴿ معرفتنامه ﴾ ابراهیم حقی ﴿

معلوم اوله که ملک و سلطنت معناسنه اولان دولت برنوع آیین اوزره اجتماع بشریه دن  
عبارتدر اسرار طبایع اشیایه واقف حکمت نظریه و عملیه دقایقنه عارف اولان محققار  
دیدیلر که انسانک اجتماع حالی انفرادی حالنه مماثل و اکثر امورده بربرینه موافق  
و معادل ایدیکی امعان نظرایله حدبداشته و اصل اولمشدر نظم جلیل (و خلقناکم اطوارا) ده  
بو معنایه ایما واردرد دیمشدر انسانک عمر طبیعیسی اوچ مرتبه اوزره تقدیر اولنور  
سن نمو و سن وقوف و سن انحطاط لکن قوت و ضعف ترکیب سببیه تفاوت اوزره  
اولوب شخص ضعیف البینهک سن انحطاطی قوی التركیب اولان کسنه دن مقدم  
اوله کلمشدر پس انسانک دولتدن عبارت اولان اجتماع حالی دخی اوچ مرتبه اوزره در  
زمان نمو زمان وقوف و زمان انحطاط بو اوچ مرتبه کذلک تفاوت اوزره در اول اجلدن  
سلفده بعض جمعیتلر چوق کچمیوب زمان انحطاطه واردی و نیچه سی آفته اوغرایان  
یکتیلر کی سوء تدبیر آفتی ایله زمان وقوفده کتدی و بعضیسی بودولت علیه کی قوی  
البنیان راسخ الارکان اولمغله امتداد بولوب زمان وقوفی کچ کچدی و بو ازمه ثلثهک کرک  
انفراد و کرک اجتماعنده علامتلی واردرتدبیر امور جمهوره مباشر اولان مهره مدبرین  
بولوب اصلاح مزاج و سایر علاج تدبیرنده اکا کوره عمل ایدر لرنته که معالجه جسمانیه  
و روحانیه ده قاعده کلیه در و الاسوء تدبیر ایتش اولور لر زیر شیخ فانییه اولان علاج  
صبییه ال ویرمز و عکسی دخی مفید اولزنته که تفصیلاتی کلسه کرکدر و هیکل مخصوص  
انسانی عناصر رابعه طبایعنده اولان اخلاط اربعه دن تألیف و ترکیب اولنوب حواس  
و قوی و اسطه سیله زمام تدبیر و تصرف نفس ناطقهک کف کفایتند ویرلیدیکی کی  
هیئت اجتماعی بشریه دخی ارکان اربعه دن تألیف و ترکیب اولنوب حواس و قوایه  
نظیر اولان اعیان دولت و ساطتی ایله لجام تدبیر و تصرف نفس ناطقه مقامنده اولان  
سلطان عالیشانک دست حکمنه و ابسته قلنسدر ارکان اربعه دیدیکمز علما و عسکر  
و تجار و رعایا در زمره علمابنده خلط محمود اولان دمه مماثل اولوب قلبکه منبع روح  
حیوانیدر و روح حیوانی بر جوهر لطیفدر که غایت لطافتندن بدننه بالذات جریان ایده میوب  
دمانی حامل اولوب عروقدن اطراف اعماق بدنه کتوروب جمله اعضا و جوارحه ایصال  
ایدر لاجرم بدن انکله حیات بولوب منتفع اولدیغی کی علماء شریعت و حقیقت دخی  
روح حیوانی مشابه سنده اولان علم شریفی مبدأ فیاضدن بالذات و یا بالواسطه حامل



اولوب اطراف بدن مقامنده اولان امیلره وعوامه ایرشد پروت بدن دخی روح حیوانیدن منتفع اولدیغی کبی انلردخی علمدن منتفع اولورلر روح حیوانی قیام بدنه سبب اولدیغی کبی علم دخی دوام جمعیه سببدر وعسکر بلغم مقامنده و تجار صغرایه ورعایا سودایه مشابهدر که طبیعتی ترابی وسفلیدر بو اخلاط اربعه کسروانکسارایله بربرندن منتفع اولوب مزاج بدن صحت بولدیغی کبی اصناف اربعه بالاطبع مدنی اولمق حسیله بری برندن منتفع اولوب نظام جمعیت ومزاج دولت صحت بولشدرو بو اخلاط اربعه اعتدال اوزره اولمق واجبدر تا که مزاج بدن مختل اولیه اگر کمیت ویا کیفیت جهتندن بری رداءت پیدا ایدوب فاسد ویا غالب اولورسه اخراج وتسکین ایله تدارك لازم کلور پس رعایا که سودا مقامنده در طب وتشریحده ثابتدر که طعام هضمندن صکره براز زمان معدهیه غدا وارد اولماسه طحال براز سودا دوکوب بوش قالمسون وبعض خلله مؤدی اولسون دیوتدارك ایتدیکی کبی معده مقامنده اولان خزینة عامریه دخی غدا مشابه سنده اولان مال وارد اولیوب تهی قالدقده رعایا فقراسی اموال دوکوب هر بار خزینة بی بوش قومیوب تدارك اوزره اولورلر اما انلر مقهور ومنکسر اولوب کار وکسبدن قالدقده بوتدارك میسر اولیوب خزینة بوش قالور اول اجلدن سلاطین سلف رعایای ظلمه دن حمایت ایدوب قصبات وقرانك خراب اولسنه ورعایادن بری شهر کلوب ساکن اولوب زراعت وحرثندن قالمسنه رضا ویرمز لرایدی و بدنده سودا غالب اولدقده وسوسه ومال خوالیامتلاو امراض یابسه ظهور ایدوب خیالات وسهر روحی ضعیف وبدنی نحیف ایتدیکی کبی وسعت حال وترفه رعایا اعتدال دن بیرون اولسه بریره جمعیتلری ونزاع وغوغالری ظهور ایدوب تکالیفده حکامه سرکشاک ایدرلرولکن رکن سودانك کندو طبیعتنده تغیر وتعفی نادر واکثر یافسادی خلط آخر احتراقندن صادر اولوب امراض سودویه دکه حالدیه مهلاک اولدیغی کبی رعایادن مملکتته ضرر متصور دکلدر کاهیجه تهیج وفورانله صیاح وهذیانلری اولورسه اندفاعی آساندر تجار که صفرا مقامنده در خلط صفرانك اعتدالنده لطایف کیموسك انهضامی کشایف واثقالك اندفاعی خدمتی مجرای طبیعی اوزره اولغله بدن عافیت ایله خوش حال اولدیغی کبی تجارك اعتدال حالی مصالحك نظامنه واخذ واعطا ومعاملاتك دوامنه وملا بس ومطامعك وفرتیه نظام ورفاه جمعیه سببدر چنکه صفرا ردی ومتعفن ویا حید اعتدال دن متجاوز وغالب اولسه بدنده حیات رديه وصفرة بشره احداث ایدر کذلک تجار واغنیایه ضرر وانکسار ایرشسه ویا خود مختکر ومرای طماعلر کبی کتم حقوق وحبس فضول ایله دنیا پرستلر افراط ایله اعتدال دن عدول ایتسه لر حمای فقر ومجاعات ایله خلق عالم زبون وکودت افلاس ایله جمال مملکت دیگر کون اولور وعسکر که بلغمه مشابه ومعادلدر بلغمک بدنده نزومی ونفعی وکثرتك ضرری وطغیانی کدری نیجه ایسه عسکرک دخی اولیجه در صحت بدن نیجه اخلاطك اعتدالند موقوف ایسه نظام جمعیت دخی اصناف



اربعه نك اعتدالنه منوطدر اگرچه طرفينه دخی اعتدال حقیقی متصور د کلدرا لکن  
 کسرو انکسار بر مرتبه حددن افزون اولیه که عرض مزاجدن چیمغله صخته خلل  
 کلیه چنان انسان سن وقوفی تجاوز ایسه برودت و رطوبتکه بلغم خلقتی و پیرلک  
 طبیعتی در لاجرم اول سنده بلغم غالب اولوب حکمی اجرا ایدر هر بار اخراج و تسکین  
 اولند چقه طبیعت کیوتولید ایتک اوزره دروسایر اخلاط دخی اکامنتلب اولمغه میاده در  
 کذلک زمان وقوفدن صکره هر دولتک عسکری زیاده اوله کلمشدر نمقدار یوقلنوب ضبط  
 و تحریر اولنور ایسه دخی خلق بالطبع عسکری یلکه میل ایدوب هیچ اولمز ایسه کسوه  
 و قیافتده تقلید ایله کتدیکه چوغالمقده در امدی اول سنده اولان کمنه بلغمی بالسکلیه  
 مغلوب ایدوب مغلوبیتی حالنده طور غورمغه سعی ایتسی عبثدر بلکه اول حالده  
 اولانه مناسب بودر که بلغمک ضرر سنز غلبه سی مرتبه سنه راضی اوله چون اخلاط  
 اربعه درت صنفه مشایه اولوب نفس ناطقه سلطان وقوت عاقله وزیر و مدبر که مفتی  
 مقامنده در و بدنده معد خزینه وقوت ذایقه صراف ووزان و جاذبه محصلار و ماسکه  
 خزینه دار لر وقوت هاضمه دفتر داران و کتاب و قوای دیگر سائر ضابطلره نظیر دوشوب  
 معده یه وارد اولان غذا قوای مذکوره تصرفله محملنه توزیع و تقسیم اولنوب بدن  
 غذا لندیکی کی جمله اصناف دخی خزینه دن بالذات یا بالواسطه منتفع اولوب بکنور لر  
 چنکه ذکر اولنان قوتلر اعتدال اوزره اولیوب برینه ضعف و یافتور کله مزاج مختل  
 اولدینگی کی طوایف مزبور خیانت و فساد اوزره اولور لر سه مزاج دولته ضعف  
 وفتور کلور و زمان وقوف آخر لینه دکن بو قوتلری قویدر صکره تدریج ایله فتور کلوب  
 هضم عملنده قصور ظهور ایدر چون هر صنفک تمدن و اجتماعی حالنده مراتب اعمار  
 و اطواری واحد بالشخص انسانینک مراتب اعمار و اطوارنه موافق اولوب هر انسانک  
 سن نموسن وقوف و سن انحطاطی کی هر دولت و جمعیتک اطوار ثلثه سی اولدینگی  
 معلوم اولدی (خفی اولیه که) اطوار ثلثه دن هر برینک مقتضیاتی طور آخر ملزوماتنه  
 مغایردر (مثلا) انسان حال صغرده پدر و مادر تربیه لینه محتاج اولدینگی کی  
 هر دولتک قیام و ظهوری تعصب و تعاون رجادر بعده هر کس اعمال فکر و رأی ایله  
 اسباب معاشه دسترس بوالدینگی کی هر دولتک نظامی دخی قانون عدل ایله جلب  
 اولنان خزاین و اموال ایله منتظم الحال اولور و هر انسان سن نمودنچه تر قیدن خالی  
 اولماز سه هر بر دولتک اوایی اواسطنه قریب زمانه دکن مال و رجال و شوکت و اقبال  
 جهتندن یومافیو مانشو و نماده در هر شخص سن وقوفده کمالن بولوب نیچه بر حال  
 اوزره طور رسد هر جمعیت اواسطنده زمان مدید بر قرارده اولور و بروفق (خیر الامور  
 اوساطها) حقه قایل و عدله مایل ملوک هر دولته بو خلاله دوشر و هر انسان سن  
 وقوفدن کچوب سن انحطاطه وارد قیده حواس و قوی تنزله آغاز ایدوب کتدیکه



ضعف پیری نیجه غالب اولورسه هر قومك اجتماعی حالی اواسطدن اواخر وارنجه زمان انحطاطده تمام بومنوال اوزره اولور یعنی منشأ حواس وقوی اولان حرارت رطوبت غریزه نقصانه توجه ایتکله ضعف هضم وقصور تغذیه بدنن عناصره وهن وقوایه فتور کلدیکی کی حرارت ورطوبت عزیزیه مقامنده اولان وکلای دولت وسائر قوای بدنیه مشابه اولان ارکان وخدمه سلطنت تغیر کیفیت جهتندن نقصانه یوز طوتمغله قصوررأی وسوءتدبیردن اخلاط اربعیه تشبید اولنان اصناف چار کانه نك حالی مختل اولوب رداءت کیفیت تزییدی شدت اختلاله علت کلمشدر وهر شخصك علامت شیخوختی صایح وصقال اقلیغی اولدیغی کی هیئت اجتماعیه ده زینت ظهوری نشانه انحطاطدر زمان وقوف انقضاسندن صکره زینت ورفاهیه اعتنا آثارا زیاده ووضع قدیم مهجور اولوب هر کس توسیع دایره شان وعنوان ایتکله باشلر وکتدجکه اواسطناس مسکن ولباسنده وزرایه بلکه ملوک مشارکت رتبه سنه قریب اولوب انفراد واجتماعك مصرفی ارتوب کتدجکه تزیید بولمقدن خالی اولمز وارد قجه ذوق وراحت عرف وعادت اولمغله رجال حرب حضور حضری کدر سفر اوزرینه ترجیح ایده رك مستلزم انواع مسقت اولان مجاهده بی حراست وحایتده قصور ایدرا کرچه ( لکل اجل کتاب ) فحواسنجه هر ظهور وانقضا محکمه ازل وآزالده فضا وامضا اولنمشدر لکن آیت کریمه ( یحوالله ما یشاء ویثبت ) مفادی اوزره قضاء معلق ثابتدر پس بوتقدیرجه هر جمعیت زمان انحطاط نهایتنه وارمق لازم اولمیوب بلکه تناول سم ایلسه قبل حلول الاجل کیرواجلی ایله اولدیکی کی سلفده قانون عدلی اعمالده اهمال ایدوب جور مسلکینه کیدن اصحاب دولتك شوکتلری قرین زوال اولدوغی معلومدر وهر شخصك که سن انحطاطی نهایتنه وارنجه سلامتله بقاسنه ارادت علیه الهیه تعلق ایلسه اول شخصی بنفسه حفظ صحت اسبابنه مهتدی یاخود برطیب حاذقک تدبیرنه مقارن قلدیغی کی بردولتك غایت انحطاطه بلوغی مرادالله اولمق دخی ملوکده رشد وسداد ویابرطیب حاذق مقامنده حسن تدبیر اصحابی وکلایه اقتران واسناددر وهر دولت بقاسنك شرطی سیاستدر بودخی یاعقلی اوله حکمت عملیه دن برقسم اولان علم سیاست ملوک کی یاشرعی اوله کتاب الله وسنت رسول اللهده وارد اولان احکام الهیه کی سیاست شرعیه سیاست عقلیه دن مغنی اولمغله ملوک اسلامیه دستور العملدر هر پادشاه دل آگاه ووزیر صاحب انتباه که انکله عامل اولدی تأیید الهی ایله منصور اولوب سعادت دارینه وصول بولدی معیار شرع وعمله اعتبار ایتیوب داعیه نفس ایله ظلم و هوا و هو سه اتباع ایدنلره غیرت الهیه ظهوری ایله مجازات اوله کلمشدر ملوک کفارک بقاء دولتلری مدار سیاست عقلیه لینه اعتبارلریدر دنیا کفر ایله یقلمز ظلم ایله یقلور دیدکاری بوندن نشئت ایتمشدر وهر وضع



وحرکتکه دائره قوانین شرع و عقاید خارج اوله لابد زوال واختلاله مؤدی  
اوله کلمه شد بر بوفصلده بومحله کلجه ذکر اولنسان فوائد حاجی خلیفه اقوالندن  
منتخب کلمات در بعض فوائدایله تمزیج و سیاق دیگر اوزره ترتیب و تحریر اولمشدر  
❖ نعیاتاریخی ❖

❖ کتاب اولک ایکنجی فصلی سکان بریه و قبائل وحشیه نك احوال و آثار و اوضاع ❖  
❖ و اطواری بیانی متضمن اولوب بوفصل دخی فصول کثیره و اصول عنیده بی محتوی ❖  
❖ و هربری طوایف مزبور نك احوال مخصوصه سندن بر امرک بیانی حاویدر ❖

### ❖ فصل اول ❖

معلوم اوله که معموره ربع مسکونده اقامت و اجتماع ایدن طوایف امم و افرادینی  
ادمک حال و شانلرینک اختلافی تدبیر امر معاش و تحصیل مایه انتعاشده سالک  
اولدقلری مذاهب و مسالکک اختلافنه منوط و مربوط اولوب ماکل و مشاربده  
و مساکن و ملابسده اوضاع و اطوار مختلفه لری طلب اقوات و ارزاقده توسل ایتدکلری  
اسباب اکتسابه تابعدر زیر وجه ارضدن افراد بشرک علی الانفراد تحصیل معاشده  
قوت و قدرتلی قاصر اولوب ابنای جنسیله تعاونه محتاج اولغله معموره عالمده علی  
وجه الاجتماع سکون و اقامتلینی موجب اولوب و اسباب کسب معاشده طبقات  
ناس متعدد و مختلف اولغله هر طائفه امر تعیشده سالک اولدیغی مسالکک مقتضاسنی  
اجرایه مجبول اولمشدر و حوایج ضروریه تحصیل سائر دن اهم و اقدم اولوب و طریق  
حصولی زروع و ضروعه محصور و اهل بادیه نك وجوه معاشدن قسمتی بوایکی  
امرک برینه مقصور اولغله بریه و بادیه ده سکون و اقامتلینی ایجاب ایتمشدر زیرا اصحاب  
زروع و ضروعک کسب معاشده توسل ایتدکلری اعمالک حصولی زراعت و حرشته  
صالح اراضی منبتیه ورعی مواشی به لایق اولتو صولو مرعاه محتاج اولوب مجمع انام  
و محل زحام اولان بلاد و امصارده انلرک مصالحنه کافی مزارع و اراضی موجود  
اولماغله ارباب زروع و ضروع اقامت حوایج معاش و تکمیل مایه انتعاش ایچون  
بالضروره دشت صحرا و مداین و قریه منتشر اولوب بریه و بادیه بی مقرومشوا و مسکن  
و مأوی اتخاذا ایلدیلر بو طائفه اهل بادیه در که امر معاشده مکسب و مساکلری  
مقتضاسنی اوزره خلاصه کسب و کارلری قدر حاجته مقصور و سدر مق مرتبه سنه  
محصوردر ❖ اما اهل بادیه نك امر تعیشده ضرورت و مضایقه لری دفع اولوب کسب  
و کارلرنده قدر حاجتدن فضله امواله نائل و ثروت و غنایه واصل اولدقلرنده تحصیل  
معاشده ربح و عنادن سالم و راحت و حضوره عازم اولوب تمهید اسباب عیش و صفایه  
اقدام و ترتیب لوازم یسر و غنایه اهتمام ایلرلر شوپله که اطعمه و اغذیه لرنی توفیره همت



و طبع و تربیه ده کمال دقت ایدوب تحصیل نفوس و عیال ایچون انشای مدن و امصار  
و توسیع بیوت و منازل صرف درهم و دینار ایدر لر مکنت و قدرت لری مزید اولد قجه  
ماکل و مشار بده و مساکن و ملا بسده همنلری مبلغ کماله بالغ اولوب توفیه اطعمه نفیسه  
و تدبیر اغذیه لذیذه ده تشمیر ساق اقدام و حریر و دیبا و اطلس و کهمخادن مصنوع  
البسه فاخره نسجنده شد نطابق اهتمام ایلوب ستون موزون و رخام سیمکون ایله  
اخشاب کونا کوندن معمول قصور عالیه و منازل رفیعہ بنا ایدر لر ثروت و غنای  
درجه علیای کماله بالغ اولد قدہ استیفای حظوظات نفسانیه ده ترقی ایدوب رسم  
اوضاع بناده ماهر و طرح ابنیه ده مهارتی ظاهر استاد لک اجتماعیه خلال ریاضده  
واقع حیاضه اجرای آب روان و داخل قصور و صر و حده فسقیه و شادروانلر انشا  
ایلر لر ❖ خلاصه کلام اصحاب ثروت و یسار ک مکنت و قدرت لری واسع اولد قجه ملبوسات  
و مفروشاده و اوانی و ظروف و سایر منافع بیوتده قدر حاجتدن فضل و حوائج اصلیه دن  
زیاده آلات و ادوات کثیره اتخاذ ایدر لر ❖ و دخی دشت و صحرا ده ساکن اولان قبائل  
و عشایره بین الامم بدوی اطلاق اولندیغی کبی اهل امصار و بلدانه حضری اسمی  
اطلاق اولنوب لکن بدوی لر زراعت و حرثت ایله یاغراست و فلاحت ایله یا خود قیام  
خدمت ابل و غنم ایله امر معاشده قدر حاجته اقتصار ایدوب حضری لر ثروت و غنا  
ایله رنج و عنادن سالم و الوان نعم آمان ایله مغتم و متغملر در و اهل امصار ک دخی  
مکاسب معاشده حال و شانلری مختلف اولوب بعضیلری حرفت و صنعت ایله و بعضیلری  
دخی و جوه تجارت ایله استیفای آمال و تحصیل اموال ایدوب علی ای حال مکاسب  
معاشیه لری اهل بادیه دن انفع و انما و افضل و اولی در زراعت و اهل امصار ک دستمایه  
وسعت و سرماییه ثروت لری حوائج اصلیه و مصالح ضروریه لرندن اوفر و غائده و عائد لری  
اکثر اولمغله اهل امصار تنعم و ترفهده اهل بادیه بی سبق و تقدم ایتمشلر در بو آنه کانه  
بدوی ایله حضری ک احوالنه متعلق ذکر اولنان تقریر و تحقیق دن ظاهر اولدیکه سکان  
بریه ایله اهل امصار ک موطن و مساکنده و سایر خصوصه لرده اوضاع و اطوار لرینک  
اختلافی وجوه کسب معاشده اختلاف لرندن ناشی امر ضروری اولوب طوائف بی  
ادمک بدوی ایله حضری یه تقسیم و تفریقنی ایجاب ایلدی

❖ فصل ثانی ❖ فصل ثانینک ایکنجی فصلی سکان بریه و اهل بادیه دن قبائل عربک ❖  
❖ اوضاع و اطواری و احوال و ثاری امر طبیعی اولدیغی ینانده در ❖

بودن اقدام ذکر اولنان فصلده تقدیم اولندیغی اوزره اهل بادیه اسباب کسب  
معاشدن قوام بدن انسانده وجودی لازم اولان اغذیه طبیعییه و اقوات ضروریه  
تدارکیله مشغول اولوب بعضیلری زراعت و حرثت قیام و بعضیلری دخی رعی ابل



و غنمه اهتمام ايله وجه معاشده قدر حاجته اقتصار ايليوب من كل الوجوه حوائج ضروريه دن فضله زوايد و منافع تدار كننده مكنت و قدرتلى قاصر دراز جمله مسكن و منزللى كلفت زينتدن برى و اجزا و ادوات ابنه لى حسن ترتيبدن عارى اولوب امر بناده حرارت شمس و هوادن جسم و بدنارنى حفظ و ستر مرتبه سيله اكتفا ايدرلر بعضيلرى آت قلندن و دوه يو كنندن معمول خيمه و خرگاهلر نزول ايدوب و بعضيلرى خشب و شجر دن ياطين و حجر دن مصنوع تركيب و ترتيبى نامطبوع منازلده ساكن اولورلر و بعضيلرى دخی اعماق صخورده واقع كهف و غارلى مسكن و مأوى اتخاذ ايدوب ابنه و اخبيه قطعا رغبت ايتزلر كذلك اطعمه و اغديه لى دخی قدر حاجته مقصور اولوب و اغديه نباتيه و حيوانيه نك اكثرنى اصلاح و تربيه ده تدبير يسير ايله اكتفا ايدوب بعضيلرى دخی قبل الاصلاح ناچخته و خام ايكن تناول ايدرلر مكر كه طبعه محتاج اولمغله فى الجملة مس نار ايله بعد العلاج اكل ايدرلر \* و دخی بریه و باديه ده زراعت و فلاح ايله تعیش ايدنلرك حال و شانلرينه و طنلرنده قرار اطراف و اكافده كشت و كذار دن انسب و اولى اولمغين مدار معاشلى اولان زراعت و حراثت امرينه قيام ايچون دشت و قراده سكون و آرام ايتمشلر در و طوايف امدن تدبير معاشده زراعت و فلاحت مسلك كننه سالك اولانلر جانب غربده قبائل بر بریه ايله طرف شرقده بعض طوايف روم و عجم در اما اهل باديه دن اول طائفه كه مدار معاشلى غنم و بقر مقوله سى حيواناتى رعى ايله تمتع و زوائد و منافعيله تعيشده مقصور اوله انلرك حال و شانلرينه سیر و حرکت سكون و اقامتدن انفع و اصلح اولمغله اكثر اوقاتده دواب و مواشيلرنى آب و هواسى خوب و چمن و مرعاسى مرغوب اراضى عطيه ده كشت و كذار ايله اوقات كذار اولورلر \* ليكن سیر و حرکتلى اوتلو صولو سحرالى تجاوز ايتيوب ماء و كلادن خالى بریه زره كتمزلر بو طائفه خدمت شاه و غنم قيام ايتلر ايله بين العرب انلره شأويه تحمیه اولنور طوايف مذكوره بعض قبائل بر بریه ايله ترك و تاتار و صفالیه جماعتلر ايدر اما سكان باديه دن اول طائفه كه مدار معاشلى دفع فقر و فاقديه ورعى جبل و ناقدیه مقصور اولوب كفاف تعیشلى ابلک منافع و زوايدنه محصور اوله تحصيل معاشده انلرك حال و شانلرينه اطراف و اقطاره نقل و رحلت و صيف و شتاده شلر كدن بعيد محالره سیر و حرکت مناسبدر زيرا جبل و ناقدنك قوام حياتنه اطراف قراده واقع چراگاهلرك چمن و كياهى كفایب ايتيوب بریه و باديه زرده نبات درخت مغیلان كبی ديكنلو و انجار اكلند و ملاحتى غالب آب شوره تنولنه محتاج اولديغندن ما عدا قواسنده برودت سرمایه تحمل دخی اولمسا مغله دفع غائله ضرر بردايچون فصل شتاده عمراندن بعيد حرارتى شديد مفاز زرده دور ايدرلر على الخصوص دونك حين ولادته و جمع واضطرارى سائر حيواندن اصعب اولوب وقت تشايله



تسخنه احتیاجی اشد و اغلب اولمغله هواسی حار قوم سال محله حر کته مضطر اولور  
وغنم وبقره مخصوص مر عارک اصحابی دخی سار بانلری مزرعه و مر عارینه دخولدن  
منع وزجر ایدوب متنبه اولمقلری صورتده ضرب و تأدیب و تخریم و تغریم اولملری  
خوفندن بالضروره اصحاب جمال بریه و بادیه ده مسالک بعیده یه سلوک ایدوب اراضی  
مباحه یه شد حزام عزیمت واجاله لجام نهضت ایدر لر یناء علی هذا رعی جل ايله  
تعیشه مجبول اولان طائفه بلاد عامره و اراضی معموره ده سکون و قرار ایتیموب بطون  
بو ایدیه شیرریان و پیل دمان کی کشت و کنار ایتلریله اهل امصار و قریه نسبت ايله  
بونلر حیوان وحشی عدادنه ملحق اولمشلر در و ام عالمدن بو طائفه عامه قبائل عرب  
ایله مغرب دیارنده بر بریه و زنانه قومندن بر جماعت مخصوصه اولوب و طرف شرقده  
اکراد و تاتار و ترکان عشیرتلیدر ❖ لیکن طوایف مذکوره دن قبائل عربک مکسب  
و معاشی انحق رعی ایله مقصور اولمغله طائفه عربان عزالت و وحشت و چوللرده سیر  
و حرکت جهتیه سائرلرینه غالبدر ❖ اما دیار غربده بر بریه و طرف شرقده ترك و ترکان  
عشیرتلی غنم و بقرايله دخی تعیش ایلیموب کسب و کارلری رعی ایله مقصور اولمغله  
انلرک اکثری بلاد معموریه قریب دشت و صحرا ده دخی ساکن اولورلر ❖ ایشو فصلده  
ذکر اولنان تقریرم: دن ظاهر اولدیکه قبائل عربک بریه و بادیه لرده سکون و وطنلری  
مکسب و معاشلرینه تابع امر ضروری اولوب سبق قلم قضا ایله وجوه معاشدن  
وظیفه قسمتلری رؤس جبال و بطون بو ایدیه اقامتلرنی ایجاب ایلش ❖ والله الخلاق  
العلیم ❖ بو محاده کتاب اولک فصل ثانینک ایکنجی فصلی تمام اولوب حالا بعنایه  
الله تعالی فصل ثانینک اوچنجی فصلی بیانیه سوق عنان مقال اولندی

❖ فصل ثالث ❖ بو فصل بدویت حضریتدن اقدم و اسبق اولوب بادیه عمران ❖  
❖ حضرینک اصل و مددی اولدیغن بیان ایدر ❖

معلوم اوله که بوندن اقدم ذکر اولنان فصللرده اصحاب بادیه ایله ساکن امصارک امر  
معاشده حال و شانلرنی ذکر و بیان سیاقنده بدویلرک سعی و همتلری حوایج ضروریه  
تحصیلنه مقصور و قلت مال ایله موصوف اولوب و حضری و بلدیلرک تقدینه همتلری  
ترفه و تنعمه مصروف و من کل الوجوه وسعت عیش و وفرت معاش ایله موصوف  
اولمقلری تفصیل و تحقیق اولنش ایدی و معلومدر که حوایج ضروریه تدارکی قدر  
حاجتدن فضله و انصاب اصلی دن ازید اولان حظوظات نفسانیه دن اقدم و اسبق  
اولوب امور ضروریه سائر مطالب کمالیه نسبتله اصل و اساس منزله سنده واقع  
اولمغله حضریلرک طوری بدویلرک طورنه تفرع و ترتب ایدوب مدن و امصارده آحاد  
ناسک اجتماع و اقترانلری اطراف بو ایدیه تفرق و تقلیلرندن مؤخر اعتبار اولمشلر



زیرانواع بشرك عنوان جریده آمالی و اقدام اعمال و افعالی نفس و عیالک حفظ قوام  
 حیاتی ایچون محتساج اولدقلری امر ضروریه مقصور و محصور اولوب ما کل  
 و مشاربده ملا بس و مساکنده قدر حاجته وافی بلغه عیشه کافی نصاب اصلی  
 تحصیلدن صکره مشتهیات انفسده درجات کماله علی التدریج ترقیه راغب اولورلر  
 بناء علی هذا بدویله لازم کلن خشونت و ضرورت حضریتده حاصل اولان رقتدن  
 اقدام اولوب بطون بوادیله و اطرف و نواحیده رعی جبل و ناطقهیه قیام ایدن بدویله  
 امر معاشده مضایقه لری زائل و دستمایه کاهرانیه واصل اولدقد سکون و راحت  
 طالب و بلاد و امصاره نزوله راغب اولوب شیئا فشیئا حظوظات نفسانیه لری اجرایه  
 سعی ایدرلر شویله که ضرورت معاش ایله روش جبال و بطون تلالده هر بری زمام  
 نفسنه مالک و آزاده قید حکام ممالک ایکن غائله مضایقه دن تخلیص کر بیان میسر  
 اولدقد مدن و امصارده اقامت ایله امن و حضوره طالب و کندی اختیارلریله رقبه  
 اطاعتلرین دست حکامه تسلیمه راغب اولورلر ❖ اما امصار و بلدانده سکون و اقامته  
 مألوف اولان رجال مادامکه بریه و بادیده سکون و اقامتلری موجب ضرورت مس  
 ایتیوب یاخود ساکن اولدقلری شهرک اهلایسندن بر تقصیر ظهور ایتدیکه حسن  
 اختیارلریله بریه و بادیهیه نقل و ارتحال ایتزلر و بو مدعای اثباته وافی شاهد کافی درکه  
 بزمعوره ربع مسکونده موجود اولان امصار و بلدان هر بلدهنک اهلایسنک اول  
 و ابناسنی و منشأ وجودلری تفتیش ایلسک اکثر سکانی اول بلدهنک اطرافنده واقع  
 اولان دشت و صحرا و نواحی و قرا اهلایسندن بولورلر کندیلری یاخود آبا و اجدادلری  
 بدوی یا قروی ایکن ضرورت معاش و مضایقه عیشدن بر طریق ایله خلاص اولوب  
 ثروت و یساره وصول میسر اولمغله مولدنه قریب بلدهیه نزول ایله بدویتی حضریت  
 تبدیل و سرمایه امن و راحتی تحصیله فائز اولدیلر ❖ بوندن صکره دخی معلوم اوله که  
 بدوی ایله حضریدن هر برینک امر معاش و سایر خصوصصده احوال و اطوارلری  
 دخی کندی جنسارینه نسبتله متفاوت اولوب قبائلک بعضیلری قوت و مکننده قبیله  
 اخرا دن اعظم و امصار و بلدان بر برلرینه نظر ایله وسعت و وفرت اهالی ایله مختلفدر  
 اشبو فصل نائنده ذکر اولنان مقدماتدن ظاهر اولدیکه مدن و امصارک و سکان  
 و اهلایسنک اصل وجودی و نشو و نما سی اطرافده موجود اولان بوادی و قرادن  
 منشعب اولوب بلدیلرک وسعت عیش و ثروت و غنایه مقناتلری بدویله ضرورت  
 معاش و قلت مایه انتعاشه ملازم تلریله مسبوقدر فصل ثالث بو محلهده تمام اولوب  
 حالا بعنایه الله تعالی فصل رابع بیاننه شروع اولندی

❖ فصل ❖ فصل ثالثک اوتوزیدنجی فصلی اصحاب سیف و قلم ملک و دولتمده ❖

❖ بحسب الرتبه رجحان و تفاوتی بیاننده در ❖

معلوم اوله که سین و قلم ملک و دولتمده توأم و نظام سلطنتده ایکی رکن اقومدرکه



ملوك و سلاطين ربط معاقد امور و نظم مصالح جمهوره انكلكه توسل ايدرل لكن  
مبادي ملك و دولته و اوائل ظهور سلطنته سيفه احتياج قلدن اشد و اقوالوب  
اصحاب سيوف از باب اقلامدن زياده معتبر اولور زيراطور اولده سيف معونه شريك  
اولغله متبوع و مخدوم اولوب و قلم انجق منفذ حكم سلطاني اولغله تابع و خادم  
مثابه سنده در كذلاك بوندن اقدام بسط و تمهيد اولنديغي اوزره اواخر ملك و دولته  
ضعف عصيت ايله قواي ملكه و هن و خلل طياري اولوب استيلاي شيب و هرم  
ايله مزاج دولت عليل و اهلي قليل اولدقده دخی رجال سلطنت حايه دولت و مدافعه  
اعداده اصحاب سيف ايله استظهار و استفساره محتاج اولغين اول امرده تيغ  
و شمشير عون و نصير اولنديغي كي انتهاي كارده دخی مرجع و نصير اولور بو تقديرجه  
اوائل و اواخر دولته سيف قلم غالب اولوب اصحاب سيفك جاه و نعمت و قدر  
و منزلتلى ارباب اقلامدن اكثر و واسع اولور اما واسط ملك و سلطنته اصحاب دولت  
معاونت سيفدن في الجملة مستغني اولوب قلم سيف اوزر زينه امر و حاكم و سيف اول  
وقتده خادم اولور زيرا واسط سلطنته مبادي ملك و دولتك تمهيد و تشييدى  
امرى تمام اولوب مدافعه اعدا و غلبه و استيلا مقرر اولغله مشاغل حرب و قتال دن فراغ  
ميسر اولغين رجال دولتك هم و عزى انجق ثمرات ملك و دولتى تحصيله مقصور  
واظهار مراسم عز و شوكت ايله فخر و مباهاهاته محصور در بوا امرك حصول  
ايسه دستياري قلم چايك رقه منوط و موقوف اولغله انك حكم و تصرفى مناط احكام  
و مرجع حكام اولوب ليل و نهار ساق اقدام اوزره قائم اولور اما بوا شانه سيف صارم پستر  
نيامده نائم اولوب مكر بعض اوقاتده دفع غائله فتنه و سد فرجه ايچون رقه استراحتدن  
تنبه و تيقظ ايله سر بر آورده ظهور اوله بو تقديرجه واسط ملك و دولته ارباب اقلام  
مزید عز و رفعت و جاه و ثروت ايله سر بلند و محرم حریم دولت اولوب سلطان انامه  
مزید تقرب و اختصاص و تردد و انتساب ايله اصحاب سيوفه سبق و تقدم ايدرل زيرا  
بو طورده قلم واسطى نسب واسطه العقد دولت و تحصيل منافع سلطنت و تقديم  
مصالح امته آلت اولوب رؤساي جنود و اهل سيوف نظر ملا و كدن دورود اثره قربدن  
مهجور بلكه بوا در قهر ساطاني ايله خوف و خشيتدن خالى دكاردر حتى خلفاي  
عباسيه دن منصور خليفه ابو مسلم خراساني بي دارا خلافتده قدوم ايله امر ايتد كده  
ابو مسلم امتناع ايدوب و اعتذاري متضمن خليفه مشار اليه تحرير و ارسال ايتديكي  
مكتوبك عنواننده ( اما بعد فانه بما حفظناه من وصايا الفرس اخوف ما يكون الامراء  
اذا سكنت الدهماء ) كلامى دخی بومعنا دوارد اولمشدر يعنى اداى مراسم عبوديتدن  
صكره حكمای فرسدن منقول و مأثور اولوب صدر ا عن صدر خطايف صدورده  
مرسوم و محفوظ نظر اولان وصايای جليله دندر كه امر اورق سانك سطوات ملوك كن



زیاده خوف و خشیت لری امواج حرب و غاسکون بولوب ملوک و سلاطینک سریر  
آسایشده مشاغل حرب و قتال دن مأمون الغالبه اولدیغی وقتده دریدی سنه الله  
تعالی فی عبادہ

﴿ فصل ۱۰ فصل ثالث قرق برنجی فصلی او اخر ملک و دولته امتعه تجاره حددن ﴾  
﴿ زیاده رسم و تکلیف وضع اولندیغی بیانده در ﴾

معلوم اوله که بوندن اقدام ذکر اولندیغی اوزره هر ملک و دولته رجالی اوائل ظهورنده  
طور بدوی اوزره حرکت مجبول اولمغه قدر حاجت و مقدار ضرورت اوزره تحصیل  
کفایده قناعت ایدوب کلفت حشمته میل و غبت ایتملریله خرج و تفقیری قلیل و خفیف  
اولور بوسبیدن ناشی دخل و ایراد لری خرج و مصرفارینه کیری کبی کفایت ایدوب بلکه  
ایراد لری مصرفارینه اضعاف مضاعف غالب وزائد اولور بعده کیدرک کندیلردن  
اسبق اول بمالکده واقع اولان رجال دولته اطوار و اوضاعنه تقلید و اقتدا ایدوب  
علی التدریج ماکل و مشاربده و ملابس و مراکبه اسباب عز و حشمته میل و رغبت ایله  
یوما فیوما خرج و مصرف لری کثیر اولور خصوصاً تخت نشین دولت اولان ملوک  
و سلاطینک خیل و حشمی و اتباع و خدامی کثیر اولوب خواص و مقریینک و حیات دولت  
اولان عساکر و مستحفظینک نفقه و علوفه لری ترتیب اولمغه خرج و مصرف لری دخل  
و ایراد لری غلب اولوب اموال مقرر و رسوم معتاده و فایتمکله فصل سابقده ذکر  
و تمهید اولندیغی اوزره رعایانک و یره کلدکاری تکلیفلرنی ضم مال ایله توفیر و تکثیره  
محتاج اولورلر بعده کیدرک علی التدریج اسباب عز و احتشام و مواجب عسکر و خدام  
کثیر و مزداد اولوب و تمادی ایام و امتداد زمان ایله غوائل هائله اقتضاسندن ناشی  
مزاج دولت مختل اولمغین اطراف بعیده ده موجود اولان عمال و امنانک یدلری تحصیل  
اموال دن قاصر اولمغین ایراد قلیل و مصارف کثیر اولور بصورتده رجال دولت  
معتاد و مألوف اولدقلری خرج و مصرف لرنی تکمیل و حوایج و مهمات سلطنتی تئیم  
ایچون نیجه رسوم مالیه احداث ایدرلر از جمله سوق و بازارده بیع و شرایدن تجارت  
امتعه و اثمانی اوزرینه حددن زیاده رسم باج و کمرک نامیله بر مقدار مال وضع و ضم  
ایدوب قبولده و اسکله لرده اول رسومک تحصیلی ایچون امینلرودینه بانلر نصب ایدرلر  
بوندن صکره دخی کیدرک او اخر دولده رسم باج و کمرک دخی مز داد اوله رق بر حده بالغ  
اولور که حد اعتدالی تجاوز ایدوب تجار و رعایا بروجهله اداسنه تحمل اولمغه تجارت  
وزواعتدن فراغت ایدوب سوق و بازار معطل و نظام دولت مختل اولور ﴿ نته کیم  
دولت عیاسیده و عید بینک او اخرنده دیار شرقده تجارت ورعیت اوزرینه فوق الحد  
تکالیف شاقه تحمیل اولوب حتی موسم مجده حجاج مسلمیندن مبالغه ایله اموال کثیره



خدا اولنوردی بعده ملوک اگر ادا یو بیهدن سلطان صلاح الدین بن ایوب مسند  
 نشین ملک و دولت اولار قده عباسیه نك اخذایتد کیری رسوم زائده بی بالحکیمه رفع ایدوب  
 آثار خیر و حسنات کثیره تعویض ایلدی ❦ کذلک طوایف ملوک وقتنده دیار اندلسده  
 رسوم و تکالیف حدی تجاوز ایدوب بعده ملوک هر ابلخین دن یوسف بن تاشفین  
 وقتنده اول بدع حادثه رفع اولندی ❦ کذلک عصر مزده دیار افریقیه ده واقع جرید  
 اولکه سندده دخی بونلرک امثالی تکالیف شاقه ایلر رعیت و تجار مؤاخذه اولنوب بعده  
 رؤسای بلاد اعانتیه مندفع اولدی واللہ لطیف بعباده

❦ فصل ❦ فصل ثالث قرق ایکنجی فصلی ملوک و سلاطینک تجارتیه میل ورغبتلری ❦  
 ❦ رعیتیه مضر اولوب ایراد مقررک کسر و نقصاننه باعث اولدیغی بیاننده در ❦  
 معلوم اوله که فصل سابقده ذکر اولندیغی اوزرد رجال دولتک اسباب عز و حشمتیه میل  
 ورغبتلری سببیه خرج و مصرفلری کثیر و دخل و ایرادلری قلیل اولوب رسوم و تکالیفدن  
 حاصل اولان اموال مقررده مصارف معتادیه کفایت ایتدکده بهر حال مصالح کلیه  
 و جزئییه تکمیل ایچون رسوم عرفیه بی توفیر و و تکثیره محتاج اولورلر شویله که کاهیمجه  
 سوق و بازارده بیع و شر اولنان اموال و امتعه دن اخذ اولنان رسوم قدیمه ایلر اکتفا  
 اولنمیوب اجتناس امتعه اوزرینه تحملنه کوره مجددا بر مقدار مال دخی ضم ایدرلر  
 و اگر زمان سابقده بردفعه مال ضم اولنمش ایسه شیء یسیر دخی ضم ایدوب اصحابندن  
 طلب و تحصیل ایدرلر و کاهیمجه عمال و ملتزمیندن زیاده انتفاع ایدون رجال دخی  
 مؤاخذه و مصادره اولنوب ادا ده مماطله ایتدیکی صورتده ضرب و حبس ایلر اموال  
 و املاکی یدلرندن اخذ و نزع اولنور و کاهیمجه دخی بعض دولده اصحاب زراعت  
 و ارباب تجارتک سرمایہ یسیره و بضاعه قلیله ایلر تحصیل ایتدکیری ربح و منفعتی  
 کوروب رجال دولت دخی کندی ماللریله زراعت و تجارتیه تصدی ایدرلر وفائده  
 و منفعتک قلت و کثرتی سرمایہ نك قلت و کثرتیه تابع اولوب و اصحاب دولت ثروت و غناده  
 من کل الوجوه تجار ورغیتیه غالب اولغله کسب و معاشده انلره مزاحمه و مضایقه  
 ویرلر شویله که اراضی معموره ده زراعت و حراثت و اکتساب بهایم و مواشی ایلر  
 اعمال رعیتیه اشتغال ایدوب و سوق و بازارده بیع و شر اولنان امتعه سائریه تعرض  
 ایلر کسب و تجارت ایدرلر و زعمارنده مسلاک تجارتیه سلوک تمکثیر ایراد دولت وادار  
 جبايته وسیله اولغله بوکار نابهمواری ارتکاب ایدرلر مع هذا بورأی غیرسدید وجوه  
 عدیده ایلر تجار و رعایایه مضر اولوب کسب و معاشلرینه خلل عظیم ترتبیه باعث اولور  
 ابتداء ضرری رعایانک کسب و کارده مضایقه لرینه باعث اولوب دواب و مواشی و سائر  
 محتاج اولدقلری اشیا بی بیع و شراده عاجز اولورلر زیرا رعایانک دستمایه کسب



و معاشلری اولان سرمایہ لری بر برینه قریب و یامساوی اولمغله حوایج اصلیه  
 و مصالح لازمہ لرنی تحصیل و تدارکده بعضیسی بعضیسنه مزاجیه ایتدکده  
 هر بری یدنده موجود اولان مال ايله آخرک اشترایده جکی مرتبه نسته بی خریدار  
 اولوب زیاده قادر اولمغله بالکلیه حرمانلرنی ایجاب ایلز اما رجال دولت کسب  
 و کارده تجار ورعبته مشارکت ایتدکده انلرک اموالی رعایادن اضعاف مضاعف کثیر  
 اولمغله لازم و مهم اولان اشیایی بالغامابلغ اصحابندن اشترایدوب تجار ورعبت حوایج  
 ضروریہ لرنی تحصیل و تدارکده عاجز و مضطر اولمغله مفهوم و محزون اولورلر بوندن صکره  
 دخی بعض دولده گاه اولور که اصحاب دولت تجار ورعبتک یدنده موجود اولان  
 محصول و متاعدن شی کثیری بهای رخیص و ثمن یسیر ايله اخذ و غصب ایدوب  
 ویدلرنده باقی قالان محصول و متاعک دکر بها ايله اشتراسنه دخی کسه رغبت ایتمکله  
 رعیتک احوالی مختل و کسب و کارلری معطل اولوب و دخی صنعت تجارت ايله  
 جمع ماله معتاد اولان بعض صدور دولت اقتضا ایدن مصارف مهمه لرنی رؤیت ایچون  
 بیع و شرا ايله جمع و ادخار ایتدکلری زرع و حریر و عسل و سکر و سایر محزون اولان  
 اشیانک رواجی وقتنه منتظر اولیوب ثمن مثلندن زیاده بها ايله رعایایه بیعه مبادرت  
 ایدرلر انلردخی یدلرنده موجود اولان سرمایہ لرنی طرف دولتدن کندیلره بیع اولنان  
 اشیانک ثمنی اولق اوزره رجانه و یروب اول اشیایانجه زمان سرمایہ پرینه یدلرنده  
 قالبوب اندن غیری کسب و تجارت ایده جک ماللری دخی اولمغله نفس و عیال لرنی انفاق  
 و اکساده عاجز اولورلر عاقبت سدر مق و دفع ضرورت ایچون زیاده بها ايله الدقلری  
 اشیایی وقت کسادده بهای رخیص ايله بیعه عرض ایدوب ضرر و زیان و خیمیت  
 و خسرا نه باعث اولور واکر بوحال متعدد و متکرر اولوب مره بعد آخری رعایایومقوله  
 تکلیف ايله مجبور اولورسه سرمایہ لری بالکلیه ضایع اولوب و فقر و فاقه ايله ضرورت  
 و مضایقه لری حدی تجاوز ایتدکده زراعت و حرثندن و صنعت و تجارتدن قالبوب  
 رسوم و تکالیفک کسر و نقصانده مؤدی اولور زیرا خزینۀ دولته عائد اولان اموال  
 امیریه نک اکثری تجار و رعایانک سعی و عمللریله حاصل اولوب خصوصاً عسرو باج  
 و کرک مقوله سی رسوم زائد و وضع واحداث اولندقدده اکثر منافع دولت رعیندن  
 تحصیل اولندیغی ظاهر و مقرر اولور بوضورتده تجار و رعایایه صنعت تجارتده رجال  
 دولتک مشارکتلری ویدلرندن بهای رخیص ايله اخذ و اشترایتکلری اشیایی کروانلره  
 زیاده بها ايله تحمیل و تکلیف لری رعایایی انتفاعدن مأیوس ایتمکله سعی و عملدن یدلری  
 چکلوب کار و کسبدن فراغت و آخر مملکتته فرار و غیبت ایتمکله انلردن حاصل و خزینۀ  
 واصل اولان ایرادک معظمی فوت اولور \* امدی بر مملکتک حاکم و والیسی احداث  
 تجارت ايله جمع ایتدیگی نفع و فائده ايله رعایادن حمایت ايله تحصیل اولنان ایرادک



مایننی مقایسه ایتد کده ربح تجارت مال جباتدن اقل قلیل اولدیغی ظاهر اولور  
اگر تجارتک ظاهرده نفع وفائده سی کثیر ایتدده لکن طرف دولتدن بیع و شرا ایل  
اخذ واعطای اولنان اشیادن رسم باج و کمرک النمیوب سائر آحاد ناسک تجارتلرنده  
التمغله ینه بو وجهله دخی میری به ضرر و زیان ترتبه باعث اولور \* و دخی معلوم اوله که  
زمان سابقده ملوک فرس رعایا اوزر ینه انجق اهل بیت دولت واقارب سلطنت اولان  
رجالی والی ایدوب انلرک ایچندن دخی دین و فضل و ادب و سخا و شجاعت ایله موصوف  
اولان عقلایی انتخاب و اختیار ایدر لر ایدی و نصب ایتد کیری ولایه و حکامه دخی  
رعایایه عدل و احسانله معامله ایتک اوزره توصیه ایدوب و بولند قلمری مملکتلر ده اتخاذ  
ضیعه و مزارع ایله جیران ممالککه اضرار و تجارتیه اصرار ایله قحط و غلایه باعث اولمقدن  
منع و تحذیر ایدر لر ایدی و دخی عبید و ممالک سیاست عادلله رعایانک خیر و صلاحنه  
ساعی اولمغله عبید و اسارایی مناصب دولنده استخدام ایتمیوب بالجمله احرار رجاله  
تفویض و تقلید ایدر لر ایدی \* و دخی معلوم اوله که ماده خزینة دولت جبات ایل  
حاصل اولوب جباتک کثرت و وفرتی دخی تجار و رعایا و سائر اصحاب امواله نظر عدل  
ایل حسن معامله دن حاصل اولور که تجار جور و تعدیدن و عرض و مالار ینه تعرضدن  
امین و سالم اولوب سایه عدل ملوکده امن و رفاه اوزره اسایشلری مقرر اولدقده  
صدرلری منشرح و امید واملاری منبسط و منفسح اولمغله توفیر امواله جدوا هتمام ایل  
سعی ایدر لر و دخی چوق کره کسب و تجارتیه معتاد اولان متغلبه نلک بعضیلری بولند قلمری  
ممالککه اطرافدن مجلوب و وارد اولان محصول و متاعی اصحابندن استدیگی بها ایل  
جبراً اخذ و اشترا ایدوب و حین حاجتده اول اشیایی تحت حکمنده اولان رعایایه زیاده  
بها ایل بیع ایدر لکن اطرافدن کلن اشیایی نقصان بها ایل اشترا نلک ضرر و هجنتی تحت  
حکمنده اولان رعایایه زیاده بها ایل تحمیلدن اهور اولوب بونک فساددی اوله غالبدر  
واکثر یار حال دولتک کسب و تجارتیه میل و رغبتلری دائرلر ینه دخول و تقرب ایدن  
اصنافدن بعضیلرینک سوق ترغیبی ایل حاصل اولوب بولند قلمری صنعت و تجارتک  
نفع وفائده سنی تذکیر ایل اصحاب دولتی اطماع ایدر لر شویله که طرف دولتدن اول  
شخصه زراعت و تجارت ایچون دفعه واعطای اولنان سرماییه بی اعمال ایل حاصل  
ایتدیگی منفعت وفائده دن کندویه دخی بر حصه تعیین و تقدیر اولوب مدت یسیرمده  
اموال عظیمه جمعنه وسیله اولق هوسیه کندی غرض و عوضنی تحصیله توسل ایدر  
خصوصاً که اموال دولت ایل واقع اولان تجارتیه رسم باج و کمرک دخی مطالب  
اولمغله اسرع اوقاتده مال عظیمه دسترس اولسی ظاهر و مقرر در لکن اول شخص  
یلید فهم ایتز که رجال و صدوره کندی نفع قلیلی ایچون سوق ایتدیگی تجارتیه دولته  
راجع مصلحت کلیه نلک فوتنه باعث اولوب سرماییه خزینة دولت و دستمایه نمای



سلطنت اولان ضعیفای رعیتک کسب و معاشده نظاملری مختل اولغله ایراد مقروک کسرو نقصانته مؤدی اولور ❖ ائمدی صدور دولت بومقوله محیل و مکاری دایره لرینه تقریب ایتیموب جبایت امواله مضر اولان سعی و سعایتلرندن اعراض او حتر از ایده لر والله یلهمنا رشد انفسنا و ینفعنا لصالح اعدائنا لارب غیره

❖ ابن حلدون ❖ صاحب افندی ❖

❖ بد آنظامات عسکریه ❖

عسکر دشمنده نظام و ادوات حربیه لرده حسن انتظام جنود اهل اسلامه موجب خشیت و انهرام و بلکه معاذ الله تعالی مستوجب انکسار بیضه اسلام اوله جغی نمایان و محافظه حومه اسلام فریضه ذمت امرای اهل ایمان اولوب بو ایسه مقابله بالمشله محتاج ایدو کی اشکار و عسکر یزده اولان پریشانی و تکاسل دشمنه مانع تقابل اولدیغی بیدار اولدیغندن عسکر لری کبی مرتب عسکر اعدادی امر لازم و اسباب مقابله بالمشلی تدارک واجب و مهم ایکن یوقار یدنبرو آورده معروض بیان و التزام کرده خامه شکسته زبان اولان احوال جندی نظام ایجاب کرده ترتیب و انتظام اولدیغی موافق فتاوی علمای امت و مطابق آرای عقلای ارکان دولت اولوب پادشاه دیانت پناه بو امرک و جوبته واقف و آگاه اولغله در اهم مشسروعه ضرب سکه عزیمت و مصرف مباشرت تنظیم اعدای خزاین نیت یوروب انجق دوات علیه نیک قدیمی او جافلری اهل یسنه صنایع حرب و قتالی تعلیم و بوجهله پریشان اجزای نسخه عسکری نهاده جندره تنظیم اولدسه مراد حاصل ولیکن در ایکارینک اکثریسی نا اهل النده بولندیغندن تسویه سی ناقابل اولغله مجموعی بردن رفعله اربانه توجیه و کیسه اداره دولت بو صورتله ترفیه اولور ایسه کرچه هیولای مقصود صور پذیر وجود اولوب اما کیمینک اسانه سی آباء واجدادندن قالمش و کیمی مدار معاش اولق ایچون صلتون المش اولدیغندن بو قدر خلقتک بردن مأیوسیتی نار و اقطع رزقله مبتلای درد فاقه اوله جقلری و بلکه وسیله محاذیر عیدیه اولسی رونما اولوب مجدد اترتیب جنود و کاتبه و بونلره تدارک وظائف و رواتبه ایراد دولتک عدم وفاسی هویدا اولغله اداره معهود یکیدن بر نوع ایراد تدارک کنه موقوف ایدو کی اشکار اولدیغندن ماعد افراع وسائل حربیه دن اولان ذخیره و مهمات و ترتیب اولدجق او جافلره تدارک موجب و تعیینات اصول واردات میریه دن بشقه سنوی یکر می یک کیسه دن زیاده مجدد ایراد تدارک کنه محتاج ایدو کی در کار اولوب و سفر لر ایچون وقت حضرده بجمعه لا اقل یوز الی یک کیسه افجه موضوع خزینه ادجار و امور سفریه به مصرف اولنق باوزره



محافظه سی نزد اصحاب حزم و احتیاطده مختار اولدیغندن اولاهمت کوه انداز  
 ملوكانه واردات مر قومه یی تدار که مصروف ونظر غیرت شاهانه مبالغ مر قومه یی  
 موضوع خزینہ ادخار ایتکه معطوف اولدیغندن ابتدا خری تعصیر  
 و عرقی تقطیر ایدنلردن زجرالشاربین ایکیشریاره خیره و دردر یاره عرقک  
 بهرقیه سنه تعیین و مخصوصا زجریه امینی نصیله جمع ممالکه ارسال عمال  
 واعطا اولنان اوامر علیه ده شروط و قیودی تبیین اولنوب ممالک محروسه ده  
 اولان اغنامدن بری پاره رسم پیغاغی النیق اوزره بر مقاطعه دخی احداث و برر  
 انچه النهرق فی الاصل رسم پنبه بر مقاطعه اولوب اصحاب رخاوت وعدم اداره دن  
 ناشی ترک و فراغت ایتش ایکن پنبه نک بهرقیه سندن بری پاره ورشته دن ایکیشریاره  
 النیق اوزره رسوم پنبه نامیله تنظیم اولنان مقاطعه ایچون دیار عثمانیه یه امنای  
 البعات اولنوب جزیره موره ده حاصل اولور استافلیه تعبیر اولنان اوزمک قیه سندن  
 یکیشریاره النهرق برمالکانه دخی ایجاد و دوغم دخان ایله بدعت حریر  
 و سایر محدث اولان صغیر و کبیر مقاطعات جدیده ضمیم ایراد قلنوب اناطولی ایالتنده  
 اولان مجموع تیمارلر مصارف جهادیه ایچون جبل نظام جدیده ربط و مقاطعه  
 میریه دن فائضی اون کیسه دن زیاده اولان مقاطعه لر محلول اولدقجه صاقلیوب  
 ایراد جدیده ادخال ایله رفته رفته بومقوله ایراد جدید مقاطعه لری متراید  
 وفی الاصل مأمور اولان دفتر دارشقی اولک امور اصلیه سندن ماعدای ایراد جدیدی  
 دخی اداره ده عجزی درجه استیضاه یه مساعد اولغله اعظم رجال دولتدن  
 برینک قدری ترفیع و ایراد جدید دفتر دارلخی عنوانیه منشور اعتباری توقیع اولنوب  
 امور استبقانک برشقی ایسه علماند کان رجال دولتدن برینه قید حیاطله احسان  
 و بوجه نامی موضوع پیغوله نسیان اولان شقی ثانی دفتر دارلخی ایراد جدیده الحاق  
 و کائنات اعتباری سلاف صاف نقوده ارهاق اولنوب قرمزی اوست کورکیله  
 دیوانه کتمک و سایر عظمای دولت کبی یدک چکهرک اسباب احتشامی تکمیل ایتک  
 خصوصنه رخصت و شقی ثانیک خاصی الی بیک غروشه ابلاغله رأس المال  
 منت و یریلوب مصارف ترسانه یه مربوط اولوب فی الاصل ضرر بخانه عامره طرفندن  
 اداره ایچون مضبوط اولان مقاطعاتک اداره سی دخی حواله اولنوب قیواره سنده  
 میری خزینه سی کبی برخزینہ دخی ایجاد و مجتمع اولان اموال خزینہ میری یه خزائن  
 اندرون و ضرر بخانه ادخال اولنمیه رق حفظ ایچون اعداد اولنوب خزینہ مر قومه یه  
 سنوی ایکیشری بیک غروش معاشله برسر کی خلیفه سی و بروزنه دارو دفتر دار  
 مشار الیهک معینه ذمت خلیفه سیله کیسه دارو اقساض سنه کوره کتبه و خدمتکار تعیین  
 و معین فی معاشرا یله اغنا و یدلرینه برات رفاهیت اعطا اولنوب صداقت و قانون نظام



جدیدہ رعایت ایملری امر و تلقین و ایراد جدید طرفندن ضبط اولانسان مقاطعاتک  
 قلمیہ لری خزینہ میری یہ تسلیمی خصوصی ثبت دفاتر تبیین اولنوب مقاطعات محلوالہ نک  
 معجلہ لری مصارف میریہ یہ مربوط و جانب دفتریدن ایراد و مصرف اولنسی مشروط  
 ایکن ایراد جدید طرفندن ضبطیلہ واردات میریہ یہ نقسمان تطرق و بوضویرتہ خزینہ  
 بیرونہ کسر و تدنی تحقق و اشـ بمونظام ابتدا سندن بہر سنے محلول و فائضی اون کیسہ دن  
 زیادہ مقاطعات فائضندن ایراد جدید خزینہ سندنہ داخل دفاتر حصول اولان مبالغ  
 ہرنہ یہ بالغ اولور ایسہ دستور العمل ایراد جدید خزینہ سندن ہر سنے تسلیم دفتری  
 شق اول اولق مشروط و صحائف دفاتر قانون جدیدہ مضبوط اولدیغندن  
 سنہ اولدہ طقسان درت ییک درتیوزیکرمی درت یچق غروش حاصل و اشبو  
 فائضک بش سنہ لکی حساب اولندقدہ درت یوک یتش ایکی ییک یوزیکرمی یچق  
 غروشہ واصل اولغلہ بہر سنے تسلیمی مقید خزائن شروط و مصارف جرائد معینہ  
 ایراد جدید خزینہ سندن رؤیتہ موقوف و فضلہ ہرنہ قالور ایسہ سنہ دہ  
 برکرہ دفتریلہ معروض درکاہ پادشاہ افلاتون و قوف اولہ رق خزینہ ایراد جدیدہ  
 محفوظ اولسی دفاتر قانونیہ یہ مضبوط اولوب سفر لری وقوعنہ مدخر اقبجہ  
 بولنق و ہر نقد ر سفر لری متمادی اولور ایسہ دخی اقبجہ تدارکی فکرنندن  
 خلاصلہ بلغا مبالغ صرف اولنق ایچون مجتمع اولان درہم و دینار محفوظ کنجینہ  
 ادخار اولنق خصوصی دفاتر نظامیہ تنقیق و واسطہ سلطنت سلیمیدہ واردات  
 جدیدہ یتش ییک کیسہ یہ رسیدہ اولدیغنی تحقیق اولنمش ایکن برآلای سرسم ویری  
 کوکی فرق ایتز صورت انسانیدہ اولان خرایفہم دین و دولتہ حاصل اولان نفعندن  
 انماض و مجدد امقاطعہ احدائی عباد اللہہ موجب مضرت و اون کیسہ دن زیادہ  
 مقاطعدلری نظام جدیدہ ضبطی رجال دولتہ مستوجب ضرورت دکلمیدردیہ رک  
 اعتراض ایلدکلرندن ارکان دولت معاذہ تعالی بونظام مستحسنہ خلل ایراث ایدر  
 دیو دوچار اضطرار و حیرت اولدقلری عقول شیخ و شاہہ تعلیل بخش مزاج جرح و تعدیل  
 اولدی ✽ صدراعظم قوجہ یوسف پاشا برقاچ نفر معلم و اوروپانک صنایع حربیہ سنہ  
 واقف آدم تدارک و استحباب ایدرک اردوی ہمایونلہ برابر کتوردیکی معروض رکاب  
 فرتاب سلطان اسکندر جناب ایلدکدہ پادشاہ افلاطون روش و شہنشاہ ارسطو منشک  
 فی الاصل ناموس دولتی محافظہ اقدم آماللری و دولت علیدہ اولان بریشا نلغک  
 انتظامہ دتحولی علاجی نتیجہ مقدمات اعماللری اولوب عسکری طائفہ سنک عدم  
 رابطہ سی مزاج دواتدہ داروخانہ ہمت ملوکانہ دن ترکیب جنود منتظمہ ایلہ معجون  
 برہ الساعۃ تدبیرہ موقوف ایدوکنہ حوالہ نظر عبرت و استحصال اسباب نظامہ احالہ  
 بلاطہ دقت ایتکدہ اولغلہ نفرا ت برقاچ یوزہ ابلاغ ولوند چفتا کندنہ اسکا لہ روا ت



و تعلیمات لری اسباب و هیئت مجموعہ لری کا لید کمال تعلیم افراغ اولنوب خاقان زمان  
 نکه اندازامعان و تناسب حرکت و آلات حربیہ لرینی استعمال دہ سرعترینہ آفرین فرمای  
 استحسان اولدقده بونک کی برطاقم عسکر حومه حصو لده جلوہ کراولسد دشمن دیتہ  
 غلبہ وظفر بعنایۃ اللہ تعالیٰ مأمول و منتظر در دیو مجدداً برطاقم چند معلم ترتیبی ارادہ  
 و اوجاق اولق اوزرہ تحریر و تنظیمی قطعی مراد ہمایون ایدو کی خط شریف حکمت  
 ردیفہ ارکان دولتہ افادہ بیورلدقده عظمای علمای ملت و کبرای و کلا ی سلطنت  
 عقد انجمن مشورت ایدوب ہیولای مراد شاہانہ یہ بووادیدہ ہیئت ویردی لکھ دوات  
 علیہ دہ اشبوصورتہ معلم برطاقم عسکر و جودی الزم اولغلہ شدیلک اون ایکی بیک  
 مقداری تحریر و ایراد و مصرفی تدقیق اولنہ رق ممکن اولہ بیلدی کی مرتبہ دہ تکثیر اولنق  
 طبیعت مصلحتدن ایدو کی ضوید او حین اقتضادہ سردار اکر ملرمعیتیلہ ارسال اولندقده  
 دشمنہ مقابلہ یہ قدرت منظر را مکاندہ صورت بولہ جنی رونما اولدیغندن ماعداد بزم  
 قدیمی عسکر قیش کلزدن مقدم رھر و طریق ادبار اولہ جقلری بالبحر بہ معلوم و سردار لر  
 مشتادہ تنہانشین پیغولہ مخاطرہ اولملری سابقلری دلائیلہ مجزوم اولوب بوترتیب  
 اولنہ جق عسکر منتظمہ نک دائرہ مأموریتلرنده ثابت قدم مرکز ثبات و قرار و صیف  
 و شتادہ مأمور معیتلری اولدقلری ذاتہ تبعیتلہ برزده دامان کارزار اولہ جنی اشکار  
 و یولاردہ صلاح و بساط لری صائمہ رق شاکی السلاح آمادہ حرب و پیکار طورہ جقلری  
 بدیدار و مجسد اترتیبلہ براوجاق و قوانین قدیمہ دولت علیہ دن خروج ایتماہ سی  
 ملاحظہ سنہ مبنی بوستانیان خاصہ اوچاغنے الحاق و یوستانی تفنیکجیسی نامیلہ قیوجی  
 باشی اغارندن براغا و ایراد جدید دفتر دارلخی اوجاق نظارتی علاوہ سیلہ سرما یہ  
 داراعتلا اولسی نزدارکان سلطنتدہ قرار کیراتفاق اولوب ضابطائیہ برابر بیک التیوز  
 ایکی نفر دن عبارت اون ایکی بلوک اولہ رق براورطہ صورت پذیر تمشیت اولغلہ نمونہ اولق  
 اوزرہ براورطہ اولالوند چفتلکندہ تنظیم و ماعداسی ایراد بولند قبحہ اقتضای محلہ  
 کورہ تمامی و یا خود نصفی اولان سکر یوز نفر ایلہ روم ایلی و اناطولیدہ مناسب محلاردہ  
 ترتیبی تصمیم اولنوب اوجاق نظارتی ایراد جدید دفتر دارلخیلہ مصطفی رشید افندی یہ  
 توجیہ و چفتلک مر قوم کتخداسی ولی اغا قیوجی باشی ملقلہ اعانصب اولنوب  
 اون ایکی بیک غروش سنوی معاشلہ ہیمان تعیشی ترفیہ اولندقدن ضکرہ اوچاغنے  
 برکاتب تعیینیلہ سنوی درتیک غروش معاش و یومیہ یار مشرقیدہ اولہ رق یدی  
 نانلہ مراد معاشی ترتیب و سنوی بیک غروش و یومیہ ایکی چفت اتمکلہ کاتب مزبورہ  
 ایکی عساق و بشریوز غروش و ایکیشہر چفت اتمکلہ ایکی نفر محو ر نفرات اوجاق  
 ترتیب اولنوب و اون ایکی بلوک دن عبارت اولان اولند چفتلک ااورطہ سنوی  
 درتیک غروش و یومیہ اون چفت نانلہ بریکباشی تعیین و بیک ایک یوز غروش و بش چفت



نانله بر کتخد اویک غروش و بش چفت نانله بر طوبجی باشی ونصفی ایله چاوش  
وسکریوز غروش و درت چفت نانله بر عربی باشی ونصفیله چاوش و بشیوز غروش  
و ایکی چفت نانله بر جبه جی باشی ونصفیله چاوش و التیوز غروش و ایکی چفت نانله  
بر مهتر باشینک مصلحت معیشتری تهوین اولنوب اون ایکی بلوکک التیسی عین و التیسی  
یسار و هر برینه بیکر غروش و درت چفت اتمکله بر راغاء لم افرازا اعتبار و بش یوز  
باشیلقدن صاغقول و صول قول اغاقلری یدیشریوز الیشسر غروش و اوچ چفت نانله  
بر ملازمه اعطای منشور ثروت و یسار قلوب و هر بلو که بر برینه بشریوز غروش  
و اوچ چفت نانله اون ایکی بلو کباشی منصوب و هر بلو کباشی یه ایکیشردن درتیوز  
غروش و ایکیشر چفت نانله یکر می درت ملازم نائل مطلوب اولوب و سنوی اوچریوز  
الیشسر غروش و ایکیشر چفت نانله و اون ایکی علمدار رایتکش افتخار و سنوی  
اوچریوز غروش و ایکیشر چفت اتمکله اون نفر دلاور چاوشلغله کامکار اولدقدن صکره  
بش وقتی جماعتله قیام و برکوی رساله سندن تعلیم عقاید دینیله لازمه غزاة اسلام اولغله  
هر بر بلو که بر امام یومیه سکسان اچه ایله خدمت مر قومه ایچون بکام و اون ایکی بلو کده  
اونزدن یوز یکر می نفر اون باشی اوله رق یتشر اچه ایله سلاحپوش نیل حرام و یومیه  
الیشسر اچه ایله بیک سکسان نفر دلاور داخل دفتر نظام اولوب هر بلو که بر طوب  
ویرلد کد نصکره یتش سکز اچه ایله اون ایکی نفر طوب اوسته سی و التمش الیشسر اچه ایله  
اون ایکی طوب خلفیه سی و هر بلو که سکز نفر دن طقسان التی طوبجی نفراتی الی سکزر  
اچه ایله مأمور و اون ایکی نفر طوب عربی جی خلیفه سی التمش الیشسر اچه و بشردن التمش  
نفر عربی جی نفراتی التمش اچه ایله سه سرور و سکز نفر جبه خانه جی ایله ایکی نفر  
قره قوللجیلرینه الیشسر اچه ایله ویرلمک دفاتر نظامیه یه محرر و مسطور اولدی و درت نفر سرور  
نازن و نقاره زن و طبیل زن و ذل زن باشیلر طقسان و بروردن درت نفر ملازمینه  
یتش سکز روهر بلو کده برر سور نازن و برر طبیل زندن یکر می درت نفر التمش اچه ایله  
اصول مهتر خانه آمالاری سیر آهنک و بلو که الیشسر دن یتش ایکی نفر قره قوللجی  
الیشسر اچه ایله و هر بلو که ایکیشردن یکر می درت نفر سقا مأمور اروای عساکر  
جدیده سلطان آسمان اورنک اولدی دفاتر ایراد جدید ده تدوین و صاغ و صول نفراتی  
تمیز ایچون مائی و قرمز چوقه نیمین و باشلرینه براطه و ایاقلرینه پو طور ایله هیئتلی  
وسائر اسلحه و صو ر قیافتلی رقر ده خامه تبیین اولنوب حربی بررتفنک و سائر  
تخصیص اولمان آلات جنک ابتداء عطا و سنه ده بر طاق لباس ویرلمک شرطی دفاتر قانونه  
ثبت و املا اولنوب تفتک انداز نفراتی بواله اونباشی و چاوش و علمدار و بلو کباشی  
تعبیر اولور یوز باشی ملازمی و بعده یوز باشی اولق مشروط و یوز باشیلقدن عین  
ویساردن هر قنخی قولده ایسه اول طرفده بشیوز باشیلقدن عبارت اولان اغاغه ملازم



بعده اولقواده اغا اولق سلسله طریقه مربوط اولوب اندن صکره اوجاق کتخدالغی ویکباشیلقله واصل درجه امتیاز و قابلیت اولدیغی صورتده اوجاق اغالغی رتبه سنی احراز نکاشته صحیفه جواز قلنوب بعضی علل واسقام یا خود اسیرلک تقریبیه ضعف بنیه و اندام ظهور یله تقاعده اکتساب لیاقت و علمانده لک مجلاس سنده ابراز صورت ایدنلر بولدیغی رتبه معیناتی ثلثی ایله متقاعد و جنکده مبتلای جراحات و بهادرلغی ملا بسه سیله معطل ساز ماده قوت اولنلره نصفی و ثلثانی و بلدکه تمامی و جوهر جلاد تنه کوره ده از یاده معاش تقاعدی متراید اولق خصوصلری تنظیم و سائر قوانین صحیف دفاتر قانون جدید ترقیم اولندی دولت علیه در جدید بر عسکریتشدر مک مرتبه و جنوبده اوار یغی تقدیر جه دولت علیه نك ایراد قدیمیسی مصارف حالیه سنه غیروافی اولدیغی اجلدن عساکر جدید نك مصارف نه کافی ایرادینک تنظیمی لازمه حالدن اولمغله فیما بعد مقاطعاتک ظهور ایدن محمولاتندن اون کیسه فائضندن زیاده اولانی جانب میریده توقیف و طرف میریدن اداره و الزام و حاصلاتی عساکر جدید مصارف نه صرف اولنمق و اناطولی ایالتنده اولان تیمارات تماما جانب میریدن ضبط قلنمق مثلاً و قوعاده ماده نك سبب و حکمتندن فاعل بر طاق جاهل بو وضعی ظلم صریح عدا یتشلا رایسه ده خداوند کار شهید یو کونه رأی واجتهادده ظلمدن بعید اولدیغی ارباب رأی سدید عندده ظاهر در

❖ عاصم تاریخی ❖

### ❖ ترتیب نصیح و پند با وزیران ارجمند ❖

قانون شناسان دفتر خانه رشد و سد ادب و ضابطه یی پیرایه دیبا جه پند منبج الرشاد ایتشلردر که بروزیر طرف شاهنشاه کردن سریردن رخصتیا فته کمال استقلال و احسان دیده توجه و اقبال اولدقدن صکره و اجیدر که مقتضای خیر اندیشی و نیکخواهی پادشاهیده سرمو تقصیر و مسامحه و اکور میوب لازم کلیچک سلامت وجود پادشاه ایچون کندی نفسنی قدادن کردن ایچ تعال و عناد اولیه که دنقود عمرینک جمله سنی راه ولی النعمه صرف ایتک موافق دستور مروت بلکه مناسب دأب خقیقتدر بو تقدیر جه راحت و حضور خداوند ایچون مرتکب مشاق تعب و زحمت اولق بطریق الاولویه واجبه ذمت اولور و حفظ ناموس دولت و کتم اسرار سلطنت باینده وزیره اول مرتبه ده اهتمام لازمدر که فی المثل یغما کر اجل صندوق وجودینی صد پاره تیر فنا قیلسه و پنجه سر تیر مرک همیان سینه سن صد چاک ناخن زوال ایلسه ینه کیسه مر بمهر سینه سنده مودوع و موضوع اولان جواهر کر انبهای اسراری پریشان میدان شیوع ایتیه

### ❖ حکایت ❖

بومیوه خوشگوار معنیدار حدائق تواریخ روز کاردن اجتناسکرده انامل کلک گوهر



نثار در که نوشین روان عدالت پیشه نك بر پادشاه قوی بخت وزور آزما ايله که قوت  
شکوه وشو کتده کندویه کمال تغاب واستیلاسی مشاهد اعلا وادنا ایدی زمانها  
بینلرنده رایات نزاع وتخاصم بر پا وعسا کر طراد ونزال مهیا اولوب بالاخره دفع  
خصوصتلی امر نده تدابیر هوشمندان تجربه کار بورای صائب اوزره قرار ایتدیکه دختر  
نوشین روانی پادشاه مذکوره نامزد قیلوب بعدالازدواج احوال ثنا کر واختلاف  
مبدل ایتلاف وامتزاج اوله لیکن اکاسره عجم بیننده کندی ثمره نخل وجودین دشمن  
بی مذاقه اطعام واذاقه ممنوع و بوقوله خصمایننده قانون صهریت مرفوع اولمغین  
سفینه طبع نوشین روان بو کارنا پسندک صورت پذیر وقوع اولسنده فتاده کرداب تحیر  
اولوب کندینک مجرب خاص و معتقد صاحب اختصاصی بزرجمهر دانادن دستیاری  
(وشاور هم فی الامر) ايله استمدادرهایی قیلدی بزرجمهر تکاپوی اطرافی ملاحظه  
وتفکر دنصکره بو حیل متین تدبیره ظفر بولدی که دفع محذور مذکور ایچون دوشیه  
کان اشخاص بیگانه دن برین خاندان سلطانده بنت صدریه مقامنده دایکان وپرستاران  
حرم سرا تریت قیلوب هنکام زفافده دختر نوشین روان نامیله بذل تجهیز وارسال  
خلوتگاه داماد ایده لر که بو تقریب ايله هم علت قرابت صهریت برجاهم محذور دوستی  
دشمن ناپیدا اوله بو تدبیر دلپذیر ذهن پاک نوشین روانده جایگیر اولوب اگر ادزی بغی  
وعناددن برینک دختری مناسب کور یلوب مال فراوان ايله پدر و مادری ارضا  
اولندقدنصکره بیت الحرام اعظمده تعیین دایه وخدم قیلوب براز زمان تربیتنده دامن  
درمیان اولدی لر اتفاقا بزرجمهرک برمخدومه سی واریادی اخیانا حرم سرا ی نوشین روانه  
تردد ایتدیکجه اول دختر کردیه خیانت اصلیه سی مقتضاسیله حرکات رویه دن خالی  
اولیوب اوضاع بارده ايله دختر بزرجمهری آزرده قیلور ایدی برکون دختر بزرجمهر  
پدری حضورنده اول ساخته کهردن شکایت کونه دهنکشای نظم اولوب ای پدر  
مهربان حرمگاه پادشاهه واردیکجه دختر سلطان بکابی سبب اذیت رسان اولور دیوب  
مقاله شکواسنی بحر طویل اطنابده بر منظومه مستزاد ایدیچک بزرجمهر شفقت پدرانه  
حسبیه تسلیه فرمای جگر پاره پریاره بیچاره اولوب ای اختر برج وزارت اولسکا  
جفا کار اولان دختر بد اصل وزشت طینتی صلب شهریار عدا لیکاردن ساقط بر عالی  
نژاد و سلطان زادمی قیاس ایدرسن اول سلیطه بد زبان بر کردیچه بیابانیدر برای  
مصلحت فلانی گوشه گیر دامن رایکان حرم سرا ی سلطانی قیلنشدر اکا بمحضور  
واوضاعندن رنجور اوله دیو جواهر تسلیتی مرسله کردن هوش کافور رنگی قیلدی  
بعد زمان دختر بزرجمهر عالیشان طریقه معتاد اوزره دارالسلطانیه واروب سفره  
مصاحبت درمیان اولدقدده دختر معهوده عادت مالوفه سی اوزرینه سر آغاز جفاکاری  
قیلچ-ق وزیرزاده تحملدن قالوب (ای خضر االد من) نیچه بر بوی بدخلق



زمین کردن اذیت رسان دماغ جان اولورسن مکرسن کندیکی نسل سلطان و در صدف  
 صلب نوشین روانی ظن ایدرسن بر کردن پاکک ناخلف اولادندن ایکن کندیکی فروع  
 اصل جلیلدن قیاس ایدوب بوهرتبه غرالق ندن لازم کلور دیوب ناخن عتاب ایله  
 چهره خراش خطاب اولیحق اول دختر بد اختر بو مقال منتج الملالدن سرخ روی  
 انفعال اولوب کلمات وزیرزاده بی بر برایصال کوش پدر قیلدی نوشین روان عالیشان  
 بو کوهر سرخفینک غلطان میدان شیوع و ظهور اولدیغندن نهایتده بحضور اولوب  
 لسان وزیردن معرض بروزده جلوه کر اولدیغن تیقن ایتمکله امر ایتمدیکه اسرار ملوکی  
 فاش ایدن کستاخ تنک حوصله نک جزاسی بودردیو بزر جهری بردار ایده لرفی الحال  
 بجلا دان بی ترجم اجرای فرمان ایچون دست و کریبان وزیره آویخته اولوب سرداره  
 معلق اولان امر خیاتی حواله بیچتاب رسن قیلدیله رهنوز هنکامه کام سیاست مالامال  
 تماشائیان ایکن بزر جهرک دختری سرو پارهنه مکشوف العوره میدانه کلوب بی باک  
 وبی پرواز یروبالایه جولانه باشلدی نوشین روانکه عفت ورشد دختره واقف ایدی البته  
 بو وضعک بر حکمتی و سبب وعلتی واردردیو پرسش مرادینه اشارت فرما اولیحق  
 دخترکه نهایتده عاقله ایدی بو وجهله رد جواب ایلدیکه حالا عرصه پهنای دنیا ده  
 رجل اطلاقته سزا بر آدم یوقدر که آندن ستر عورت لازم کله حضار مجلس یابو کروه  
 اعیان و اشرافه نه دیرسن دید کلرنده دختر تکریر جوابه لب جنبان اولوب ظاهر  
 بو عرصه پراشبا حده بر آدم بولنسه پدرم کی عاقل و دانا وزیر ی پادشاهدن رجا  
 و دامنبوس شفاعت اولمغله سلطان قهرمان روشن استعفا ایدر لرایدی دای نوشین  
 روان پاکیزه اذعان مدعای دختری تحسین ایدوب تهورله بی سبب وجود وزیر ی  
 برباد ایتدیکنه پشیمان اولوب دهن تأسقله انگشت خای ندامت و مسامحان شفاعته  
 زباندراز تو بیخ و ملامت اولدی

( شعر )

احذر مباشرة الملوك ولا تكن \* ماعشت بالتقريب منهم واتقا  
 فالغيث غوثك ان ظمئت و ربما \* ترعى بوارقه اليك صواعقا  
 نصیحت در تحری و تدبر و تامل و تفکر \*  
 بوضابطه حکمت قرین کذاک خاطر نشان کارا کهان دورین اوله که بر کنه کار  
 ناسزا که مقتضای خطیه سی اوزره مستعد سوء جزا و مظهر قهر و اذا اوله و تا که کنه  
 کنهنه و اصل و غدر و جورینه اطلاع حاصل اولدین ( جزاء سیئه سیئه مثلها )  
 مضمونیه جزاء عملده سرعت و عجله ناروا و علی الفور عقوبت و سیاستی عین خطا در  
 حضرت مالک الملک حقیقی جل شانہ افراد ناسک بوجایگاه شر و شورده مرتکب  
 اولدقاری صنوف سقاقک تفاصیل و دقایقه واقف ایکن دیوان محشر و جای مکافات



خیر و شمرده تعجیل عقاب ایتیموب گنه کاران شوریده بختك صحایف اعمال الرین الارینه  
ویرمدین و مجال افکار برطرف ایکن شهادت ایدی وارجل ایله سوء صنیعاری بالمواجیهه  
مرتبه ثبوت ایرمدین پاداش کارلرینه اصمدار فرمان ایلز یعنی مجرمین و عصاتی الزام  
ایتمدین جزالرینی روا کورمن جناب خدا عالم الغیب والشهاده ایکن ( یوم یؤخذ  
بالنواصی ) ده توقف و تحریدن مستغنی برقه ارشید البطش و سلطان صاحب  
جبرودت ایکن یته مجازاة جرایم عبادی ثبوت استحقاقدن تقدیم ایلز سایه خدا  
وظل مولا اولان جناب شهر یاران عد التکاره دخی بوبابده مناسب حال مدلول  
( تخلقوا باخلاق الله ) ایله متصح اولوب مجرمینك استحقاق عقوبتاری یقینا  
معلوم اولیجه تعجیل سیاسته اقدامدن مجتنب و حذور اولق لازم کلزمی

( نظم )

ترا چون زیزدان بزرکی عطاست	❖	بتعجیل حکم سیاست خطاست
کر اول توقف کنی در قصاص	❖	توان کشتن اورا که بدهی خلاص
ولیکن چوقالب پراکنده کشت	❖	نیار دفرمان تو زنده کشت
چوازه هم شدین خال رنگین و جست	❖	نگرد دسفال شکسته درست
برآمرزش مجرمان کن شمار	❖	کرامید داری برآمرز کار

فی نفس الامر تحری و تأنیده شائبه ضرر متصور اولیوب عکسندده ترتب ندامت  
عظیمه امر مقرر در مثلاً برآدم حقیقتده مستعد و جوب قتل اولیجق حواله تیغ سیاست  
قیلنسنده بر مقدار اهمال اولنسه هیچ مصلحت فوت اولیوب هر نه وقت اراده اولنسه  
ازاله وجودی امر نمکنند اما اهلا کنند مسارعت صورتنده تلافی و تدارك بقامحال  
اولوب فرضا اول شخصك اطلاقنده ملك و ملتده نافع بر مصلحت ظهور ایلنسه بعد القتل  
والافئاتد بیره مجال برطرف اولوب (ع) بسیار بخاید سرانکشت ندامت (نثر) مقتضای  
حسب حال اولق لازم کلور ( شعر )

ان الزجاجة مهمها حطمت سبکت ❖ ولا تكسر ورأتم ماسبكا

( حکایت )

زمان سلطنت روزیرده مقبولان سلطاندن بر شخص جلیل القدرك دماغنه سو دای  
غرور و سرکشی استیلا ایدوب اطاعت شهر یار عالیبتبار دن روگردان و علم افزاز خود  
کامی و عتو عصیان اولغله جمیع نیک اندیشان حضرت حضور سلطانه کلوب حریف  
عنیفك تفصیل وجوه مفسدندن صکره شویله که حقندن کلنمکدن اهمال اولوب قطع  
عروق مکارهنده استعجال اولنیه داء عضال خیاتی سائر خدمه بارگاهه سرایت  
قبولوب بعده علاجی تعذر پذیر تدبیرد فحی امر عسیر اولوردیو تقریر بمقدمات خیرخواهی



قیلدیلر پادشاه بآنتباهه مقر بان بی غرضك كلمات مذکور سی قرین صحت و سداد  
 اولدیغنه حسن اعتقاد حاصل اولوب علی الصباح دیوان معلا ده مجموع وزراء و ارکان  
 دولت حاضر اولدقلرندن کله حریفی کله حیاتدن عریان و میدان سیاستده غلطان ایتک  
 اوزره بسط عهد و مواتیق ایلدی سپیده دم که مریخ فلك کار نطخ سماء پنجده جلوه  
 جلادانه آهنگ و ترتیب ساز و سلب آشوب جنک ایلدی پرویز دلیر خونریز هیا تفزای  
 بهرامی ایله سایه انداز سریر قهرمانی اولوب قاطبه ارکان دولت صف امثال عبودیتده  
 دست بسته قرار ایتدیلر شخص پر نقص خباثتکار و خیانتکار مقام معهودنده مشول  
 ایدوب هر کس مترقب کیفیت ظهور قهر و کین اولدیلر پادشاه عالیجاه اول کنهکار  
 قهر دله متغافلانه اگر امه سر آغاز ایدوب مرتبه اقدیمه سندن نیجه طبقه زیاده  
 رعایتلر اظهار ایتدی وجیب و دامن تصورین نقود جواهر احسان ایله مالامال  
 ایتدکنصکره مأمولندن هزار مرتبه والاتر بر منصب رفیع و عالی ارزانی بیوروب  
 اعیان و ارکان تعجب قیلوب بونه حال بو العجبد که دونکی کون حضور پادشاه  
 عالیجاه محض نیکخواهیدن ناشی القا اولنان اقاویل صحیح دینی اصغایوروب موجب  
 اجرای تعهد نما ایکن حالانه حال ظهور ایتک کر کدر که سمت خلافه ذاهب اولوب  
 عفو جزایمندن قطع نظر بومرتبه ده عواطف و الطاف ییشماره مظهر قیله بوسر سر  
 نهفته نك البته بر حکومتی وارد در دیوب غوطه خور بحر اندیشه و تشویش اولدیلر  
 پرویز دور اندیش ارکان دولتک دفع و سوسه لری چون بوجمله جواب فرمای سوال  
 مقدر اولدیکه بو شخص مرتکب المفاسد حقننده دونکی کون عرضه داشت پایه  
 سریر عالم مصیر ایتدی که احوال صحیح المال هر چند مطابق نفس الامر و موافق  
 واقع حال در و مغرور مزبور پانهاده رکاب شرور اولوب نیت و همتی عزیمت میدان  
 عصیان و کشت دشت ضلالت بر بناء علیه بندخیانی مبتلای قید و بند و محبوس  
 جاه کزند ایتکی لازم و نسق سازی کار ساز دولته مناسب و ملایم بلکه واجب و مهم  
 بیلوب هر چند کیفیت حبسنی تفکر قیلدم حکیم دور اندیش عقلم بو طریق القایلدیکه  
 هر نه مقوله عضو ندن نه رسمه زنجیر ایله بند او انور سه انفصام و انحسام قبول ایتکله  
 حبس میدیدن رها بولسی ایله جمیع بدنی مقید و محبوس اولیه پس ملاحظه قیلدم سکین  
 مکر و حیل و سوهان فکر و تدبیر ایله بریده اولیه جق زنجیر اطف و احسان در و مجموع  
 جوارح و اعضا یه شامل عضو قلب و جنان در اول جهتدن قلبنی بسته سلسله عواطف  
 و الطاف ایتدم امید در که مدت العمر خلاص اولیه و تا که مجلس تنک جهانده وجودی  
 موجود اوله بوقید و بنددن رها بولیه ( بیت ) دست و پای میتوان زد بند اگر  
 بر دست و پا ست ❦ وای بر جان گرفتاری که بندش برداست ( تر ) مرویدر که  
 شخص مذکور بو مقابله شهر یاریدنصکره بروجمله غل اطاعتی پیرایه کردن جان



وخلوص تامی آرایش صحیفهٔ جنسان ایتدیکه سسائر سدهٔ دیوان بوحالهٔ خیال  
قالدیلر

( نظم )

نباشد چو توشاه در قهر و کین ✽ بکوشش چنان و بخشش چنین  
چو بستی بقید عطا کردم ✽ چه حاجت رسن در کلو کروم  
✽ جواهر زواهر در تسلیهٔ خاطر ✽

امور مملکتده موجب مسرت و انشراح بر حال باعث الارتیاح پیدا اولدقده جناب  
فیاضه تقدیم حد و ثنا قیلوب قضا ایله بر رخنهٔ تغیر و اختلال ظهور ایتدکده قطعا  
مرآت سنیه لری ژاک پذیر تأثر و ملال اولغه مساعده بیور میوب هر حالده خزانه  
درونلرین نقود شکر مولا ایله تمثلی ایده لر که خواطر شهر یاران عالم نمودارد ریای اعظمدر  
هر سیل بلا ایله تکدر پذیر اولمق روا اولمز و اول رسمه دواعی حزن و اندوه صدورنده مقدا  
سبق ایدن مقدمات فرح و سرور تفکری ایله برهنزن جیش عموم اولوب عالم کون و فسادک  
حالدن حاله تحولن یاد ایلیه لر

( مصراع )

غافل نه شاد اولور بوجهانده نه غم چکر ✽ غافل همیشه شاد اوله یم دیرالم چکر  
✽ ذکر مالابد ✽

احتماق حقوق داد خواهان بهترین کردار شریاران جهاندر و بر مقتضای  
( کلکم داع و کلکم مسئول عن رعیت ) حکمهٔ محشرده هر کس علی قدره زیر  
دستان و توا بعدن مسئول اولیجق خلفاء سطوت بنساح و پادشاهان عالیه احوال  
افراد بر ایدن نه مرتبه ده مظهر ندقیق و سزاوار تضییق اوله جقلری بدیهیات  
اموردندر

✽ حکایت ✽

هر ویدر که عهد سلطنت ملک شاه سلجوقیمده بر پیره زن پر حزن درد مند اسباب تجمل  
و کامرانیدن بر لاغر و ناتوان کوسفنده مالک اولوب نفقهٔ یومیه سی پستان کوسفند  
مزبور دن مقدر اولغله انکله سدر مق ایدر ایدی اتفاقا سمت چراگاهه اخراج ایچون  
اول فرتودهٔ لک کرده راحت متوجه طرف صحرا اولوب کیدر کن رهگذرده بر جسر  
خرابه راست کلدیکه بنیان وجود عجزه بی برک و نواکی متضعضع الاضلاع اولوب  
هر تخته پاره سی که معاصر ایزاء سفینهٔ نوح نجی علیه السلام ایدی مانند استخوان  
سنیه زن هفتاد رسیده وهن تمام پیدا ایتشیدی و دل دردناکنده اثر قضا دن پیدا اولان  
هزار زخم عناقبی هر محلی سوراخ اولشیدی نه حال ایسه بیچاره آواره مروره جرأت  
ایدوب کیدر کن پای کوسفند بر رخنهٔ خلیده اولوب فتادهٔ قعر آب و متوجه چراگاه



عدم اولدی عجزه مصیبت زده اول محله ناچار قالوب آه وواو یلایه آهنگ وقامت  
 خجسته سن بزم غزایه چنگ ایدوب زمزمه و اسفالیله خنیا کر بزمگاه فریاد اولدی  
 بواشاده ملکشاہ ملاک انتباء خدم وحشم و کروفر ایله نشته فرتوده دن کذر قیلوب  
 همان اول عاجزه دلتک ارغنون فریاده آهنگ ایدوب ای خاف صلب الب ارسلان  
 وای مسند خلافتہ شاہ کامران روامیدر که زمان سلطنتکده بزم کبی فقیره ناتوانه  
 بورسمه ظلم وعدوان ترتب ایدوب غذا بخش رضیع جان اولان کوسفند مظلومی  
 بوجسر اژدر نشان التقام ایله بن نامراده موجب خسران اوله البته بومحر خونخوار  
 جکر دردن دادیمی آلیویر والاصراطده حضور پادشاه حقیقیده دامنکه آویخته  
 اولوب داد خواه اولورین دیدکده ملکشاہ متعجبانه جوابه متصدی اولوب جماداتدن  
 اولان جسربی روحوبی عقاک ظلمه مأمور امور انسانیه اولان سلطان عادل  
 نیجه ترتیب درمان ایلسون اگر سکا تعدی ایدن طوائف ذوی العقولدن اولسه  
 احقاق حق نیجه اولور کورردک دیچک زن مظلومه ای شهنشاه دل آگاه سنک  
 تیقظ وانتباهکه لایقیدر که محر اصناف مخلوقات اولان جسر چوبین خاطر اهل  
 دل کبی خراب اوله و تعمیرنده اهمال روا کوره سن معنی بکا ظلم ایدن سن سین دیو  
 بسط کلام مستلزم الازام ایدیچک درون شاه نصفت پناه بومقالات مکدره دن نهایتده  
 متأثر اولوب امر ایتدیکه مال حلالندن هزار غنم غنیمت اثر دینت کوسفند اولق  
 اوزره تسلیم کرده زن پر حزن قیلنه حسب الاشاره فرمان سلطان برجا اولدقه  
 فرتوته مذکورهنک خاطر زاری متسلی اولوب آخر عمرینه دک دعای بقای ملکشاہه  
 مشغول اولدی اول دمه ملکشاہه تبدیل منزلگاه و رحلت بارگاه اله لازم کلوب  
 عالم بقاده قرار ایلدی صلحای زماندن بری عالم خوابده پرسش چکونکی احوال پراحوال  
 معساد ایتدکده اگر سر جسر معهودده داد خواه اولان زن بی برک ونوا حقنده  
 ظهوره کلان حسنه حالا دستگیر و معینم اولسه جاه عذابدن خروجه قادر اولمازدم  
 و هزار کوسفند معهود مطیه روح اولسه کل ولای محنتدن گذاره چاره بولمازدم  
 حمد الله که اولوجهله احقاق حق ایتدیکم جهتدن حالا مظهر کرم رب رحیم  
 وسزاوار دخول باغ نعیم اولدم دیوشکر گزار حضرت پوزشپذیر کریم اولدی

❀ ترکی ❀

❀ جنیلرک قبول اسلامی ❀

صدر نشینان رشته رواه یاننده رسیده نصاب صحتدر که ابوطالب گوشه کیه تنکنای  
 خلد اولدقه نصکره اشرا بیدین و اشرا ی مشرکین حضرت سید المرسلین علیه الصلو  
 والسلام وسائر اصحاب کزین جنابنی ازدراده دیده بان فرصت اولوب پاشیده دست



اضرار لری اولان شکسته خارا زار و یردیکی رنجش طاقت شکندن اول سرو سدره  
سیمای رساله سخن بستانسرای بطحاده جلوه گاه صفا قالمدی لاجرم جانب طائف  
جولانکه عزیمت لری اولدی معالم التنزیله جانب طائفه تک و تنها تشمیر ساق عزم  
ایتد کلری مسطور و سائر امهات کتب مغازیده انجق زید بن حارثه نیک ملازم خدمت  
اوله سی نکاشته سطور در اول زمانده سرطویه طائفه عبد بالیل و مسعود  
و حبیب ایدیکه اولاد عمرو بن عمیر ایدی هربری پیشوای قوم ثقیف اولغله انلری منج  
سداد اسلامه دعوت ایتکی لازمه همت قیلد یرمراد همایون لری بویله سامان صاحبی  
منیع العصبه اولان لری هوادار اهل اسلام ایتکله ضعفای مسلمینی اذیت جگر خراش  
مشرکیندن مصون الساحه ایتک ایدی بناء علیه اول همای نجس نه ظل بوزاغان زغن  
مشرک میانه سنده روایت صحیحیه اوزره اون کون مقداری مانده دام توقف اولوب  
نیجه معجزات عمیه البرکات وجوده کتوردیلر اما هیچ کسده قانده عنایت ازلیه راهبر  
سر منزل سعادت اولمدیکه سالك نهجه باهر البهجه هدایت اوله لر شکوفه پیرای  
روضه الاحبابده مولانا جمال الملت والدین المحرث نقلی اوزره اول خر مشربان  
شقا پرستدن هربری جدا گانه خطاب ناصوابه جسا رله دامن رسالتی آوده غبار کدورت  
ایتدیلر اولابری حضرت پروردگار عالم سنندن اوز که بر سر اوار سنند رسالت بولمدیمی  
که حامل اسرار نبوت ایده دیوب ایکنجی هرزه خای یاوه درای مغاره دهانندن هلاهل  
ریز ثعبان زبان اولوب اگر سن مهبط ناموس اکبر یعنی صادق الوعد پیغمبر ایسن  
بن کسوه زرکش طراز کعبه الهی سرقه ایتش اوله ین دیدی اوجنجی خرز عمنجه  
سخن آفرینک احراز ایدوب ای محمد بز سنکله قطعاً مطارحه مقاصد کلام ایدوب  
سویلشمز زیر اسن اگر مر رسالته مدعی مقبول دکل ایسن العیاذ بالله شبه بی فروغ  
دروغی قرطه بناکوش سامعه ایتمز و اگر منجیح تحقیق اوزره فرستاده درگاه جهان  
آفرین ایسن بزم کبی برقاج خاکسار بادیه پیاده نه یار اوردر که کاشته خالق السموات  
والارض اولان پیغمبر جلیل الخطر ایلله طرح مناقشه رد و قبول ایده یزدیدی بالاخره  
اول ژنکار ز دای آینه ابرار علیه الصلوة والسلام سابق الذکر اوج بد بخت آهن دلك  
قبول صیقل اسلام ایلله چهره نمای اسرار ملکوت اولمه سنندن مایوس اولوب ینه طرف  
ام القری یه برزده دامن عزیمت اولد قلنده اول سفله نهادلردن بوماجرای دعوت  
مستور سرپوش کتمان قالمه سین یعنی سامعه طعنه زنان قریشه واصل اولما سن مراد  
ایتد کلرنده اول اوج شقی خاطر آزار بودمی روز بازار رواج سفاهت بیلوب گذرگاه سید  
الانبیایه علیه الصلوة والسلام سفهای آتش زبان ثقیفی ایکی سمط ایتدیلر اول نازش  
شمشاد خرامان ایلله کلبن باغی برهمزده اضطراب و طیش ایدن نخل صنوبر خرام  
قریش علم مثال کچر کن قطع الله ایدیهم ایکی طرفدن ولوا ضحکه استهزا ایلله سنک



ریز اولدیله حقا که بومساق مشاق داشکن استماعندن شکسته خاطر اولان یارانہ مقال  
طرفه طرز مقالیدن اوز که جبیره بند تسلیت اولماز اسکنده الله بحبوحه جنانه ✽ بیت ✽  
مقالی طعن جاهلندن غم ار باب عرفانه ✽ آتزل طاشی البته درخت میوه دار اوزره ✽  
سعادت وار ملازم خدمت علیه اولان زید بن حارثه نك سرد و لقمندی ایله پای سدره  
سای سیدالورادن سنك ناتراش سفه بار قاج یردن چشم کشای خون اولوب ایقلرنده کی  
نعل همکونه لعل اولدی خون دکل جوهریان چارسوی بلا مقدم سلطان انبیا  
علیه الصلوٰۃ والسلام کنجینه فشان لعل و یاقوت اولدیله یا خود خو جکیان آیین  
بند شهر ابتلا اول پادشاه هر دوسر اصلی الله علیه وسلم قدومنه شقه پرنیان شقایق  
رنکدن پای انداز تکریم و تعظیم ایتدیله ✽ بیت ✽ چشم خونینم خیالک شاهنی اءز ایدر  
✽ هر گلشده بر قاش سرخ پای انداز ایدر ✽ القصه اول شرزمه شرزمه دن اذای جان  
کزای شقادن اوز که نسنه مشاهده اولنمیوب ینه پهن دشت بطحایه سبک ساز عنان  
مسارعت اولدیله اثناء راهده بطن نخله دیملکه شهرت شعار اولان موضعه ضرب  
خیمه نزول اولنوب شب تاهمه رآنده اقامت بیوردیلر پری پیکران جلباب شب برده سرای  
بنفشه کون کونده جلوه نما اولد قدده اول مقتدای صف انبیا علیه الصلوٰۃ والسلام قائم  
سجاده نماز اولوب آواز بلند ملائک نواز ایله قرائت آیات بیناته سر آغاز ایتدیله مکر جنیان  
نصیبیندن که اسم شهر دریدی نفریا خود طقوز نفر جن گذران ایدر کی آواز شعور انداز  
محمدی صلی الله علیه وسلم تأثیر بلاغت قرآنی برله کریمانکیر عزیمت جنیان اولوب هر رین  
بروجهاه مسلوب الاختیار ایتدیکه مرکز و قوفلرندن نیم سرمو تحریک قدمه اقدام  
ایده مدیلر بالاخره حضرت سیدالثقلین جنابنه علیه الصلوٰۃ والسلام تقدیم دستاویز  
صلوات ایدوب کندیلرین پرده سرای نهانخانه خفادن اظهار ایتدیله ✽ بیت ✽  
پری کوزدن نهان اولق نه ممکند رزمانده ✽ جهانی شویله نورانی ایدر روی رخشانی  
✽ وجهه سی قبول دین اسلامه موفق اولدیله و بر موجب اشارت حضرت رسالت مدینه  
نصیبین طرفنی نصب العین مراجعت ایدوب هر بری سجاده دعوت کچمکه قوم  
وقبیله سن جاده شریعت بیضایه سر آغاز دعوت ایتدیله بو محمده ذکر اوانان نصیبین  
خطه عراق حاوی اولدیغی نهر اولمیوب دیار نجسته آثار عنده برقریه نك اسمی اولدیغی  
مشکل کشای فن تفسیر مولانا شیخ زاده حاشیه سنده نکاشته یراعه تحقیق ایتشدر اول  
سبب ایله طائفه پری یاندن جمع کثیر منهج مستقیم دین قویمه مهتدی اولغله منشور اجلال  
محمدی صلی الله علیه وسلم توفیق رفیع رسول الثقلین ایله موشح اولدی حقا که جنیانندن  
دیده مردم بینشی اول مردم دیده آفرینش جمالیله منور اولمیانلر سر کرم عشق عالمسوز  
محمدی اولوب (ع) و تعشق الاذن قبل العین احیاناً ✽ مصداق قبحه جان و دلدن ربوده  
صیت عالمکیر جمال باکالی اولدیله واقعه بطن نخله دن اوچ آی صکره تکرار طائفه



پری یاندن بر گروه انبوه شعب مجونده که کورستان مکه دن عبارت درایت افراز عز ملازمت  
اولوب شرف خدمت خواجه کائنات علیه افضل الصلوة ايله بیون حیطة حصص  
فایز مزادات اولدی لر خادم خواجه عاقبت محمود عبدالله بن مسعود ملازم خدمت  
خیر البریه علیه التحیه ایدی اول کجه مشهودی اولان نقش غریب احواله عنکبوت  
مشکین لعاب قلم طرح ایلدی کی بو مختصر نسج دفعه تألیفده تحمل اخاطه اولما مغین  
تار عنبر بار تقریری منوال اهمال قلندی القصه روز دیگر اول خرامنده نخل سعادت  
ثمر بطن خله دن آستاله بیت الهی وجهه عزیمت بیور دیلر اثناء طریقده استماع ایتدی لر که  
سفهای آتش جای قریش تقلید سفاهت بدکاران طائف ایده اول جهت دن بالای کوه  
حرایه نازل اولوب توره دیرین عرب اوز ره رؤساء قوم دن التماس جواره ارسال قاصد  
ایتدی لر مطعم بن عدیدن غیرسی اول مقتدای برره انامک سینده ملتسمه حواله دست رد  
ایتدی لر اما مطعمه داعیه مروت جبلی محک قبول جوار اولوب اقارب و عشائر یله پوشیده  
سلاح اول حضرت باهر النصر قی مکه ده محله واصل ایتدی لر بوسال فرخ بخش فرخ  
فالدیه حضرت سلطان الثقلین صلی الله علیه وسلم سیده النساء المعین عائشه صدیق  
ابنه الصدیق ایلهم المؤمنین سوده بنت زمعه بی رضی الله عنهما در شهوار کی عقد عقد  
نکاحه چکوب سوده که ثبته ایدی محرم جاهه خواب زفاف قلندی اما عروسی مهملد کوه  
نکار صدیق صغری حسینه موقوفی عقدۀ تأخیر اولوب سال اول هجرت ده مدینه  
مطهره ده منصفه نشین بیت السور زفاف اولدی لر

❖ سیر و سی ❖

### ❖ واقعه غزوة دومة الجندل ❖

رقم سنج این نامه دلپذیر چنین رفت مشک ختن بر حریر که دمشق و کوفه یه اونر مرحله  
مقداری محامده واقعه دومته الجندل حاکی اولان اکیدر بن عبدالملک نصرانی که تابع  
قبصرایدی سودای مقاتله موخدینه لشکر انبوه آماده ایلدی کی معروفه سده رسالت  
قلنغن شهر ربیع الاولده سباع بن غرقظه غفاری رضی الله عنه جالس مسند وکالت  
بیور ولوب هزار نفر هر یز پر خاش جورایه ماه شب آراوش طی منازل لیال ایده رک  
موضع معهوده برمر حله قالدقه مواشی اعدایه دوچار اولوب آورده زرینه اغتنام  
ایتد کلرنده رعایت مواشی کریزان اولوب مجمع اشرا ره قدوم موکب اسلامی اخبار ایتکله  
هبوب صرصر خوفله توده کاه سبکخیز کی پریشان اولدی لر سرخیل قافله انبیا  
علیه وعلیهم افضل التحایا حاضر تری موضع مزبورده چند روزه خیمه نشین آرام اولوب  
شکار کرازان کریزان همچون اطرافه نشر سرایان شیران بیور دیلر آخر محمد بن مسلم  
رضی الله عنه رمة بیابان نور دضلا لدن برینی صید ایدوب استنطاق دقیقه خیال



ایلدگرنده بيم سطوت سریه ظفر پناهدن ترك موطن ايتدگارین اخباردن غیري  
 سر شمع ز بان شعله شهادتله نویرا یلدی اخر غیبت سر حد یکماهه بی تجاوزا یلیجکینه  
 مستقر سعادت لرینه تشریف و قلوب مشتاقان تفریح ایلدیلو و تلطیف بیوردیلر (غزوه  
 مریسع و تسمی غزوه بنی المصطلق) کرم سازان هنکامه درایت \* بو نمطا وزره ترتیب کتبه  
 روایت \* ایشلردر که قبيله کفره بنی خزاعه که منازل بین الحرمیندن ناحیه فدی ایللب  
 بحر ینبوع بیننده واقع بئر بنی المصطلق حوالسده مغیلان صفت وضع سد خیمه اقامت  
 ایشلریدی پیشوای قبيله معهوده اولان حارث بن ضرار قبائل اطرافدن دخی بشیمار  
 آواره بیابان ادبار جمع ایدوب مز رعه نوخیز اسلا میانه امطار تکرک جفاد اعیه سنده  
 اولدیغی واصل سمع اشرف باغبان شفاعت علیه اسخا التحیه اولمغین بریده بن الحصیب  
 رضی الله عنه تجسس ایلله صورت حالدن کشف قناع ارتیاب بیورلدقدن صکره شمشیر  
 لامع هلال شعبان میدان آسمانده فروزان اولدقدن ترتیب مهام پر خاشه فرمان عالی  
 صادر اولوب لوای نسرینقام مهاجرین سر پنجه اسد الله علی المرتضی یه ولوای انصار  
 سعد بن عبادیه مسلم اولدی حضرت فاروق و آله همت موج نخستین کی مقدمه دریای  
 صفوفه تعیین وزید بن حارثه و عکاشه بن محسن رضی الله عنهما ایلله میمنه و میسره تحصین  
 بیورادی بوسفر ظفر مدارده او توزرأس یکران صرصر عثمان اماده ایدیکه اونی مهاجرین  
 و یکر میسی انصارک زیر جام تملکی ایدی و چراغان شبستان رسالتدن حضرت صدیق و ام  
 سلمه رضی الله عنهما هودج فانوس سیما ایلره فروز رفاقت اولدیلر حتی کج دلان نفاقدن  
 دخی جمع کثیر آرزوی اغتمام ایلله بادیه وفاق اولدیلر خلال نهفته خرمین ایمان یاندن  
 استراق خوشه اخبار ایچون جانب قبيله خذاعه دن متوجه اولان جاسوس چالاک  
 سر پنجه دشمن کیر عمری یه اسیر اولمغین حضور داور خطه رسالتده استقصای حال  
 اولوب کیفیت کفاره استطلاع عقیننده تکلیف اسلامه اطاعتدن کردن پیچ اولمغین  
 فرمان نبوی ایلله سری سودی کوی چوکان شمسیر عمری اولدی جاسوسک خیمه کرد فنا  
 اولدیغی خبری مجمع اشرازه معکس اولیجق اطرافدن مجتمع اولان اشرا رتند بادهر اسله  
 مانند شرار منفرق اولوب حارث بالضروره کندی رجال قبيله سیله مقام  
 خصامده مستقر اولدی عزیز مصر رسالت علیه اجل التحیه مانند خورشید جهانتاب  
 طی صحرای ایدرک سرچاه بنی المصطلقده رفع سرادقات جلال بیوردیلر اول اشناده  
 غبار مطایای اعدادخی نمایان اولمغن طرفیندن ترتیب صفوف قتال ایلدیلر فرمان  
 سید الثقلین ایلله حضرت فاروق اعظم رضی الله عنه سحابکون سپاهدن برق صفت  
 پیشگاهه نبادر ایدوب نعره رعد سانله اول خاشاک نهادان شوره زار ضلالی ماء الحیوة  
 اسلامدن اکتساب حضرت دعوت ایلدی اما طنی تلرنده نمای هدایت استعداد ناصر کوز  
 اولمغین صورت خشک امتناع کوستملر ایلله دهاقین مز رعه ایمان رضی الله عنهم یکباره



داس شمشیر آتشبازان هجوم ایلدیلار بوغزای غرآده دخی ابلق سوار میدان ملکوت  
جلوه ریز عرصه اعانت اولدقلری مسلوک براهه حفظه سیرسیدالبشر در حق سکون  
بخار سرستیز د نصر کره بنی المصطلقین توتیای اسلام ایله تنویر ابصار ایدنلراثنای تقابلده  
معاینه ایتدکلری سرایای غریب الاجسام ملاءاعلا بیانیه شدنطاق مدعا ایتشار در  
ماحصل جانب اسلامیاندن انجق برنفر کسینه کسر قفس تن ایدوب اعدای بدرودن  
اون نفردوزخی اغشته خون هلاک اولیجق ماعداسی بالجملة سلسله اسره منسلک  
اولدیلر دست زده غرابت اولان اموال اغتنام خارج خروار اوهام اولوب اقسام مواشیدن  
دو هزار شتر و پنج هزار کوسفند تمغازده اقسام اولدی وایکیوزدن متجاوز عوانق پری  
رخسار ماندرمه آهوان جلوه کر خم کند اسیر اولدیلر مقتدای قبیله اولان حارث  
بن ضرارک جویریہ نام دختریکه قامت نکه رباسی چنزار ملا حتمه بر نهال نورس و کیسوی  
کره کیر عنبر شکنی طائر اراده قل قفس ایدی غزاله زرمیده وار ثابت بن قیس رضی الله عنہ  
دام قسمته دو شمس ثابت رضی الله عنه اول نهال کر بسته حسن و بهجن مانند خامه  
واسطی رسم کتاته قطع ایلدی دست ثابتدن تقبل کتاتله اول سر و طرفه خرام ازاد  
اولیجق همان خیمه آسمان رساله چان انداز اولوب تقبیل بساط سندس کونه نائل اولدقدہ  
اولامیانه درج سکریندن طوطی ناطقه سین شہد شهادتله کویا ایتدکد نصر کره بووجه  
اوزره طره نیازه تاب و یردیکه یار رسول الله بو پرستار کینک سیده نسوان قبیله جویریہ  
بنت حارثم حاکم ثابت بن قیسک بسته اسری اولمغه پای حیاطمه بند ایلدوکی عتال کران  
وزن کاتبدن سوهان جهان کشای اعانت نبویدن غیرایله خلاص نامی سر در دیو طناب  
خیمه مر حتمه تشبث ایلدم حضرت عایشه رضی الله عنها نمکریز نواله روایت اولمشلر در  
که اول حالتده نسیم جه مانکر دنکاهم گلستان رخساره جویریہ کدر ایلد کده دامن  
خاطر مدن شراره جانسوز غیرت اشتعاله باشلیوب دریغابو حسن و جمال و عجب دلال  
که انتهای مراتب اطف و ملاحتدر چشم کدار سرور عالمیان اولدقدہ لایب حجامه بالا پرواز  
خاطر لری ر بوده چنکال محبت اولمق محالدر دبو پیچ و تاب اضطرار ایدم کدطبق  
اندیشم اوزره حضرت خلاصه کائنات علیه اسلم التحیات جانب جویریہ به طاره همای  
نکاه التفات بیوروب ای جویریہ جو یبار خاطرک کدر اندوهدن مصفی اولسونکه  
هم ورق رقیق کدن رسم کتابی سترده ستره ادا ایدوب هم آسوده نشین کناره صفة  
ازدواج ایدم دید کده همان جویریہ (بیت) جهانده دولت انک کیم اسیر زلفک اوله  
هر آدمک سر نه سایه همادوشمزمقالیله عذار تشکوننده شعله انشراح و مسرت فروزان  
اولدی حضرت اشرف الخلائق صلی الله علیه وسلم ثابت رضی الله عنه رسم کاتبین  
تسلیم نصر کره اول ماه اوج ملاحتی هاله رقیقیدن اعتناق بیوروب سایه معلا رواق  
ازدواجده جایکیر ایلدیلر بونقش نو ظهور طاق مسامع اصحابه عکس انداز اولیجق



اقارب حرم سید عالم سزاوار ذل اسرا و لمق نار و ادردیو بالا اتفاق سبا یای بنی المصطلق  
 صحیفه رقیه لرینه رقش اعتناق اولدیله حضرت صدیقه رضی الله عنها هر بار جویری  
 کند و قبیله سنه و سیله خیر و برکت اولدیغی قدر هیچ برکسنه دن بر قبیایه واقع اولما مشدر  
 دیو عطر فشان پیراهن بیان اولور لری دی (مخاصمه سنن و جهجاه) طولاب السنه روات  
 سیرده دأردر که انطفاء شعله و غا ختامنده برکون تبعه انصار خزر چیان دن سنن  
 بن دبره جهنی ایله اجیر حضرت فاروق اعظم اولان جهجاه بن سعید غفاری چاه  
 بنی المصطلقه اطاله حباله دلوا یتشاریدی کشلری جهت التباسدن کشا کسه مجر  
 اولوب جهجاه بر مشد در شتله وی سنائی چشمه سرخاب یتکین سنن زبان فریادی جانب  
 انصاره تیرایدوب استصار ایلدی جهجاهن دخی جانب مهاجرینه ایصال سفیر استغاثه  
 ایدیجک سبکروان فریقین شمشر بکف موقع غوغایه شتاب اولدیله از قالدیکه اول امر  
 جزویدن فساد کلی متولد اولوب حفره چاه ماننده دل عشاق لبریز خون اوله هله  
 حیضار کار آزموده مهاجرین مقال مقتضی احوال ایله زخم سنانه نمکپاش تسلیت اولوب  
 دستیاری آب تدبیر ابله اتش بالا کش فتنه بی تسکین ایلدیله اما بو واقعه دن هرزه داران  
 بو الفضول سرخیل منافقین عبد الله بن ابی بن سلول کنج انبان دروننده نهفته اولان  
 خباثتی اظهار نه فرصت بولوب مجلسنده اولان مؤمنین و منافقین مواجهه سنده  
 کاریز دهانندن اجرای فاذورات هذیان ایلد که کورر مسیز مهاجرین بی دارود یاربزم  
 اعانت و تقویت زله نائل دست مایه مکنت و اقتدار اولمشلر ایکن شمدی معامله باز کونه  
 تصدی ایدوب بزی دخی بازده تحقیر و تذلیل یتکه باشلدیله همان تدارك انجام کار  
 هدینه و وصولده عزیز تر اولان ذلیل تراوانی اواره بیابان غربت یتکدر دیو میران باطلنده  
 عزیزی کندی کفه ذات کعبه ارنه ذلی حاشا (یت) نقد کان آفرینش در دریای وجود میوه  
 مقصود هتی باعث ایجاد ناس علیه الصلوة والسلام حضرتلری جانبنه اولمق اوزره تلخ  
 ایلدی زید بن ارقم رضی الله عنه که هنوز باغ حیاطده بر نهال تازه نمایدی اول مجلس  
 بدایینده بوانوب بوسنک کران وزن تقریعدن قامت غیرتی ضم اولوب اول خوک عجوزی  
 شصت اقتدارندن افزون سهام دل دوزلغن و دشنامده آماج ایلدی و سرپای اعضاسی  
 رعشه ریز غیظ و حیت اولارق نادبی سلطان المرسلینه کلوب اول بدکوی هرزه  
 طرازدن صادر اولانه ترهات ناطقه سوزی یکانه یکانه کشیده سلاک تقریر ایلدی  
 اول کوه کران تمکین حلم و قار صلی الله علیه وسلم حضرتلری ابن ابی بدسرسنک  
 غدیر ناپاک و ناصاف ضمیری چرکاب کندیده نفاقله مملواید و کن عارف و آندن بو مقوله  
 کف متعفن هذیان تقاطرینه واقف ایکن ینه زیدک مقالن گاه شائبه اغراض شتابه  
 نسبت ایدوب و گاه خطای حاسه سمعه جل بیوروب شاهقه ثبات نبویلرینه زلزله  
 تغیر و یرمدیلر زید او چ دفعه زبان راست بیان ماهی چوپار قسم ایدوب صدق



ادعاسنده اصرار ایلدی آخر صرصر غیرت فاروقی جنبشه کلوب سلطان ممالک  
 ماہ و طین علیہ الصلوٰۃ والسلام حضرت تلرندن اول کهنه بنای کنشت نفاقک نشابه  
 تیغله تخریبین رجای استجازه ایلدی اما حضرت سید الرسل عظمای سادات یثرب  
 زمینہ دغدغه هراس اولق ملاحظه سیه مساعدت قتلدن اعراض بیوردیلر باری  
 یارسول الله نقبای انصاره تحریک کوشه ابروی رخصت بیور که آنرا اول خارای پای ازاری  
 شارع مؤمنیندن برکنده ایدر لر (بیت) انها که محب باتو چون دال \* شمشر بسر خورند چون  
 کاف \* دیوتکریر ابرام ایلر کده یا عمر عوام الناس انک صندوچه دروننده پیچیده اولان  
 ماز افسرده نفاقه واقف اولمغله رسول خدا قتل اصحابه شروع ایلدی سیاقنده  
 نیجه مساوی بیهوده حدوشنه بادی اولور دیو اول بدکارک سزای وضع خامن  
 حواله چشم کوشه بغافل بیور دیلر اما مجلس سید الانبیاده کذر ایدن گفت و شنید  
 اول نادرستک کوش بیهوشنه منعکس اولدقده بیم جان نیستان ارامنه اتش صانوب  
 اول کهنه کرک باران دید ه ریش سپیده قالت خیمه ایله مجلس مقدس رسالت کلوب  
 مجرای باده درای دهندن صادر اولان چرکاب ترهاتی خاشاک انکار ایله ستروکاسه  
 ایمان کاذبه ایله سد ایلدی و سرشک لایه منافقانه ایله مقال صحیح المأل زیدی صحیفه  
 اعتقاد اصحابن شسته ایلدی حتی بعض ساده لوحان صاف دل کلام صحت نظام  
 زیدی حداثت سندن ناشی ناسهو و خطایا اغراض طفلانه ناجما اوزره جزم ایدوب  
 یارسول الله برکودک نادیده روز کارک قولن که سهو و خطایه سمت صوابدن اقرب  
 ایکن بر بویله پیرجهان دیده حقنده تصدیق ایتک نار و ادر دیو تحریک شرابین صفح جمیلہ  
 ساعی اولوب جهان دیده بسیار کوید دروغ مألندن غفلت ایلدی لر بهر تقدیر شهریار  
 کشور آرای خلق عظیم علیہ افضل التکریم جوریای کم قدر اعتذارین انداخته زیر پای  
 تسامح و اغماض بیور دیلر اما زید بن ارقم رضی الله عنہک اشهب راست جلوہ مقالن  
 دغدار تکذیب اولدیغندن میدان فراح عالم سر سعادتمدارنه تنک اولوب غلبه شرم و حیا  
 و طعن بیکانه و اشنادن ناشی عنان نفس دست رایض حیاتندن ساقط اولق مرتبه لر  
 قریب اولدی مر حله مزبور دن نهضت اولدقده زید بن ارقم دخی مطیه ران راه  
 حیرت ایکن ناکاه چاپکسوار مضمار علین علیہ الصلوٰۃ والسلام حضرت تلری جانب زیده  
 اماله سنار یکران فلک نور دیو و روب انکشت ماه شکافریله کوش زیده ناب تبشیر و یروب  
 کافجده شبنم نثار لرین نمکریز خنده نوازش ایدر لر یازید بشارت سکا که حضرت  
 جهان آفرین عزشانه سنک صدق مقالکد شهادت و تکذیب منافقینی حاوی ارسال  
 آیت بیوردی دیوب سورہ منافقینی یقولون لئن رجعنا الی المدینه لیخرجننا الاخر  
 منها الاذل آیت کریمه سنده د کین تلاوت بیور دیلر زید رضی الله عنہک بولطف ناکه ظهور  
 الهی بدن عارض حالنده آویخته اولان نقاب شرم و حجاب کلکونه ابتهاج و انکشافه



مبدل اولوب چاروب نشاط خلوت ضمیرینی غباراند وهدن تصفیه ایلدی اما صورنباز  
هنکامه نفاق ابن سلول بداخلاک پردۀ احتیالی برانداخته اولوب صور ساخته ایمان  
کاز به سی چهره نمائیده فصاحت اولیحق سو بسوا صاحب کرام اول سک مرداری سنک  
طعن وملات ایدوب دوستان پنجاه ساله لری بیله اثنای راهده دوچار اولدقده  
قطع روابط سلام وکلام ایلدیلر عبادۀ بن صامت و اوس رضی الله عنهما روی شفقتدن  
کوهر فشان پند و نصیحت اولوب حضور اشرف المرسلینده رفع رقعه اعتذار  
واستغاره دلالت ایتدیلر اول درخت کهن سال بیابان ضلاله پندار کبری دامنگیر قبول  
نصح اولوب کردن پیچ اعراض اولدی عبارۀ رضی الله عنه دیدیکه یا بن ابی اندن  
ترسان اولزمسین که بوتقلب کردن غرورکی حاوس برایت دخی نازل اولوب هم  
اوقات صلاته آرایش محاریب اولوب هم روز خشره دک ماده اقتضاحک زبان کنار  
انام اوله اما اول متکبر سبه دل ناموافق عذوه دی اولمغین ینه صور نمای ابا و امتناع اولدی  
برطبق ملحوظ عبارۀ رضی الله عنه و اذا قيل لهم تعالوا يستغفر لكم رسول الله لووا  
رؤسهم ورايتهم يصدون وهم مستكبرون پیرایه صحیفه نزول اولدی مرویدر که منافق  
مار الذکرک عبد الله نام فرزندی پدری اسمی ايله اسمی اما مخالف طور پدری شهد محبت  
اسلام کواره ضمیرنده مصفی ایدی کویا صلب سنک کشفدن سر زده جواهر کران  
فیت یا خود جسم ماردن مربی تریاق پر خاصیت ایدی پدر بداختنیدن صدور ایدن  
کار ناهنجار محاط قلب سلیمی اولدقده مجلس سید الانبیایه رومال ایدوب اول کهنه  
خم میخانه فسادک لیکدان مقام ايله کسرینه استیدان ایلدی اما حضرت سید الانبیا  
جانبندن مشاهده مساعده ایتک ايله سر پنجه انتقامی کر بیان پدر کشته نیسدن کوتاه  
اولدوغنی متضمن اول محمله دل پر آتشیندن لمعان ایدن چند بیت ملامه وفانه قامتنه خیاط  
چار سوی یقین مولانا معین الدین مسکین علیه الرحمہ بورسم اوزره جامه دو زدیبا ی عجم  
اولش لردر (بیت) آفاق پر عجایب ازینها عجیب تر \* قود یست کان شنید از گفته عمر \* کو گفت  
یار رسول بغرمای تابکی \* زابن آتی پیش تو آرد بریده سر من یار رسول کفتم اگر کشتن بود \*  
فرمای تاسرش بزم هر چه زود تر ساعد مرا مساعد و جان نیز بس سخت \* دل در ثبات  
سخت تر از آهن و حجر اذ نمنداد شاه نبوت و کر نه زود \* حک کرده می صفحه آن سواد شر \*  
(نثر) بو خبر نکین دخی شکوفه دستار روایتدر که موکب جهانکشای اسلام هجر تسرای  
علیه به دخول اثناسندۀ عبد الله ابن عبد الله پدر قبیح المنظرینک زمام ناقه سن  
گرفته پنجه ممانعت ایدوب ای بی ادب بداخلاق قسم بنام خالق عالمه که سیدان س  
وجان علیه الصلوة والسلام جانبندن بی صدور اذن عالی سکاطابه مستطابیه ده داده  
رخصت محالدر زیرا که اذل اولاد آدم سن سین و اعز اهل عالم ذات مقدس سلطان تخت  
شین رسالتدر (بیت) صاحب خلق عظیم احمد مرسل که بعرض قدسیان مصحف اخلاق



وی از برگیرند حجت عزتش از نیثرا عظیم شنوند ❖ سند معجزه اش از مه انور گیرند وز نجه  
حواله مشت سرکوب اذیت ایادی اول زاغ سیه روی و هوای نفاق بالا پرواز اوج غرور  
کچر کن اول جرباز عقاب اندازک مانند ماکیان مردار خار زبون اولوب حواه ناحواه  
(لانا ذل من الصبیان لان اذل من النوان واشهد ان العزة لله ولرسوله وللمؤمنین) فریاد یله  
اصحاب عبور دن استغاثه ایلدی اول اثنا ده موکب شاهنشاه رسالت دبدبه عز و اجلال  
ایله اول محله اوغرایوب بومعامه غریبه مطمع اولد قلزنده نمکدان اعل کلفامری تبسم  
فشان اوله رق سر عبدالله جزا لله عن رسوله وعن المؤمنین خیرا لان نثار ایله اقتضای  
مکارم اخلاقری اوزرهدیری شرم و کستاخن پنجه ممانعت عبداللهدن تخلیص و دخول  
مدینه ترخیص بیوردیلر ❖ سیرنابی ❖

❖ باب اول سامی و تمامک کلام نفاق انجمن استماعدن امتناع واجب ایدوکن بیان ❖

ایدر رای اعظم دابشلیم بیدیای حکیمه ایتدی مضمون وصیت اول بودر که هر کسه که  
شرف تقرب سلطانله اختصاص بوله هر آینه محسود عام و خاص اوله و حسودلر نقض  
قاعده حرمت و غرضه سعی ایدوب کلمات مکر آمیز ایله خمیر سلطانی آندن متغیر و متغیر قیله لر  
پادشاهه واجب ددر که کلام صاحب غرضه تأمل تمام بیوره چون بیله که آمیزش  
و آلایشن حالی دکادر سرحد قبوله یتشدر میه

❖ مشوی ❖

❖ مده راه صاحب غرض پیش خویش ❖ که آیتخت بریکد کر نوش و نیش ❖  
❖ بصورت دهد نوش یاری کند ❖ بمعنی زندیش و خاری کند ❖

❖ نثر ❖

حکیم بزرگوار و برهمن حکمت شعاردن التماس ایدر مکه بوبابه مناسب برداستان  
بیوره لوشو کسندک قصه سن که بر پادشاه حضورنده مزید تقریله اختصاص  
بولش اوله وارباب غرض قولیله بنای مرتبه سی خلایذیر اولوب صداقت عداوته  
و موافقت مخالفته مبدل اولش اوله علی وجه التفصیل بیان بیوره برهمن ایتدی  
بلی مدار اساس سلطنت بو وصیت اوزره دراکر پادشاه حضورنده کلام نفاق  
انجام حساد محل استماع و موقع اعتماد بوله اکثر ارکان دولت آنلرک افساد یله  
سپرسهام نکیت و مظهر عتاب و محنت اوله و اندن هم ملکه خلل کلی متطرق اولوب  
هم ملکه ضرر عظیم سرایت قیله چون بر مفسد محتمال ایکی صدیق صادق میاننده  
دخل و نفاقه مجال بوله هر آینه آینه القتلین غبار و حشمله مغیرو بنای مود قلزین قیر مکر  
و مفسدله زیروز بر قیله نته که بنای مصادقت کاوشیر اول شغال شیر پر ترز و یراه



خراپذیر اولمشدر رای ایتدی نه کیفیتله اولمشدر اول ( حکایت ) بر همین ایتدی قدم  
الزمانده بر بازار کان جهان دیده و تلخ و شیرین روزگار چشیده و ارایدی  
﴿ بیت ﴾

خردمندی امین کاردانی \* زرروی تجربه بسیار دانی \*  
قدم عزمله مسالک ممالک که سالک اولمش و بضاعت تجارتله انواع تجار به مالک اولمش  
توسن ربع مسکون زیران سیاحتنده ذاول ایدی و اقالم سبعة اقدام همت جهان کرد  
نه نسبت بر هفتتدک یول ایدی رکوب احوال و تحمل بار اخطار اسفار سببیا مال  
ومنائی بسیار ایدی و بهایم و سوامیشماری و ارایدی ( کان امتلا وادیة من ثاغیة الصباح وور  
اغیة الزواح ) چون مقدمه سپاه مرک که قوت ضعف و ضعف قوتدن عبارتدر ملک  
نهادنه ان اوزاندی و طلابه اشکراجل که موی سفیددن کنایتدر حصار خطبه وجودین  
احاطه ایتدی

﴿ مشوی ﴾

نوبت پیری چوزند کوس درد \* دل شود از خوشدلی و عیش فرد \*  
موی سفید از اجل آرد پیام \* پشت خم از مرک رساند سلام \*

﴿ نثر ﴾

خواجه مقرر یلدی که عنقریب کوس رحیل اوراسه کرک و سرمایه حیات بر متاعدر که  
خانه بنده مودعدر از زمانده استرداد اولنسه کرک در فرزندترین که ثمره شح امانی  
و شجرة باغ زندگانی در جمع ایتدی آنرا و چ نفر جوان ایدی غیبت افران و انوار  
اثار رشید ناصیه حالرنده تابان اماثروت غرور و کثرت اسباب سرور نشوه شراب  
شبابله حد اعتدال دن تجاوز ایدوب مال پیره دست اسراف در ایتدش لردی و کسب  
حرفتن اعراض ایدوب نقد اوقات عزیزی بطالت و کسالت صرف ایتدش لردی  
پدر مهر بان فرط شفقت و وفور مر حتمدن که لازمه علاقه ابوتدر فرزندلرینه پند  
و نصیحتیه آغاز ایتدی و ابواب نصایح بیغرضی که جوامع بیم و امیدیه مشتملدر فتح ایدوب  
ایتدی ای جوانلرا کرچه که کسب مالده مجاهده چکم دیکرکز سبیدن و محنت مشاهده  
ایتدیکرکز جهتدن مال قدرین لیلز سکرز مذهب عقاده معذور اولسه کرز اولور ( منزل  
یذق لم یعرف ) اما یمتک کرک که مال سرمایه سعادت دنیا و ذریعه ذخیره ثجات  
عقبادر و اهل عالم که طالب حصول مراتب و وصول مأربدر غالب بودر که بواوچ  
مرتبه نك بریسنه طالبدر مرتبه اولی فسحت ساحت معیشت و تیسیر تکثر اسباب  
راحتدر بر طایفه نك منظور یدر که همتلری نوشش و پوشش و استیفای لذات نفسیه کوششه  
مقصود اوله مرتبه ثانیه رفعت درجه و علو منزله در اول زمره که بومر تبه طالع  
ارباب جاه و اصحاب مناصبدر بوا یکی مرتبه نكده حصول یمال محالدر مرتبه ثالثه



حصولی ثواب آخرت و وصول منزله تقرب حضرت عزت در اول گروه که بود طلبه  
رغبت ایشی - لر در اهل نجات و صاحب در جات در بومر تبه دخی مال حلاله محصل  
اولی میسر رک ( نعم المال الصالح للرجل الصالح ) حدیث صحیح در نه که یر معنوی  
صاحب مشنوی بیور مشدر

✽ بیت ✽

✽ مال را گزیندین باشی حول ✽ نعم مال صالح گفتش رسول ✽

✽ نثر ✽

معلوم اولدی که مال و منال سبب حصول اکثر آمال در و تحصیل مال بی ارتکاب تعب  
و طلب و اکساب محال در اگر بر کسی نه نک بیوسه یله کسب و طلب من حیث لا یحسب  
ولایک تسب مال الله کیره تحصیلنده زحمت چکمدیکی اجلدن قدر و قیمت یلیوب  
عنتر یب باد هوا یه ویره ( ع ) از باد هوا آمد و بر باد هوا رفت

✽ نثر ✽

پس واجب اولدی که جانب بطالت و کسالتدن اجتناب ایدوب جانب تحصیل و اکسابه  
رجوع قیله سز و بوحرف تجارتی که مدت دتماد یدربندن مشاهده ایدرسز مشغول اوله سز  
پسر مهتر ایتدی ای پدر سن بزه کسب و طلب تکلیف ایدرسن بوقاعده توکله منافی  
و اعتقاد تقدیر ازیله مخالف در بومقرر در که کارخانه قضا و قدرده هر رزق که مقدر در  
البته صاحب نه واصل اولسه کرک پس جستجوینده سعی و تکاپوینده تعذیب حیوان  
بلا فائده دن غیری نه حاصل اوله کرک

✽ نظم ✽

✽ کاورنه کاوادی مقدر فراخی و تنگی ✽

✽ کرکسه کوکلیکی یک طوت کرکسه در دله طار ✽

✽ کشی یه چونکه مقدر در نصیب ازل ✽

✽ نه اکساورنه آرتر ایدرسه سعی هزار ✽

✽ نثر ✽

بعض اکا بردن ایشتمکه ایتدی هر بار که نصیبدن قاچدم آخر بکایتدی و نصیب اولمیان  
چندانیکه طلب ایتدم بندن ابا ایتدی پس اگر بزکسب و کار ایده و زو یا معطل و بیکار روزگار  
کچوره و ز تقدیر ازل آزالی تغییر ایده مز ( ع ) نصیبده ازل از خود غنی توان انداخت  
ننه که وال پادشاه زاده لک حسب حالی بومعنی یه شاه در برینک بیرنج و عذاب  
کنج بیحساب الله کیردی و یری امید کنجه خزانه ملاک بیرنجی باد فنا یه و یری پدراستفسار  
ایتدی که نه وجهله واقع اولمشدر اول ( حکایت ) پسر ایتدی سرحد ولایت عرب یعنی  
دارالملک حلبده بر پادشاه کامکار و فرمان فرمان فرمای عالیقدر اروار ایدیکه نیجه انقلابات



روزگار کچورمش ایدی و چوق تغیرات لیل و نهار مشاهده ایتیش ایدی ایکی فرزند  
وار ایدی نوجوانلر جاه و جلال ایله شادمانلر کنج پدرله مغرورلرتاج و مکرله مسرورلر  
غرقاب غرور شبابه و حباب کبی روز شب شرابه دشمنلردی و مشاطه کان هوا صور  
لهو و لعبه و عروس نشاط و طرب به انلر منصفه قلبنده جلو و یرمشلر ایدی کاه زخمه چنک  
و چغانه دن بونغمه یی استماع ایدرلردی

✽ نظم ✽

✽ یوروت پیمانک ای سروسهی تیز ✽ جهاندن چونکه تیز کتسک کرک بیز ✽  
✽ کچر چون کوز یوموب آچنجه دوران ✽ کوز آچدرمه بزه باده یله برآن ✽

✽ نثر ✽

و کاه ترانه بلبلدن بوصوتله عمل ایلرلردی

✽ مثنوی ✽

✽ کتور اول باده کلفامی ساقی ✽ چوقالز بوجهانده کسه باقی ✽  
✽ کولهلم کل کبی بردم اولوب شاد ✽ قیلوب بلبل کبی الحان فریاد ✽

✽ نثر ✽

پادشاه مرد خردمند و هوشیار و صاحب تجربه و آموزگار ایدی و جواهر و افری و نقود  
نامعدودی و دینار و یشمار و ار ایدی فرزندلرینک حالن بومنیوال اوزره مشاهده ایدمک  
خوف ایتدیکه بو کنج بحساب که هزار رنج و عذابله تحصیل اولنمشدر آماج تیراتلاف  
و تاراج باد اسراف اوله حوالی شهرده بر زاهد متوکل و ار ایدیکه علایق خلیقندن  
متبتل و اسباب تقرب حضرت خالقه متوسل ایدی

✽ بیت ✽

✽ سوخته تاب تجلی ایدی ✽ شیفته حضرت مولی ایدی ✽

✽ نثر ✽

پاشاهک اکا و فور اعتمادی و کرامتنه کمال اعتقادی و ار ایدی تمام خزائن جمع ایدوب  
بر وجهله که اکابر فردمطلع اولیه آنک صومعه سنده دفن ایتدی و زاهده وصیت ایدوب  
ایتدی چون دولت بی وفا و جاه بی بقانم فرزندلرمدن یوزد و ندره و سر چشمه اقبال که  
خواب و خیال و شراب سراب کبی بیالدر خاک ادبارله مالا مال اوله و فرزندلرم بیایه  
و کبضاعه قاله و فقیر و محتاج و آماج تیر احتیاج اوله لر آنلره بو کنجندن خبر و یرشاید که  
مشاهده نکبت و مجاهده محنت سبیلله خواب غفلتدن متنبه اولوب حاجت حسبنجه  
مصلحتلرینه صرف ایدلر و طریق اتلاف و اسرافدن انحراف ایدوب جانب انصاف  
و اعتدالی مرعی طوته ز زاهد و وصیت شاهی سمع قبوله اصغای ایتدی شاه اخفای مال و دفع  
احتمال ایچون درونه قصرنده بر مخزن دوزندی و شویله کوستر دیکه جمیع اموال انده



دفن ایتدی و فرزندلرین دخی بو خصوصدن خبردار ایدوب ایتدی چون آینه روز کار  
بیقرارده صورت ادبار و افتقار مشاهده ایدم سبز غافل اولیمه سبز ذخیره کلی که  
مؤنت و معیت کز کفایت ایدم بونده مدفوندر بو حاله نصصکره آرزمانده شاه و زاهد  
ایکیمی دخی واحد ابعده واحد اجابت دعوت حق ایدوب (کل من علیها فان) باده سیله  
سرخوش و (کل نفس ذائقة الموت) جرعه سیله بیهوش اولدیله

بیت

اگر شاه و کد اگر مردوزندر \* قونک آخری کور و کفندر \*

دیگر

هرآنکه زاد ز مادر بیایدش نوشید \* ز جام دهر می کل من علیها فان \*

نثر

اول کنج که کنج صومعه زاهدده مخزون ایدی شویله مستور و مدفون قالدی برادرلر  
وفات پدر زنده صکره مقاسمت ملک و مال پدر ایچون جنک وجدال ایتدیله برادر مهتر و فور زور  
و قوت و مزید بلش و سطوتی سبیلله غالب مطلق اولوب تمام ممالک و جمیع ماله ممالک اولدی  
و برادرین خائب و خاسر و مغبون و منکسر قودی بیچاره منصب سلطنتدن بینصیب  
و مال موروثدن بی بهره قالیبق کند و کندویه ایتدی چون آفتاب اقبال درجه  
زواله ایتدی و سپهر غدار و روز کار ستمکار شیوه غدر و انتقامن آشکار ایتدی بردفعه دخی  
طالب دولت اولق و مجربی تکرار تجربه قیلق ندامتدن غیری نه بی متبج اولور و ملالات  
و ملامتدن غیری نه فائده و یرر (ع) من جرب المجرب حلت به الندامه

مشوی

جمله دنیا ز کهن تابو \* چون گذرانست نیرزد بجو \*

مملکتی بهترازین سازکن \* خوشتر ازین حجره دری بازکن

نثر

صواب بودر که چون کریبان دولت دست اختیار و قدرتدن چیقدی دامن توکل و قناعت  
آسبت ایدوب صبر قیلم و درویشلاک مرتبه سن که سلطنت یز و والدراله کتورم

بیت

درویش را که کنج قناعت ملست \* و درویش نام دارد و سلطان طلمست \*

یس بویله شهر دن چیقوب کیتدی و کیدر کن خاطرینه بو معنی خطور ایتدی که فلان  
زاهد بیدر و عاقله بدن صدق و داد و دعوی اتحاددن دم اورردی صواب بودر که آنک  
صومعه سینه صومعه و امیددر که برکت دم و قدمیله طریق عبادت سالک و سلطنت قناعت  
مالک اولم چون صومعه زاهد و اردی خیر آلدیکه طوطی روح سدره آشیانی قفس تندن  
جانب ریاض جنازه طیران قیلش و صومعه اول پیر و شضمیردن خالی قالمش بر زمان لشکر  
هجوم و غوم کشور طبعنه هجوم ایتدی و ز بان تلهف و تأسف ایله ایتدی



حاقبت دست اراده دیدی چه کرد چرخ ستار و اخترش نامش میرچه چرخ و چه اختر چه  
چنبرش زاهد صاحب کرامتک دامن روحانیتش تثبیت قیلدی و اول صومعه بی جهت اقامته  
قبول ایدوب اول بقعه ده مجاور اولدی قالدی مکر اول صومعه حوالیسنده بر کار یزوار  
ایدیکه صومعه ایچنده بر چاه حفر ایدوب اول کار یزدن اکامرا تشریدی و متصل اول  
کار یزک صوبی اول چاهه کاوردی و اهل صومعه انی استعمال ایدوب انکاه توضع  
و اغتسال ایدر لردی شاهزاده بر کون دلوی چاهه صالی و ردی صومعه ساسی کلدی نیکی  
دیو احتیاط ایددی کوردیکه قهر چاهه مادن انرقالماش مخیر اولدیکه اکریو چاهه و کاریزه  
خلل متوجه اولور سه اساس صومعه بالکلیه اندراس بو اوب و بقعه ده من بعد توطن متعذر  
اولور بو حالی تحقیق ایچون شر چاهه ایددی و راه آبی و جوانب چاهی نظرد قیقله  
مشاهده قیلدی ناکاه نظری بر حفریه راست کلدیکه اکا صوبول بولاشیدی  
و صونک چاهه کلمه مانع اول اولشیدی آیا حفره نه طرفه کیدر اوله و بوسه و راخته  
جانبین خروج ایدر اوله پس اول سه و راختی فراخ ایدوب اول کنجه قدم بصدیغی کی  
هماندم سر کنجه یتشدی شاهزاده چون اول نقود بیکران و جواهر بیایانی کوردی  
جبین ضراعتی زمین مذاته سوردی و اول پرورد کار یینقصان و کرد کار قدیم الاحسانه  
سجده شکر ایددی و نصیحت یوزندن کند و کند و یه ایددی اگر چه مال موفور  
و جواهر نامخصوص در اما باده غرورله سکران و قهوه سرورله نشوان اولقی دائرة فکر  
صحیحیدن دور در نهج توکل و چاده قناعتدن انحراف ایتماک کرک و طریق اعتدالی  
قویوب جانب اسراف و اتلافه کتماک کرک (ع) تابیهیم که از غیب چه آید بظهور  
﴿ نثر ﴾

اول جانبین برادر مهتر کرچه مسند حکومتده فرمان روا اولدی اما احوال لشکر  
و کشوردن بیرو ایددی و اسید کنج موهومله که قصر بدرنده محقق ملا خطه ایدردی  
مغرور اولوب مقدورن اتلاف ایدردی و غایت کبر و نخوت و خیل و عظمتدن برادرین  
تفقد ایتیوب تعهد حالندن اغراض و مشاهده جهانندن عار و اغراض ایلردی بواننده  
ناگاه اکابر دشمن پیدا اولوب لشکر جرارتیغکنار له و لایتنه قصد ایددی شهزاده خزانه سنی  
سیم و ذهبین خالی و لشکرین ساز و سلبدن عاری کور بجاک اول وضع معهود و کنجینه  
معهوده کلدی تا اول مال موفور له کما لشکر و حسانه کثوری معمور ایلید (لاملاک  
الابار جال و لار جال الابلال) چندانکه طلبنده سعی بلیغ ایددی کنج موهومدن  
رنج محققدن نیری نشان بوالدی و هر چند جستجوینده جهد پیدریغ ایلدی حصول  
مقصوده فایز اولدی



بشنواین نکته که خود را ز غم ازاده کنی \*

خون خوری کر طلب روزی تهاده کنی \*

نثر

چون بود کجیدن نا امید اولدی قادر اولدیغی قدر جمع لشکر ایدوب دفع خصم اچونه  
خارج شهره چیقدی چون صف جدال آراسته اولدی و آتش قتال اشتعال بولدی انای  
مقابله و مقاتله ده لشکر دشمندن ملکزاده زخم تیرایله هلاک اولدی بوجانیدن دخی پادشاه  
بیگانه ضرب شمشیر ایله آلوده خون و خاک اولدی ایکی لشکر دخی تن بیسر کی ایت  
و مهمل قالوب قریب اولدی که شعله فتنه و آشوب اوج آسمانه چیه و آتش هرج و مرج  
ایکی مملکت دخی اها بسن یاقه آحراله مر ایکی طائفه نکدخی سردار لری جمع اولوب  
اتفاق ایتدیلر که بر خاندان پادشاهی و دودمان شاهنشاهی دن بر ملک خصلت و کرم  
خلقت نجس قیله که شغل سلطنتی و مهم مملکتی آنک ذمت همتیه حواله قیله لر جمله سنک  
رأی بوکانه نجر اولدی که بر شهر یار کامکار که فرق دواتی سزاوار ناج سلطانی و خدصر  
سعادت سیاسته خاتم جهان بانی اوله همان اول شهرزاده صومعه دار درس کار داران ممالک  
صومعه ده واردیلر ملکزاده بی اجلال و اکرام و تعظیم و احترامله زاویه خولدن بارگاه  
قبوله کتوردیلر و کج عزتدن صدر مسند دوانه کتوردیلر میامن توکایله هم کج پد رمیسر  
اولدی و هم ایالت کشورا کامقور اولدی بوملی آنکی چون کتورد مکه وصول نصیب  
البت سعی و کسبه وابسته دکادر و توکله اتکا جدد و جهده التجادن اولادر

بیت

حقه هر کسه کیم توکل ایدر \*

حق آنک رزقنه تکفل ایدر \*

مثنوی

نیست کسی از توکل خوبتر \*

چینست از تفویض و محبوبتر \*

هین توکل کن بلرزان پاد دوست \*

رزق تو بر تو عا شق ترست \*

نثر

چون پسر حکایتی نهایتنه یتشتردی پدر ایتدی اگر چه دیدیک محض صدق و عین  
صوابدرا ما بوعالم و سابط و اسباب در عادت باری عز اسمه بوانک اوزرینه جاریدر که بومر رعه  
حواد نزار و بوجن وقایع بارده بی آبیاری اسباب ظاهری هیچ بر ثمره شجره ظهوره کلیه

بیت

دهقان سال خورد و چه خوش گشت باسر کای نور چشم من بجز از کشته ندروی



وتوکل مقبول بود که باوجود مشاهده اسباب مقام توکلده ثابت اوله سن تا فیض  
(الکاسب حبیب الله) دن بهره بوله سن بعض اکابر بیور مشارد که کسب و کار قیل  
تا کاهل اولیه سن نصیبک خدا دن بیل تا جاهل اولیه سن  
﴿ منوی ﴾

✽ از توکل در طلب کاهل مشو ✽

✽ رمز (الکاسب حبیب الله) شنو ✽

✽ کسب کن پس تکیه بر جبار کن ✽

✽ کر توکل می کنی در کار کن ✽

سن مکر اول درویش قصد سن استماع ایتدک اوله که احوال بازو کلاغی مشاهده اید یجک  
سبب جانب بر طرف قیلدی اول سیددن مظهر عتاب مسبب الاسباب اولدی پسر سوال  
ایتدیکه نه منوال اوزره اولمشدر اول  
﴿ همایون نامه ﴾ علی چلبی ✽

﴿ دار الخلافه بغداد بهشت آباد متخیر حومه حکومت اولتجد نطع معر که کاه روز کارده ﴾  
﴿ ظهور ایدن اطوار عجیبه الآثار بیانده در ﴾

چونکه بعنایه الله تعالی فرمان فرمای ربع مسکون حضر لرینک دوحه اقبال روز  
افزونلری متشعب الغصون اولوب منهل عذب باب دولت انسابلری کثیر الزحام ✽  
و در کاه سعادت دستگاهلری مقسم ارزاق خاص و عام ✽ اولمشدر نامیافتکان روز کار  
برروسيله ايله سده سدره سمیازی خدمت فراشته طلبکار اولوب تحصیل دستمایه  
سر بلندی ایتمشدر ایدی اول سعادت مند اندن بری دار السلام بغداد اولکه سنده علی  
طریق التوارث برمدتن برونوبت زن حکومت اولوب کشور عراق عربده اعلای  
لوای عدل و داد ایدن امیر ذوالفقار ایدی که خارستان مزرعه آمالی فیض سرچشمه  
عنایت شهر یاری برله کلخیر اولق رجاسنه عتبه علیه جاه و جلاله التجا ✽ و قلمرو حکومتده  
اولان قلعه لرک مفتاح لرینی عبودیت نامه برله در کاه سلطان نامه ارسال ایدوب ملحوظ  
خاطه قبول اولق رجا ✽ ایتمش ایدی بوم عامله آشنایی بیکانه روش شاه بدکیش بدکیش  
طهما سبب مجهول النسبک کوشگذاری اولیجق قرب جوار واریکن کندویه سرفرو  
اولنمیوب در کاه پادشاه مراجع دستگاه التجا اولندیغندن سوخته نار عار اولدی  
و میر ذوالفقار دن اخذ ثار رجاسنه سپاه کینه خواه ايله بغدادی محاصره ایدوب نیجه  
ایام علوانیره حرب و قتال دن قبه نقره کوب چرخ برین تنور باز کونه آتشین اولدی لکن بیم  
هیبت شمیر امیر ذوالفقار دامن مخدومه حصاره پنجه تغلب ایشدر مکه سد ممانعت  
چکمکین اباعن جدموروثی اولان شبکه مکر و احتیالی اعمال ایدوب اول امیر نامه داری



صورت اخلاصه اولان بعض خونه خواصی و ساطیله تسمیه اقدام ❖ و بو طور عاجزانه ایله شاهد ظفری آغوش تسخیره رام ❖ ایلدی شعر ❖ و من لم یت بالسیف مات بغیره ❖ تنوعت الاسباب والداء واحد ❖ چونکه رافضی ❖ ملحد مشرب طهما سب بد مذهب استهانت اوامر و نواهی ❖ آئیده حددن تجاوز ایدوب پرده برنداز حرمت احکام اسلام اولدیغی جهتدن همواره اول متهمك حرمت الاهی نازیانه تیغ بی دریغ براه تغزیر ❖ و شاه راه شرع مطهری خار و خس زندقه و الحاددن تطهیر ❖ ❖ میخیمیر سلطان بك اعتقاد ایدی بو خبر و حشت اثر و صولی باعث امضای عزیمت اولوب اتمام مهم سفر همایون ایچون رکاب ظفر انتسابدن مقدم وزیر اعظم جانب حلب شهبایه توجه ایله مأمور اولدی پاشای مزبور حسب الامر سنده ار بعین و تسعمائه ربیع الاخرینك ایکنجی کونی دعای پادشاه کیتی پناهی بدرقه راه ایدوب خمان درك عون الهیده ره نورد صوب حلب اولدی خاقان سعید سلطان بایزید حضر قارینك ریزه چین سفره انعاملری اولان خدا مدن ایکن احراز شرف خدمت درگاهدن امتناع و شیطان قولی نام ملحد و اتباع ❖ ایدن اولامه بك نام نمك حرام نیجه مدت ایران ویرانه لرنده هرزه کرد کوچه بازار فلاکت اولدقد نصره هزار جانورنك و زحمت ایله ازربا بجان سلطانی نامه اولش ایکن ظاهرا اغوای شیطانی ایله ارتکاب ایتدوکی اطوار زمیمه آثاره ندامت و پشیمانی کوستروب خاک آستان محلا الاقباله رویمال ایتمکین جیب تمنا سی نقود مواهب نامحدود برله مالامال اولش ایدی اول ائشاده امرء اگر اددن بتلیس حاکی اولان شرف مسمی بالنقیض نقض عهد و میثاق ❖ و تاسیس مبانی خلاف و شقاق ❖ ایدوب کریبان عصیاندن باش چیقاردیغی معروض آستان آسمان نشان سلیمانی اولغین مرقوم اولامه بك میر شرفی مطموره نشین تلف ایدوب کندوسی بئس الخلف اولق باینده حکم منجم القبول سلطانی شرف صدور بولدی بنابرین اولامه بك ترتیب طبل و علم و احضار خدم و حشم ایدوب طور محتشمانه ایله اول صوبه روانه اولدی بتلیس قرینده صف سپاه طر فین روبرو اولوب زد و برد خلا ننده شرف بی شرفك سد سود ازده سی آرایش نوک سنان اولغین هوا دارلری بادیه هول انکیز گریزه وضع قدم ایدوب قطرات ابرو بهار کبی اطرافه طاغلدیلر سر عسکر پسندیده شمایل طی منازل ایدوب چنار لونام منزلده ضرب حیمه نزول اولندقد اول کشتینك باشی ایله متعلقات و حواشینك رشته انتظام لرینه عقده تفرق و تلاشی دوشد یکی خبر بهجت اثری واصل اولوب روزی رسان عالمیان جناب جنلات مأیندن من بعد دخی فتح و فیروزی روزی اولخاننه برا عذا استهلال اولغین باعث ابتسام غنچه خاطر عسا کر ظفر مائر اولدی ❖ نظم ❖ هر سده که از و تافت کردن ❖ آورد برش زمانه بی تن ❖ دلالت رهبر اقبال بر له حظ و تر حال اولوب ماه جمادی الاخره نك اونجی کونی آب روی کشور عرب محروسه



حلب محط رجال اولدی ابناء رومدن اروج بك نام غازی ضرب شمشیر صاعقه تأثیر ایله  
جزایر غرب دیارینی داخل قبضه تسخیر ایدوب کوس نشین سلطنت اولمش ایکن تخت  
خلافندن تخت تالوته تنزل ایتکین برادری خیرالدین بك سریر حکومت رفیع ایتش  
ایلی بوخلالده ارشاد تخت مادرزاد برادرانجه باهر الانجه عبودیتی باش نهاد ایدوب  
اون سکر باره قادر غده و کونا کون تحف و طرف ایله آستان کردون نشان طرفنه اماله  
سکان عزیمت ایلدی استانبوله وصولی وزیر مشتری تدبیرك حلبه توجهنه مصادف اولوب  
نعام حل و عقد امور جمهور آصف اصف شعورك کف کفایتنه مسلم اولمغین مظهر  
صنوف نوازش والتفات سلطانی اوارقد نصیره قامت استعدادنه سزا وار خلعت  
منتصب جلیل ایله تجلیل اولنق ایچون حلبه ارسال اولندی بر موجب فرمان لازم  
الافمان عنان عزیمی طرف شهبایه نانی اولوب صوابد ید پاشای کشور کشا اوزره سنه  
مز یوره رمضان المبارکک یکریمی ایکنچی کونی اول نهنگ دریای و غا قیود انلق  
خدمتیه کامروا اولدی شرفات بروج متمتع العروجی کنکرة سپهر دواردن بالارا اولان  
قلعه وان که سد سدید کشور آرزو باشاند سر دار فیروزی شعارك حلبه اقامتلی  
هتکامنده مددکاری حسن تدبیر اصابت یدیرلی برله تسخیر و خدمت حکومتی  
ایله شام بیکار بیکسی خسرو پاشا توقیر اولوب اول ایامده اخلاط و عادات لجوآز نام  
حصارلك مفتاحلری دخی مسلم دست استحقاق سلطان آفاق اولدی اول دم که فراش  
باد صبا بسیط غبرایه بسط بساط ازهارور یاحین ایدوب روی زمینی غیرت خلد برین  
ایلدی انظم شد آراسته جلوه گاه چن کل از خلوت امد سوی انجمن بجنش  
درآمد سپاه کیه جها نرا گرفت آن خجسته سپاه سر عسکر نامور عقد انجمن  
مشاوره ایدوب اول مجلسده شاه کرامه طرفندن محافظه بغداد بابسته سی اولان سرخ  
سرانه تیغ سرتیز براه سدره کریز ایچون رکاب ظفر انتساب سلطان جم چنابدن مقام  
اول جانب تحریک طوغوغ علم اولنق اوزره جسم اولوب بورای رزین سنجیده معیار  
قبول اولمش ایدی دفتر دار اسکندر چلی و اولامه بک خلا فکیر لکی پاشای کشور  
کشایی بورای قرار داده دن تحویل ایدوب ماه ذی القعدة نک یکر منچی کونی عنان  
انکیز طرف خطه دارالملك تبریز اولدی لر بی در پی منازل و مرا حل قطع و طی اولوب  
ماه ذی الحجه نک یکریمی طقوزنجی کونی سعد آباد تبریز تلاطم امواج افواج سپاه برله  
دریای موج انکیز اولدی کیلان حاکی اولان مظفر خان غاشیه اخلاصی بردوش  
و جواهر کرانبهای عبودیتی پیرانه کردن و کوس ایدوب اون بیک تیرانداز پیاده  
عسکر ایله که هر برینک بازوی زه کان کیانی زر زدن شاه باز خدنک مجلا بیکان  
دادوز آهنک پرواز ایلده ادناشکاری مرغ روح عدوی فتنه جوی اولور ایدی واصل  
معه کر فیروزی اثر اولوب خارج دایره او هام مظهر نوازش و اکرام اولدی کندم نما



و جو فروش برقاج دغلبازان فتنه انگیز و اب دیدی اوز ره تیر بر فرنده شب غازان  
 نام مقامده بر قلعه بناسیجون تصدیع مال و اتعاب رجال اولنوب اول طرفاری ایادی  
 اعادیدن حفظ و حراست ایتک ملاحظه سیله بی فایده قدر حاجتدن زیاده طوب و تفنک  
 و مردان آشوب و جنگ وضع اولندی فی قلوبهم مرض و کریمه سینه مظهر اولان بعض  
 ار باب غرض القاسیله حومه هجاسر باز لردن اون یکت نفر کزیده عسکر افرازا اولنوب  
 قزلباش بد معاش باغیلر یکت دوراخی اولان قزلبه طاغی لوٹ وجود شقاوت آلود  
 رفضه و ملحدیندن تطهیر خدمتده تعیین اولندی لکن بو کار عاقبت مذمومک نتیجه سی  
 سپاه اسلامه باعث ترتب پریشانی و هزیمت اولوب سر عسکر طرفنده سبب حقوق  
 شرمساری و خجالت اولدی مقدمات مجرد استماع خروش جیوش غزا کاره برله راحله  
 سامان و سکنیه ساحه سینه شاه کراهدن رخت آرام و قرار کورتوب اول بی عار  
 آذر بایجاندن خراسانه فرار ایش ایکن قزلبه طاغ و قعه سی و بعض مفسدین تقویت  
 و تلقینی ایله تکرار خراساندن طرف تبریزه رجوع و احضار ادوات کارزاره شروع  
 و ایدوکی کوش گذار سر عسکر بلند اقتدار اولغین اول فتنه انگیز ایله مطارحه قرعه  
 حرب و ستر اولنق ایچون ساحه امنیه و رجا کی فسیح الارجا اولان اوجان ییلاخی مناسب  
 فهم اولنوب اول جانبه سوق گایب اولندی و نظم و نظارنده این خجسته رفم و چین  
 راند در فتح ناه قلم خسرو عالی هم حضر نلری دخی سنه مزبوره ذی القعدة سنک  
 یکر می سکر نجی کونی رفضه و ملحدینه دستبرد مظفرانه کوستر مک ایچون حشمت و وقار  
 و عساکر ظفر شعار برله طرف اسکنداره گذار پیوردیلر لشکر انبوه ستاره شکوه ایله  
 ملی دشت و کوه پیوریلوب سنه احدی و اربعین و تسعه حائره ربیع الاول سنک یکر منجی کونی  
 اوجان ییلاغنده شب دیز شیرین حرکات خسرو ستوده صفات کرد عنبریه بی عطر سایی  
 دماغ منتظران اولدی و نظم و سپه راهمه دست و دل شد قوی و به اقبال صاحب  
 قران از نوبی و آوازه تشریف سلطان یاک مشرب طنین انداز کوش طهماسب اولحق  
 تاب آفتاب رکاب شرف انتباه تاب نظاره کتورده یوب غبار عرصه کیرودار تنق  
 بندهام کلی قام سپهر دوار اولمازدن مقدم بر فحوا ی اذ جاء نهر الله یطل نهر معقل و راه  
 کر یزه عناتاب اولوب مخدرة ملکی دست تصرف نواب کامیابه تسلیم ایلدی و بنا  
 برین سلطان الحجا هدین حضر نلری هنوز جلسه استراحت ایتدین بارة ادباره سیک ساز  
 عنان مسارعت اولان بی غیر قلوب جام شمشیر خون آشامین تیراب مرکب اشراب ایتک ایچون  
 اوجان ییلاغدن علم افراز عزیمت اولوب محمد سیک سپه ارخای عنان ایتدیلر عسکر  
 نصرت لردن بعض دلاورلر اوکلر نجه مناص خلاص رجاسنه کر یزان اولان بر بلوک  
 سرخ سرانی پابسته دام هلاکت ایدوب سر تقاوت ایلرین دانه سنک آسیای عدم ایتک  
 ایدی ماه ربیع الاخرک ایکنجی کونی سرجم خانی مرکز اعلام عالمتسان محققان



اولاد قدس سافرا الماس رنگ بجهاده فشان تیغ بی دریغ سر کرا الیرینک تکلمه خلعت حیات  
اولان خولین کلدزی پیرامن اوطاق اسمان نشاندده غلطان اولوب کوی چوکان بای  
رخش غزات ظفر سمات اولدی طلیعه سپاه نصرت دستگاه اول کراهلردن نیجه قورچی  
وخانی بندکند سخت پیوند ایوب رابع ماه من بورده یکنی خانی مضرب سرادقات  
حشمت و کامرانی اولدقدده گرفتار قید اسار اولان متعینان قزلباش پیرامن اوطاق  
جوزانطاقده تیغ خونپاش برله صفحه روز کاردن تراش اولندی سابقا عتبه علیه  
سلطانیه جار و یکشالردن ایکن بعض امور الجاسیله شاه عجمه النجا ایدوب طارم و خلخال  
خانی اولان شاه رخ بك اوغلی محمد خان ارشاه فطرت اسلامیه ایله عازم طریق  
سعادت رفیق اطاعت و انقیاد اولوب سادس ماه من قومده قلعه سلطانیه محظ رحال  
اقبال اولدقدده پایه تخت سلیمانیه رویال ایلدی اول منزله اولانه بك و من قوم محمد  
خان و بعض سنجاق بکری نامزد خدمت محافظه عاد الجواز و وان و تبریز اولوب طوغ  
ظفر فروغ عنبر بیز شاه فتنه انگیز آردنجه همدان اوزرینه طوغرلدی اول هنکامده  
تأثیر شدت برودتدن غدران و انهار صفحه سیم خام \* و پاشیده دست حکاک روز کار  
اولان سوده الماس برله ساهره غبراکافور قام \* اولمغین یک مشت خالک نافیجه مسک  
نانا رقدرد و اعتبار بولوب گیاه سبز یاره زمره آسا کران بها اولمش ایدی نظم چرخ  
پوشیده رخ خویش بسنجاب سحاب \* درپس برده شده مهر جهانتاب مقیم \* اثر آتش  
سوزنده چنان شد باطل \* کاندرو کشت عیان معجزه ابراهیم \* لاجرم متاعب سفر  
زهستانی نیجه تاب توان و تاب سپاه صاحب قرانی اولوب منازل و مرا حلدده خصوصاً  
قره قان در بندده چکلن محن و آلامی اعلام خارج عهده اقلام اولمغین ادهم موزون  
خرام خامه اول وادیده کشیده عنان اولدی داور کردون شکوه حضرتلری حشمت  
انبوه برله خورشید آسمان کرد کبی منازل نورد اولوب ماه من بورك اون طقوزنجی کونی  
املین چن نام منزل مر کزریات شهر یارد ریادل اولوب یکر می برنجی کونی شهر همدان  
پیرامنده نصب خیام کردون قیام اولندقدده شاء شیاطین سپاهک خروره و آق کوه  
اوزرندن آشوب صعب المنال امام سهل علی طرفلرینه آهنگ فرار ایتدوکی اخبار اولندی  
قطرات ابر بهار کبی بی حد و شمار عسکر جرار ایله دنباله دو خصم بی عار اولق  
حدا ممکن کذران اولمغین لجام اشهب کبک خراملر اصل مراد اولان سمت بغدادده  
اماله بیورلدی یکر می سکرنجی کونی او یس قرنی مزار معفرت مداری قرینه شرف  
نزول ارزانی بیوریلوب سایه سایبان آسمان نشان غره شهر جمادی الاولی ده ماهی دشت  
نام مقامه و در دنجی کوننده اصحاب کرامدن شمس علمدار منزله دوشدی اول محلدده  
دار الخلافه بغداد محافظی اولان تکلی محمد خان طرفندن نامه رسان کلوب کنف  
مظله امن و امانده همخواه اطمینان اولق رجاسنه خلقه جنبان باب استیمان اولدیغنی



عرض واعلام ایلادی مسؤلی قرین قبول اولوب خلع فاخره وامان نامه ایله اول پیام  
 آور سیل تعجیل ینه کندویه کوندرادی سادس ماه من بورده شاهین قلعه سنه وصول  
 میسر اولوب طه وزنجی کونی قصر شیرین آرامگاه بارگاه خسرو خورشید تکیه اولدی  
 شمران نام نهر عظیم که بین العوام طقوز اولم دیمکاه شهرت یافته درونارین و خالص ارغی  
 نام صور مساعده باران براه طغیان ایدوب دزدان راهزن کی قطع طریق اتمکین حین  
 عبورده بی حدا جمال و جمال سیلی خورده مقاب امواج اولوب دفع چشم بدا همچون  
 بعض شاوران لجه سردانکی و شجاعت دخی غوطه خورد دریای مغفرت اولدی ❖ نظم ❖  
 سیندا اگر چه در آتش نهند رسم اینست ❖ سپند لشکر صاحب قران در آب بسوخت ❖  
 اول کون بغداد حاکی محمد خان که مقدما قرع باب استیمان ایدوب در امید کیشاد  
 بولش ایدی کله فی دولتی خرسنگ بیابان فنا اولور اعتقاد یله سر رشته اختیار دست  
 اقتدار ندن ساقط اولوب راه کر یزه عنان انکیز اولدیغی معروض رکاب مستطاب  
 سلطانی اولغین بر موجب حکم همایون سلیمانی وزیر ستوده تدبیر بال استعجالی باز ایدوب  
 ماه من بورک یکر می ایکنجی کونی بغداد بهشت آبادده آشیان ساز اولدی ماه من قومک یکر می  
 التجخی کونی شقه علم عالم آرای صاحب قرانی دخی سواد عراق عرب به سایه انداز امن  
 وامانی اولوب اهالی بغداد سم سمند شه نشاه عالی نثراده دامن دامن مروارید کرانمایه  
 تکریم نثار ایتدیلر ❖ نظم ❖ جو مرغ مهر خیز فریاد کرد ❖ علم بر سر شط بغداد کرد ❖ ز ماه  
 علم روی شط بهر یاب ❖ شد از برج آبی عیان قناب بنیروی بخت و بازوی کین ❖ عراق  
 عرب امدش در نکیں ❖ اوطاق کیوان نطق مقدم شرف تواملری براه همسر طاق  
 نه رواق اولمازدن مقدم امام بزرگوار همام فردوس مدار ینبوع علم و حکم امام اعظم  
 حضرت تلمینک مزار لامع الانوار لرینی زیارت بیوروب روح پر فتوح لرندن استمداد  
 واستدعای همت بیور دیلر تحمل بار مشاق اسفار براه قامت اقامت لری خجیده اولان  
 امراء کار دیده و عسا کر محنت چشیده به مناسب جانب لرمشتا تعیین بیور یلوب ماه جمادی  
 الاخره نک بشنچی کونی سلطان سلیمان نکین حضرت لری نمونه نمایی نکارستان چین  
 اولان سرای سرور افزایی تشریف قدوم لری براه غیرت زهت سرای خلد برین ایتدیلر  
 مرقدر حجت مرصد حضرت امام فردوس مقام اولان قبه نک مرور اعوام و شهور  
 و تصادم صباود بورا به صفحات حیطان رفیع البیاننده صورت انهدام نمایان اولوب  
 هر گوشه سنده جعد خرابه نشین آشیان ساز و مکین اولمش ایدی فرمان سلطانی اوزره  
 اول مرقدر نورانی تعمیر و اطراف و اکثافی تظہیر ❖ اولنوب کل غداة و عشی واردین  
 و صادرین تغدی و تعشی اتمک ایچون بر عمارت بر نعمت ترتیب و ایجاد و ایادی متغلبه دن  
 حراست ایچون اطرافنه بر حصار شهر مدار بنیاد ❖ اولندی کذلک مقبول درگاه  
 صدائی ❖ سخ عبد القادر کیلانی ❖ حضرت تلمینک مجمع حجت رحمانی اولان مضجع



تورانلری مانند قوای پیرفروت بلکه او هن من بیت العنکیوت اولوب اول کنج شایکان  
 مقیم کوسه و بران اولمش ایدی حسب الامر العالی امرار مغفرت مدارلری اوز ره قبه  
 آسمان وش برکبد داکش با اولوب قرای اهای شهر و قری و اطعام ارا مل و فقر ایچون  
 بر دار الضیافه نیه و احضار اولندی سلطان عالی نراد حضر تارینک بغداد ده اقامتلری  
 مدتده مدد کاری هستلری برله مضافات بغداد دن اولان هارونیه وحله و شهر بان  
 نام قلعه لر و اورستان و واسط و مشعشع و جزایر و قظیف و بحرین مسخر فرمان سلطان  
 البرین اولوب اول اماکن و بقاع فر القاب شهنشاہ جم جناب برله شرفیاب اولدی \* نظم \*  
 جهان یکام دل و کام دل بحسب مراد \* زمانه تابع فرمان و آسمان منقاد \* نشسته فارغ  
 و فرمانبر آتش عالمگیر \* عدو کر بخت و باز ماند کانش اسیر \* خراسان خانی اولان قاضی  
 خان آستان دولت آشیان سلیمانی عبودیتی رأس المال سعادت دوجهانی \* و وسیله  
 حصول امنیه و لعانی \* ایدوکن تعلیم عقل سلیم ایله ازعان ایتکین شهر رجب المرجبک  
 یدنجی کونی حاز شرف تقیل کوشه بساط سعادت مناط اولوب خاطر خواهی  
 اوزره لورستان بکر بکی کلی احسان یورادی کذالك بصره جانب لری نک حاکم مطلق  
 العنانی اولان راشد دخی ارشات تخت مادر زاد برادر شرفیافته دامن بوس عزت مانوس  
 اولوب قرین توقیر و اعزاز شهنشاہ بنده نواز اولدی دفتر دار اسکندر چلی حقیقه  
 حرف کیم ان کینکاه نفاق همزبان اتفاق اولوب مقدمه خس و خار اسناد مالم یکن ایله  
 سرچشمه خاطر الهام مظاهر شهر یاری متکدر اولمغین خوار عزل و نکبت بئس البدل  
 تشوه و حقیق دولت اولمش ایدی شهر رمضان المبارکک سکزنجی کونی اول صدر نشین  
 مجلس رفعت و اعتبار نشین ساز بالای دار اولوب ماه سریع السیر عری گرفتار عقده  
 محاق اولدی \* مصرع \* بی چاره آنکه از نظرش آفتاده دور \* ماه مزبورک اون سکزنجی  
 کونی شهر یار عالی تبار حضر تلی ارکان دیوان بلندایوان برله سبک عنان عزیمت  
 اولوب شرزه شیر محارب الله اسد الله الغالب \* هم سیر فاطمه زهرا \* داماد جناب حضرت  
 مصطفی \* علی عالی قدر کرم الله وجهه و رضی الله عنه مر قدم مغفرت مر صدر لری ایله  
 شجر اغ خانواده نبوه میوه نخل برومند باغ رسالت \* وارث علوم خیر البشر \* ثالث  
 ائمه اثنی عشر \* امام حسین شهید رضی الله عنه مر ار رحمت مدارلری زیارتیه استعاده  
 بیوردیلر شاه فتنه انگیر کنج کر یزده هم اشیانه عنقا ایکن پس برده اختفادن رونما اولوب  
 تبریز اوزرینه هجوم متحج الحرمانی محافظه مأمور اولان نیک خواهان سلطنت آل عثمانیه  
 باعث تفرق و پریشانی اولدیغندن ماعدا اولامه پاشاوانه تحصن ایتکین انی علف تیغ  
 تلف ایتک ایچون قلعه وانی محاصره ایتدوکی مر فوج بایه پسین تخت سلیمانی اولمغین  
 دیار یکر بکر یکیمی معجلا اولامه یه امداد ایدوب عموما شتاده اولان امر او عسا کردخی  
 التون کوبری مقابله سنده کولک دبه نام مقامده معسکر فیروزی اره ملحق اولمالری ایچون



اطرافه مؤکد اوامر شریفه ارسال بیوریلوب ماه شوالک سکر نجی کوئی سلطان  
 انا فکیر شرف افزای افسر و سریر حضر تلی حاضر سپاه ایله متوکلا علی الله خطه  
 دارالسلامدن تبریز طرفه تحریک اعلام بیوردیلر شهر یار بلند اقتدار حضر تلیک  
 اخبار حرکت منج البرکتلی طهماسب بی عارک کوش کناری اولیحق \* نظم \* آه  
 ازین بخت و از کون که مر است \* وای ازین طالع زیون که مر است \* دیرک سر سوداز  
 ده سن پر غبار انکسار \* و دست غم براه چاک کریان اصطبار \* ایدوب رهبر یاس و حرمان  
 برله محاصره و اندن محافظه تبریزه روگردان اولدی اول کرک باران دیده کنار سلامته  
 وضع قدم ایدیجک شیران بیشه زار شجاعتیه خواب خرکوش ویرمک ملاحظه سیله  
 ظاهر ارتکاب ایدوکی کار ناهموار عصیانیه توبه و بشیمانی یوزندن \* نظم \* ازمن کنه  
 ایدومن اینم \* از تو کرم ایدو توانی \* مضمونی اوزره استدعای عفو جرایمی متضمن  
 عبودیت نامه ایله ایلچی ارسال ایدوب ماه ذی الحجه نک یکر می برنجی کوئی صاری قاش  
 محل اسایش داور در یاد هس و دارامنش اولدقده پیام اورشاه بد اختر و اصل معسکر  
 فیروزی اثر اولوب وسیله خواب کامیاب ایله خط خوبان کی اول مزور نامه بی سلطان  
 نامه ایصال ایلدی طهماسب بر کشته اقبالک اقوال و افعالنده عهد و نک توامان  
 \* و وعدو خلف رضیعی لبان ایدوکی دلائل عقلیه و براهین نقلیه ایله مشیت اولغین پیام  
 دروغ و کلام بی فروغی سمع رضا برله اصغای بیورلدی و مثل سخن \* فی الصیف  
 ضیعت الدین برله اول فتنه فن جانبیه جواب یاس ابلاغ بیوریلوب \* نظم \* اگر مرد کاری  
 نبشار پای \* من اینک رسیدم نکه دار جای \* تا که پس یرده تقدیرده خفی و ستیر اولان  
 امور جلوه کر منصفه ظهور اوله دیو نامه رسان شاه کراهه تلخاب تقرر حرب و قتال اشراب  
 ایدیلر بو خبر و حشت اثر خواجه بازار مکر و آل شاه بدفعاله تبریزده واصل اولیحق  
 استیلای سپاه حیرت برله انده اقامته اقتداری اولیوب اصفهان قاجدی رونق ده مسند  
 شهنشاهی حضر تلی دخی رهبر توفیق آلهی برله منازل نورد اولوب ماهی قومک  
 یکر می طقوز نجی کوئی سعد آباد تبریز کلاله طوغ مشک بیر برله عنبر اکین اولدقده جام  
 مراحم سلطان جم آیین فیض شربت شفا ساز انعام عام ایدوب یکجری و سپاه مظهر  
 ترقی و احسان شهنشاه مکارم دستگاه اولدیارسنه اثنی و اربعین و تسعماه محرم الحرام نک  
 یکر منجی کوئی فرمان فرمای کشور عجمی یاسبان شهرستان عدم ایتک ایچون تکرار  
 و کاب همته وضع قدم بیوریلوب بعد طی المراحل ماه صفرک اوچنجی کوئی درگزین  
 قریبده ضرب سر اوقات شهر یار برگزین اولدقده طهماسب بد کردار طرفندن تکرار  
 ایلچی کلوب مر سلی جانبندن امید نجات و رستگاری برله سراغاز نشیده تضرع و زاری  
 ایلدی \* نظم \* بهذر خطا هالب اراسته \* کناهان بکنشته در خواسته \* که کردامن  
 عفو شاه جهان \* شود سربوش کناه کهان \* بخت مکرری جانباری کنم \* بران



رای نیک استواری کنیم \* ازین پس سرما و آن آستان \* که هستش لقب قبله راستان \*  
 نتیجه مدت دخی کشور ایران لکد کوپ سم ستور اشکر منصور اولسه شاه مکراه بخار خمار  
 ملاحظه عاقبتدن سرکران اولوب پای مقاومتی لرزان اولغین کجج اختفادن رونما اولوب  
 سر بازان میدان مغازی براه معر که افراز عرصه شمشیر بازی اولوق امر محال ایدوکی  
 واصل سرحد علم الیقین اولغین العودا جدد و فقه خجده اسعد از مانده طرف رومه عطف  
 عنان بیورلدی رابع شهر ربیع الاولده قصبه خوی مقرر دوی کهان پوی اولوب شمس  
 تبریزی حضر تلرینی زیارت بیوردیارتلیس حاکی شرف بی تیرک میدان حرب و ستیزده  
 سرب سعادتی بسته فترک هر بران فترک اولوب مجازات اعمال خسران مالی استیفا  
 ایدوکی که مقدمار قزده کلک کهر ریز اولشدر پس قلمرو حکومتده اولان طایفه اکراد  
 بد نهاد سالک اولدقلری طریق بی توفیق عناددن جاده مستقیم اطاعت و انقیاده عطف  
 عنان عزیمت ایدوب بتلیش حکومتی شرف ناخلفک اوغلی شمس الدینه ارزانی بیورلوق باینده  
 عمان بی کران رافت سلطانیدن قطره عنایت رجا ایتکین تضرع و زاریلری محرم  
 دریای عاطفت شهر یاری اولوب مسؤلری قرین قبول اولش ایدی ماه مر قومک اون  
 دردنجی کونی قلعه ارجیش قربنده صاحب قران ظفر کیش حضر تلری نصب خیام  
 عز و احتشام بیوردقلرنده مزبور امیر شمس الدین موکب نصرت قرینی استقبال ایدوب  
 زیر فرمانده اولان قلاعک مفتاح لرینی برسم پیشکش عتبه جاه و جلال خدامنه تسلیم  
 ایلدی امیر شمس الدینک دست آویز مستمندانه سی منظور نظر قبول سلطان فرزانه  
 اولدقدن صکره ینه کندویه عنایت بیورلدیغندن ماعدا مظهر صنوف نوازش ملکانه  
 اولدی \* ماه ربیع الآخرک یکر می اوچنجی کونی شهر آمد مخیم شهر یار کثیر المحامدا اولوب  
 بعض مهام اقتضاسیله یکر می کوندن مجاوز اول مقامده آرام اولندی ماه جمادی  
 الاولینک یکر می سکرنجی کونی حلب شهباده ضرب خیمه و حرکاه اولوب اول خطه  
 دلکشاده سکر کون ازاله کوفت راه بیورلدقدن صکره جانب تختگاهه سوق مطیبه عزیمت  
 بیورلدی شهر رجب الحرامک اون دردنجی کونی ذات ستوده صفات سلیمانی استانبول  
 سکنانه مایه بحجت و شادمانی اولوب مشاهده دیدار فرخنده آثار سلطان ارجمند شکرانه سی  
 ایچسون نفس قسطنطنیه و مضامفاتنده بش کون بش کیجه آیین بند اولدی لرا کرچه  
 دستیاری عنایت باری و همت شهر یاری براه دارالسلام بغداد مضافات ممالک محروسه دن  
 اولوب کشور عجم پایمال مطایای سپاه ظفرو د ستگاه اولدی لکن غایه الغایات امنیه  
 و آمال \* و نتیجه مقدمات خطو تر حال \* اولان اعدام و تدمیر شاه مکراه صورت پذیر  
 اولدیغی اهمال و تقصیر و سوؤدیر روز بردن ناشی ایدوکی بعض دلایل و شواهد ایله ثابت  
 الصحه اولدیغندن ماعدا سودای و سوسه فرسای باطل اقتضاسیله اول نادان مراسم  
 و مناشیده سر عسکر سلطان عنوان اختیار ایدوب بلکه گرفتار دام خیال محال شرکت



سلطنت اولدیغی مرآت بال صفاما آل سلطان محمد الاقبال اوزره منعکس اولغین ابراهیم  
باشانک آفتاب دولت و اقبالی گرفتار عقده زوال اولوب ماه صیامک یکر می ایکنجی  
کجه سی صبح حیاتی شام مماته مبدل اولدی \* نظم \* چنین است رسم قدیم سپهر \*  
که که بر تو کینش بود گاه مهر \* چنین است این این بی وفا \* چون نوشت دهد نیش  
اندر قفا \* زمانه یک رنگ نبود مدام \* کهی صبح پیش آورد گاه شام \* فلک چشم از ان  
صبح روشن نکرد \* که شام از شفق خون بدامن نکرد \* نشد سر خوش از جام عسرت  
کسی \* که ناخوش نه گشت از خارش بسی \* سلیمان نامه \* قره چلبی زاده \*

بیان کیفیت طلوع کوکبه اقبال سعادت مال خاندان عثمانی و بنیان اصول و فروع \*  
عز این شجره طيبة سلطنت و جہان بینی و ذکر ما آثر و مفاخر آن صدر نشینان تخت سلطانی \*  
﴿ ابدالله تعالی هذه الدولة الخافضة لمراسم العدل والامن والامانی ﴾

چون مضمون شرف مقرون (وما خلقت الجن والانس الا ليعبدون) بومعنايه رهنمودر که  
رضای حکمت اقتضای الهی مقرون اشاعت طاعت و رفع مناهی او اوب مطالع  
و آفاقدن صبح صادق اسلام اشراق ایدوب مراسم شرک و طغیان و آثار بدع و عصیان  
من استیلای اهل ایمانله ناپیدا و اشعة لامعة دین و دولت قرین محمدی که مستتبع سعادت  
وعز سرمدیدر بلاد کفارتیره روز کار ایچره هویدا اولق مقتضای مشیت مسبب  
الاسباب و مبتغای ارادت رب الارباب در و منتج سعادت نامتناهی اولق عادت الهی  
توسط اسباب اوزره جاری و تعیین سلاطین جهاد آیین بومر ادکمداری اولغین مشارع  
شرع مبین و رود مبتدعین ایله متغیر و موارد دین متین تطرق اهل کین و تعرض مشرکین  
ایله متکدر اولسه جهد جلیل و سعی جزیل سلاطین عدل پرور و اساطین دین ازهر ایلله  
صفا پذیر و عین شرع مظهر مشاهده مجاهده لریله قریر اولماسی مقرر و فحوای مسرت  
احتوای (لا يزال طائفة من ائمتي على الحق ظاهرين الى يوم القيمة) بوکلامه دلیل اظهر در  
بس ظلام ظلم و فساد و سواد کفر و عناد برله مرز بوم روم مقر بوم ضلال و مستقر جغد  
نکال اولیجق برق شمیر عالمکی مجاهدین و بر تو جهان نمای دین مبین ایلله غیاهب ابتداع  
و ظلمات شرک و نزاع ارتفاع و اندفاع بولق بحسب المقدمات المذكورة متضمن حکم  
و مصالح موفوره اولغین بواجر خطیر و مهم عزت نصیرده مظهر اصابت تدبیر اولغه  
نامر دوتله سددینی سدور خنة شرع متینی استوار ایتمکله قرین عزه و بید و استعلائی آثار  
دین حنبی و استیلای مذهب حنفی به سند اولغه سلاطین آل عثمان تو جهنم الله بتاج  
الرضوان و مکن اخلافهم فی سریر السلطنة الى انقرض الزمان هر وجهله صالح  
و بوسعادت عند لک ظهور و استیلای مدار انتظام مصالح اولدیغی جہتدن حضرت  
مالك يوم الميعاد فحوای صدق استناد (والله رؤف بالعباد) موجبی اوزره حیات



بلادور عایت عباد و نشر عدل و داد ایچون بوسلاطین یک نهاد و خواقین کثیر الجهادی  
احضار و اعداد و بوفریق توفیق رفیق طریق انیق اعلائی کلمه الله ده امداد و اسعاد  
ایتدی مضمون بشارت مقرون (فسوف یأنی الله بقوم یحبهم و یحبونه اذلة علی المؤمنین  
اعزة علی الکافرین یجاهدون فی سبیل الله ولا یخافون لومة لائم) خزانه بیکرانه جواد  
دائمن مستخرج بر جواهر از هر در که اول اجرای لوازم و احیای مراسم دینی ده  
قایم اولان اعظم شانه ملایم در و کریمه قویه (الذین ان مکناهم فی الارض اقاموا الصلوة  
وآتوا الزکوة و امر و ابالمعروف و نهوا عن المنکر) فحوا سنده اول مدار شرع مظهر اولان  
سرور لر مظهر اول مشر در (ع) ان انار نادل عایشه موجنبه بونا مدار لرک و بوسعادت  
مدار لرک محاسن اطوار و مکارم آثار لرینی صحایف ادواردن مطالعه این اصحاب  
اعتبار و مشاهده ایدن اولوا الابصار بو خاکسار ایراد ایتدوکی اخبار در ر بار و صمه  
مبالغه و اطرادن عاری و مبرایدو کین تصدیق و حقیقت حالی تحقیق ایدر (بیت)

بین دولت این حامیان روی زمین \* رسیدر ایت دین مبین بعلیین

فلنشرع فی المقصود حسبما هو الموعود ناقلان اخبار و ر او یان آثار شویله اشعار  
ایتمشدر که آل سلجوق ماوراء النهر دن ایران زمینده انتقال ایتد کلرنده بیله لر نجه اولان  
قبایل ترکدن سلسله عثمانیه نک جدا اعلاسی اولان قایی خان قبیله سی که حدود مرو و شاهجاندن  
ماهان شهرنده متمکن ایدیلر جنکیر فتنه انکیر ظهورندن حدود دارمنیه و اخلاطه  
انتقال ایدوب آثار اضرار تاتار بدتبار اول دیاره دخی وصول بولجق بر مقتضای فحوای  
(فضاقت علیهم الارض بما رحبت) اذل مقامده اقامت مستتبع نکبت و مستلزم خبیث  
اولماسی مشهود دیده بصیرت اولجق اختیار دیار غربت ایدوب اول قبیله نبیله نک سرداری  
سلیمان شاه بن قیاالب طایفه سیله بلاد رومه انتقال ایتدیلر اما تاربخ نشری ده دیمشدر که  
قبیله مزبوره نواحی اخلاطه یوزتمش ییل تمکن ایتد کدنصکره سنه ست عشر و  
ستمائه ده عسکر جنکیر اول نواحی یه مسلط اولوب سلیمان شاه بن قیاالب بلاد رومدن  
ارزنجانده انتقال ایدوب برقاج ییل آنده ییلاق و قشلاق ایدیلر بک مضایقه اهنه دن  
دواب و مواشی ایله اول اطراف و حواشیده آرام ایده میوب و طنلرینه مراجعت قصدیه  
حلبه متوجه اولوب جعفر قلعه سنه کلوب قرائدن عبور ایدر کن سلیمان شاهک آتی مخالف  
محلله دوشمکه غرق اولوب جعفر قلعه سی التنده دفن ایتدیلر (بیت) سومزیدی چونهر  
سایلی اول نهر سایلده بولدی موت آکه یول حالا اول محلله مزار ترک دیر لر و سلیمان شاهک  
درت فرزندار جندی قالدی ستقور تکین و کون طوغندی وار طغرل غازی و دندار امینی  
کون طوغندی ایله ستقور تکین وطن اصلیلرند مکین اولوب ار طغرل نامسدار  
و دیندار ملک اتفاق اختیار ایدوب باسین اواسنده و سرمه لو چقورده قرار ایتدیلر  
بر مدت مرو و رند نصکره ار طغرل غازی غزایه راغب و جهاده طالب اولمغین خلف اشرفی



صارویانی بی که ساوجبی بک دیمکه معروف در سلطان روم علاء الدین کیقا بدین کیخسرو  
 سلجوقی حضور نه تعیین محل نزول طلبی ایچون ابلاغ ابتدا کده سلطان دخی قدوم  
 بهجت از واری بی محض سعادت و همای دولته جناح رأفت یلوب حدود انکور به ده  
 قراجه طاغی تعیین و مصیف و مشتارین تبیین اید چک ارطغرل غازی دخی نیت غزایله  
 اول قضایه بشیوره قریب دلاوران پرنهیب ایله عزمت ایتدی اتفاقا سلطان علاء الدین  
 تاتار بدآیین ایله محارب ایدوب گروه دشمن انبوه اولغین عسکر روم ظفر دین محروم اولدیغی  
 معرکه به راست کلدیلر بعد المشوره اکثر اصحابی سلامت رولک مسلکته سلوکی اختیار  
 و طرف غالبه امداد مقتضای سداد ایدو کین اشعار اید چک ارطغرل غازی جبلت  
 فرزانی و حجت مردانکی مقتضایه عامل اولوب زبون کشاک زبون لر صنعتی و غالب  
 نوازلق مغلوب لر شمتی در اعانت غالب امتانی جالب دکلدر دیو فراست صایبه سند متابعت  
 ایدوب عثمان اعانتی جانب مغلوبه توجیه اید چک لشکر تاتار و مارا وادی سلطان  
 علاء الدین دخی مقدم ظفر توامارینی نعت غیر مترقبه یلوب انواع اعزاز ایله سرافراز  
 و توطناری ایچون عمالک محروسه سندن نواحی انکوریه بی افرا اید چک بقیه عمر لرینی  
 غزایه و اهلاک عبده لات و عزایه رف ایدوب سنین عمری حد تسعین دن تجاوز ایتد کده  
 (سند) نمانین و ستایه ده (اجیواد اعی الله) نداسنه کمال انتباه بره اجابت ایدوب اولاد  
 امجادینه و صایای حسنه القاومسند اقبالی عثمان غازی یه ابقا ایدوب مملکت فنادن کشور  
 بقایه ارتقایادی (یت) حضرت حق روحنی شاد ایلسون \* کشور اولادین آباد ایلسون \*

مر قدم نورزی سکو تچک نام قصبه ده در

✽ مسخر کشتن قسطنطنیه ✽

- ✽ چو کندی برد رف و شدت دی ✽ کلوب فصل بهار ایشدی در پی ✽
- ✽ شوم کلدی که ایام بهاری ✽ مزین ایتشیدی سبزه زاری ✽
- ✽ جهان عرض قلش شاهد کل ✽ فعلا نه باشلاش شوریده بابل ✽
- ✽ دوشمش یروزینه خزاخضر ✽ که لشکر گاه ایده سلطان داور ✽
- ✽ قور یلوب سبزه زار ایچره اوتاخی ✽ مشرف ایلیه باغ ایله راخی ✽
- ✽ او جمعه ایدوب تدبیر معقول ✽ بوله قسطنطنیه قحنه یول ✽
- ✽ بنفشه شش پیرین آتش الینه ✽ طاقمش تیغنی سوسن بلینه ✽
- ✽ دیزوب چکش چن ایچره صنوف ✽ شه دورانه عرض آتش صغوف ✽
- ✽ عزبوش سرخ بور کین کیدی لاله ✽ شقایق کوزینی ایتدی حواله ✽
- ✽ کل احمر سپر چکش یوزینه ✽ کوز کمز غنچه پیکانی کوزینه ✽
- ✽ قرنفل ریح سبزه دیکندی بر باش ✽ کورنار دبدبدر تحسین و سا باش ✽
- ✽ مسبالوش طلیعه کوزی نر کس ✽ که یول بولایه اول اردویه هر خس ✽



✽ کوتوزدی او کجه اق سنجاغی زنبق ✽ مکمل اولدی اول سنجاقه رونق ✽  
 ✽ چنار اچش السن ایله ردعایی ✽ بونی در کیم الهی صاو بلایی ✽  
 ✽ شه آفاقه ویره آمول قنن ✽ میسر ایله استانبول قنن ✽

شاه کامکار فتح قسطنطنیه اسبابی احضار ایدوب سپاه نصرت بناهی مجموع و فرمان  
 قبول اقتراي سمع رضا ایله مسموع ایدو کین کوروب رجای مساعدۀ ساعدتوفیق  
 ایله عزم طریق ایدوب قنن حسرة الملوك و منهج تسخیری عسیر السلوك اولان قسطنطنیه  
 شهرینه توجیه زمام توجه بیوردیلر و اول مارتین وارد ردهن طویلر و ضرر زار که هربری  
 قلعه کن و برج افکن ایدی کردونلر ایله چکلوب کافر مردود درونی بردودا یتک ایچون  
 همراه سپاه ظفر پناه قلندی

✽ عسکره و یردی غزا آتئی شاه جهان ✽

✽ جبه وجوشن و تیغ و تبر و تیرو سنان ✽

امرای صف آرا الایلرین و وزرای آصف راسروبالا زین و یاده و سوار اجتماعن و اعلام  
 والویه ماهجه زینک التماعن تماشا بیور ووب شکر باری طریقه جاری اولوب عسکر ظفر رهبره  
 استماله لایته دیلر و اول تیشه شجاعتمک شیریان خون آشام لرینه و اجام بسائک بیر بیان برانته قاملرینه  
 که دین متین قصرینک در ککری و شرع مبین قوللری و در سکری ایدیلر نصیحتلر ایدوب  
 (جاهدوا) امرینک عموم و آیات جهاده اولان مواعید الهیه مفهوم اعلام و نصب  
 اعلام اسلام قواعدینک اتمامی استانبول شهرینک دارالموحدینه انضمامی ایله اولان و غین  
 افهام بیوردیلر و فتح قسطنطنیه امارت از دیاد شوکت دین ایدوی منطق احادیث  
 صحیح و مفهوم آثار صریحه اولوب اول حصار وسیع و حصن رفیع هست امتلری ایله  
 تسخیر اولوب داراهل دین و مدار موحدین اولماسنه و عدنبوی سبقت ایتدو کین رشته  
 تقریره دیزوب شایسته خطاب اولان سرخیلارک کردن جاننه حلیل و مجاهد زقانونی  
 شهد شهادت تجر عنه مایل ایدوب عثمان سمند اقبال لرینی خطه استانبول صوبه توجیه  
 ایتدیلر

✽ روان شد سوی دشمنان کینه خواه ✽ به نیروی اقبال و عون اله ✽

و علم او مشایخ و سادات مقتضای سوابق عادات اوزه اول خسرو غازی مشایعتی ثوابک  
 احرازی ایله سرفرازی بولوب دعا کنان موکب اقباللری یا تنجه روان و اول سلطان  
 عالیشان ایله همعنان اولوب (شاگردین لانه) منزلرینه متوجه اولوب فتح و فیروزی  
 روزی اولوق دعاسنه و مقاصد و آماللری حصول بولوق استدعاسنه اشتغال کوسردیلر  
 اگرچه اول سفر ظفر رهبره ارواح مطهره همراه و جنود غیبی طایفه سپاه ایدی لکن  
 موطن شهودده نمایان اولان اصحاب بواطن طاهره و ارباب کرامات ظاهره دن شیخ  
 حق بین اق شمس الدین حضرتلری و قی بقی دده سپاه اسلام یوز آق لغی میسر



اولاً عیون دعا خدمتہ قیام و فرمان ذی الامر ایلہ مواکب ظفر حراکب یا تبحہ خرام  
ایدوب و اہب المواہب امدادینی رجا ایچون جانب معہودہ ذاہب اولدیار بر سحر خجستہ  
اثرکہ طلیعہ خسرو خاور عسکر ضیا کسترایلہ فتح حصار دیجور ایچون قلہ افق شرقی  
تتقدن ظہور ایلدی طلالیہ ظفر سایہ شاہ بلند پایہ دخی پایکاہ حصارہ ایرشوب اردنجہ  
عسکر ہمایون و سپاہ ظفر مقرون بحر بی پایان و سیل شتابان کی روان اولوب حصارک  
جانب بریسنی احاطہ ایتدیلو برہیت و صلابت ایلہ اول اعظم حصون اولان حصن  
مصون اوستہ هجوم ایتدیلر کہ حصار یلرک اقدام اقدام لری دولاشدی و دزدارلرک  
عقول و افہام لری شاشدی تگور مقہور شاہ انجم سپاہک تقرر عزم ہمایوندن آکاہ  
اولغین محافظتہ حصار اسبابی احصار ایدوب برج و بارولرینی تعمیر و احکام و دخولہ قابل  
اولان مواضعی سندنہ اہتمام تمام ایتشیدی لیکن اول داور فریدون فرایلہ کہ باز بلند  
پرواز دولت دست آموزی و ابلق ایام رام فرمان جہان افروزی ایدی سرینجہ اورماغک  
ینجہ سین رنجہ و جسم ناتوان اسیر شکنجہ ایتکدن غیری نتیجہ سی اولدوغین فہم ایدوب  
بخت مادرزادی ایلہ مقابلہ و سپاہ نجم اعدادی ایلہ مجادلہ کوهلہ کاہک مصادمہ سی  
کی محال و شاہین ایلہ کنجشک معارضہ سی کی محض خیال ایدو کین و دعوی استقلال  
موجب اختلال اولدوغین بیلوب بارکاہ جامہ و جلال صوبنہ پیغام ضراعت کوندروب  
رجا ایتدی کہ استانبول نواحی سندنہ اولان قلاع و توابعی قبول ایسوب تنہا استانبول  
حصارینی کندویہ عنایت بیوروب سائر خراج گذار کافر امراسی سلک سندنہ مندرج  
ایدلر و ہر سال خراج موظف ارسالندہ استہمال ایتکی التزام ایلدی داور کرم کستر پیام  
آور کلامنہ نظر ایتیوب ( اما السیف و اما الاسلام ) مضمونی اعلام ایدوب تکلیف تسلیم  
حصار بیوردیار تگور منحوس ملحوظندن مایوس اولیحق و ارقوتن بازویہ و کوه کوب  
طوبلرین بالای برج و بارویہ کتوروب صغوف مجاہدینی ضربات طوب و تفنک ایلہ خرق  
و نفط ایلہ مشحون خبرہ لرایلہ خرق تدارکنندہ اولدی

✽ در دز بستند بر روی شاہ ✽ نکردند بر تیغ و لشکر نگاہ ✽  
بامدن شام ہنگامنہ دلک ہنگامہ دارو کیر مستر اولوب مرغ زرین بال خورشید بام افقدن  
نابدید اولوب دل تاریک دشمن کمرہ کی چہرہ عالم سپاہ اولیحق مار الذکر مار پیکر  
واژدر سر طوبلرین مواضع لازمہ قوروب مترسار تعبید ایتدیلو و یکجری و عزب لشکرینی  
اول خدمتہ مؤکل ایدوب درودیوار حصاری درون عشاق پرزاری کی رخنہ و سوارخ  
و تابع ضروب طوب قلعہ کوب ایلہ پیدا اولان شکافی فراخ ایلدیلر اول آہنین تن و آتشین  
دھن قرغانلر دھانندن نمایان اولان آتش چشم تیرہ کفاری خیر و مشوش ایدوب عیوقہ  
صعود ایدن دود محدود راہ نفوذ قوت باصرہ بی مسدود ایتکلہ روز روشن نمودار شب  
ناروروی جہان مانند بخت تیرہ کفار سپاہ روز کارا اولور ایدی سفیر تیرہان کاندن



بیرون اولیحق (ایمانت کونوا یدر کلم الموت) پیامی ارفع صوت ایله گوش بی سروش  
دشمن مدهوشه ابلاغ ایلر ایدی و منجیق و عراده رمی اجزای اعاده ایتکله پاسبان برج  
و بار و اولان بی رولری علی التعجیل مصدوقه (ترمیم بحجارة من سجيل) ایدوب قاضی محکمه  
قضا و قدر مقرری قعر سفر اولدوغین تسجیل ایلر ایدی هر صیحه و صدا که طوب آتش  
غدادن پیدا اولور ایدی نهیب هول مهیب فردایی اصححه اعدایه ادا ایدوب حصاره  
زلزله و حصار یلره ولوله براغوب سبب تساقط بروج و موجب انفراج فروج اولور ایدی  
( مؤلفه )

\* شود کلو اور دیلر طوبی حصاره \* که دوشدی برج و بار و پاره پاره \*  
\* مساعدا ولدی بختی شهر یارک \* مشبک اولدی دیواری حصارک \*  
\* کورندی رخنه زدن صورت قح \* اوقندی هر طرفدن آیت قح \*  
کفار ستمکار جانبدن نزول ایدن سنک طوب و تفنک نیجه مجاهدینک قلعه و جودین یخ  
و بنیادندن قلع ایدوب شهدای خونین پیراهن نمایی ایله عرصه پیکار نمودار لاله زار  
اولوب خون غزات ایله روی زمین آل و خود و مغفرا یله معرکه قتال مالامال اولمشیدی  
اول اثناده فرنک پر نیرنک جانبدن امداد ایچون ایکی عظیم کو که که سرنارینک اوجی  
کو که عروج ایتمشیدی دامن حصاره کلوب ایچنده اولان جهنم یلر درون حصه دو کلدیلر  
و نمایان اولان رخنه لر و سور اختری سده و عسکر اسلامی پیرامن حصاردن دفع ورده  
شروع ادیجک بارونشین اولان دوزحیان بی دین کشف وار درون حصاردن باش  
چیقاروب اطاله لسانه غاز ایتدیلر و هوای غروره غراب وش پرواز ایدوب زبان پر  
هزینلرین دراز ایتدیلر ارکان سلطنتدن خلیل پاشایه موافقت ایدوب صوب قتال و مکارحه دن  
سمت مصالحه عطف عنان تصویبینه ذاهب اولناره شاه کشور کیر ضمیمه امتناع  
تسخیر دلائلی تصویر ایدوب صلحه ترغیب و لزوم مراجعت مقدماتی ترتیب ایتدیلر گوش  
هوشلری استماع پیغام خام و اصغای کلام ملام انجامدن اعراض و اجتناب اوزره  
مفطور اولمغین اولبد آموزرک مقال مر دود غرض اندودینه التفات ایتوب صوابدید  
علما و مشایخ ایله عرصه دار و کیده ثابت قدم و صدمه مهره و بیگان ایله پاس برج ایدن  
نیجه ناسپاسی افکننده خندق عدم ایلدیلر علما و عظامدن شیخ احمد کورانی و مشایخ  
گرامدن شیخ آق شمس الدین و وزرای عالی مقامدن زغنوس پاشا سلطان کشورستان  
ایل یکدل و یک زبان اولوب تجویز مصالحه و مساهله دن امتناع ایدوب شاهد قح دامنه دن  
الچکمک صدق عزیمت نشانه سی دکلدر دیو سپاه ظفر پناهه نصیحتلر ایتدیلر و لطف  
ادا ایله (ثم یفتح لکم الروم) مضمونندن مفهوم اولان وعد صدقات مقرونی اعلام ایدوب  
(الملحمة العظمی فتح قسطنطنیه) فحوا سندن مستفاد اولان لزوم سعی و اشتما می مجاهدینه  
افهام ایتدیلر دلاوران عرصه جهاد دخی تن و جانلرین دین یولنده بذله اعطا ایدوب



شب و روز مشاعل سیوف ایلہ معرکہ افزون اولدیله جمال دلارای ظفر مجلای ظهورده جلوه کراولای بحق شهریار جسته تدبیر جمع امرای روشن ضمیر ایدوب بیوردیلر که بوجانبک مدا خلی خندق عمیق ایلہ مسدود و اسباب حفظ و حراستی نامعدود درنه بی تکلف خندقدن مرور ایتک اولورونه برید افکار سورا ستوارندن جای کنار بولور دیوار لری اوچ قاندر تنها بو طرفدن چالشمق تضییع اوقاندر محل واحدن محاربه ایلہ دشمنه ظفر عسیر و مستتبع اهلاک جمع کثیر در جانب بخرندن دخی حصار ی دوککه چاره بولمق کر کدر استانبول ایلہ غلطه میاننی قطع ایدن خلیج اوزره زنجیر چکوب عمر سفن مسدود اولمغین اول جانبه کی یکر مک غیر مقدور و امکان عادی حیرندن دور اولدوغی جهتدن ارکان دولت بوله لحظه صحراسنده هر چند که باد پای افکار لرین تکاپوی ایتدردیلر نهایتنه ایرمدیلر عاقبت ضمیر الهام پذیر شاه کشور کیره بولایح اولدی که یکی حصار جانبندن کیلر سوروب غلطه اردندن دریاه اشوره لر و آشوب طوب ایلہ حصار یلری جانب بخرندن دخی شاشوره لرا کر چه بولمخو ظک توتدن فعله خروجی ممتنعات عادیه دن ایدی لیکن دستیاری امداد بخت خداداد سلطان عدل استناد ایلہ اهورن طریق اوزره میسر اولوب علم جبر الاثقال ماهر لرینک حیرت افزا تدبیر لری ایلہ بخرندن بره کشتیلر چکوب ادهان ایلہ تربیه اولمش اشجار تعبیه ایدوب زمین خشک اوزره نشیب و فرازده نیچه کوه شکن کشتیلر چکوب دریاه صال دیلر و اول کیلر اوزره کو بری بغلیوب مترسلر وضع ایدوب دایرانه جنک و استانبول کی حصار وسیعی چشم کفاره تنک ایتدیلر تکور مردار دریاه جانبک دخی رخنه دار اولدوغندن خبردار اولیحق اولانجه عقلی متلاشی اولوب کفار نابکارک بریلوکنی دخی بوجانب محافظلرینه ضم ایلدی مواضع عدیده ده آشکار اولان رخنه لر اوجندن متوزع الخطاطر اولمغین کاه اول جانبه و کاه بوجانبه مقید اولمغله تدار کدن قالوب ادرنه قیوسنک جانب جنوبیسنده پیدا اولان رخنه لر سدینی فرنک لشکرینه تفویض ایلدی خواص عسکری بومعنادن رنجیده اولوب حفظنده جمله دن زیاده اهتمام ابدیه جنک محاک حفظنی انلره بیور میوب اجانب عهد و سنه تحویل و بیکانه لره اعتماد و تعویل ایتدوکنندن بحضور اولمغله میانلرنده انقلاب صورتی نمایان اولدی بو حال کروه ضلال امرینک انتظامنه باعث اختلال و سلطان اقالیم کشانک مزید اقبالنه و طایوع کوکب آمانه دال بر دایل رافع الملل اولدی اول مخاذیلاک کاروبار لرینه بریشانی و تفرق تطرق ایتدوکی اوضاع لرندن ناشی اولان تلاشیلرندن تحقیق بولیحق جان مناعنی ارزان کورن دلاوران بارو افکن ادرنه دروازه سنک جانب جنوبیسنده اولان رخنه لر اوزره بیوریوش ایدوب تار اقدام و اوتار اهتمام ایلہ بالای بروجه عروج مسدوده ایکن طلیع دیجور افق غربی قله سندن ظهور ایدوب روشنان سپهر کردون دستبرد مردان تماشا سنه چشم کشا اولدوده داور دلاور عسکر ظفر رهبرینه بویه امر ایتدی که نیزه و رماح اوزره مشاعل



و اشماغ مهر التماع دیکوب اول قوم مذموم قارشو سنده موملریاقه لرو مشعل طارم چارم  
 عالمه پرتو صالحه تیغ بی دریغ مشاعلنه فروغ ایدوب کافره امان ورخنه لرسدینه زمان  
 ویرمیدلر بر حسب فرموده شهر یازی پیشگاه حصاری شعله مصابیح ایله روشن و پیرامن  
 حصاری افروخته چراغلردن کویا که سرخ وزرد وکل ولاله ایله مزین برکشتن ایتدیلر  
 و بامدن شامه وروا حدن صباحه دک قتاله میل و جمع مثنوبات غزا و احیای لیل ایتدیلر  
 ماه شهادتله آلاش ائامدن تطهیر ذیل ایتدیلر و اول شب فیروزاشعه مصابیح عالم افروز  
 ایله رشک روز اولوب انضمام اضواء کواکب ایله غلبه ضیاء بر طبقه ایرشدی که دیده  
 عمیده دشمن خیره و روی جهان چشمه بخت سیاهی کبی تیره اولدی مسند رابع  
 ذوالقرنینی ظلمات مغربدن چیقوب حصار کردون تسخیرینه تصمیم عزم و مواکب کواکبی  
 تیغ ونیزه سی ایله هزم ایتدکده اول جدار رخنه دار حفظنه نامزد اولوب مجاهدین  
 ایله آهنک جنک وجدال ایدن فرنک مخاذیلنک سرداری حصار دیواری اوزره چیقوب  
 قصد مدافعه فریق جهاد ایتدکده بر جوان دلور چالاک سیف بی حیفی هلال آسا  
 آویزه افلاک ایدوب عنکبوت وار حصار دیوارینه کند همت ایله چیقوب نشیبیدن فرازه  
 تیغ بی دریغی دراز و اول لایب مهبی دوزخی مزبورک جوف پر خوفنک نصیبی ایتکده  
 روی ادبارینه عدم دریچه سین رخنه حصار کی باز ایدوب طعنه واحده ایله بوم جانی  
 آشیان شومندن پران ایتدی ورشته اندیشه سنی عمری کبی کوتاه و روی ناموجهنی بخت  
 برکشته سی کبی سیاه ایلدی خیل فرنک سردار زینه بویه رنک اولدوغین کوریمک  
 چنکرندن جنک دامن رها ایدوب هربری سارع سلوک شارع فرار و متوجه وجهه  
 ادبار اولوب کستیارین جویان وجودی سریع الجریان کبی دریا جاننده روان اولدیلر  
 هماندم غازیان جسته مقدم غیرت کربنی تیغ بیدریغ کبی ایکی پردن قوشانوب شیرنجیر  
 کیرکبی زنجیر تأخیردن بوشانوب باران تیروسنکه و همواره اتیلان طوب و تفنکه باقیوب  
 مردانه میدان کیردیله اول رخنه لری دریچه فتح بیلوب خراب ایتد کلری مواضعه  
 شتاب ایتدیلر

\* نبردک کوک یوزینه اغدی کردی \* بوطاق لاجوردی پرده کردی \*  
 شمشیر برهنه اولوب چالشدی ونیزه و پیکان اکباد کروه عناد ایله قان یلاشوب الشدی  
 \* موج اورب صحرا یوزی دریا کبی \* تیغ اود ساچدی اژدرها کبی \*  
 تیغ زنان ناولک افکن و تفنک اندازان باروشکن ستاره سیاره قلعه کنبه دواره و شرکبی  
 جمله اول حصن بلند بدن اوزره اوشوب دشمنه کوزاچدر میوب آن واحده بوجه عروج  
 ایدوب اوای فتحی بالای سوره قودیلر و بان شمشیر طلیق اللسان ایله سوره فتح و بروج  
 اوقودیلر



❖ قله سینه چون دیکلدی رایت نصرت نما ❖

❖ قلعہ پرمق قالدیروب اسلامه کلدی کویا ❖  
حصار بدنری اوزره نیجه بدنربی سرو نیجه سینه لر تیر بلا یه سپر اولدی  
( مؤلفه )

❖ پنجه اوروب جنکه شیران وغا ❖ دم اوروب هریری اولدی ازدها ❖  
❖ دشمنك باشینه طارا اولدی حصار ❖ کور کافر کیی اولدی تنك وتار ❖  
امداد بیچون ایله حفظه حصن مصون زبون اولوب ( وان جند نالهم الغابون )  
نویدی سرمایه تأیید عسکر ظفر مقرون اولیحق خطاب مسرت نصاب ( اقتلوا  
خهم واستبقوا شرخهم ) امری ایله عامل اولوب اعوام ماضیه وایام خالیه دن برودست  
زده پنجه ضیاع اولیان ضیاع پرانتفاع نصیب مجاهدین اولدی واول کشور آباد مقدم  
مسرت توأم داور نیکنهاد ایله مقر التماع جاه دین اولدی تکور کور دل مدافعه محاصران  
حصاره مشغول اولوب ادرنه دروازه سنك جانب شمالیسنده اولان سراینده وار قوتن  
بازویه کتوروب جوانب واطرافنی محافظه یه صرف مقدور وایقادره ناره جنك وضرب  
طوب وتفنك ایله مجاهدینی حصار پیرامندن دور ایدر ایکن ناکاه رافعان لوای اعلا ی  
کله الله درون حصاره راه بولدوغندن آگاه اولوب ملحوظی معکوس وعلم دولتی منکوس  
اولدوغین بیلوب بخت منکوس وقلب مأیوس ایله کمان فیکر کچدن التماس تیرتدیر ناصوابی  
کی هوای ضلاله پران اولوب برآن توقف ایتمیوب اضطراب درون ایله بیرون سرایه  
شتاب و بخت برکشته سنه عتاب ایدوب اول سقر مقر ( این المفر ) کلامنی از بر ایدوب  
راه کر یزه کنر ایدر ایکن پریشانی وتفرقه کفاری سرمایه جمعیت خاطر یلن دلاور لدن  
بر جمع اندك شماری غنائم جمعنه فراغ بان ایله اشتغاله بولوب ناره کینه سینه تیره سنه  
اول خشك سالاری آشکیره ایدوب داس شمشیر ایله حاصل عمر لرین بیجیدی وتیغ خون  
فشانی اول گروهی اندوه قانی ایچدی بومیانده عزب طائفه سندن بر مجروح ناتوان  
جروحندن اقان تان مانند جوی روان اولوب مرغ نیم بسمل کی اول چای آشوبده  
دوشوب قالمش وزخم کاریسندن جاری اولان خون ایچره غرق اولوب محلل روح اولان  
الم جروح افتن المس اول افتاده رنجور منظور تکور اولیحق تیغنی حواله ایدوب دیلدی  
که بقیه رمقن ازاله ایده اول ناتوان دخی نیم جان ایله چالشوب امداد واهب المراد ایله  
اول دشمن دینی زین زرینی اوستندن ایروب خالك سیاهد دوشوردی وشمشیر جهاد  
مورچه لرین باشینه اوشوردی هماندم باشن کسمکی زخیمه مرهم وخدم  
وحشمنی پریشان ودرهم ایلدی لا جرم اول تبه کار پریشان روز کار لر هلاک رینه  
جازم اولوب مخلص ارایی کتدیلا رو پیشگاه انظار دن یتدیلا عرصه جنکده  
درنك ایدوب دست شکسته سین شمشیره دراز ایتکه اقدام ایدر براحد قالمایحق  
دروازه لر ی بازو خارج حصار دما اولان سپاه مظفر پنا مشاء سرفراز او کجه درون حصنه



کیرمکه آغاز ایتدیلر و تنقیل عام سلطانی ایله اوج شبانه روز عسکر فیروز اغتنام غنائمه دست آرزولرین کردن مقاصد لرینه حائل ایدوب جواری حواری شما ئل ذوابنه آویزه دللرین بندو خوبان شکر خند مشاهده سیاه دیده امیدلرین بهره بند ایتدیار نقره و طلا که خام طبعلره سرمایه ابتلا وزمانه کینا ملرینه وسیله ظهور و اعتلای در نصیب فروشندگان متاع زندگانی و رأس المال سوداگران بازار حیات جاودانی اولوب اول ییشه شجاعته اسود جهاد پیدلرینک معده حرصلری صید غنم غنیمت لری ایله مملو و اول ناصبان الویه جهاد و ناهیان اعمار گروه فساد اولان مجاهدلرک کیسه آماللری صنوف مال ایله طوبی ملو اولدی یوم ثالثه جاوشان درگاه عالی نهب و غارت مشغول اولان مجاهدلری بر موجب فرمان همایون منع و زجر ایدوب دست آرزو لرین بسته و چنگال طمع لرین شکسته ایتدیار و فرمان قضا جریان رسوم امن و امان اقتضای ایتدو کین اعلام ایدوب رضای مسرت افضای سلطانی غازیلر ارامده و تیفلر نیامده اولدو غنه متعلق ایدو کین اخبار ایتدیلر فرمان شهر یاری بووجه اوزره جاری اولیحق شمشیرلر گوشه کیر اولوب لحاف غلافه چکلوب منام نیامده صفای قلبه خوابه واروب قطعاً حرکت ایتدی و بار اخبار زاجر ایله قامت کمان دوتا اولوب بلی بوکلدی و نگاه تحسرایله یاقان سپاهلر کی بویینی بورولدی و بالجه زلال نول شهر یار کامکار ایله غبار کیر و دار باصلدی و شمشیر جهادی بام عرشده آصلدی و او قلر آتوب یا یار یا صلدی

✽ عدل بنیم جفون الناس خشیته ✽ باس یکحل جفن السیف بالارق ✽

و اول کشور وسیع و حصار استوار رفیع دار الحرب ایکن دار الضرب اولدی و آشیان بوم ضلال ایکن آستان مجد و اقبال اولدی مساعی جمیله سلطان محمدی ایله صدای بداد ای ناقوس کافران بی ناموس یرینه کلبانک محمدی و زمزمه پنخ نوبت دین شرف آیین احمدی بدل قیلنوب نوای اوای اذان ایله اذان اهل جهان پر اولدی و درون شهرده اولان کنیسار اصنام خسیسه دن تخلیه اولنوب انجاس ارجاس و ثنیه دن تطهیر و وضع پیشینلری تغیر قیلنوب وضع محاریب و منابر اسلامیه ایله نیجه دیرو کشت رشک فرادیس بهشت اولدی معابد کفره مساجد برره قیلنوب بر توانوار اسلام اول مقرر دیرینه کفار لئامدن رفع افواج ظلام ایدوب تباشیر صبح اسلام و ایمان ایله ظلمت ظلم لئیمان مضحیل و فرمان قضا جریان سلطان کامران اول ملک جدید ضبطنده مستقل اولدی و اول رشک حصار مینا فام اولان مقام دلارام نیجه عوام مجمع عوام و نیجه ایام محشر حشرات و هوام ایکن عون باری یاری قیلوب اسلام اهلنه محل و بوقح جدید کلیدی ایله نیجه مشکالر حل اولدی و زبان زمان بو کلام بلاغت عنوان ایله شناخوان اولدی

✽ هنیئا لاهل الثغر رأیک فیهم ✽ و انک حزب الله صرت لهم حزبا ✽

✽ و انک رعت الدهر فیها وریبه ✽ فان شک فلم یحدث بساحتها خطبا ✽



❖ فیو ما یخیل تطرد الروم عنهم ❖ ویوما یجود تطردوا لفقروا لجدبا ❖  
عاشق باشا روایتی اوزره بوقح عظیم سه شنبه کوننده ایدی که ابتدای مبار به نک  
الی برنجی کونی ایدی لیکن جنکه شروع ربیع الاول منتصفه اولوب قح و ظفر جادی  
الآخره نک یکر منجی کوننده اولق روایتی دخی مولانا شری تاریخ نه مذکور در و اول  
بلده طیه قح نک احسن توار یخی (بلده طیه) در بو تاریخ دخی السنه ناسده داتردر  
❖ قح قسطنطنیه فرصت بولم دیار اولون ❖

❖ قح ایدوب سلطان محمد یازدی تاریخ آخرون ❖  
تکورت وزیر کر لفا اسیر اولوب توابعیه حبس یورلدی ونسل عثمانه انما د عاسین  
ایدر بردوزمه بولوب طعمه شیر شمشیر قیلندی و کوه یه یینوب فرار ایدن خاکسارلر  
سلوری حصارینه کیرد کدن صکره مفتاحی در دولته کوندروب عرض انقیاد ایتدی لر  
سلوری ضبطنه و اطراف و جوانی قحنه قره جه نک مأمور اولغین واروب قوم پرغوسنی  
و بو غا طوسی قح ایتدی و خلیل پاشای توابعی ایله حبس بیوروب برار بعین چکد کدن  
صکره قید و جود دن اطلاق بیورب غیظ مضمحلر لن اظهار ایتدی لر و توابعی آزاد اولوب  
عفو شاهی یه استظهار ایتدی لر و جمعه اولاده ایا صوفیده صلوة جمعه ادا قیلوب نام  
گرامیلرینه خطبه محمدیه او قنوب اول دیر دیر ساله انوار دین حنیف ایله منور و فوائخ روایح اثار  
شرع شریف ایله معطر اولوب درون موحیدین انتصاب اعلام دین سروری ایله مشحون  
اولدوغی کی اول کزیده مجامع اولان جامع بلند و معبد دایم دخی اهل اسلام ایله  
مملودرون صفائونی صیقل توحید ایله مرآت مصقوله کی مجملو اولدی پرده تقدیر دن  
جمال دلپذیر قح و تسخیر چهره نما اولیق

❖ شکر خدا که هر چه طلب کردم از خدا ❖ بر منتهای همت خود کامران شدم ❖  
مضمونی اول قر بر سریر گامکاری اسانه جاری اولوب تقدیم وظائف شکر باری  
ایلدی و اسان پیام رسان روز کار مقام مدحنده بوییتی تکرار ایتدی

❖ نهیت من الاعمال مالو حویته ❖ لهنئت الدنيا با نک خالد ❖

و هنکام تهنیتده بو نظم کی کوش کنار ایلدی

بفر دولت سلطان محمد ❖ مسخر کشت این سور سر آمد ❖

❖ همیشه آل عثمان اینچنین باد ❖ ظفر در مهر شان نقش نکین باد ❖

❖ ذکر اوصاف شهر استانبول ❖

اگرچه اول شهر مشهور منظور جمهور اولوب تکمیل امال و امانی و تحصیل اسباب معاش  
وزند کانی ایچون اول خطه فردوس این صوبه مهاجرت ایدن اصحاب مسافر نک  
پیغامیله بتفا صیله معلوماری اولغین وصفدن مستغنیدر لیکن علایق بشریه ممانعی  
ایلله اول کزیده ممالک روم اولان جای دلکشا تماشا سندن محروم اولان ارباب دانش



( مصرع ) والاذن یعشق قبل العین احبانا ❖ فحواسی او زره قولاقدن عاشق اولوب  
وصالندن خیالی ایله خرسند واستماع تفصیل او صافنه آرزومند اولدقلرینه بناء  
عنان کیت کلاک صبا سرعت اول سمت منصرف قیلندی مسلم ارباب عقولدر که شهر  
مقبول استانبول اعظم بلاد و معمار عدل سلاطین ایله معمور و آباد در بر شهر قدیم و سواد  
عظیمدر که ایام پیشیندن بر و تختگاه سلاطین و مقر قیصره شوکت آیین او له کلمشدر  
بر حصن حصین و بر حصار رصیندر که کمال وسعتندن نیجه کوه و دشتی و نیجه مواضع  
تفرج و جای کشتی مشتل و آب و هوای خوشایند و معتدلدر بر مسوره کلیه در که انتاج  
مطالب الطالبین ایچون کبرای شکل اولدروا کانسبت مداین و بلاد روی زمین اطلاق اسم  
بلد مأولدر سرعت دائرة خطه سی حیطة احاطه خطوط شعاعبه دن افزوندر و مساحت  
جهاتی و فساحت محلاتی سبارتند افکارک دائرة اقتدارندن بیروندر ما و هار اخ و نسیمها  
رواح و صبا حها الخلق روح و روحها اللسلات صباح و فیه احسان ملاح

❖ هواسی مشک و خاک پاکی کافور ❖ فضاسی نور و صحنی مجمع حور ❖

سایه سلاطین عثمانیه ده سواد اعظم و ابروی عالم اولمشدر

❖ صاحب لطف طبع حسن ادا ❖ ناظم داستان شاه و کدا ❖  
❖ کشور شعری ایلین احیا ❖ شرانک سرآمدی یحیا ❖  
اول شهر زیبا و مدینه دیرینه دلار او صفند بوایات خوشما ایله مدح سرا اولمشدر  
❖ آدی قسطنطنیه درانک ❖ تختگاهی در آل عثمانک ❖  
❖ ایکی بحر ایلش او شهری پناه ❖ بری بحر سفید و بری سیاه ❖  
❖ کیردی بحر ایچنه او شهر اما ❖ دیزینه چیمیدی آنک دریا ❖  
❖ یار کبی او شهر مه پیکر ❖ قوشانورسوردن کشلو مکر ❖  
❖ بو عجبدر که آسمان کردار ❖ برکنارندیدی قله سی وار ❖  
❖ اکا دیزدار ایسه کنش پریدر ❖ انجم اول قلعه ده حصار اریدر ❖  
❖ چکلوب آسمانه نیتسه که مند ❖ یوجلبدر بروچی فوق الحد ❖  
❖ سقف افلاکی کبی دنیسانک ❖ ایچی قات قات بنادر رانک ❖  
❖ قورشون اورتو او قبه لیریر ❖ یلکن اچش کیلره بکر ❖  
❖ حق بو کیم یوزی صویدردهرک ❖ یوق نظیری جهانده اول شهرک ❖  
❖ همه هر چه باید بدو در فراخ ❖ پر از باغ و ایوان و میدان و کاخ ❖

( مؤلفه )

❖ عجب پروار می استانبوله بکر ❖ که یکسسان اوله انده خاکله زر ❖  
❖ صفا بخش قلوب اوله فضاسی ❖ کو کارا کلیه آب و هواسی ❖  
❖ مقصرا من اوله هم دارا عسان ❖ اوله آسوده انده اهل عسرفان ❖



✽ بودر و ارایسه جنت دیر کورنلر ✽ که چقمق استمزاکه گیرنلر ✽  
 ✽ بولنمز الحق انک کبی کشور ✽ مقر او اور بوسوزه هر هـ نور ✽  
 ✽ شه دارا خدم سلطان محمد ✽ ویرادن اول دیاره عز سرمد ✽  
 ✽ اولو بدر دار علم ورافت وجود ✽ نه کیم مقصود ایشه هیپانده موجود ✽  
 ✽ علوم اهلیدر انده آدمی هیپ ✽ مبارک طلعت و پاکیزه مشرب ✽  
 ✽ انک مداحی اطرادن بریدر ✽ نظیری واردینلر مفتریدر ✽  
 ✽ نه وسعتده اکاواردر مماثل ✽ نه رفعتده حصارینه معادل ✽  
 ✽ سپهره متصل اوج حصاری ✽ فلک بامینه پیوسته کناری ✽  
 ✽ جنوب و قبله و شرق و شمالی ✽ ایکی بحر محیطی اولدی مالی ✽  
 ✽ حصارین جمله بحرالمش ارایه ✽ همان برجانی قالمش قرایه ✽  
 ✽ فرادن یانک اوج قات حصاری ✽ بری بپیردن ارفع درجـ داری ✽  
 ✽ ینه خندق که ایرمز قدیزه ✽ کسلش برد کیزدن برد کیزه ✽  
 ✽ حصارک ایچی بر شهر دلارا ✽ که رشک ایـلر سمرقند و بخارا ✽  
 ✽ کورنلر مصر و شام و هندوچینی ✽ کوروب بو شهری اوقور آفرینی ✽  
 ✽ بو وضع بیثـالک پیکده پیری ✽ یازاز جمع ایدرسن بیـک دییری ✽  
 اگرچه ذرعان اذعان ایلـه مساحت بسیط زمین ایدن بعضی اصحاب یقین مدینه مزبوره یی  
 اقلیم سادسدن اولق اوزره تعیین ایتـش لردر لکن تبیین عرض بلدان ایدن نکته دانلر  
 عرضنی فرق برد رجـه اولق اوزره تنصیص ایتـش لردر و کتب هیأتـه عرض  
 مزوری اقلیم خامسه تنصیص ایتـش لردر و بحرا بیض واسود ملـتقا سنده بنا اولنـش  
 مثـلـک طـور بر حصار و وسیع الدور در که (مرج البحرین یـلـتـقیان) مضمونی آن مشاهده سنده  
 عیان اولور ابـنـه غریبه و افنیـه عجیبه ایلـه مشحون والطف اماکن ربع مسکونـدر  
 ( مؤلفه )

✽ باغ ارمد در اومقر کرم ✽ دیمه ارم بلکه دی بیت الحرم ✽  
 ✽ خاکـنی حق مشـک سرشت ایلـش ✽ هیأتـنی رشـک بهشت ایلـش ✽  
 ✽ زینتی کویا که بدن یکـری ✽ وسعتی کویا که کوکل کشوری ✽  
 ✽ دوره سی اول دکـلو که پیک خیال ✽ بوزیل انک دورینی کز مک محال ✽  
 ✽ سوری و باروسی وسیع و رفیع ✽ هیأت مجموعـه سی غایت بدیع ✽  
 ✽ وسیع سمندی ایره مز طوقنه ✽ مصر و سمرقند کیرر جوفنه ✽  
 ✽ اسم سواد که ایاق باغیدر ✽ شهر لک بلکه یوزی اغیدر ✽  
 ✽ شهر دیمک ظمـدر اول کشوره ✽ بر نیچه شهر که کیروریکـسـره ✽  
 ✽ ییل فلک کیرملودر وازه سی ✽ طساقی ساطا قنک اندازه سی ✽



✽ برج شو و وجهه ایدر بدر عروج ✽ پستدر اکه کوره ذات البروج ✽  
 ✽ فخر ایدر انوا کیله وجهه ارض ✽ ایلیه من عقل مثالی فی فرض ✽  
 ✽ هر نه که خاطر دیلیه انده وار ✽ هر نه متاع استریسک بی شمار ✽  
 ✽ صامت و ناطق نه که مقصود در ✽ بلده مزبور ده موج و ددر ✽  
 ✽ خانقه و مدرسه سی بی شمار ✽ عالم و صوفی به نهائی وار ✽  
 ✽ جامع و حمام و تفرج کهری ✽ عدی ایله اوله عدد منتهی ✽  
 ✽ هر نه طریقه کشی اینسه هوس ✽ تیز بولور مطالبه دسترس ✽  
 ✽ حاصلی اول شهره بوابدر کمال ✽ جمعدر اول خطه ده مال و جمال ✽  
 ✽ خوبلرینک حدی و پایانی یوق ✽ عشوه لرینک توکنوریانی یوق ✽  
 ✽ جانه غدا سیر و تماشا لری ✽ اهل نظر واله و شیداری ✽  
 ✽ هر نه قدر اهل صنایع که وار ✽ زبده سی اول شهرده طوتمش قرار ✽  
 ✽ جمله اسباب معاشی تمام ✽ انده مهمات بولور انتظام ✽  
 ✽ عرب و عجمدن کن اهل رجا ✽ ایدر اودار الکرمه التجا ✽  
 ✽ مقسم ار زاق خلا یق درر ✽ یوز بوقدر مدحت له لایق درر ✽  
 ✽ یدی فلاک نقدینه کنجینه اول ✽ یدی اقالیم تن وسینه اول ✽  
 ✽ انکیچون اولدی جهان سینه سی ✽ سینه سی جان پیکرین آینه سی ✽  
 ✽ صدر در اول صدرده عثمانیان ✽ اولدی او تقریب له دارالامان ✽  
 ✽ خاصه سلطان فریدون حشم ✽ شاه بلند اختر عالی هم ✽  
 ✽ خسرو جم مرتبه سلطان سایم ✽ ابن سلیمان شه جنت مقیم ✽  
 ✽ بسط ایده لی سایه اقبالنی ✽ نشر ایده لی دامن افضالنی ✽  
 ✽ خلد برین اولدی او شهر کزین ✽ قائم دی ر قلبکه اوله خزین ✽  
 ✽ عدلی ایله اول شه فرخنده پی ✽ ابتدی سم مرده لرین جمله حی ✽  
 ✽ دار ایله آباد ایدوب اوکشوری ✽ اولدی سلاطین جهان سروری ✽  
 ✽ ملجأ شاهان اوله دائم دری ✽ حاجب در کاهی اوله مشتری ✽  
 ✽ صاقلیه حق انی بلیاتدن ✽ ایمن ایده جمله آفاتدن ✽  
 ✽ تختکهری اوله مقرر امان ✽ دائم اوله مسکن عثمانیان ✽  
 اول مدینه دیرینه ده یوزدن زیاده کنیسه و دیر مساعی جمیله ارباب خیر ایله مساجد جدید  
 و معابد سدیدیه او اوب نیجه سی دخی مدرسه و خانقاه و اصحاب سلوک جایگاه اولمشدر  
 اول دارالامانی تختکاه سلاطین عثمانی اولیدن برو نیروی اقتدار لری ایله و دست باری  
 معمار شت بلند مقدار لری ایله معمور اولوب محکم و رفیع و استوار و وسیع نیجه مصنع  
 و زیبا مساجد و عمارات سلطانیه ایله مزین اولمشدر که هیچ برینک بیشگاه طاغ مبانیه



دست اقتدار سلاطین آفاق ایر شمس د کادر نته کیم محلی کلد کده ایراد اولنور و بانیری  
اولان سلاطین جنت معاد قصه لری خالانده آثار خیر لری تعداد اولنور وزرا و امرا  
و علما و سایر اصحاب خیرات اول خطه دلاویزده تأسیس ایتد کلر نفیس مسجد لرو بیکدن  
بنیاد ایتد کلری مدارس و عمارتی ارباب بصائر حین مشاهده لرنده حائر اولوب خطه  
بیاندن گذراندر اوقات خسته ده اول صوامع اسلامییه مأذنه لرندن پیدا اولان کلبانک  
محمدی بروجله بلندود لپسند اولور که طاس سر نکون قبه نیلکون صدای غمزدای  
ایله مملو اولوب شرف بخش کوش سرش اولور و هر منار کو یا که بر چنار سایه دارد  
اوستنده بلبلان کاستان تقدیس و تفرید شام و سحر تغرید ایدر ابنای زمان اول مدینه  
حصینه حصاننده حیران اولمغین ام الدنیا ایله تلقیه سزا وارد و غرایب آثاره اشمال  
ایله اعجوبه ادوار در محیر عقول اولان مشمولات مقبوله سنک بری طاق بلند و اقی  
احداق حذاق مشاهده فتور و فطور دن تعجیر ایدن ایاصوفیه قبه سیدر که مزید تناسب  
و استحکامی اسنعلامی ایچون تحدیق بصرو تعلیق نظرایدن دقیقه شناسلر کتابه سنده  
(فارجمع البصر هل تری من فطور) آیتی دیده درایت ایله مشاهده ایدر لرو اول عبرت  
دیرمینا و غیرت قبه خضرانک کمال اتساع و ارتفاعن کورن صاحب نظران دانا  
\* ان الذین سمک السماء بنی لنا \* یتباد عایه اعز و اطول \*

مفهومنه ماصدق ایدو کین تصدیق و نوع مفرد ایدو کین تحقیق ایدر ل  
( مؤلفه )

- \* بر اولو قبه در مرفوع واعظم \*
- \* ایچنده محو اولور اون بش بیک آدم \*
- \* انک مرمر لری هیچ وصف اولمز \*
- \* مثالی انلرک شمعدی بولمز \*
- \* منار آساستونلر سبز و ازرق \*
- \* صماقی و صماری واق و ابلق \*
- \* کیمسین طونجدن دو کشدراستاد \*
- \* عجب طور اوزره اورمش اکا بنیاد \*
- \* دخی موج زرین مرمری وار \*
- \* هنر بن انلر ایله چار دیوار \*
- \* ملون مرمر ایله سطحی مفروش \*
- \* اولور سیر ایلین حیران و مد هوش \*
- \* مطبقدر ایکی یردن یولی وار \*
- \* سکر دوب چیقشه اولور اسبره وار \*
- \* عجب پیکردر اول بنیان عالی \*
- \* بسیط خاک کده یوقدر مثالی \*
- \* مکر شاهان عثمانی بناسی \*
- \* که زیبار بناسی و فناسی \*
- \* خصوصاً جامع سلطان محمد \*
- \* که اولمشدر معلی و محمد \*
- \* سلیمان خان غازی جامعنی \*
- \* که وصفی عاشق ایلر سامعینی \*
- \* نه تشبیه ایتک اولور بر بنایه \*
- \* نه وصف ایلر صریح و نه کنایه \*
- \* بلند اولمش فلک کردار اساسی \*
- \* انی کورن اولور غیر بی ناسی \*
- \* جنان باغنده اول سلطان مبرور \*
- \* اوله اسلافی ایله شاد و مسرور \*



❀ جهان دُور دُفچه دورسون جانشینی ❀ یدی اقامتیم اوله زیر نکینی ❀  
 سلطان صادق النیه فاتح قسطنطنینه اول دیر دیر ساله دن چرك شهر کی ازاله ایدوب  
 عبادتگاه اهل انتباه وانجمن ذکر الله ایتد کدنصرکه اول حصن مصون درونک اکثر  
 اراضی ومحلاتنی ودکا کین وعقا راتنی که عنوة قتح اولنمشیدی معبد من بور مصالحنه  
 وقف شرعی ایتدیله اول عبادتگاهده اعلاى کلمة الله من اسمنی مرعی ایتدیله  
 ❀ تاج التواریخ ❀ محمد سعد الدین ❀

❀ شعرای متقدمین و متأخریندن بعضیارینک اشعار بر کزیده لری مخلصارینه ❀  
 ❀ نظرا حروف هجا اوزره ترتیب اولنه رق درج اولنمشدر ❀

❀ ❀ باقی ❀ ❀

❀ درستایش مرحوم سلطان سلیمان خان علیه الرحمة والغفران ❀  
 ❀ ائدی شهر شرف مقدم سلطان جهان ❀  
 ❀ رشک باغ ارم وغیرت کلزار جنان ❀  
 ❀ شادمان اولدی بو کون دور کهن ساله ینه ❀  
 ❀ وصلت یوسفله نیته که بتر کنعان ❀  
 ❀ روشن اولدی اچلوب دیده یعقوب امل ❀  
 ❀ دمیدر منزل عشرت اولایت الاحزان ❀  
 ❀ اول زمان ایردی که بیک شوقله طاوس نشاط ❀  
 ❀ ایده صحن حرم باغ جهانده جولان ❀  
 ❀ مهجته رایت منصور جهان افروزی ❀  
 ❀ مطلع صبح ظفردن ینه اولدی تابان ❀  
 ❀ اومروز که بولنه کعبه مقصوده وصول ❀  
 ❀ چکدی چون دولته یرو یرینه ارکان ❀  
 ❀ دوات اقبال قیلوب ایلدی طالع یاری ❀  
 ❀ حاصلی اوستمه دوندی سپهر کردان ❀  
 ❀ نیچه دم درد یله دمبسته قالب غنچه صفت ❀  
 ❀ بغریمز دلش ایدی محنت خار هجران ❀  
 ❀ حمد لله که وصال شه فرخنده خصال ❀  
 ❀ قلبز آچدی ینه نیته که ورد خندان ❀  
 ❀ کاهی کان کرم نقد حیات عالم ❀  
 ❀ روحدر جسمی جهان ملکته حکمی روان ❀



- ✽ حافظ دین قوی حامی شرع نبوی ✽
- ✽ طالع امر خدا تابع نص قرآن ✽
- ✽ خسرو جم عظمت داور خاقان سطوت ✽
- ✽ بلمکه الک کم قوی جم عبد حقیری خاقان ✽
- ✽ داور دور زمان شاه سلیمان اولکم ✽
- ✽ یوز سورر پای سمندینه ملوک دوران ✽
- ✽ شاه جمشید خشم خسرو خورشید عالم ✽
- ✽ سرور سردار سرافراز سلاطین زمان ✽
- ✽ خاک راهی کهر تاج سلاطین جهان ✽
- ✽ آئینی طپراغی در سرمه عین اعیان ✽
- ✽ تاجداران جهان سایه نشین علمی ✽
- ✽ سرفرازان ممالک یوانه سربازان ✽
- ✽ کهر تاجی ضیاسیله ممالک روشن ✽
- ✽ خنجر عدلی جلاسیله جهان پرلعان ✽
- ✽ حرم قدرینه برکنبد زرکار فلاك ✽
- ✽ اکابر طاق مرصع کمر گاه کشان ✽
- ✽ آتش شعله شمشیر جهان تابندن ✽
- ✽ کفر و الحاد کتب خانه سن ایتدی سوزان ✽
- ✽ تاجداران باشمنه تنک اوله تاج دارا ✽
- ✽ خدمت خاک درک بلزایسه رفعت شان ✽
- ✽ فلاك سلطنتک سبعة سیاره سیدر ✽
- ✽ کرمکارا ادیدی سر علم نور افشان ✽
- ✽ ایلدی لشکر منصورک اویر قار ايله ✽
- ✽ وادی نصرت ودشت ظفر لاله ستان ✽
- ✽ غازیلر پای سمندین ینه حنال دیلر ✽
- ✽ خون اعدایی اودم کایلدیلر سیل روان ✽
- ✽ طوپ ایدوب کله لرین عرصه ده یتغک دائم ✽
- ✽ دشمنی دینی بو اسلوبه قلور سرگردان ✽
- ✽ سراعداکی بویارقانه و مادام قلیچک ✽
- ✽ آنلره خلق انکیچون دیدیلر سرخ سران ✽
- ✽ لطف حقیه بوکون اولدی ایاکان کرم ✽



- ✽ بر نیجه فضل سنك شان شریفكده عیان ✽
- ✽ عدل و داد عمر و صدق و صفای صدیق ✽
- ✽ علم عرفان علی حلم و حیای عثمان ✽
- ✽ سنی کسریء عدالتده معادل طو تسم ✽
- ✽ فضله در سنده اولان دولت دین ایمان ✽
- ✽ روضه دین و چمنزار شریعت اولی ✽
- ✽ صرصر قهر کله حطه ایران ویران ✽
- ✽ منزل زندقه و مجمع الحساد اولی ✽
- ✽ مطهر لطفکله ملک روم آبادان ✽
- ✽ محو اولوبدر سـر شمشیر جهـسانگیر کله ✽
- ✽ لوح عالمده اولان نقش ضلال و طغیان ✽
- ✽ خلق راحتده سحاب کرمک فیضندن ✽
- ✽ بلی اینخو کتورر طبعه هوای باران ✽
- ✽ بارک الله زهی پادشه عادلکم ✽
- ✽ شرقدن غربه دکن بولدی جهان امن و امان ✽
- ✽ لوحش الله زهی سلطنت قاهره کم ✽
- ✽ قافدن قافه جهان جمله مطیع فرمان ✽
- ✽ عرصه مدح و ثنا کک بوله مز پایان ✽
- ✽ پیک اندیشه اکریک ییل اولورسه پویان ✽
- ✽ اولدی وصف سخن آراکله شعر باقی ✽
- ✽ رفعت پایه ده همسایه نظمی سلمان ✽
- ✽ ایردی سلمانه سوزی شعری کمال بولدی ✽
- ✽ لطفکله قالدی ایاحسرو صاحب دیوان ✽
- ✽ بحر نظم ایچره بوکون در کرائیه ایکن ✽
- ✽ خاک ذلتده قالوبدر نیتکم کوهر کان ✽
- ✽ خاکندن قالدیر ایاداور دین پرور کم ✽
- ✽ نسخه در جمله سرای پای حدیث و قرآن ✽
- ✽ سرورا دور فلکدن ینیه شکوا مز وار ✽
- ✽ طپکه عرض ایدلم رخصت اولورسه آلان ✽
- ✽ مقتدای علما حضرت قاضی زاده ✽
- ✽ معدن فضل و هنر منبع علم و عرفان ✽



- \* اول زمانکم بر یسن مدرسه عالیہ کک \*
- \* ایلدک اکه کمال کرمکدن احسان \*
- \* بو طریقک نیجه ییل کنج مدار سده یاتوب \*
- \* المن چکمش ایکن هر بر یمن نیجه زمان \*
- \* شرف خدمتیه یوز سوره کلدک کویا \*
- \* جو یلر کم اولار طالب بحر عمان \*
- \* عرصه بحر کوروب جوهر یمن عرض ایتدک \*
- \* تیغ وش هر بر یمن قلدی ولی هب عریان \*
- \* ذلت و محنت ایله شمعدی تمام اوچ یلدر \*
- \* یاتورز زاویه بحره ده بی نام ونشان \*
- \* ایردیله پایه اعلایه سرا سرا مشال \*
- \* بولدیله مرتبه اعلا جملہ اقران \*
- \* نه روا در فضلا قاله قباب التنده \*
- \* کم کور بدر که اول دریای حباب ایچره نهان \*
- \* محنت فقر و بلا غیرت اقران مشکل \*
- \* فقرا بندہ رک ارده لال و حیران \*
- \* بریل امر کله بنا خدمتیه ناظر اولوب \*
- \* کوردک اول مصلحت خیری بقدر الامکان \*
- \* بوفقرانده طوروب خدمتیه مشغول اولدم \*
- \* ایتمیوب ذره جه سعینده قصور و نقصان \*
- \* حاصلی جود و کرم وقتی ایرشمدی شمعدی \*
- \* اطفیکه ناظرز ای پادشه عالیشان \*
- \* سوزدا بدن بوقدر یزایدیم خدمتک \*
- \* جانه کارا یلمسه آتش داغ حرمان \*
- \* مرحمت موسمی احسان دمیدر سلطانی \*
- \* لطف قیل هر نه ایسه دولتکله لایق اولان \*
- \* بذله ازاوله می نعمت جود و کرمک \*
- \* یمه دن اکسله می خوان خلیل الرحمن \*
- \* سمرورا توسن ایام قتی سرکشدر \*
- \* اکه لطف ایله ایکن ایله ارخاء عنان \*
- \* امر عالی ینہ در کاه معلانکدر \*



- \* هـله بزایلیه لم واقع احوالی بیان \*
- \* ذره چه چون و چرا کسده یوقدر حاشا \*
- \* سده دولتکله درینه باقی فرمان \*
- \* هر سحر تا که بخوم اوزره نیام شبدن \*
- \* چیقره تیغ جهـانگیرنی مهر رخشان \*
- \* قلیچک اوستون اوله نیته که تیغ خرشید \*
- \* سایه سلطنتکده اوله آسوده جهـان \*

﴿ باقی ﴾

﴿ غزل ﴾

- \* لاله لر بزم چندده جام عشرت کوستر \*
- \* دواتنده خسرو کل عیشه رخصت کوستر \*
- \* موسم کل عیدله یار مصاحب دوشدیلر \*
- \* بربرینه ایکی دلبر در محبت کوستر \*
- \* عید کهمده وارلم دولابه دلبر سیرینه \*
- \* کورلم آینه دوران نه صورت کوستر \*
- \* قد که قول اولغه کلمش دیزلمش قرشوکه \*
- \* سرور طورمش چمن صحنده قامت کوستر \*
- \* عاشقی بی صبر و آرام ایلوب سیاح ایدر \*
- \* مملکت سیرایتدیر عشق ولایت کوستر \*
- \* بی ستون غمده باقی سنک محنت کسمده \*
- \* شویله اوستاد اولدیکم فرهاده صنعت کوستر \*

﴿ جودت پاشا ﴾

﴿ غزل ﴾

- \* صفاویرر بزه یار ایتسه پر عتاب خطاب \*
- \* که تلخ اولنجه ایدر طبعی نشئه یاب شراب \*
- \* هوای نفس ایله مغرور اولان تنک مغزک \*
- \* یقین وقتده اولور حالی چون حباب خراب \*
- \* صفای باده کلکونی استمز زهاد \*
- \* اولور می نشئه برآورده کلاب کلاب \*



- ✽ وطن جلاسی صفاسن صورارایسك ساقی ✽
- ✽ نوای ناله چینی ویرر جواب چو آب ✽
- ✽ لب نكاردہ بك نیجہ يك نشاط ویرر ✽
- ✽ كہ نقطہ نقش ایلہ جودت اولور سراب شراب ✽

﴿ حشمت ﴾

﴿ غزل ﴾

- ✽ رخصت بولنور دامن جانان الہ کیرمز ✽
- ✽ جانان بولنور گوشہٴ امکان الہ کیرمز ✽
- ✽ رخسارینی آزردهٴ دست طلب ایتہ ✽
- ✽ افسرده اولور اول کل خندان الہ کیرمز ✽
- ✽ ہر دانه سن آرایش تار نظر ایلار ✽
- ✽ اشکم کی بر سحہٴ مرجان الہ کیرمز ✽
- ✽ عرض ایتہ عبث چاک کریبان نیازی ✽
- ✽ فریاد ایلہ سر رشہٴ احسان الہ کیرمز ✽
- ✽ قوینکدن ایرمہ بیل انک قدرینی ای شوح ✽
- ✽ حشمت کی بر نسخہٴ عرفان الہ کیرمز ✽

﴿ راغب ﴾

﴿ درستایش احمد پاشا والی بغداد ﴾

- ✽ ایدنجہ خامہٴ سحر آفرینم خرده جولانی ✽
- ✽ اولور نقش پرتاوس داغ حسرت مانی ✽
- ✽ خیال موشکافم جوهر فردی ایدر قسمت ✽
- ✽ سبک روحی طبعم کوهہ ایتدرمز کران جانی ✽
- ✽ یامرات صفا اندر صفادر ذہن دراکم ✽
- ✽ کاودر آینہٴ کیتی نمایہ صورت ثانی ✽
- ✽ صفای جوهرندن جوهر کل ایلر استمداد ✽
- ✽ لقای منظرندن روح اعظم مست حیرانی ✽
- ✽ ایدر سہ نخلبند کلک سحر آثار اندیشہم ✽
- ✽ فضای پن تحریر اوزرہ نوطرح خیابانی ✽
- ✽ اولور ہر نکتہٴ رنگینی بر کلفچہٴ رعنا ✽



- ✽ اولور هر مصرع برجسته بر سر و خرامانی ✽
- ✽ یا خود مشاطه جادوی خامه مایه تر دستی ✽
- ✽ ویر را بکار افکاره بو کونه زیب روحانی ✽
- ✽ ایدرفتنه ایله چشم پر فسونه سرمه سالقار ✽
- ✽ ایدر رنگ حیا دن غازه رخسار جانانی ✽
- ✽ کلیم خامه مک عجازیدر احباب واعدا یه ✽
- ✽ ویرن که چاشنی نیشکر که حکم تعبانی ✽
- ✽ مسیح نطقم آثاریدر موتای الفاظه ✽
- ✽ ویرن که فیض نیسانی ویرن که مایه جانی ✽
- ✽ غزال چینه ایتدر من خجالت نافه کسترک ✽
- ✽ ایدنجه خامه معجز نکارم عنبر افشانی ✽
- ✽ من یندر سر ایا حسنله هر بیت معمورم ✽
- ✽ دینسه مصر معنی یه سزادر یوسف ثانی ✽
- ✽ بنم اول خسرو داراشکوه ملک معنا کیم ✽
- ✽ کوریدی شوکت نظم اولوردی لال خاقانی ✽
- ✽ معارف عالمن تسخیر ایدوب شمشیر اندیشه م ✽
- ✽ ایچندن بر قلج یتاریدر ملک سخندانانی ✽
- ✽ اشارت اوشفانک کوشه چشمده قانونی ✽
- ✽ بکا باز یچه طف لانه کلز زیج ایلخانی ✽
- ✽ بن اول کشف روشن طبع ایلر حسن تقریرم ✽
- ✽ مثال آیت نورانفس و آفاق نورانی ✽
- ✽ سر افرازم کمالات و معارف فہرودانشله ✽
- ✽ تکلف بر طرف یکدم بو وادیلرله اقرانی ✽
- ✽ نقیصه وارا یسه ذاتمه عنوان کتا بتدر ✽
- ✽ قصورم وارا یسه بلم مکر بر ریش طولانی ✽
- ✽ بن اول وصال استغنا پسندم کاوادی مداحی ✽
- ✽ بنم ممدوحک خانان جنکبیزی وایلخانی ✽
- ✽ شہی احمد مختار پاشای کرم کردار ✽
- ✽ مشیر و داد کار و حامی دین مسلمانی ✽
- ✽ پاشا آصف مقبول عالم داورا کرم ✽
- ✽ خدیو جم شیم دارا حشم اسکندر ثانی ✽



- ✽ نه آصف صفدر کسری شکن دستور شیرافکن ✽
- ✽ هم آوردن قهرمان جنگ ماهانی ✽
- ✽ نه آصف شهسوار یک تاز عرصه مر دی ✽
- ✽ نه آصف رستم شمشیر باز رزم خاقانی ✽
- ✽ در بحر شجاعت کوهر زرافسرهت ✽
- ✽ فروغ مهر دولت اوج بختک ماه رخشانی ✽
- ✽ سنائی فطرتد ویر سپهر دولت واجلال ✽
- ✽ بریق یتخی مهرانور برج جهانبانی ✽
- ✽ کمانی کوشه سنده فتح ونصرت چله کشلرد ✽
- ✽ حریم دولتمنده معتکف توفیق ربانی ✽
- ✽ ایدر تفریق صورت صدمه کرسی هیولادن ✽
- ✽ ایدر تقسیم نقطه موشکاف تیر پرانی ✽
- ✽ وغاده ابرخونریز و سخاده بحر کوهر خیز ✽
- ✽ کف دریانوالی سایه شمشیر برانی ✽
- ✽ بنای حادثات آب تیغی سیل کوه انداز ✽
- ✽ خدنگیدر اشرایه شهاب رجم شیطانی ✽
- ✽ برزکی خانه زادی مجد و رفعت سایه پروردی ✽
- ✽ سخا ملک یمینی مرحمت منقاد فرمانی ✽
- ✽ شفقت جرعه مینای بزم جاه واجلالی ✽
- ✽ فکایک کاسه فیروزه کیلار عنوانی ✽
- ✽ فلکده قطع رتبه خدمت تیغ ایله بهرامه ✽
- ✽ درنده مشعل افروز ایتسد لایق چرخ کیوانی ✽
- ✽ سبق آموز تدبیر اصابت کسری برجیس ✽
- ✽ عطار در بیر منقبت تحریر دیوانی ✽
- ✽ اگر تل قیرماسه بزمنده رامشگر ایدی ناهید ✽
- ✽ اولنجه مهرانور نیره دار رزم میدانی ✽
- ✽ قر زرم حجه اعلام نصرتدراود ستوره ✽
- ✽ فلک سرتاپا خدمتده بلیم بن بوئی آنی ✽
- ✽ خدیوا آسمان قدر امشیر ادا و را صدرا ✽
- ✽ ایاذات شریفی نسخه اقبالک عنوانی ✽
- ✽ سن اول صدر مخم سن که طوتدی صیت اجلالک ✽



- ✽ عراق و روم واقصای حجاز ایران و تورانی
- ✽ سن اول تنهاسوار عرصه پهنای اهیجاسن
- ✽ ایدر سرسام بیم سطوتك سام نریمانی
- ✽ دكدم سندن اول كسنگ مداحی هم اولم
- ✽ چراکاری كند عاقل كه باز آروپشیمانی
- ✽ سپهر پیری عاجز ایلمشكن شورش فتنه
- ✽ جهانہ كلدی تدبیرك ایله راحت تن آسانی
- ✽ دكدر زاتكه بالله لاف اسكندر اطلاق
- ✽ كه ایتدك سده همت فتنه یاجوج ایرانی
- ✽ سن اول ذات مكرم مظهر تسخیر عالمسن
- ✽ كه مداحك كورن هم كورمین قاصر اگردانی
- ✽ نه سد فتنه توجیه نكاه التفات ایتسك
- ✽ همیشه سازكاره دوندردك چرخ گردانی
- ✽ عجمی دزد خونخواره كوز آچدر عزایسه عدلك
- ✽ كه فارغ ایتدی دزدیده نكهدن چشم فتانی
- ✽ پریشانی كورنمزاوادی عهد كده مكر عاشق
- ✽ خیال زلف یار ایله كوره خواب پریشانی
- ✽ سزادر بعد ازین شمشیرکی اص طاق عرش اوزره
- ✽ قودك تأثیر دنده غزه ابروسی خوبانی
- ✽ كوروب اشفاقکی خلقه فلکده ایتدی هرگز
- ✽ مقدم ایتدیکی اطواره اظهار پریشانی
- ✽ صفای بالله هر کس ترخم ساز آسایش
- ✽ محلدربنده بلبل کپی ایلرسم غزل خوانی
- ✽ تماشا بش هلال اوستنده ایتدم ماه تابانی
- ✽ آنچه دستنه اول ماه پیکر جام رخشانی
- ✽ دکل تشبیه تام اول بدر حسنه ماه کنعانی
- ✽ کایدرد صد یوسفی چاه زخمدا ننده زندانی
- ✽ اولورشیر ازه جمعیت دلارنه حالتدر
- ✽ پریشان ایلدچكه زلفنی تار پریشانی



- ☀ نکه شوریده زاف آشفته سرمست و کریبان چاک ☀
  - ☀ کورن اولمز می مجنون اول بت آشفته سامانی ☀
  - ☀ سحاب مرچتده رشحه و صلاک ایدر اشراب ☀
  - ☀ اگرچه برق خرمنسوز در لبلرده خندانی ☀
  - ☀ سیه تاب ایتسه تیغ ابروان نازحد تله ☀
  - ☀ اولور برجدول آب بقاهر چین، پیشانی ☀
  - ☀ قوتصدیعی یترراغب غزلده ایردی پایانه ☀
  - ☀ اجابت منتظر هنکام هنکام ثناخوانی ☀
  - ☀ اوله تاچرخ کردان چشمه خورشید نور افشان ☀
  - ☀ اوله تامعتدل هم کائناتک چارارکانی ☀
  - ☀ ایده پاینده تابنده همیشه اعتدال اوزره ☀
  - ☀ مزاج دولت واقبالنی تأییدربانی ☀
- 

﴿ \* راغب \* ﴾

﴿ غزل ﴾

- ☀ پیچ و تاب سینه دن افکار کندین کوسترر ☀
- ☀ جوهر آینه دن ژنکار کندین کوسترر ☀
- ☀ اضطراب نابهنگام استمز تحصیل کام ☀
- ☀ موقعنده بی تکلف کار کندین کوسترر ☀
- ☀ رده ناموسه کیرمز برق عالمسوز عشق ☀
- ☀ بی محابا نشوه سرشار کندین کوسترر ☀
- ☀ کسه بی محروم فیض ایتز تجلی زار حسن ☀
- ☀ جنبش کهساردن دیدار کندین کوسترر ☀
- ☀ امتیاز نیک و بددن مانع اولمز امتزاج ☀
- ☀ سایه کلدیه کم اولمز خار کندین کوسترر ☀
- ☀ خوب وزشت آثاریدر آینه کردار خلق ☀
- ☀ هر نه صورت طرح ایدر سحر کندین کوسترر ☀
- ☀ جلوه حسنه می ایای مظاهر در نفوس ☀
- ☀ هر کیمه ایتسه اشارت یار کندین کوسترر ☀



\* بویله در راغب مجازات عمل کیم فی المثل \*  
 \* صور سه لر مغدورینی غدار کیندین کوستر \*  
 -----

﴿ \* راغب \* ﴾

﴿ \* غزل \* ﴾

\* خراباتی کور نلر هر بری بر حالتن سویلر \*  
 \* لطافت نقل ایدر رندان و زاهد ثقلتن سویلر \*  
 \* سر آغاز ایلدیکه بحثه بلبل رونق کلدن \*  
 \* بز مده قلقل مینا ملک کیفیتن سویلر \*  
 \* تجلی نشئه سن اهل شکم ادراک قابلی \*  
 \* بهشت آکد قچه زاهد اکل و شربک لذتن سویلر \*  
 \* نه ضبط حاکم عقلی نه حکم ضابط شرعی \*  
 \* جنون اقلیمینی کشت ایلینلر راحتن سویلر \*  
 \* میان گفتکوده بدمنش ایهام ایدر قبحن \*  
 \* شجاعت عرض ایدر کن مرد قبطی سرقتن سویلر \*  
 \* موافق درینه البت مزاجه شیوه حکمت \*  
 \* طیبیک اولسه ده کذبی مر یضک صحتن سویلر \*  
 \* پریشانی خاطر نکته سر بسته وش قلدی \*  
 \* نه کسه حکمتن اکار نه راغب علتن سویلر \*  
 -----

﴿ \* روحی بغدادی \* ﴾

﴿ \* در شان شریف سلیمان پاشا که حاکم بغداد بود \* ﴾  
 \* مرده شاه بهار ایله ایدوب بلبل شاد \*  
 \* کلدی بر تازه خبره سحری کلشنه باد \*  
 \* مسک اولوب لاله دن کلدی سحر دن چنه \*  
 \* وارا یسه ایلدی کل یوسفنی باد مزاد \*  
 \* ینه کل یوسفنه مالک اولوب خواجه باغ \*  
 \* ایلدی سروسر افرازی چندن ازاد \*  
 \* زاله دن دانه دو کوب بلبل صیدایتمک ایچون \*  
 \* دام قورمش چنه غنچه مثال صیاد \*  
 \* سیزه دن باغه صالوب بادیشیل سجاده \*  
 -----



- ✽ باشلیدی ایتمکه بلیلاری بربرارشاد ✽
- ✽ غنچه طاس زراکا ژاله کومشدن مهره ✽
- ✽ زده در صحن چمن باد صبهادر نراد ✽
- ✽ نوله نراد صبهایه یکیلورسه کابن ✽
- ✽ ویردی کاشنده سحر کلدن اکا نیجه کشاد ✽
- ✽ کونده بیک صفحه او قور غنچه کستانندن ✽
- ✽ بلبل زارایدنوب باد بهاری استاد ✽
- ✽ ندن اولوردی کستانه بود ککوراغب ✽
- ✽ اولسه لاله نوخیزده فی الجماله سواد ✽
- ✽ برایکی قطره صو طمزردی هوادن شبنم ✽
- ✽ وارایسه لاله دواتنده غلیظ اولدی مداد ✽
- ✽ بونجه کیم مرهم اورز ژاله قراسی قوریمز ✽
- ✽ اوکلور داغ دکل لاله ده کی داغ فوآد ✽
- ✽ خامه سبزه نوخیز ایله لوح چینه ✽
- ✽ یازدی درد دانی بلبل آشفته نهاد ✽
- ✽ کسیدی کاشنده نه سار آل ورقدن برکل ✽
- ✽ کل صانوب بلبل آنی شوقدن ایتدی فریاد ✽
- ✽ دوشدی لر اطفنه سلطان بهارک مظهر ✽
- ✽ اولدی لر بوی بکی کلزارده سرو شمشاد ✽
- ✽ اولدی تشریف بهار ایله مشرف کلشن ✽
- ✽ نته کیم مقدم پاشا ایله شهر بغداد ✽
- ✽ اول قضا حکم که امر ایلسه کیوانه اولور ✽
- ✽ بوقدر رفعتله اکا مطیع ومنقاد ✽
- ✽ کهکشانشان صانمه که بهرام فلاك اولمشدر ✽
- ✽ تیغ زرین قوشانوب بار کهنده جلاد ✽
- ✽ کورنین صانمه شفق کیم دوکوب اعدا قان ✽
- ✽ چرخه صالمش قلیجن رزمده اول شیرنهاد ✽
- ✽ مه نوصانمه که تیغن کور یجک خوفندن ✽
- ✽ طرغن صالیدی کیجه شیر سپهر بیداد ✽
- ✽ غصه دن قان آقیدر دیده نمنا کلری ✽
- ✽ هر قجن ایلسه لر تیغنی دشمنلری یاد ✽



- ✽ وحشه طیری خدا قلمچیون امرین رام ✽
- ✽ حاکم عادل ایدوب اکا سلیمان قومش آد ✽
- ✽ ای سلیمان زمان کورمه روا دورکده ✽
- ✽ صدر اعلایه پکوب حکم ایده مز دیو شراد ✽
- ✽ ظلمدن ملکیت بغداد خراب اولشدر ✽
- ✽ وای اکر ایتسه بانیء عدلک آباد ✽
- ✽ ایتدیمی حضرت موسی یه اطاعت فرعون ✽
- ✽ سکا دشمن نه عجب قرشو قویوب ایتسه عناد ✽
- ✽ پنجه قهریکک آلتنده اریر موم صفت ✽
- ✽ ید اعدای جفا پیشه اولورسه فولاد ✽
- ✽ کلسه حکم ایلدیکک یرده وجوده هر طفل ✽
- ✽ حکم ایدر رستم اولور بودیو اهل مرصاد ✽
- ✽ شیرلره صالنه کوردی زمانکده غزال ✽
- ✽ صالیدی دریایه کمتدینی الندن صیاد ✽
- ✽ کمتسه دورکده فغان ایلز الا بلبل ✽
- ✽ اوده کل شوقی ایله باغده ایلر فریاد ✽
- ✽ روز و شب ایتده در شمدی دعای خیرک ✽
- ✽ زندلر میکده صومه لرده زهاد ✽
- ✽ رنگ رویندن اولور قرشو که کلسه معلوم ✽
- ✽ کیمسه غیره ایده مز ایتدیککی جرمن اسناد ✽
- ✽ سیم وزر دامنله ویرمکی اهل فقره ✽
- ✽ بر کرمدر کیم آنی همتک ایتش ایجاد ✽
- ✽ بویله کوهرنه روادر که قاله یرده دیو ✽
- ✽ کوتورر باشده همیشه آیفک توزینی باد ✽
- ✽ خوان لطفک سنک اول مائده در کیم عالم ✽
- ✽ نقدر ایتسه تناول اولور اول دکلو زیاد ✽
- ✽ ریزه نان که قالور سفره احسانکده ✽
- ✽ کر سلیمان خشمی کلسه اولور جلیه زاد ✽
- ✽ اهل دلار نوله دورکده اولورسه خوشحال ✽
- ✽ الارنده می عشرتله طولو جام مراد ✽
- ✽ نوله کر روحی قولک ابرسه مراده کیم اکا ✽



✽ روز و شب ادعیه دولتک اولش اوراد ✽

تلخ کام ایتش آنی قهر سپهر غدار ✽

✽ قند لطفکله یتوب غورینه ایتسک نوله داد ✽

✽ نه روادرنک ابر کرم سایکده ✽

✽ صرصر محنت ایده خاک وجودین بر باد ✽

✽ سن زمانکده سلیمانسن او بر مور ضعیف ✽

✽ نه عجب مور سلیماندن ایدرسه امداد ✽

✽ آب لطفکله او دختنه بی احیا ایله ✽

✽ ای مسیحانفس اولسون المندن حساد ✽

✽ نیچه بر چکنتوب آیتده قاله اهل هنر ✽

✽ نیچه بر نظم متاعی بوله عالمده کساد ✽

✽ شمدی دور کده هنر عرض ایده جاک دملردر ✽

✽ ایلسون هر بری بر معنی رنگین ایجاد ✽

✽ شعراقنده سخن سازلق ایتسه بیک یل ✽

✽ وصفنک بیکده برین قلمیه طبع وقاد ✽

✽ لایق اولدر که دعا ایله سوزی ختم ایدلم ✽

✽ لطف بیغایت مولادن ایدوب استمداد ✽

✽ گاه مفرد اولوبن گاه مرکب نته کیم ✽

✽ دور ایده عالم امکانده بو چار اضداد ✽

✽ باغ خیلن چیقروب نیته که استقباله ✽

✽ مرءده شاه بهار ایله کله کلشنه باد ✽

✽ کشت امیدک ایده ابرهدایت سر سبز ✽

✽ آچله غنچه بختک اوله سن خرم و شاد ✽

✽ چار یار اوله رفیقک نرهمیه عزم ایتسک ✽

✽ اوله سن رنج و غم و درد و بلادن آزاد ✽

✽ بحساب اوله میسر سکا کلزار ارم ✽

✽ همدک ساقی کوثر اوله یوم المیعاد

✽ روحی بغدادی ✽

✽ غزل ✽

✽ یار استین اولور نیچه اغیاره آشنا ✽

✽ بیک یازه پر که تا اوله بر یاره آشنا ✽



- ❀ کلریزلك امیدنی قواول چمنده کیم ❀
- ❀ بلبل فغانه یار اوله کل خاره آشنا ❀
- ❀ فرهاده در زمانه ده رشکم که یار ایچون ❀
- ❀ جان ویردی آخر اولدی آغیاره آشنا ❀
- ❀ بندن طریق مهر و محبتده عبرت آل ❀
- ❀ ای اولق استین اوستمکاره آشنا ❀
- ❀ طاعلرجه صبر بلکه تیموردن یورک کرک ❀
- ❀ آسان دکلدر اولق اوغداره آشنا ❀
- ❀ یوق آشنالغم دیمه عرض ایله در دکی ❀
- ❀ لازم دکل طیب اوله بیمار آشنا ❀
- ❀ روحی بیکسه نوله بار ایتسه التفات ❀
- ❀ اعلا سوز ایلر آدمی خنکاره آشنا ❀

❀ سامی پاشا ❀

❀ غزل ❀

- ❀ حسرتکه جام داغ لاله در چشمانمه ❀
- ❀ قطره می لعل سبز تبخاله در چشمانمه ❀
- ❀ ایلدیکه عارضک ای ماه روزیب خیال ❀
- ❀ خلقة دود درونم هاله در چشمانمه ❀
- ❀ فکر زلفکه دمادم ایلم اجرا ی اشک ❀
- ❀ هر مرثه م برسنبل پرژاله در چشمانمه ❀
- ❀ عکس جام میله رخسارک کورنجه تابدار ❀
- ❀ بزم غمده آتش سیاه در چشمانمه ❀
- ❀ تار و پودی رشته مدح نکا همدرد بنم ❀
- ❀ سامیما بونو غزل برکاله در چشمانمه ❀

❀ سامی ❀

❀ تموزیه ❀

- ❀ تموزا یرشدی جهان غرق تف و تاب اولدی ❀
- ❀ زمین حرارتله وقف پیچ و تاب اولدی ❀



- ✽ ایدوب کمال ایلہ کرمیت هوا تا اثر ✽
- ✽ چکیده عرق کار خان کلاب اولدی ✽
- ✽ دوشنبه پرتوخورشید تعمر دریاہ ✽
- ✽ درون یمده اولان ماهیان کباب اولدی ✽
- ✽ اود کلوشدت تاب تموز کم ذرات ✽
- ✽ جهانده هربری برقرص آفتاب اولدی ✽
- ✽ بودمده قطره باران دکل حرارتدن ✽
- ✽ اودکلو پوتنه کردون پراتهاب اولدی ✽
- ✽ سیه غمami کدازندکی خورشیدی ✽
- ✽ مثال کلچہ فولاد ارتدی آب اولدی ✽
- ✽ بوفرط حرهوا اشتدا دکرمان ✽
- ✽ طیوره باعث همرنکی غراب اولدی ✽
- ✽ عرق فشاندرد اوده صمہ روی دریاده ✽
- ✽ خروش موجه ایلہ جابجا حساب اولدی ✽
- ✽ اودمکه زبیش تحریروصفی تموزک ✽
- ✽ مراد ماشطہ طبع مستطاب اولدی ✽
- ✽ ایدوب کلالہ دوشیزہ خیالہ اثر ✽
- ✽ چورنک سرخ علو خود بخود خضاب اولدی ✽
- ✽ ایدوب کداخته سیمین قرص ماه تموز ✽
- ✽ دکل هلال فلک حلقه سازباب اولدی ✽
- ✽ نه باب دائرہ حلقہ فلک سایي ✽
- ✽ محیط مرکز ملک فراسیاب اولدی ✽
- ✽ نه باب ذرہ ناچیز خاک شهراهی ✽
- ✽ یکانہ کوه سر تاج آفتاب اولدی ✽
- ✽ دخی علامت ناشسته روی باقیدر ✽
- ✽ قر او بابده رخسوده تراب اولدی ✽
- ✽ نه باب پادشهان جها نکیرانه ✽
- ✽ ملاذ مستند و جای انتساب اولدی ✽
- ✽ ادبار کاهده کیوان هفتمین پایه ✽
- ✽ غلام حلقه بکوش فلک جناب اولدی ✽
- ✽ ملوک عالمک ایلچیلری یوزین سورمک ✽



- ✽ کلوب او باب سعادتده کامیاب اولدی ✽
- ✽ بوبابده سوزم اثباته قادرم دیرسم ✽
- ✽ که پادشهره ده مرجع ومأب اولدی ✽
- ✽ نه بادر که آنک سده معلاسی ✽
- ✽ ممراسب شهنشاه مه رگاب اولدی ✽
- ✽ سپهر کوکبه شاه سکنه در استعداد ✽
- ✽ که رأی آینه چهره صواب اولدی ✽
- ✽ او برکزیده عثمانیا نکم اقبالی ✽
- ✽ قدم نهنده اجرام نه قباب اولدی ✽
- ✽ فضای اوجده خیط الشعاع خورشیدی ✽
- ✽ خیام دولته ذرفشان طناب اولدی ✽
- ✽ محیط کوزه جودنده قطره ناچیز ✽
- ✽ نه سمانیم لطفنده پر حباب اولدی ✽
- ✽ ارتدی بیضه ماهی هلال اید بنجه فلاك ✽
- ✽ میان صولتنه تیغ شعله تاب اولدی ✽
- ✽ اولوب وزنده نسیم بهار انصافی ✽
- ✽ جنود فتنه بزیر لحاف خواب اولدی ✽
- ✽ فغان ایدر غم عالمه یوق زماننده ✽
- ✽ مکر که ناله یهوده ذباب اولدی ✽
- ✽ حرمسرای شکوهنده کمترین کنجشک ✽
- ✽ کمال زورایله ناخترن عقاب اولدی ✽
- ✽ اولنجه ساحه کهساره منتشر عدلی ✽
- ✽ غزاله پنجه شیران سریر خواب اولدی ✽
- ✽ دم بهارده باران دکل خوی افشاند ✽
- ✽ که دست جودی خجالتس محباب اولدی ✽
- ✽ او شهسوار صف ارای کامرانیکم ✽
- ✽ کمیت حشمتنه ماه نور کاب اولدی ✽
- ✽ زهی سمند ثریا قطاس چایکپای ✽
- ✽ که همچو صاعقه اولدمکه پرشتاب اولدی ✽
- ✽ کمین شراره نعلی هلال رسمیدر ✽
- ✽ صعود ایدوب فلكه شعله شهاب اولدی ✽



- ✽ اوخنك باصره جولانكه پيك اندیشه ✽
- ✽ دم مسابقه پسماده جباب اولدی ✽
- ✽ خدا يكانه دهراشه فلاك قدرا ✽
- ✽ معارف اهلنه لطفك كه بحساب اولدی ✽
- ✽ قصيده نظرايت عاطفتلو خنكادم ✽
- ✽ بو عرضحاله فقط شفقتك جواب اولدی ✽
- ✽ فلاك ديدكاري نابرقراردن فریاد ✽
- ✽ كه دل النده ستم خورده عقاب اولدی ✽
- ✽ بوتكنه ناي فلاكته قلب ناشاده ✽
- ✽ همیشه كاری انك رنجش عذاب اولدی ✽
- ✽ درونی تش محنتله ایلوب پرداغ ✽
- ✽ تنورسینه ده نحت جكر كباب اولدی ✽
- ✽ فلاخن ستمی سنكسار خجرت ایدوب ✽
- ✽ مثال خاطر عاشق كوكل خراب اولدی ✽
- ✽ سپهر كینه وربد منش خیالنده ✽
- ✽ اذیت اهل دله موجب ثواب اولدی ✽
- ✽ گروه نادره سنجان نكته فهمانه ✽
- ✽ عداوتی هله بی شك واریت باب اولدی ✽
- ✽ مددرس اول مددای پاشاه ذیشانم ✽
- ✽ كه لطف و مرحمتك دهره بحساب اولدی ✽
- ✽ پناهگاه ایده لی دركه معلالی ✽
- ✽ سپهره عرض نیاز ایتك ارتكاب اولدی ✽
- ✽ فتادكانه اولن دستگیر سنسن سن ✽
- ✽ كه یوز سورن دروالا كه كامیاب اولدی ✽
- ✽ نگاه مرحمت ایت سامی غریبه كه ده ✽
- ✽ كه در كه كده اوده بنده تراب اولدی ✽
- ✽ عنایت و كرمه مظهر ایله كیم دیه لر ✽
- ✽ تلافی ستم چرخ ناصواب اولدی ✽
- ✽ امیدى مرتبه خواجكى دیوانی ✽
- ✽ درونه مایه تشویش واضطراب اولدی ✽
- ✽ بحق نوربنی نائل مرام ایله ✽



- ✽ درسعا دتکه کلدی برشتاب اولدی ✽
- ✽ بلندی مقصد مافی الضمیر خاموش اول ✽
- ✽ سخن رسیده سرمقطع نصاب اولدی ✽
- ✽ سوز آخر اودی خلوص ایله بردعا ایتکم ✽
- ✽ سروش غیب دیه مرده مستجاب اولدی ✽
- ✽ همیشه سوزش تاب تموز ایله تا کم ✽
- ✽ زمین پر آتش وعالم پراضطراب اولدی ✽
- ✽ سپهری ذاتکه حق سایبان راحت ایده ✽
- ✽ که شکل فلک زرینی آفتاب اولدی ✽
- ✽ اوله وجودی مربع نشین قصر حیات ✽
- ✽ بنای عمر عدو تا که پر خراب اولدی ✽

✽ سامی ✽

✽ غزل ✽

- ✽ بزم پاک حسنه ز یوردر اوزلف وخال ورخ ✽
- ✽ دود عنبر مجر زردر اوزلف وخال ورخ ✽
- ✽ کردن بلورک اوزره کویـ بـر شیشه ده ✽
- ✽ سنبل و شبو کل تردر اوزلف وخال ورخ ✽
- ✽ داغ غم سودای سرتاب جگر کتمک محال ✽
- ✽ داره کم دائم مصوردر اوزلف وخال ورخ ✽
- ✽ شمع شب پیرایه و بر سوخته پروانه وش ✽
- ✽ متصل کرم آشنادر اوزلف وخال ورخ ✽
- ✽ شعله آهه سپند اولق سویدای درون ✽
- ✽ یاده کلدیچه مقرر در اوزلف وخال ورخ ✽
- ✽ کاشن حسن ایچره دام ودانه آشویله ✽
- ✽ مرغ جانه قید دیگر در اوزلف وخال ورخ ✽
- ✽ حلقة جیم جالی نقطه نور اوزره در ✽
- ✽ صفحه زیب روی دلبر در اوزلف وخال ورخ ✽
- ✽ سوز حسرت مردم چشمی پریشان خواب ایدر ✽
- ✽ تا که زیب روی دلبر در اوزلف وخال ورخ ✽
- ✽ قیلدی حسن شاهد نظمی دو بالاسامیا ✽
- ✽ چون ردیفده مکرر در اوزلف وخال ورخ ✽



﴿ مهمل و معجم تواریخ متفرقه ﴾

- ✽ سلطان عثمان ملك الوب اولدی سیرافراز مملوک ✽
- ✽ اولدی شه عالیهم عدل ایله سلطان بایزید ✽
- ✽ رجیده قیلدی سلطان احمدی شاه جهان الله ✽
- ✽ سلیمان زمان فرمان روای انس و جان اولدی ✽
- ✽ حمد اوله مهد شوکت اولدی مقام محمود ✽
- ✽ شهرزاده مقدمه نندن ایردی مراده عالم ✽
- ✽ شرف کلدی وجود فاطمه سلطانله دهره ✽
- ✽ بشکطاش ایچره قوندی شاه سلطان مهد اقباله ✽
- ✽ سال خان عبد الحمیدی حق همایون ایلیه ✽
- ✽ سالی مسعود ایده سلطان محمود خدا ✽
- ✽ حسن پاشایه مهرین ایلدی سلطان سلیم احسان ✽
- ✽ جهانیه مرثده لر صدر کزین اولدی حسن پاشا ✽
- ✽ اولدی دری زاده والا کهر مفتی الانام ✽
- ✽ ویردی صالحزاده فتوی عالمک اصلاحنه ✽
- ✽ رؤس احسان ایدوب احیای ایتدی پادشاه احیا ✽
- ✽ رؤس ایله کلاهی زاده طاهر سرفراز اولدی ✽
- ✽ قیلدی عدنی شریف افندی مقام ✽
- ✽ قیلدی کامل افندی خلدی مقام ✽
- ✽ ثوب موتی کیوه لی یه کی ولی دیدی اجل ✽
- ✽ قیلدی طلی سوزلی بالچی زاده بی عبدی شهید ✽
- ✽ حق بوانبار جسمی ایده کنز برکات ✽
- ✽ حق بوانبار بلندی ایده کنز البرکات ✽

﴿ شرف خانم ﴾

﴿ تاریخ قدومیه برای عالی پاشا ﴾

- ✽ برنجیه زماندی مکر و آلی ✽ ایلردی فلک علی التوالی ✽
- ✽ اغلردی هجوم جیش غمله ✽ قالماش ایدی دلاک مجالی ✽
- ✽ اولش ایدی سنک محنت ایله ✽ مرغ املاک شکسته بالی ✽
- ✽ کلسه یله یوق ایدی المدن ✽ کوکله سروره جای خالی ✽



- ✽ عئذمدده براوادی فرق اولنمز ✽ عئذ ايله محرمك هلالی ✽
- ✽ کوستردی فلك برر بررهه ✽ هر محنتی بکا لا ابالی ✽
- ✽ یوقکن دل خسته حالک اصلا ✽ بروجهله صحت احتمالی ✽
- ✽ ناکاه ظهوره کلدی برشب ✽ توفیق جناب ذی الجلالی ✽
- ✽ ایتدی کور یچک تعجیانه ✽ احوال کسته دن سئوالی ✽
- ✽ دیدم کرم ايله صورمه سنده ✽ ویرمه دل زاره اشتغالی ✽
- ✽ بلنز میسک اهل دله دائم ✽ اولمز فلك ایتسه جدالی ✽
- ✽ باد محسن ايله نخل امید ✽ دوشدی یره خار و خس مثالی ✽
- ✽ نه دلده نه بنده قور لیاقت ✽ اسکی یکی دم لک خیالی ✽
- ✽ بیکده بری شرح اولنمز ایتیم ✽ بیهوده دراز قیل و قالی ✽
- ✽ زهر ایل سونده چرخ بیداد ✽ حقک باکه ویردیکی نوالی ✽
- ✽ السون کیرو ایلدیه احسان ✽ نه مالی کرک نه خود منالی ✽
- ✽ طولزمی عجب بوجه غیری ✽ کلزمی بو کونلرک زوالی ✽
- ✽ دیدی نه طور رسک اشته بولش ✽ مرده سکا کیم غمک کالی ✽
- ✽ آینه قلبی غیر صاف ایت ✽ کیم کوستره مقصدک جمالی ✽
- ✽ بر ذات کریم وار جهانده ✽ لطف و هم عادت و خصالی ✽
- ✽ اخلاق جملنک قیاس ایت ✽ نه کلدی نه خود کلور مثالی ✽
- ✽ اولوردی اگر کوریدی حاتم ✽ میدان کرمده پائمالی ✽
- ✽ اولمقده جمیع بندکانه ✽ اسمی کی همتیده عالی ✽
- ✽ اولذاته سنکده نسبتک وار ✽ عرض ايله نیک و بد مقالی ✽
- ✽ اسلامبوله اولدی سایه انداز ✽ اول باغ عنایتک نهالی ✽
- ✽ تشریف ایدنجه ایلاچیلکدن ✽ قارشولدی لر اونیک فالی ✽
- ✽ چون آب حیات بوسویه اقدی ✽ اول چشمه قلزمک زلالی ✽
- ✽ یمن قدومیه بنده ایتیم ✽ تقدیمه جسارت عرضمالی ✽
- ✽ چکلتدی کیرنجه کوش جانه ✽ بالله بو مرده نک مالی ✽
- ✽ خوش کلدک ایامیخ دوران ✽ احیایه بوقلب پرمالالی ✽
- ✽ حسرتله جمیع بندکانک ✽ غایتله مکدر ایدی حالی ✽
- ✽ کورمش دکل ایدی ملک افرنج ✽ ذاتک کی بر سفیر عالی ✽
- ✽ وصفکده ندکلو ایتسم افراط ✽ تصدیق ایدر انکلیز قرالی ✽
- ✽ ذاتک ايله فخر ایدر سه چوقی ✽ دنیاده اولان بتون اهالی ✽
- ✽ حکم ايله سپهره غیری بتسون ✽ بیچاره شرفله اختلالی ✽



- ✽ حدی میسر فلک اولسون رام ✽ هر امر که ایلر امشالی ✽
- ✽ شمدنکرو باشلسون دعایه ✽ پایانه ایرشیدی حسجالی ✽
- ✽ ذاتیکده حق مقابلهده ✽ تسهیل ایده مشکل ومحالی ✽
- ✽ بندن ایشیت ایلدم حکایت ✽ سن بلمه ندر غم وملالی ✽
- ✽ یارب دیلرم اوذاتک ایتسون ✽
- ✽ ذوق ایله کنار ماه وسالی ✽

### ✽ شرف خانم ✽

#### ✽ غزل ✽

- ✽ چاغایان جوی سرشک چشم پرخونمیدر ✽
- ✽ ایکلیان شب تاسحر بو قلب محزونمیدر ✽
- ✽ خاکپایکدن بنی محروم ومهجور ایلین ✽
- ✽ کثرت عشقکمی بلم طالع دونمیدر ✽
- ✽ اوصاچی لایلا دیمزدکویمده جولان ایلین ✽
- ✽ بسته زنجیر عشقم کندی مجنونمیدر ✽
- ✽ چیقیدی استقباله عقل وصبر وارام عجب ✽
- ✽ میهمان دل خیال قدموز وونمیدر ✽
- ✽ محنت وفرقتله میدان محبتده شرف ✽
- ✽ آه ایدوب قان اغلق معتاد وقانومیدر ✽

### ✽ صبحی بك ✽

#### ✽ غزل ✽

- ✽ ماه رویك کوریجك عکس یار آینهده ✽
- ✽ حسنه مائل اولوب ایتدی قرار آینهده ✽
- ✽ اودهك آینهیه باقدیغنی صانمه عبت ✽
- ✽ بولمدی مشانی خوبانده ارار آینهده ✽
- ✽ سنبل زلفی کل روی اوسرو نازك ✽
- ✽ عکس ایدنجه کورینور اوزکه بهار آینهده ✽
- ✽ چکلوب آینه مهره سییه پرده شام ✽
- ✽ تاب زلفن طرادى بویجه یار آینهده ✽
- ✽ صبحیا شکر لطفیله جناب زیور ✽
- ✽ طوطی طبعم ایدر نظم نثار آینهده ✽



❀ صفوت پاشا ❀

❀ غزل ❀

- ❀ درد عشقه مبتلا برنای برین برکوکل ❀
- ❀ زاریدن صبح و مسابرنای برین برکوکل ❀
- ❀ داغ لاله سرتسرافغان ایدر حسرت چکر ❀
- ❀ نعمه پرداز جفا برنای برین برکوکل ❀
- ❀ ابتلاسن بیلدر پرخون دردم کوستر ❀
- ❀ در سخوان ماجرا برنای برین برکوکل ❀
- ❀ زرد رودر هجر ایله پك تشنه درآه ایتمده ❀
- ❀ دمبدم حیرت فزاینای برین برکوکل ❀
- ❀ هر نفسده هوش دردم سرینی تفهیم ایدر ❀
- ❀ درد خواه بینوا برنای برین برکوکل ❀
- ❀ محرم اهل بلا ار باب عشقه پیشوا ❀
- ❀ دائماً فرقتسرا برنای برین برکوکل ❀
- ❀ فیض مولانا ایله صفوت بودور ایچره همان ❀
- ❀ درد عشقه مبتلا برنای برین برکوکل ❀

❀ ما کف ❀

❀ قصیده عدم ❀

- ❀ جان ویر آمده اندیشه صهبای عدم ❀
- ❀ جوهر جائی عجب جوهر مینای عدم ❀
- ❀ چشم امعان ایله باقد قجه وجود عدم ❀
- ❀ صحن جنت کورینور آمده صحرای عدم ❀
- ❀ غلط ایتم نه رواجنه تشبیه ایتك ❀
- ❀ بشقه در نعمت آسایش مأوای عدم ❀
- ❀ طوته لم آمده اولمش نعم کونا کون ❀
- ❀ او یله محتاج تناولمیدر آلائی عدم ❀
- ❀ کیمسه انجمندی وضعندن انك ذره قدر ❀
- ❀ بسلدی بونجه زمان عالمی بابای عدم ❀
- ❀ وارایسه انده در انجیق یونیسه یوق ❀
- ❀ راحت استرسن اکرایله تمنای عدم ❀



- ✽ نه غم و غصه نه رنج الم و بیم امید ✽
- ✽ اولسه شایان جهان جان ایله جویای عدم ✽
- ✽ یوق دیدجه وار اولور یوقمی غرابت بونده ✽
- ✽ نام هستیمی ندر حل معمای عدم ✽
- ✽ ایتسه بر کوره تلاطم هب ایدر کونینی ✽
- ✽ غرقه موج فنا جوشش دریای عدم ✽
- ✽ مادر دهر موالیدیکه طور مز طوغرر ✽
- ✽ در کار ایتمکیچوندرانی بابای عدم ✽
- ✽ چرخک اولادینی باشند چیقارر دایه دهر ✽
- ✽ ایتسه تریه صق صق انی لالای عدم ✽
- ✽ هر کسک قسمتی یوقدن کلور اما بلرز ✽
- ✽ یری وار عالمه من ایلسه سلوای عدم ✽
- ✽ مردمی نشأت ادمده یوق اولدی کتدی ✽
- ✽ وجهی وار دینسه بنی ادمه انبای عدم ✽
- ✽ ایکی کاغددن عبارت نسخ کون و مکان ✽
- ✽ بری ابقای وجود و بری افنای عدم ✽
- ✽ ساب ایجاب تعیین ایدرک عالمدن ✽
- ✽ بر نتیجه و یرر البتده قضایای عدم ✽
- ✽ میم امکائی محو ایلسه ملا اول ✽
- ✽ یوخسه نفی ایتسه ده اخیدر لای عدم ✽
- ✽ شیخه باق کتم عدمدن دیوتقریر ایلر ✽
- ✽ بلز اما که ندر معنی اخفای عدم ✽
- ✽ صغز اول دائرة کون و مکانه نه بیلور ✽
- ✽ بکمین عرشی ندر ملک معلای عدم ✽
- ✽ یوق یره زاهد اوزر دعوی هستیدن دم ✽
- ✽ یقه سن طوتمشیکن پنجه کیرای عدم ✽
- ✽ صانورم مصرف و ایرادی کلور هب باشه باش ✽
- ✽ اولدی سرای وجوده کوره ضرای عدم ✽
- ✽ زید وارد ایله صلح اولدی عمرو عائد ✽
- ✽ یوغیسه عالمک اصلی نه بوغوی عدم ✽
- ✽ قیس ولیلاسی دخی زید ایله عمرو کبیدر ✽



- ☀ ديه جك اولسم اولور اولدخی اسمای عدم ☀
- ☀ فرقی کویا بویکی صورتک عقمجه بنم ☀
- ☀ بریسی حب فسادر بری بغضای عدم ☀
- ☀ نقش نامقله عجب نامق اولورمی خاتم ☀
- ☀ وارکی بونده وجود اهلنه ایمای عدم ☀
- ☀ شیخ افندی سکا دیرمیدیکه وارکدن کج ☀
- ☀ وارلغک اولسه ده سدره مأوای عدم ☀
- ☀ خدمت ایت سن اکاوارکله که تاهمت ایدوب ☀
- ☀ ایلسون اولده سنی عارف معنای عدم ☀
- ☀ چکمه دنیاقل ایچون غم دل نابودیده ☀
- ☀ وارایکن ما حاصل رزق عطایای عدم ☀
- ☀ هرکسه باز بلا کندوسنک وارلغیدر ☀
- ☀ غم وآلامیدن ازاده برایای عدم ☀
- ☀ صرف ایدوب واریکی عقلک وارایسه واریوغ اول ☀
- ☀ راحت استرسک اکرايله تمنای عدم ☀
- ☀ بزبو محنتکه هستییه کوچکدن کلک ☀
- ☀ یوخسه کیم ایلرایدی ترک کهن جای عدم ☀
- ☀ طورمسه بویله فلك باری ییقلسه کتسه ☀
- ☀ بر زمان اولسه بری خیمه بالای عدم ☀
- ☀ آویدن خلقی بو غمخانه ده اولدر یوخسه ☀
- ☀ اولسه مشکل ایدی تسلیه بخشای عدم ☀
- ☀ طوغریسی راحت ایدردک کیدوب عالم عدمه ☀
- ☀ یرینه کسه آنک سباحه پهنای عدم ☀
- ☀ بر مراد اولیجق بن یره کچسون عالم ☀
- ☀ نجم مهر ومهی اولسون اثرپای عدم ☀
- ☀ چاک چاک ایلرایدم جیب قبای عمری ☀
- ☀ اولسه ذیلی طرازیده تمغای عدم ☀
- ☀ بن او بیزار وجودمکه دل غزدهمه ☀
- ☀ انس موطن کورینور وحشت صحرای عدم ☀
- ☀ شفق صبح بقادر نظر مده کویا ☀
- ☀ موجه بحر سیاه شب یلداای عدم ☀



- \* اولیہ بیمار غم کیم اولہ مم آسودہ \*
- \* جامہ خواب اولسہ بکاشہر عنقہای عدم \*
- \* دخر ایم بن او ہیئتہ کہ نسبتہ بکا \*
- \* بیت معمور اولور خانہ بجای عدم \*
- \* اولیہ بیمار غم صحن فنادہ کویا \*
- \* یابدی انقاض المین بنی ابنای عدم \*
- \* اختر مملک آفاق فلکدن طوغز \*
- \* کوندہ بیک شی طغورر لیلہ حبلائی عدم \*
- \* دوشم بدن سایہ کلک امل لوح دله \*
- \* نقطہ کلکیم اولور خالی محیای عدم \*
- \* جوہزی صو کسلور تابش یاسملہ اگر \*
- \* چشم امیدمہ دوش اولسہ امرایای عدم \*
- \* یوغ اولور اسمی دخی عین مسماسی کی \*
- \* امل اولسہ اگر داخل خولیای عالم \*
- \* بی و جودم او قدر بنکہ ارانسی ایکیز \*
- \* بن بولنم بولنور بلکہ مسمای عدم \*
- \* حیرتم چرخہ سکون آور طبع تعطیل \*
- \* وحشتم باعث پیدائی سودای عدم \*
- \* والہم اولیہ کہ عکس نکہ کرمدن \*
- \* رنگ حیرت آلور آیینہ دریای عدم \*
- \* وحشتم اولیہ کہ اولسہ نظر انسم اولور \*
- \* تیرمکردن آہوی سبکبای عدم \*
- \* یاسم اولرتبہ کیم صورت امیدمدر \*
- \* ماورای فک کہ محو هیولای عدم \*
- \* بولانور کریہ خونینم ایلہ بحر و جود \*
- \* صرارر آہم ایلہ سبزہ صحرای عدم \*
- \* اولیہ دلتکی ہستی ایلہ رنجورم کیم \*
- \* خون اولور نالہ لرمین دل فرای عدم \*
- \* بوکا طاقتی کلور یا بوکا جانمی طیانور \*
- \* مکر امداد ایدہ ہستیدہ اجزای عدم \*
- \* آفرین ای نی کلک ہنر عیسی دم \*



- \* ایلدک نفخه اعجاز ایله اخیای عدم \*
- \* شعله نفخه جانسوزک ایله ایک یانوب \*
- \* ایلدن داغ تتم شمع شب آرای عدم \*
- \* برغزل سویلسک اولزمی برای خاطر \*
- \* نقدر ثقلت ایسه نظم مقفای عدم \*
- \* حال عنبر شکنک فتنه اجزای عدم \*
- \* نکه سحر اثرک ناطقه بخشای عدم \*
- \* جان بولور طرف لسانکله حروف هستی \*
- \* چاک اولور ناوک غمزه کله سویدای عدم \*
- \* عرض خندهیه لعل نمکینک جوهر \*
- \* جوهر حرفه فک نقطه یکتای عدم \*
- \* سنی کورسه دو کیلور کن قطرات اشکم \*
- \* خوف غمزه کله اولور آبله پای عدم \*
- \* قوس ابروسنی قورسه یقلور طاق فک \*
- \* تیرمرث کانی آتسه دترر جای عدم \*
- \* جان آتردی عدمه تیغ نکاهندن اجل \*
- \* تیرخشمندن اکریائسه بیدای عدم \*
- \* اکلامش نسبتنی مهر و وفای یاره \*
- \* ایدن اولدر دل بیچاره بی جویای عدم \*
- \* عاکفا طرح صور ایلدی هیچا هیچه \*
- \* وارمی خام کبی بر هندسه پیرای عدم \*
- \* عارفان یوقلغله ایتمده اثبات وجود \*
- \* بن ایسه وار لغله ایلدم انشای عدم \*
- \* یوغنی وار ایلکه خیلی چالشم لیکن \*
- \* اولدی سعی و طلبم لوؤ لوؤ لالای عدم \*
- \* صقمدی چونکه دهان دله نطق هستی \*
- \* ایلدم خامه معجز دی کویای عدم \*
- \* بوقصیده قلمه قاف فنادن کلدی \*
- \* اولسه نامی یاقشور بیضه عنقای عدم \*
- \* کیسی نیستی غله بقا جوی و جود \*
- \* کبی هستی الله طلب افزای عدم \*



✽ مخو خاك ره شاهنشاه كوینم بن ✽

✽ نه تولای و جود ونه تبری عدم ✽

✽ ماکف ✽

✽ غزل ✽

✽ ساقیا بر جام ایله تحویل حال ایتمز مسین ✽

✽ خاطر م آزاده رنج ملال ایتمز مسین ✽

✽ مذهب خوبانده یوقی قبول معذرت ✽

✽ بن قصور ایتمده سن عنو و حال ایتمز مسین ✽

✽ شاهباز اوج استغنا ایسه کده لطف ایدوب ✽

✽ آشیان وصلته تحریک بال ایتمز مسین ✽

✽ یکدی عرم درد هجر انکله جانا بعد ازین ✽

✽ بنده کی ممنون احسان وصال ایتمز مسین ✽

✽ ایتدی کک وعد عنایت خاطره کلزمی هیچ ✽

✽ بزم الفت دملرین فکر و خیال ایتمز مسین ✽

✽ عاکف زارک لسانا صورت مزایسک حالی ✽

✽ برنگاه لطفله باری سؤال ایتمز مسین ✽

✽ عالی پاشا ✽

✽ غزل ✽

✽ برخیلی دمکه دیده لرم قان دو کریت ✽

✽ ای خونی ارتق الویر رارتق یتریت ✽

✽ سینهم اوقاشی یا هدف یترجور ایدر ✽

✽ بو جله بی کوکل نه وقتدر جکریت ✽

✽ سرمست ایله باده وصلته ساقیا ✽

✽ زیرا خسار فرقت ایله درد سریت ✽

✽ فکر و هوای سلسله زلفک ایله دل ✽

✽ دشت جنونی کزدی بتون سرمسریت ✽

✽ کارایلز فغان و اینک اوظالمه ✽

✽ بواه و کریمه نیجه برهالی یتریت ✽



﴿ کچھ جی زادہ محمد عزت ﴾

﴿ غزل ﴾

- ✽ مختل اولہ لی شہر پر آشوب محبت ✽
- ✽ دوشدنی ثمن کالہ مرغوب محبت ✽
- ✽ منکوش مجوہر کبیدر داردہ منصور ✽
- ✽ خوشدربزہ نظارہ مصلوب محبت ✽
- ✽ مقصود قولایلقاہ عزیزم الہ کیرمن ✽
- ✽ چشم ایتدی فدا یوسفہ یعقوب محبت ✽
- ✽ طبخانہ عقبادہ اولور علی معلوم ✽
- ✽ ہر خستہ ایدر دعویٰ ایوب محبت ✽
- ✽ قورتلدی زنجیر ستمدن دہا مجنون ✽
- ✽ حق دشمنی ایتیمہ معیوب محبت ✽
- ✽ عزت قولنہ نامہ سیدر حضرت عشق ✽
- ✽ الدن الہ کز مزمی بو مکتوب محبت ✽

﴿ عینی ﴾

﴿ غزل ﴾

- ✽ اولدی رخسار کہ تقلید ایلہ کل خار ایلہ خور ✽
- ✽ کوزدیکر دیدہ کہ نرکس اولہ بو کار ایلہ کور ✽
- ✽ تیغہ برق تجلیلہ صوو یرمش اول ماہ ✽
- ✽ طور خاکدہ ینار مشعلہ نار ایلہ نور ✽
- ✽ صوغوق الفتلہ بنی تبردہ ہجرا یتدی ✽
- ✽ جانمہ اشتہ او آتشاری بو قار ایلہ قور ✽
- ✽ ارام ایدوب قبضہ الہی اوقاشی یایی کوکل ✽
- ✽ کرچہ یا حق دیہ رلایلدی چوق زار ایلہ زور ✽
- ✽ راہ تحقیقہ کیروب قافلہ عشقہ او یوب ✽
- ✽ زاهد خرمنشی بارغم یار ایلہ یور ✽
- ✽ پیچ و تاب خط و کیسو ایلہ یاتدم بو کچہ ✽
- ✽ عالم خوابدہ اوشدی باشمہ مار ایلہ مور ✽
- ✽ دل ہوا و ہوسہ اویدی چہانہ کلدی ✽
- ✽ ایتدی عینی و طمدن بنی بودار ایلہ دور ✽



- ✽ چقدی یاشل پرده دن عرض ایلدی رخسار کل ✽
- ✽ صنادی مرآت ضمیر پاکدن ژنکار کل ✽
- ✽ جام دوت ساقی که کلبنار کل اظهار ایتدیار ✽
- ✽ سندخی بر کلبن رعنا سن ایت اظهار کل ✽
- ✽ کلام اولدم کیم اوله اظهار حکمت قیله ✽
- ✽ انشراح صدر ایله صدر صف ازهار کل ✽
- ✽ یتدی اول موسم که اچماغه کوکلملر ملکنی ✽
- ✽ اوله کلشنده ریاحین خیلنه سردار کل ✽
- ✽ آدم ایسک باغی سیران ایله بومو سمدیه کیم ✽
- ✽ باغی رنگ و بویله قیلدی بهشت آثار کل ✽
- ✽ چارسوی باغ سیرانی بو کون مرغوبدر ✽
- ✽ کیم شکوفه آنده صراف اوادی و عطار کل ✽
- ✽ چقمش لیکن بزم کلشندن ینه عود ایلوب ✽
- ✽ جام می آکدر دی اهل توبه یه تکرار کل ✽
- ✽ حبسدن یوسف چقوب سلطان مصر اولمش کی ✽
- ✽ اولدی آچوب غنچه سن آرایش کلزار کل ✽
- ✽ صان زایخا خلوتیدر غنچه در بسته کیم ✽
- ✽ چقدی آندن دامن چاکله یوسف وار کل ✽
- ✽ چاک اولوب بولمش صفاباد سحر دن صاندسن ✽
- ✽ بادد ر جبریل قلب احمد مختار کل ✽
- ✽ شبیم کلزار رخسار رسول الله در ✽
- ✽ نشر عطریله قیلور هر دم آنی اشعار کل ✽
- ✽ در شبیم صاچدی رنگین برک کلدن هر طرف ✽
- ✽ اهل خندان ایتدی خوبار کی کوه بار کل ✽
- ✽ صورت حالینه حیران ایلدی غافلاری ✽
- ✽ آچدی عرفان اهلنه کنجینه اسرار کل ✽
- ✽ سبزه اوزره کزدر باد صبا کل برکنی ✽
- ✽ صانکه سبزه آسماندر کوکب سیار کل ✽
- ✽ قیلدی پنهان غنچه تک لعب ایله کوزدن حقه سن ✽
- ✽ بولق اولمز هیچ رنگیله زهی عیار کل ✽



- ✽ یوزچو یرمش خاردن ایرملق ایستربی سبب ✽
- ✽ منعم ناکس کبی اصلندن ایلارکار کل ✽
- ✽ خار غیرت نوله کرصا بجلسه کلبن بغرنه ✽
- ✽ ایرلوب آندن اولورهم صحبت اغیار کل ✽
- ✽ یریدراودلاره یانسه حسرتیله خارکیم ✽
- ✽ آندن آلورزیب وزینت غیره اولوریار کل ✽
- ✽ بیوفالق عادت دوتمش آنکچوندر بوکیم ✽
- ✽ عمردن اولمز جهان باغنده برخوردار کل ✽
- ✽ قنغی بلبل قانی دوتمش بلزم کیم متصل ✽
- ✽ که اسیر غار اولور که مبتلای نار کل ✽
- ✽ سیر باغ ایتدم سحر کوردم آچوب مجموعه سن ✽
- ✽ حفظ ایدوب بومطلعی ایلردی استحضار کل ✽
- ✽ عاشق اولمش حسنکای سروخوش رفتار کل ✽
- ✽ چاک چاک ایتمش سنکچون سینئه افکار کل ✽
- ✽ کل نه نسبتدر سکاسندن اکا یوز فرق وار ✽
- ✽ سن بت پرده نشین سن شاهد بازار کل ✽
- ✽ ایله پنهان ایلش کو کسنده سر عشقی ✽
- ✽ کیم ایاغندن اصرار لرایلمز اظهار کل ✽
- ✽ توتیای چشم ایچون هر صبحدم یولردوتوب ✽
- ✽ خاک درگاهک صبادن ایلر استفسار کل ✽
- ✽ سیرکلزار ایتدک بیک کز صبادن فهم ایدوب ✽
- ✽ کنج زر قیلش مهیا قیلغه ایشار کل ✽
- ✽ برک کل صانمه که زرین خشتلر جمع ایلش ✽
- ✽ چکمه اول کنج زر حفظینه بر دیوار کل ✽
- ✽ تاسریر سبره یی دیرتمیه تحریک باد ✽
- ✽ سایه سندن اوردی هرلوحینه بر سمار کل ✽
- ✽ هر سحر کلزار لوحینه چکریوز دأره ✽
- ✽ غالباً منقار بلبلدن آلور پرکار کل ✽
- ✽ عیش ایچون کلشن شبستانن منور قیلغه ✽
- ✽ هر آغاچدن آصدی برقندیل بر الوار کل ✽
- ✽ بونجه قندیلی فروزان ایلدی امانه سود ✽



- ✽ دود دادن قیلدی بلبیل روز کارین تار کل
- ✽ دبار دنیایی فضای جنته دوندردی لیک
- ✽ غنچه کی بلبله دنیایی قیلدی طار کل
- ✽ بر زبان حالدر هر یپراغی فهم ایتسه لر
- ✽ پرده دار خاک اولنلردن ویرر اخبار کل
- ✽ بلبیل زار ایتسدو کی فریاد لر تأثیریدر
- ✽ بی سبب خواب عدمدن اولمش بیدار کل
- ✽ باغبان سلطان عادل دوریدر تنبیه قیل
- ✽ اورمسون گلزاره آتش ظلم ایدوب زهار کل
- ✽ جور الیه غنچه وش پیراغنن چاک ایتسون
- ✽ جنبش نامعتمدلن قیلسون استغفار کل
- ✽ یوقسه ناکه صورت حالی اولور سلطانہ عرض
- ✽ قهره اوغر ر مقتضای وضع ناهموار کل
- ✽ اول کل باغ خلافت کیم بهار دواتی
- ✽ عالم افروز اوله لی کورمز جفای خار کل
- ✽ اولدی دورنده هوا محبوس زندان حباب
- ✽ غالباً کورمش هوادن شمه آزار کل
- ✽ برك کل کز درمز اولدی محمل باد صبا
- ✽ حدی یوق کیم چکدوره باد صباه بار کل
- ✽ صرصر قهر جهان سوزندن آکاء اوله لی
- ✽ آچرز اولدی بوستان فتنه اشرار کل
- ✽ خلوت لطفینه درنور دل دشمن چراغ
- ✽ کلشن قهرینه در داغ دل کفار کل
- ✽ شاه دین سلطان سلیمان سعادت مند کیم
- ✽ کسب ایدر خلق خوشندن نزهت اطوار کل
- ✽ باشه چانش مهرنی روز ازادن چرخ پیر
- ✽ ایله کیم کلر خارايله زینت دستار کل
- ✽ انقلاب دوردن بولزدی هرگز اختلال
- ✽ آکسه اندن حکمنه فرمان استمرار کل
- ✽ ذوق بازارنده بولزدی بور نکیله رواج
- ✽ ایتسیدی نقش مهرین سکه دینار کل



- ✽ اولغیچون مطرب بزنی دوتوب بر دائره ✽
- ✽ اوکره نور هر صبح بلبلدن فن ادوار کل ✽
- ✽ مطبخ جودینه کیم دودینه سنبلدر غلام ✽
- ✽ خارکشک صنعتی دوتمش دکل بیکار کل ✽
- ✽ قورتلور فتح ایتدوکی کشور بلای فتنه دن ✽
- ✽ کیم آچالقدده دیکندن آریلور ناچار کل ✽
- ✽ شرح ایدوب سوسنلره اوصاف خلقن نیجه کیم ✽
- ✽ غنچه دن هر صبح آچوب کلشنده یوز طومار کل ✽
- ✽ قطره شبنم مید ریال آچوب سائل کی ✽
- ✽ خازن لطفندن آلمش لؤلؤ شهوار کل ✽
- ✽ قویمیوب دورنده ویران کار گاه کلینی ✽
- ✽ برایاغ اوزره دوروب اولمش اکامه مار کل ✽
- ✽ عدلی ایامنده شبنم صائمکز کیم بلبلیک ✽
- ✽ آچه سن قویننده حفظ ایتمش اولوب غمخوار کل ✽
- ✽ دامن باکیله اول بهجت فزای ملک در ✽
- ✽ کرجهان باغنده جنت کلارندن وار کل ✽
- ✽ وضع عالمدن فلك مقصودی اولدی کیم اولور ✽
- ✽ بسلیکدن خاری منظور اولو الابصار کل ✽
- ✽ قدرنه ویرمز خلل خاريله قلمغ التفات ✽
- ✽ زیبوزینت ویردیکچون خاره اولمز خار کل ✽
- ✽ میوه اول سلطان عادلدن نهال دوانه ✽
- ✽ سابقا کلمش سلاطین فلك مقدار کل ✽
- ✽ نوله کر سابقلر اولدیه فنا اولدر غرض ✽
- ✽ میوه کوسترد کده دوکمک رسمدر اشجار کل ✽
- ✽ قیل فضولی مدحن اول شاهک که باغ مدحن ✽
- ✽ بلبلی اولور دی بواسه قوت کفتار کل ✽
- ✽ کرچه یوقدر اعتبارک مدحن ایت اظهار کیم ✽
- ✽ عادت دور زماندر خاره ویرمک بار کل ✽
- ✽ وار امیدم نیجه کیم رسم مدار دهر در ✽
- ✽ یلده برکز عالمه عرض ایلمک دیدار کل ✽
- ✽ فتح باغندن اکاهردم خلاف باغ دهر ✽
- ✽ تازه تازه آچه لطف ایزد جبار کل ✽



- ✽ تشنهٔ جام وصالک آب حیوان استمز ✽
- ✽ مائل مور خطک ملک سلیان استمز ✽
- ✽ ظلمت زلفک گرفتاری دم اورمز نوردن ✽
- ✽ طالب شمع رخک خورشید رخشان استمز ✽
- ✽ ایلمز میل بهشت افتادهٔ خاک درک ✽
- ✽ ساکن کنج غمک سیر گلستان استمز ✽
- ✽ جوردن آه ایتمه ای عاشق که عین لطفدر ✽
- ✽ دوست اسباب کمال حسنه نقصان استمز ✽
- ✽ عشقدن آه ایتمسون عاشق یقر کوکلم دیو ✽
- ✽ هیچ سلطانم دین ملکینی ویران استمز ✽
- ✽ ای فضولی متصل دوران مخالفدر سکا ✽
- ✽ غالباً ارباب استعدادی دوران استمز ✽

✽ فطنت خانم ✽

✽ بهاریه برای سلطان محمود خان ✽

- ✽ دم نور وزایر شدی گلشنه فصل بهار اولدی ✽
- ✽ ینه آثار فیض قدرت حق آشکار اولدی ✽
- ✽ ایدوب نشو نما ازهار گلزاره نسیم فیض ✽
- ✽ آچلدی غنچه لر شوقیه جور بیقرار اولدی ✽
- ✽ کشاده اولدی خاطر لر قدوم نو بهاریدن ✽
- ✽ ایدنجه خنده کلر بلبل شوریده زار اولدی ✽
- ✽ بهار ایتدی چمنده کوییا بر بزم جم ترتیب ✽
- ✽ ینه زرین قدح دستنده جام زرینکار اولدی ✽
- ✽ صراخی وش دیزلدی لاله لر سخن چمنزاره ✽
- ✽ تماشا ایلوب بو بزم دلار نشئه دار اولدی ✽
- ✽ کوزاچدی خوابدن ترکس صارلدی یاسمن سروه ✽
- ✽ اویندی بخت عاشق موسم ذوق کنار اولدی ✽
- ✽ اولنجه نفحهٔ باد بهار ایله چمن احیا ✽



- ☀ که رأی آینه چهره صواب اولدی ☀
- ☀ او بر کزیده عثمانیا نکم اقبالی ☀
- ☀ قدم نهنده اجرام نه قباب اولدی ☀
- ☀ فضای اوجده خیط الشعاع خورشیدی ☀
- ☀ خیام دولته زرفشان طناب اولدی ☀
- ☀ محیط کوزه جودنده قطره ناچیز ☀
- ☀ نه آسمان یم لطفنده پرجاب اولدی ☀
- ☀ ارتدی بیضه ماهی هلال ایدنجه فاک ☀
- ☀ میان صولته تیغ شعله تاب اولدی ☀
- ☀ اولوب وزنده نسیم بهار انصافی ☀
- ☀ جنود فتنه بزیر حاف خواب اولدی ☀
- ☀ فغان ایدرغم عالمه یوق زمانده ☀
- ☀ مکر که ناله بهوده ذباب اولدی ☀
- ☀ حرمسرای شکوهنده مکرین کنجشک ☀
- ☀ کمال زور ایله ناخن زن عقاب اولدی ☀
- ☀ اولنجه ساحه کهساره منتشر عدلی ☀
- ☀ غزاله پنجه شیران سریر خواب اولدی ☀
- ☀ دم بهارده باران وکل خوی افشاند ☀
- ☀ که دست جودی خجالت رس سحاب اولدی ☀
- ☀ اوشه سوار صف ارای کامر انیکم ☀
- ☀ مکت حشمتیه ماه نور کاب اولدی ☀
- ☀ زهی سمند ثریا قسطاس چاپکیمای ☀
- ☀ که همچو صاعقه اولدم که پرشتاب اولدی ☀
- ☀ مکن شراره نعلی هلال رسمیدر ☀
- ☀ صعود ایدوب فلک شعله شهاب اولدی ☀
- ☀ اوخنک بامره جولانکه پیک اندیشه ☀
- ☀ دم مسابقه پسمانده حجاب اولدی ☀
- ☀ خدا یکنانه دهر اشه فاک قدرا ☀
- ☀ معارف اهلنه لطفک که بحساب اولدی ☀
- ☀ قصیده نظرایت عاطفتلو خنکادم ☀
- ☀ بو عرض حاله فقط شفقتک جواب اولدی ☀



- ✽ فلک دیدکاری نابرقراردن فریاد ✽
- ✽ که دل النده ستم خورده عقاب اولدی ✽
- ✽ بوتکنای فلا کتده قلب نشاده ✽
- ✽ همیشه کاری انک رنجش عذاب اولدی ✽
- ✽ درونی آتش محنتله ایلیوب پرداغ ✽
- ✽ تنور سینه ده نحت جگر کباب اولدی ✽
- ✽ فلاخن ستمی سنکسار ضجرت ایدوب ✽
- ✽ مثال خاطر عاشق کوکل خراب اولدی ✽
- ✽ سپهر کینه ور بدمنش خیالنده ✽
- ✽ بو گونه بر عزله نخل خامه میوه دار اولدی ✽
- ✽ عذار آلك اوزره خط مشکین آشکار اولدی ✽
- ✽ کورنلر صاندیلر کیم آتسه عنبر نثار اولدی ✽
- ✽ کوروب اول نخل باغ عشوه نک روی عرفناکن ✽
- ✽ دکدر ژاله یریدر دوکوب کل شرمسار اولدی ✽
- ✽ نه ممکن پنجه عشق و محبتدن اوله آزاد ✽
- ✽ ینه مرغ دلم برچشمی شهبازه شکار اولدی ✽
- ✽ پیام زلف و خدیله صبا وارد قجه گلزاره ✽
- ✽ اولوب سنبل پریشان لاله وکل داغدار اولدی ✽
- ✽ آلوب دور خطنده بوسه سن اولی قدموزونک ✽
- ✽ نهال کلشن امیدیز پر برک و بار اولدی ✽
- ✽ عجب کلک سخنور کانمیدر دریامیدر بلم ✽
- ✽ که وصف شاه عالمه در و کوهر نثار اولدی ✽
- ✽ شهنشاه زمان محمود خان مکرمت پیرا ✽
- ✽ جهان شوکت و شان شه صاحب وقار اولدی ✽
- ✽ اوسلطان معظم شهر یار هفت کشور کیم ✽
- ✽ انک فغفور و خافان بند کانندن شمار اولدی ✽
- ✽ نیجه تشبیه اولور اسکندر و دارایه دارامی ✽
- ✽ که دربان دری کیخسرو اسفندیار اولدی ✽
- ✽ زمین و آسمانه صالدی پرتو نیر ذاتی ✽
- ✽ سپهر دولت و اقباله مهری تابدار اولدی ✽
- ✽ امید بابوس رخس اقبالی ایچون هر کون ✽



- \* کلوب خورشید درگاهنده فرش رهگذار اولدی \*
- \* اولور آسوده دلار روزگار کرم و سردندن \*
- \* گلستان جهانہ رحی نخل سایہ دار اولدی \*
- \* اولوب صحرارہ حفظی نکہ بیان عہد لطفندہ \*
- \* کینام شیرنر آہولرہ جای قرار اولدی \*
- \* بتر فطنت دعاہ بشلہ اطناب سخن ایتہ \*
- \* کہ اوصاف انک بیحد و پایان بی شمار اولدی \*
- \* ہمیشہ دائم ایتسون شوکت واجلال ایلہ مولی \*
- \* وجودی تاج و تختہ تابمشر افتخار اولدی \*
- \* اولہ کلشنسرای سلطنتدہ کل کی خندان \*
- \* دینلدجہ شتایکدی زمان نو بہار اولدی \*

﴿ فطنت خام ﴾

﴿ غزل ﴾

- \* نکاه مرحت قیل عاشق بیمارہ کل جانا \*
- \* لبکدن جان بغشلہ باز ایلہ گفتارہ کل جانا \*
- \* نجیل اولسون کوروب زلفک بنفشہ رخلرک کلر \*
- \* دو کوب رخسار یکہ کاکلاری کلزارہ کل جانا \*
- \* بجای ایت لطف و مہرک پیرو اولمہ چرخ یککردہ \*
- \* ایدوب عشاقہ جور ایتہ کرم اغیارہ کل جانا \*
- \* یولکدہ پایمالک اولمق استرعرعرو شمشاد \*
- \* چندہ قامت بالا ایلہ رفتارہ کل جانا \*
- \* خراب ایلر جہانی سرتسر آشوب و فتنہ یلہ \*
- \* کرم قیل و یرمہ رخصت غزہ مکارہ کل جانا \*
- \* ترجم ایت طیب عاشقما نسن فطنت زارک \*
- \* دل بیمارینہ لطف ایلہ قیل برچارہ کل جانا \*

﴿ فؤاد پاشا ﴾

﴿ غزل ﴾

- \* صائمہ سن زلف سیاهن ای کوکل طومار مار \*
- \* ایلش ہر تاریخی حق کوی ایچون دلداردار \*



- ✽ ایکی ابرو قبلہ سیدی سجدہ گاہ عاشقان ✽
- ✽ خطی کلدی اول بتک شمدی اولور ناچار چار ✽
- ✽ میوہ وصلان کھی اظہار ایدر اول غزال ✽
- ✽ رونمودہ اولیور عالمہ باق ہر بار بار ✽
- ✽ سن ترسم ایتدک ای کل فغان وآہمد ✽
- ✽ نالہ بلبل ایچون اولش بتون کلزار زار ✽
- ✽ زہر مردم کشدن امید شفا ایتہ عبث ✽
- ✽ اولہ ممکنہی فواد اسکا ہیج اغیار یار ✽

﴿ سلیمان فہیم ﴾

﴿ غزل ﴾

- ✽ کردن صافی کورندی فروہ سموردن ✽
- ✽ طوغندی کویادر انور لیلہ دیچوردن ✽
- ✽ فس کنارندن تماشا ایلدم کیسولرک ✽
- ✽ ہی عجب سنبل بدید اولش کل مسوردن ✽
- ✽ مومیانک ایدہ من تصویر بہزاد خیال ✽
- ✽ خامہ مویا پسہ کر من کان چشم موردن ✽
- ✽ مردم چشم پرستش ایتدہ رخسارینہ ✽
- ✽ شمع بزم حسنک پروانہ سی وار نوردن ✽
- ✽ صف مژگاندن سجدی تیغ برکف غزمہ سی ✽
- ✽ جلہ ایتدی کویا میرا لای طاوردن ✽
- ✽ اول طیب ناز سوردی سینہ موزرہ سینہ سن ✽
- ✽ یارہ دل بولدی صحت مرہم کافوردن ✽
- ✽ شوق حسن یاردن دل ایلدی کسب ضیا ✽
- ✽ اقتباس ایلہ قر نوری شعاع حوردن ✽
- ✽ بعض عشاقہ تجلی ایلدی انوار عشق ✽
- ✽ ہر چراغ دل او یانہ ز شعلہ زار طور دن ✽
- ✽ ذات حق منظور اولور اسماء و اشیاہ عیان ✽
- ✽ دار توحیدہ نظر قیل منزل منصور دن ✽
- ✽ زاہد کیفیت تقوی بزی سرمست ایدر ✽
- ✽ سجدہ اوراد من وار دانہ انکوردن ✽



- ✽ دور اولان خاک وطندن آه ایدر بی اشتباه ✽
- ✽ پک مبرهندر بو دعوی ناله فغور دن ✽
- ✽ کسر خاطر ایلیان نقش مجازاتی کور ر ✽
- ✽ صورت بد عکس ایدر آینه مکسور دن ✽
- ✽ راحت استرسن تقرب اتمه باب دولته ✽
- ✽ کرچه آواز دهلیک خوش کلور مش دور دن ✽
- ✽ لذت وصلت بلنمز چکمینجه فرقتک ✽
- ✽ عافیت قدرین سؤال ایت خسته رنجور دن ✽
- ✽ شهد راحت کسب ایدر تدبیر منزل ایلین ✽
- ✽ الدی ار باب حکم بو عبرتی زنبور دن ✽
- ✽ صاف دلر حفظ اسرار ایلز افشا ایدر ✽
- ✽ سترمی مأمول اولور می کاسه بلاور دن ✽
- ✽ نائل بزم تجلی وصال اولمش ازل ✽
- ✽ نشئه یاب اولز کوکل وصف بهشت و حور دن ✽
- ✽ لرزنک اولمقدم تاب محبتله فهم ✽
- ✽ خلق اولمشدر وجودم خاک نیشاوردن ✽

✽ سلیمان فهم ✽

✽ غزل ✽

- ✽ قدح لبریز اولوب کلغام اولنجهرنک صهبان ✽
- ✽ صدای ناله بلبل کلور کلبانک مینادن ✽
- ✽ کیدرمی سینه اهل محبتدن خیال یار ✽
- ✽ نیجه منفک اولور صورت هیولای مرایان ✽
- ✽ کل رخسارینی آزرده ایتش خار مرکانم ✽
- ✽ نگاه انداز اولنجهره روزن باغ تمنادن ✽
- ✽ هوای پرچی طول املدر دوشمه اول قیده ✽
- ✽ رها بولمزیسین ای دیوانه دل زنجیر سودادن ✽
- ✽ وصال حوری زاهدیاد ایدوب پر نشئه اولزمی ✽
- ✽ حلاوتیاب اولور مفلس اولنار مال خنیادن ✽
- ✽ نهایت عزت ایتکدن غرض تحصیل شهرتدر ✽



- ❁ بونی ادراك ایدرار باب وقت حال عنقادن ❁
- ❁ بولوردورتسلسل وصف زلفن ایلمسم تقریر ❁
- ❁ بلند درقامتی دیرسم اوزار سوزنخل طوبادن ❁
- ❁ دکلدر ناله قیس دله بخت سییه مانع ❁
- ❁ اولورد ملبسته دایم سرده ریز چشم ایلادن ❁
- ❁ اوشوخ نازک اندامه عجبکم ایتدی تأثیر ❁
- ❁ فهمما نازک آهم پکرکن سنک خارادن ❁

❁ قبولی پاشا ❁

❁ غزل ❁

- ❁ سوره واللیل یازوب صفحه رخساره خط ❁
- ❁ ایلادی مجنون ینه چوق عاشق آواره خط ❁
- ❁ منعکس بخت سیاه ودود آهمدر بنم ❁
- ❁ صانمه صرآت رخ براقی قیلدی قاره خط ❁
- ❁ خط ریحانی ایله فرمان ویردی شاه حسن ❁
- ❁ موروش اول یوزدن اوشدی لعل سکر باره خط ❁
- ❁ روز روشن دیده عاشقاره تاریکدر ❁
- ❁ پرده شبرنگ اولمش رؤیت دیداره خط ❁
- ❁ هر وجهدن خوش کلور طبعه قبولی طوغریسی ❁
- ❁ زینت افزای جمال یارددر همواره خط ❁

❁ کامل پاشا ❁

❁ غزل ❁

- ❁ شاه خوبانه نازاید کواکیم ❁
- ❁ کاهی عرض نیازاید کواکیم ❁
- ❁ آتش فرقتیه یاند قجه ❁
- ❁ موسم دیده یازاید کواکیم ❁
- ❁ دامن آلوده مناهیدر ❁
- ❁ توبه دن احترازاید کواکیم ❁
- ❁ کعبه مطلبه ایرر برکون ❁



- ✽ آرزوی مجاز ایدر کوکلم ✽
  - ✽ جستجو ده حقیقت عالمی ✽
  - ✽ کشت دشت مجاز ایدر کوکلم ✽
  - ✽ سمت یاری تصویر ایتدیکه ✽
  - ✽ طی دور و دراز ایدر کوکلم ✽
  - ✽ سرینه کامل اولدک آگاه ✽
  - ✽ صانعه کیم کشف راز ایدر کوکلم ✽
- 

﴿ کمال پاشا ✽ ﴾

﴿ غزل ﴾

- ✽ کور سمدده صد هزار حقارت اوشو خدن ✽
  - ✽ گلزیننه لسانه شکایت اوشو خدن ✽
  - ✽ رومالی زمین رجادن نه فائده ✽
  - ✽ یوقدر امید لطف و عنایت اوشو خدن ✽
  - ✽ عشاق ایچنده باشلیجه برداستان اولور ✽
  - ✽ چکد کارم اولنسه حکایت اوشو خدن ✽
  - ✽ بلزمی عالمی اوقدر ایتسون غرور ✽
  - ✽ زائل اولور بو حسن و ملاححت اوشو خدن ✽
  - ✽ جان و یرمک عاشق سبب اقتضار یدر ✽
  - ✽ بندن فدای روح و اشارت اوشو خدن ✽
  - ✽ هب جور و بیو فالغنه قاتلنوردی دل ✽
  - ✽ بر کره کورمش اولسه رعایت اوشو خدن ✽
  - ✽ بیک کره کونده ایتسه جفا یاقسه جانمی ✽
  - ✽ ممکن دکل کمال فراغت اوشو خدن ✽
- 

﴿ لایلا خانم ✽ ﴾

﴿ بهاریه در حق هبته الله سلطان ✽ ﴾

- ✽ بهار ایامی کلدی باشلدی بلبلر افغانه ✽
- ✽ نوله رشک ایلسه جنت بو موسمده گلستانه ✽
- ✽ آقرصولر سرشک عاشقان آساخروش ایتدی ✽
- ✽ لب جوده کورنجه سروی بکزر قد خوبانه ✽



- ✽ نهر عنایا سمنلر سینه دلبر کی اما ✽
- ✽ هله پک بکره یور شتوده کیسوی جوانانه ✽
- ✽ رخ دلداره بکر لاله لر کلر قرقلار ✽
- ✽ محصل هربری بر ذوق بخش ایتزمی انسانه ✽
- ✽ ولی نعمتم اول سویه تشریف ایلمش برکز ✽
- ✽ سرورندن شقایق قبهزل اولمشدی دیوانه ✽
- ✽ بنفشه ایتمه هر جای مسکن طرح کلشنده ✽
- ✽ قنی هر جای دلبرحمی یوقی داغ پنهانه ✽
- ✽ بحمدالله جناب حضرت سلطان عالیشان ✽
- ✽ قدومیه طراوت ویردی برقات سنبلستانه ✽
- ✽ دمادم عندلیب افغان ایدوب عرض ایلراحوالن ✽
- ✽ لسان حاله کویا هسته الله سلطانه ✽
- ✽ پریشان اولدی عقیلم زلف دلبر کی حیرتله ✽
- ✽ ایدنجه چشم عبرتله نظر بوفیض یزدانه ✽
- ✽ بتوردم گلستان خاوه دن برتازه وترکم ✽
- ✽ غزل طرزنده کویا بکره دی برورد خندانه ✽
- ✽ نندر ایتز اولدی آتشم تأثیر جانانه ✽
- ✽ یانوب یاقادیغم کوردنجه حیران اولدی پروانه ✽
- ✽ طوتشدی قالمدی قطع اتمده مولرم بربر ✽
- ✽ فتیل افروز اولنجه شمع عشقی سینه جانانه ✽
- ✽ درکونیده فریاد ایلمسده ایلمه تعیب ✽
- ✽ کدار حالی عرض ایلر البت شاه دورانه ✽
- ✽ کورنجه چشمنی الله الله اولدی فریادم ✽
- ✽ او کافر مرتحت ایتزمی ایا اهل ایمانه ✽
- ✽ کوزلر عاشقان دلخستکانه ظلمی آزایتسون ✽
- ✽ دل بیمار مز طاق کتورمز جور خوبانه ✽
- ✽ دل محزونمز باغ جهانیه النفات ایتز ✽
- ✽ نوله بکر رسه داخی آنده نرکس چشم جانانه ✽
- ✽ ینه دل لاله آساده غدار اولدی فراقکله ✽
- ✽ بونار عشقه لیلا قومشدر باشی میدانه ✽
- ✽ بونباغ عالمک خار و خسندن ابکم اولمشدم ✽



- ✽ بهار طبعم اولشکن بکابو غلامیکانه ✽
  - ✽ کوروب نور جمالن غنچه امیدم آچلیدی ✽
  - ✽ صفابخش ایتدی اشعارم ینه بوجان نالانه ✽
  - ✽ نوله فخر ایلسه لیلاقولی شمدنکر وزیرا ✽
  - ✽ کشیده قیلیدی نام حضرت سلطانی دیوانه ✽
  - ✽ دکل ای خامه وصف ذاتی بروجهله حدک ✽
  - ✽ دعا ایله حضور قلبله سلطان دیشانه ✽
  - ✽ خدا اکسکاکن کوستر میه بو عبد ناچیزه ✽
  - ✽ امانت اوله الحق ذاتی حی رب منانه ✽
  - ✽ کل طبعی آچلسون بیک سنه بوباغ عالمده ✽
  - ✽ آنی باغشلیه مولی شهنشاه جهانبانه ✽
  - ✽ ککستان ایچره اوراد زبان بلبیلان اولسون ✽
  - ✽ قصیده مدح سلطان ایله غیری ایردی پایانه ✽
- 

﴿ لایلا خانم ﴾

﴿ غزل ﴾

- ✽ سرشکم سوند رومی آتش عشق بنم جانا ✽
- ✽ دل پرسوزمی تسکین ایدرمی هیچ یدی دریا ✽
- ✽ رقیبک خانه سنده هر کجه ذوق ایلراول ماهم ✽
- ✽ کورنمز عاشق بیچاره به اما هلال آسا ✽
- ✽ ینه اغیار ایله هم مجلس اولمشسن ایشتم بن ✽
- ✽ نلروار قلب عاشقده سکان سویلم آما ✽
- ✽ بورتبه عاشق مجروحنه جور و جفا یتمه ✽
- ✽ بولور سن روز محشرده بکایتد کلرک فردا ✽
- ✽ سکان عالم عرض ایتدیکه ظلمک ایلدک افزون ✽
- ✽ فتادهک پایکه دوشدیکه سن ایلر سن استغنا ✽
- ✽ افندم زلفک زنجیرینه لیلایی ربط ایله ✽
- ✽ قزل دیوانه اولدی لبرک یاد ایلوب زیرا ✽
- ✽ نیجه بن اولیم اول درکیم ممنون احسانی ✽
- ✽ بتون فطنتده کی فیضی بکابخش ایتدی مولانا ✽



- \* خورشید رخکدن ضمافع نقاب ایت \*
- \* مهر فدا کی شرمه مستور حجاب ایت \*
- \* دل مرده سی محتاج سیحای دمکدر \*
- \* براغف خطاب ایله ده استرسن عتاب ایت \*
- \* آج سینۀ سیمینکی مرآتہ مقابل \*
- \* نجلہ ده قو آینه یی پر زنگ حجاب ایت \*
- \* تنها او تور وب غم یمه دنیا ایچون ای شوخ \*
- \* جمعیت زندانه بیور نوش شراب ایت \*
- \* افتاده لک حقنه سویلتمه رقیبی \*
- \* لطف ایت آنی کسدر نه سوال ایت نه جواب ایت \*
- \* مخلص ایوباق دفتر الطاف خدایه \*
- \* نه مصرفی قیدایله نه ایرادی حساب ایت \*

- \* درد عشق مر دصاحب زور شکن کویستر \*
- \* که هلا کو کا هیجه تیمور شکن کویستر \*
- \* هر کسه حالجه وار در بر تجلیکاه عشق \*
- \* بیستون فرهاده کوه طور شکن کویستر \*
- \* یانمغه مجبور ایدن بیلم ندر پروانه یی \*
- \* واریسه نار اهل عشقه نور شکن کویستر \*
- \* دلدۀ آتش سرده دود و اشک یم دودیده چرخ \*
- \* جسم عاشق صورتا واپور شکن کویستر \*
- \* نشۀ ذایتیدر چشمنده جانانک عجب \*
- \* هر نکهده عاشقه مخور شکن کویستر \*
- \* بویله دیر لر ماک محویتد و رسم دواتی \*
- \* کیم سلیمان نجاه اولور سه مور شکن کویستر \*



- \* بکزر زار باب ریانک حالی اول کاشانه به \*
- \* ایچ یوزی ویران دیشی معمور شکن کوستر \*
- \* غیرت ارباب عشقه آفرین صد آفرین \*
- \* دایم محزون ایکنی مسرور شکن کوستر \*
- \* بریر خساره چار پلد قکه مخلص الامان \*
- \* صورتا انساندر اما حور شکن کوستر \*

\* اسعد مخلص پاشا \*

\* غزل \*

- \* دمبدم یاده کلور چشم سیه کارک اوچی \*
- \* دله کویا طوقنور خنجر خونخوارک اوچی \*
- \* یقاسن دست ملامتده قومز عاشق زار \*
- \* یدامکانه ایکن دامن انکارک اوچی \*
- \* قیل طولاشمش قلمه دوندی زبان وصفنده \*
- \* کاکل یاره طوقنمش کی گفتارک اوچی \*
- \* کل شومعنایه کلر بلبل کرینده سینه \*
- \* دردمندک ینه باتمش کوزینه خارک اوخی \*
- \* استقامتده کر کدر روش صدق وثبات \*
- \* قدمن مر کزه قور دور ده پرکارک اوچی \*
- \* ردخی مرتبط سوزن تد بیر اوله مز \*
- \* دست افشایه کیرن رشته اسرارک اوچی \*
- \* ینه تیغ نکمندمی دم اورمش مخلص \*
- \* خونچکان اوله ده درخامه اشعارک اوچی \*

\* اسعد مخلص پاشا \*

\* غزل \*

- \* کاه کل که شمه بکز تدم رخ جانانه بی \*
- \* بلبل و پروانه حال ایتدم دل دیوانه بی \*
- \* پک مؤثر در نوای اهل دل اهل دله \*
- \* ناله جانسوز بلبلدر یقان پروانه بی \*
- \* آفت فتردن اولمز خانه وصلت تهی \*



- ✽ بابل آنکچون نه مال کلدە یاپمز لانه یی ✽
- ✽ شاهد نازندە کلدە خیال زاف ایدن ✽
- ✽ ایلسون مژکان بلبیدن تصور شانه یی ✽
- ✽ اغده یاد رخک زندانه ویردی بشقه حال ✽
- ✽ نغمه بلبیل صانوردق نهره مستانه یی ✽
- ✽ خلق عالم بالطبع حب وطن مجبور یدر ✽
- ✽ بیک کلهستانه دکشمز بوم برویرانه یی ✽
- ✽ مخلصا نقل حکایات کل و بلبیل ایله ✽
- ✽ عشقه ایتدم آشنا بر دلبر بیکانه یی ✽

﴿ اسعد مخلص پاشا ﴾

﴿ تخمیس ﴾

- ✽ لشکر غم کلدی بغداد دل ازادیمه ✽
- ✽ بر بر آتش اوردی بنیاد سرور و شادیمه ✽
- ✽ کورسه رحم ایله رها کوناله و فریادیمه ✽
- ✽ کسه دن امید استمداد کلز یادیمه ✽
- ✽ ای بنم فریاد رس ربم یتش امدادیمه ✽
- ✽ شهر دل اطرافنه اردو قوروب سردار غم ✽
- ✽ برج و بارو سینه اول جمله ده دیکدی علم ✽
- ✽ ضرب طوب قهر ایله یقینده امدادیمه ✽
- ✽ کسه دن امید استمداد کلز یادیمه ✽
- ✽ ای بنم فریاد رس ربم یتش امدادیمه ✽
- ✽ هر طرفدن چند محنت حصار دیوب حصن تنم ✽
- ✽ یکدر الله یک چاغر مقدر همیشه شیونم ✽
- ✽ بر طرفدن قائم دی امداد مأمولم بنم ✽
- ✽ کسه دن امید استمداد کلز یادیمه ✽
- ✽ ای بنم فریاد رس ربم یتش امدادیمه ✽
- ✽ نصرتی خاص ایتدی ذات پاکنه رب قدیر ✽
- ✽ قولنه هر حالده اولدر معین و دستگیر ✽
- ✽ اولدر انجق ملجاء شاه و کدایای و فقیر ✽



- ☀ کسه دن امید استمداد گلز یاد یمه ☀  
 ☀ ای بنم فریاد رس ربم یتش امدا دیمه ☀  
 ☀ هرا مورنده ایدوب عون خدایه ربطال ☀  
 ☀ یاد ایدوب بو مطلع غرای بر صاحب کمال ☀  
 ☀ مطلع اما حسب حال مخلص شوریده حال ☀  
 ☀ کسه دن امید استمداد گلز یاد یمه ☀  
 ☀ ای بنم فریاد رس ربم یتش امدا دیمه ☀
- 

﴿ مدحت پاشا ﴾

﴿ غزل ﴾

- ☀ کوروب ظن ایله جاناشهاب اسمندر بو ☀  
 ☀ کو که چیقمش شرارد و دآه عاشقاندربو ☀  
 ☀ عجمی قیس وش صحرا نورد و وحشت اولدمسه ☀  
 ☀ جهانده عاشق دیوانه دیرلر نام وشاندر بو ☀  
 ☀ نیچون صق صق قرار سن قلبی مانند باز یچه ☀  
 ☀ اوصاندر دك بنی ای طفل نازم هر زماندر بو ☀  
 ☀ بهار حسنکی باران اشکم ایندی پرورده ☀  
 ☀ زمانیه بنم کوزد یکدیکم برنوجواندر بو ☀  
 ☀ جناب مخلصه مدحت دکل مقصود پیروك ☀  
 ☀ کال عجز می تفهیم ایچون برتر جاندر بو ☀
- 

﴿ انطاکیه لی منیف ﴾

﴿ درستایش صدر سابق ابراهیم پاشا ﴾

- ☀ کادی ینه بو دور دلارای روز کار ☀ کیم رشك جنت اولدی زوایای روز کار ☀  
 ☀ فیض نسیم بهجت ایله اولدی منجلی ☀ کرد فتور ساحه غبرای روز کار ☀  
 ☀ ایتدی توافر اولقدر اسباب کام ل ☀ نازه مبدل اولدی مدارای روز کار ☀  
 ☀ افاقه نشر مرده ایچون فرط پویه دن ☀ اولدی کلیل پیک سبک پای روز کار ☀  
 ☀ اولدی فرو نشین بن حفره عدم ☀ منت خدایه فتنه بر پای روز کار ☀  
 ☀ تئیر فیض عاطفت کرد کار ایله ☀ بار آور ازادی مثل تنای روز کار ☀  
 ☀ اولدی شیوع امن رفاه ایله بر طرف ☀ دلدن غبار یم تقاضای روز کار ☀



- \* کتدی اودمکه کتمش ایدی جمله اهل دل \* خاطر فکر شیوه بیجای روز کار \*
- \* کلدی اودمکه خاطره هیچ ایلتی خطور \* بیم سهر سرکش و پروای روز کار \*
- \* حرف اشنای شکر شکورا وله رق زبان \* بیگانه اولدی معنی شکوای روز کار \*
- \* اولدی هله نتیجه پذیر موافقت \* عکس مقدمات قضایای روز کار \*
- \* ایجاب امن و سلب اسالیب فته در \* شمیدی مال صورت و معنای روز کار \*
- \* بولدی کمال مرتبه شیرازه نظام \* اوراق بی روابط اجزای روز کار \*
- \* تبشیر نیل کام و نوید مرام ایله \* یارانه مخاصانه در انهای روز کار \*
- \* بروفق آرزو او قدر کردش اوزره کیم \* عهد و فایه سبق ایدر ایفای روز کار \*
- \* اولمش دکلدی کوش زد چرخ بویله هیچ \* امرینه اهل حاجتک اصغای روز کار \*
- \* مرعی اودکلو امر مواسات کوییا \* حکم مطاع آصف یکتای روز کار \*
- \* اول آصف زمانه که مکر غلامیدر \* افر آسیاب و بهمن و دارای روز کار \*
- \* اول صفدر فرید که ثانی کوهری \* بر پادشاهه اولدی اهدای روز کار \*
- \* اول داوود زمانه که خورشید را ییدر \* دلجوی سوز لیلای ظلمای روز کار \*
- \* اول کیم ایدر بوکونه سراغ از مدحنه \* شهنامه خوان انجمن ارای روز کار \*
- \* قطب مدار معدلت و کان مکرمت \* دستور بیدانی و همتای روز کار \*

\* صدر ظفر مدار و نریمان عصر کیم \*

\* یکتا سوار عرصه هیچای روز کار \*

- \* رخشنده مهر انجمن افروز کائنات \* تابنده ماه مملکت ارای روز کار \*
- \* یعنی سمی خدر سل ملتجای کل \* صدر کریم راتبه بخشای روز کار \*
- \* اول کیم هر اس سطوت قهریه اولدی تنک \* خیل عدویه عرصه پهنای روز کار \*
- \* اول کیم لهیب صاعقه تاب تیغیدر \* آتش فشان خرمن اعدای روز کار \*
- \* اول کیم صدای شان و شکوهن حق ایلتش \* سیلاب خانمان اشرای روز کار \*
- \* اول کیم هزار مر حله دن ایتدی رویال \* پاینده نیجه خصم توانای روز کار \*
- \* اول ناظم مناظم عالم که رأینه \* وابسته انتظام برایای روز کار \*
- \* والا کهر مشیر موقر که ذاتیدر \* رونق فروز صدر معالای روز کار \*
- \* کھف ام که در که والا جناییدر \* لطف و کرمله مرجع و مأوای روز کار \*
- \* ویرانه ساز ملاک گروه ملاحده \* رایت فراز ملت بیضای روز کار \*
- \* پرهیز و اتقاده مدائی بایزید \* فضل و هنر ده بوعلی سینای روز کار \*
- \* رای مسلم دل روشن دلان دهر \* اماده حکم امرینه امضای روز کار \*
- \* لبریز فیض عاطفت بی کرانیدر \* حالا بونه پیاله مینای روز کار \*
- \* الیست بایه مهبطیدر قصر جاهنک \* سر تقدیم مراتب علیای روز کار \*



- \* جبل متین را فیدر اعتصام ایچون \* نظم اموره عروه و ثقیای روز کار \*  
 \* کلیخ باب رفعتی اولور سه کرسزا \* داغ درون زهره زهرای روز کار \*  
 \* اولسه قرین تقویت مکتی اولور \* بشه حریف جله عنقیای روز کار \*  
 \* مسند فروز معدله سبده پروار \*  
 \* ای زیب بخش مسند والای روز کار \*  
 \* سنسک او کامکار کره ور که اولدی هب \* ممنون جود و رافتک ابنای روز کار \*  
 \* بولطفله عدیل اوله مز دست جود که \* ابرمطیر باخچه پیرای روز کار \*  
 \* شمشیرتیر عدلاک ایله بولدی انصرام \* سر رشته مسلسل غوغای روز کار \*  
 \* کلز خیام جاه که نسبتله بر حباب \* بونه خزینه چتر معلالی روز کار \*  
 \* سرتاسر اولدی پرده سیلاب سطوتک \* خاشاک خیل دشمن خودرای روز کار \*  
 \* دربان در کرم همتک یترا \* ارباب جاهه منصب اعلائی روز کار \*  
 \* دورنده فیض جود پیایی ظهور ایله \* دلرده قالدی غم فردای روز کار \*  
 \* احسان و التفاتک ایله اولدی کامیاب \* نیجه کدای بی سرو بی پای روز کار \*  
 \* ایام دولتمده روامی بنم گی \* برتر زبان شاعر غرای روز کار \*  
 \* تاراج احتیاج اوله سامان راحتی \* قاله اسیر نیجه کیسرای روز کار \*  
 \* لطفک جریمه دوز ضرورت ایکن اوله \* محتاج دست پست نمکسای روز کار \*  
 \* طبع او بزه سبخ کالات خیر اوله \* دلبسته تحیر داعیای روز کار \*  
 \* شیرینی ادا دهنم شمدی با خصوص \* طوطی شوخ طبع شکر خای روز کار \*  
 \* لوح ضمیر غیب شناسمده برق اورر \* ماهیت جواهر اشیای روز کار \*  
 \* بزم عروس نجله فکر مده کر نوله \* رقصان اولور سه زهره زهرای روز کار \*  
 \* شوق جمال یوسف طبعمه دمدم \* اولدی فزون عشق زلیخای روز کار \*  
 \* اولسه عجمی سلاک لالی عبارتتم \* رشک نظام عقد ثریای روز کار \*  
 \* اولدی سواد نقطه نظم جواهر \* حیرت ده دماغ سوز سویدای روز کار \*  
 \* بسدر تمدح ایتنه منیفا که موبو \* اکار عیار طبعک اودانای روز کار \*  
 \* باشله دعایه که دیه آمین سرتسر \* افراد ساکان زوایای روز کار \*  
 \* تا کیم وقایه نظر داوران ایله \* شیرازه کیر عدل اوله اجزای روز کار \*  
 \* درگاه عدل و دادینی حق ایلسون همان \*  
 \* کھف انام و ملجأ و مأوای روز کار \*

\* انطاکیه لی منیف \*

\* غزل \*

\* فلکده اولمده دل که شکست و کاه درست \* مدام اواردینی بوق جام عیش ماه درست \*



- ✽ درست مغربی آفتاب و پرسمده ✽ بوز خیم داغہ ایتر اوتمہ نیکہ درست ✽
- ✽ ستون آھی د کرمیدی طاق حوزایہ ✽ نطق وعدہ وصلت اولیٰ ی آہ درست ✽
- ✽ بتون اصول خرابات عشقی کوردم اولور ✽ شکست توبہ ایله رخنہ گاہ درست ✽
- ✽ دلی نماکش اندیشہ عمیق ایقہ ✽ ہمیشہ پرشدہ چیقمن سبوی چاہ درست ✽
- ✽ اوسنکدارہ اولور انکسارم آلدقجہ ✽ مزاج چشم و شکنج خیم کلاه درست ✽
- ✽ اولور فواصل ایاتم التیاهی منیف ✽
- ✽ بو خرق عادہ انجازه کواه درست ✽

✽ عینتابی منیف افندی ✽

✽ ترجمہ خاتمہ ولتر ✽

✽ ای منشی کار گاہ عالم ✽

✽ وی ناظم سلک نسل آدم ✽

✽ کوش ایت کرم ایله صوک کلام ✽

✽ معلوم سکا خلوص تام ✽

✽ غافلہ سده سندن اهل انکار ✽

✽ هر ذره ایدر وجودک اقرار ✽

✽ اولدم ایسه مظهر خطایا ✽

✽ راه طلبیکده اولدی حقا ✽

✽ دل اویدی هوایه لالابالی ✽

✽ اما کینه سنکله مالی ✽

✽ عقبیا اولیور نظرده ظاهر ✽

✽ دهشتی ویرر یابو مظاهر ✽

✽ برذات که ایلدی بنی وار ✽

✽ هم بونجه عنایتہ سزاوار ✽

✽ یوق بنجه تصور احتمالی ✽

✽ که ایتدکده فنادن ارتحالی ✽

✽ خیمیه بنی جحمیه اتسون ✽

✽ هم انده مؤبدا براقسون ✽

✽ ندیم ✽

✽ قصیدہ سلطان احمد ✽

✽ حبذا ای تاج و تختک مایہ زیب و فری ✽

✽ عالمک آرایش ملک طراز و زیوری ✽



- ✽ حبذا ای تاج بخشای فریدون و قباد ✽
- ✽ حبذا ای متکا پیرای ملک قیصری ✽
- ✽ حبذا ای شعله شمشیر دست سلطنت ✽
- ✽ ای فروغ روی خورشید سپهر سروری ✽
- ✽ رخشک اولماسه فلک اولمزدی بویله پرشتاب ✽
- ✽ پیکک اولماسه قرکیمزایدی تاج زری ✽
- ✽ عفو محتاجم بو تعبیر مده تقصیر ایلدم ✽
- ✽ بلکه ای یکتانورد سرزمین داوری ✽
- ✽ نعل زرد رموزه پایکده ماهک غره سی ✽
- ✽ کویدر چوکان پای رخشکه چرخک سری ✽
- ✽ سجده بر محراب نعل اسبکه ماه فلک ✽
- ✽ مفتخر بوس سم رخشکه مهر خاوری ✽
- ✽ مکتسب یلمان تیغکده درخش آفتاب ✽
- ✽ منتخب فص نکیکنده فروغ مشتری ✽
- ✽ شهر یاراسن سن اول فرمانروای دهر کم ✽
- ✽ آسمان درگاهک بر بنده فرمانبوی ✽
- ✽ سایه بزمک جلال جاهک آسایشکھی ✽
- ✽ رایت عزمک همادولتک بال و پری ✽
- ✽ حرز جان سلطنت نیروی بازوی ظفر ✽
- ✽ رکن صولت عنصر حشمت اساس صفوی ✽
- ✽ خانمان زیب جلال آرایش بحر شرف ✽
- ✽ سیف صابزم پیشه زار سطوتک شیرازی ✽
- ✽ صورت عقلی مشخص پیکر زهن سلیم ✽
- ✽ عقل کل برج کمالک آفتاب انوری ✽
- ✽ یعنی سلطان احمد غازی که دوش قدرنه ✽
- ✽ اطلس کردون جز رکش تنگه لی بر عنتری ✽
- ✽ شهر یار آسمان قدر اخدیواد اورا ✽
- ✽ ای ایدن کمقدر خاکپایی مشک از فری ✽
- ✽ جستجوی معنی وصفکله عقل و فکر و فهم ✽
- ✽ کشت ایدر کن زیر بالای سپهری سرسری ✽
- ✽ راست کادی پیک اندیشم بوغرا مطالعه ✽



- ✽ چرخ چار مدن اته عرش معلادن بری ✽
- ✽ دست قهر کده رخ چرخ کهن نیلوفری ✽
- ✽ باغ لطف کده بهشت هشت بروردطری ✽
- ✽ آب ایدردی تیر قهرک کوهسار آهنی ✽
- ✽ ابراید راطفک دخان کوره آهنگری ✽
- ✽ شویله مر دسام هینیت سن سنک خواب ایچره کر ✽
- ✽ برکیجه کورسه خیالک زال چرخک کوزلری ✽
- ✽ ارته میدان رجو لیتده بایراق بند اولور ✽
- ✽ نیزه بهرامه ناهید سپهرک معجری ✽
- ✽ قبضه تسخیریکه مو هوب قوس رستمی ✽
- ✽ بازوی اقبالک موروث زو رحیدری ✽
- ✽ مکتسب عادت دکل خوی جبلیدرسکا ✽
- ✽ کامبخش مکر متکاری مراحم کستری ✽
- ✽ سنسن اول سلطان عالم کم اولور بزمکده جمع ✽
- ✽ زهره ننگ چنکی مهک ابریق مهرک مجری ✽
- ✽ اولسه ایام نام عالم آراکه قرین ✽
- ✽ زحم اورردی سینه ایامه بیم خنجری ✽
- ✽ سنسن اول داور کاولور بزمکده دائم مجتمع ✽
- ✽ قهرمانک تیغی سامک کرزی زالک خنجری ✽
- ✽ سلطنت باش اورمیددی درکه اقبالک ✽
- ✽ تیغوش ازار ایدردی رأس لفظ افسری ✽
- ✽ جبهه پاکنده کی برق نجاتدن اگر ✽
- ✽ مشعل افروز جمال اولسیددی مهر خاوری ✽
- ✽ ایلیموب دنیایی جوش لجئه انواره غرق ✽
- ✽ ارض اولورردی موجه دریای نورک عنبری ✽
- ✽ ویرسه بر صحرایه فر مشاطه عدلاک اولور ✽
- ✽ جنکل شهباز میل سره کبک دری ✽
- ✽ ایتسه برکوهه کذرباد سموم سطوتک ✽
- ✽ معدن کوکرد ایدر تأثیری کان کوهری ✽
- ✽ رافتکده پرورش یاب اولسه برکشن یت ✽
- ✽ لالهوش خاکنده فیض رنگ ناب دلبری ✽



- ✽ ایتسه زیر سایه کوه وقارک ملتجا ✽
- ✽ بندایدربال پرستو بچه راه صرصری ✽
- ✽ کاشنندن کجسه برتقر یبله کل حشر او اور ✽
- ✽ چارسوی کافر و شاک مکس شه بندری ✽
- ✽ اولسه الطاف کله کر نقش نباتی شهید کام ✽
- ✽ اکتساب ایلردی حنظل لذت کاشگری ✽
- ✽ اولسه بر شاعر اگر مقرون لطف رأفتک ✽
- ✽ تیری ایلر کاکلی کالای مدیحه مشتری ✽
- ✽ پادشاهم ایکی شاعر دروین نظمه رواج ✽
- ✽ طرز رومی هندده عرفی عجمده انوری ✽
- ✽ عالمی لبریز آواز ایلش لوصف ایدوب ✽
- ✽ بری شاه اکبری بریسی سلطان سنجر ✽
- ✽ بن قولکده اشته ملک رومده وصف ایلوب ✽
- ✽ بر سنک کی شهنشاہ فریدون افسری ✽
- ✽ یانجه وصف ایتیم اولمشیدر بر بن کی ✽
- ✽ درکه جود کده بولطف عمیک مظهری ✽
- ✽ یعنی قلدک مدر سیله عبد ناکامک چراغ ✽
- ✽ اولدی جانام ندیمه بند کانک دفتری ✽
- ✽ خسروانه لطف ایدوب شاهانه انعام ایلوب ✽
- ✽ اغلر ایکن دست لطفک سلیدی چشمان تری ✽
- ✽ فخر ایکن اجدادیمه اول آستانک خدمتی ✽
- ✽ حضرت سلطان ابو الفتحک زماندن بری ✽
- ✽ پادشاهان سلفدن بونجه احسانلر کوروب ✽
- ✽ هر بری اولمشکن اول باب رفیعک چاگری ✽
- ✽ بن قولک بیکس محقر شو یله قالمشکن یتیم ✽
- ✽ محنت اندوهله اغلر کز رد سر سری ✽
- ✽ نه رکاب دواته عرض مرامه بر مساع ✽
- ✽ نه بو بار محنته صبر ایتکه تاب آوری ✽
- ✽ حق معمر ایلسون داماد عالیشانکی ✽
- ✽ آسمان طور دچمه اولسون زیب صدر داوری ✽
- ✽ کیم بو بیکس بنده کی خنکاریمه تعریف ایدوب ✽



- ✽ ایلدی بودردمندی محنت و غدن بری ✽
- ✽ حق بودر کیم نادرشاهم بویله بردانا وزیر ✽
- ✽ ایتدی بوآنه دک زیننده هیچ برکشوری ✽
- ✽ حق تعادوات و اقبالن افزون ایلسون ✽
- ✽ تابع فرمانک اولسون دورچرخ چنبری ✽
- ✽ ملکدن دور اولسون ظل همای رافتک ✽
- ✽ دائماً قلسون حمایت شفقتک بیکساری ✽
- ✽ عرشله همدوش اوله طاق رواق حشمتک ✽
- ✽ تا که برجادر بو عالی قبه نیلوفری ✽
- ✽ سا که تملیک ایلسون حق بریره جمع ایلوب ✽
- ✽ ملک دهری عمر خضری دولت اسکندری ✽

✽ ندیم ✽

✽ غزل ✽

- ✽ حیده دن کچمش نراکت یال و بال اولمش سکا ✽
- ✽ می سوزلمش شیشه دن رخسارال اولمش سکا ✽
- ✽ بوی کل تقطیر اولمش نازک اشلمش اوجی ✽
- ✽ بری اولمش خوی بری دستمال اولمش سکا ✽
- ✽ سحر و افسونیه طولمش درونک ای قلم ✽
- ✽ زلف هاروتک دیمک ممکن که نال اولمش سکا ✽
- ✽ شویله کرد اولمش فرنکستان برکش بریره ✽
- ✽ صکره کلش گوشه ابروده خال اولمش سکا ✽
- ✽ اول بت ترساکامی نوش ایدر میسن دیمش ✽
- ✽ الامان ای دل نه مشککتر سؤال اولمش سکا ✽
- ✽ سن نه جامک مستی سن آنا کیم حیرانی سن ✽
- ✽ کندک آلدردک کوکل نولدک نه حال اولمش سکا ✽
- ✽ لبلرک مجروح اولور دندان سین بوسه دن ✽
- ✽ اعلاک او پدرمک بو حالتله محال اولمش سکا ✽
- ✽ یوق بوشهر ایچره سنک وصف ایتدکک دلبرندیم ✽
- ✽ بر پری صورت کور نمش بر خیال اولمش سکا ✽



\* چشمك كې برساغر بر غنج بولنم \*

\* خطك كې بر نسخته نيرنج بولنم \*

\* هدهد كې بينا كرك آنى آره يانلر \*

\* ويرانه يه بوم اولمغله كنج بولنم \*

\* اون برياشنه كيرمش اومهپاره يي كوردم \*

\* كيم ديديكه عالمده شش و پنج بولنم \*

\* ليمونى خطا ييده اوپستانه نظرايت \*

\* هيج بويله جلى شعله نارنج بولنم \*

\* ايام هر موده طوته لم كنج بولنمش \*

\* آدم اوزمان نيليم كنج بولنم \*

\* آسان دكل اول شوخى عزائمده تسخير \*

\* تاثيرلى نيرنجده بى رنج بولنم \*

\* عرض ايت كهرك آصف ديشانه ندما \*

\* هر بار بومسندده سخن سنج بولنم \*

\* نزهت افندى \*

غزل

\* ايدن اسراف نقداشكى جانا اشته چشممدر \*

\* سفير مردم لا قيد دنيا اشته چشممدر \*

\* اميد و صل و بيم فرقت راحتكذار كله \*

\* اولان بيدار صبح حشردك تا اشته چشممدر \*

\* خيالاك ايليوب سيرانكاه خاطر م تليك \*

\* ايكي فواره خون ايتدى انشا اشته چشممدر \*

\* كورلمشى كه اولسون صاعقه باران دن سا كن \*

\* ايدن اشكيله برق آهم اطفاشته چشممدر \*

\* درخت ارغوان مژگان خونين جوى اشك اوزره \*

\* خيابان رسمنى اتمكده اجرا اشته چشممدر \*

\* او كافر بچه نك تنور دل پرتاب عشقيكن \*

\* قيلان طوفان نوحى رمز و ايما اشته چشممدر \*



❀ اولوب بر لاله زاره داغ غمغه سینه زارم ❀

❀ ایدن اول لاله زاری نزهت اسقاشته چشممدر ❀

❀ نفعی ❀

❀ در مدح مرحوم سلطان احمد خان علیه الرحمة والرضوان ❀

❀ بَارَكُ اللهُ زهی عاطفت ربانی ❀ که شه عالمه اولش ازلی ارزانی ❀

❀ نیجه شه انجمن افروز حریم دولت ❀ نیجه شه حاصل دور فلک سلطانی ❀

❀ معدلت پیشه خداوند سریر حشمت ❀ اقتضای کرم و همت و عالیشانانی ❀

❀ مرکز دائرة جاه و جلال و عظمت ❀ قطب گردون جهانبانی و فرمانرانی ❀

❀ حارس مملکت دین و مدار اسلام ❀ مظهر مکرمت و موهبت سبحانی ❀

❀ سایه لطف خدا حضرت سلطان احمد ❀

❀ که فریدون و سکنند را اوله مر در بانی ❀

❀ او خداوند عمر عدل و علی سیرت کیم ❀ بولدی ذاتیه شرف سلسله عثمانی ❀

❀ او شه نشاقضارای و قدر قدرت کیم ❀ عالمک عید مبارک دمیدر دورانی ❀

❀ نوله حکمندن انک طشره برایش اولسه هیچ ❀

❀ چرخ بر نقطه اکا دائرة در فرمانی ❀

❀ عقل کل درک اید مر رفعت قدرنی مکر ❀ زردبان ایلیه چرخ و چهار ارکانی ❀

❀ شکر پابوش ادا ایتزا کر کوسکتوری ❀ ویرسه شکرانه زمین حاصل بحر و کانی ❀

❀ شاهد دولتک فهم و خرد مفتونی ❀ صورت همتک لطف و کرم حیرانی ❀

❀ لطفی بر مرتبه کیم چرخ ایدر غرق کهر ❀ موج خیر اولدوغی دم بحر کف احسانی ❀

❀ ختمی بر مرتبه کم اولسه نه دم کرمعتاب ❀ اریدر صوکی تاب نظری سندانی ❀

❀ وصف شمیرینه حدیوق طوتالم بردمده ❀ بیک اندیشه نه هندی قویه نه کرمانی ❀

❀ نیرزه سیدر او قلم جدول و تقویم ظفر ❀ که عدونک اکاسرخ اولمش او جنده قانی ❀

❀ افرین شصت سمایونه کیم او قارینک ❀ مومدن اولسه ینه طاشی دلریکانی ❀

❀ سوزنک د کسه اشان تیرینه کوکلرده مسیح ❀

❀ اوق اتوب کزدیکی یرلرده اورردی انی ❀

❀ آه عاشق دیر ایدم تیرینه کرناوک آه ❀ دلسه افلاکی کجوب کنکره کیوانی ❀

❀ خیره دریتی مردمده عجبمی اولسه ❀ بویه بر جامع خوش طرح و لطیفه بانی ❀

❀ جندا معبد پر فیض مقدس که بولور ❀ انده بر شجده قیلن مغفرت رحمانی ❀

❀ بر نمانک که اساسی ایه قعر خاک ❀ سقنی کجست نوله بوطاقی بلند ابوانی ❀



- ✽ ایلدی قدرینی اول جامع والا برتر ✽ حاصلی ارادی دعا خرمی آت میدانی ✽
- ✽ غم دکل طوغسه خورشید جهانتاب فلك ✽
- ✽ طوتار انك یرینی نعل زریکرانی ✽
- ✽ وسبکسیر وسبکرو که خبردار اولمز ✽ ایلسه سینئه مور اوزره اگر جولانی ✽
- ✽ غیرت ادهم شب پیشرو اشهب روز ✽ اسمان سیر وزمین کردو سحر پیشانی ✽
- ✽ دم جولانده که پایینی ایدر کاهی خم ✽ کوی خورشید جهانتابه اورر چوکانی ✽
- ✽ برق خاطف کی بر دمه ایدر دیانی طی ✽ اولسه کر عرصه پهنای فلك میدانی ✽
- ✽ خسروا پادشها مهر کواکب سپها ✽ ای مدار شرف کوکبه خاقانی ✽
- ✽ سنسن اول ماصدق اطف الهی که فلك ✽ بر کجه سنسن اولان دورین اکوب پنهانی ✽
- ✽ مر سحر شویله تأسفله چکر کیم یقه سن ✽ بر اولور چاك کریبانی ایله دامانی ✽
- ✽ ایتدی عدلك او قدر راه ضلالی منسبد ✽ خاطره بول بولمز وسوسه شیطانی ✽
- ✽ روشسه چاه ذقنه طره خوبان یریدر ✽ ایلدی فتنه بی دور که فلك زندانی ✽
- ✽ برق تیغک تن اعداده ایدر جوشنی آب ✽ دور اوستنده حبابه سربی سامانی ✽
- ✽ اکسه احسانکی طپراق صاورر باشنه کان ✽ کورسه کف کرمک لرزه طوتر عمانی ✽
- ✽ مدحکک غایتی یوق طی لسان ایده مکر ✽ دیمکه بیکده برین فاطمه انسانی ✽
- ✽ دردمی باری بو تقریبه تقریر ایده یں ✽ تانفا خانه الحفکدن ایره درمانی ✽
- ✽ داور اداد فلیکدن که حفا ایتک ایچون ✽ بولور البتیه بر اهل دله بر نادانی ✽
- ✽ بر دیلم ایتکی بر اهل معارفده قومن ✽ کوزه در زمره نادانله حق نانی ✽
- ✽ بولسه ارباب دلی خاکله یکسان ایلر ✽ کوسه تیره تا که ادانیده علو شانی ✽
- ✽ آلیویر دادمزی چرخ ذنی پروردن ✽ پایمال ایتدی قتی اهل دل و عرفانی ✽
- ✽ التفات ایت سخن اربانه کیم انلوردر ✽ مدح شاهان جهانبانه ویرن عنوانی ✽
- ✽ کیم بیلوردی شعر اولسه کر سابقده ✽ مره دوانله کلوب یینه کیدن شاهانی ✽
- ✽ حشره دک آب حیات سخن باقیدر ✽ اکدروب زنده قیلن نام سلیمان خانی ✽
- ✽ بر کهر در سوزا کاسمت شهدر هیت ✽ نه روا بویه متاعک چکله خسیرانی ✽
- ✽ یازمش الطاف شهنشاهی حربی سخنده ✽ شاه او یس ایله یاران منقبت سلطانی ✽
- ✽ یا خصوص اوله بنم کیی معانی برور ✽ که شکست ایتدی سوزم قدر در غلطانی ✽
- ✽ صانورم کندیمی برخواجه صاحبجور ✽ الدیفه حجه الیه کلك کهر افشانی ✽
- ✽ سوزلرم اولدی حسد کرده ایلان عراق ✽ بلکه رشک سخن محشم کافشانی ✽
- ✽ اضطرار ایدر اشعارم شمدی تمسین ✽ سوزه کلدجکه قبول ایلین حسمانی ✽
- ✽ نیچه استاد سخن کسره اولام غالب ✽ که بولمز آرمک هر برینک اهرانی ✽



- ✽ کیمی قائل اولوب حقه سوزم ایتدی قبول ✽
- ✽ ایتمین داخی قوبوب دعوی بی برهانی ✽
- ✽ ایشیدوب صیت و صدای سخنم اولدی خوش ✽
- ✽ کوشنه کیرمز ایکن دبدبه خافانی ✽
- ✽ حاصلی شمدی بنم نادره سیخ عالم ✽ ایدر اقرار بوکا کامل اولان اذغانی ✽
- ✽ مدعی منکر اولورسه چکرم اشهاره ✽ حق شناس امل نظرا کلدیغم یارانی ✽
- ✽ قوشعار روان بخشمه انکاری ینه ✽ حاسدک اغز ینه کلسه حسدن جانی ✽
- ✽ سوز تمام اولدی دعا ایلیم ای نفی ✽
- ✽ حق تعالی ویره مقصود شه دورانی ✽
- ✽ هر سحر تا که چقوب پرده سرای شیدن ✽ ایده شاهنشهر تاج فلك دیوانی ✽
- ✽ بوله دیوان هم بابونی کال رونق ✽ ارته کوندن کونه کتدکجه شکوه و شانی ✽
- ✽ اوله اعدا منی زبون بخت جهانگیری قوی ✽ اولیه لازمه دولتک نقصانی ✽
- ✽ عالی مرشب ایده شعله شمع یختی ✽ بر تو مشعله روز قدر نورانی ✽

﴿ نفی ﴾

﴿ غزل ﴾

- ✽ غزه سی مخمور اولوب صوندقجه جام نازه دست ✽
- ✽ نازوشیویله اورر هر بر مرثه بر سازه دست ✽
- ✽ چشمی یوز بیک قان ایدر بر جنبش مرثکان ایله ✽
- ✽ دست قدر تدر مکر اول مست تیراندازه دست ✽
- ✽ دل النده طوتمق استرزلفن اما نیلسون ✽
- ✽ ایریشورمی هیچ اول مرغ هما پروازه دست ✽
- ✽ واسطه چوق وصلته اما همان لازم اولان ✽
- ✽ یاره دامان کشیده عاشق سرپازه دست ✽
- ✽ دولت الویرمز سه چکدک تیلرز دنیایی بز ✽
- ✽ اولمدین ایرشمه تک بر دلبر ممتاز دست ✽
- ✽ نیجه ممکن بویله وادیده بوکونه پنج بیت ✽
- ✽ اورما نیجه طبع نفی خامه اعجاز دست ✽
- ✽ بویله خوش طبعانه رندانه غزلی دیردی اول ✽
- ✽ صونمسه کرجام فیض حافظ شیرازه دست ✽
- ✽ شمدی اما بویله رفعتی بولوردی پایه سی ✽



- ✽ اور سه كردامن سلطان سرافرازه دست ✽
  - ✽ شه مراد خان كيم دوام عمرين ايلرلر رجا ✽
  - ✽ اوردي قنجه اوليا مفتاح كنج رازه دست ✽
  - ✽ آفتاب كيميار مفلس اولوردى اكر ✽
  - ✽ آچ مر صبح اوخاقان كر سپردازه دست ✽
- 

﴿ نورس پاشا ﴾

﴿ غزل ﴾

- ✽ بوشب خليمای زلفكاه دلی پر پيچ و تاب ايتدم ✽
  - ✽ كورنجه تاجر صبح جمالك ترك خواب ايتدم ✽
  - ✽ اكوب رخسار لك دوندى چشم طاسن پر خونه ✽
  - ✽ بزمده خون اشكيدن طولی نوش شراب ايتدم ✽
  - ✽ يوزاوزه مائل خال رخك صديوز قدر وارمش ✽
  - ✽ بر عنبر سبجه ايله بنده بويوزدن حساب ايتدم ✽
  - ✽ ميانك آلدم آغوش خياله خيلي اكلندم ✽
  - ✽ نه اغياره خبر و يردم نه سكا بر عذاب ايتدم ✽
  - ✽ دكلدر عارضی آل عبانك شوقى كوكلده ✽
  - ✽ ازل بزمنده بن نورس اوبابه انتساب ايتدم ✽
- 

﴿ وهى ﴾

﴿ غزل ﴾

- ✽ كاله وصلتى بز كنز لوجه الدق صاتدق ✽
- ✽ بو بازار لقده رقيياسنى پك الداتدق ✽
- ✽ چوملكى سورمشيدك آتسه دعوت ايديجك ✽
- ✽ اوپرى طويمدى اردنده نه ايش قينا تديق ✽
- ✽ قپودان زاده يم فرقه بو غمشدى بزى ✽
- ✽ زورق وصلنه بر حله ده قيجدن چاتدق ✽
- ✽ پستروصلته ياتم ديوايلردى عناد ✽
- ✽ بوكجه يارايله چوق عربده ايتدك ياتدق ✽
- ✽ فكر ايدوب سوزن الماس كې متركانك ✽
- ✽ صبحه دك خوابكه غمده حضوره باتدق ✽



- ❖ دیدی بر یلدیزی یوکسک کوزله دوشکوندور ❖
  - ❖ طالع عشقی منجم باشی یه یوقلاتدق ❖
  - ❖ صوی پک سرت ایدی اولشوخ ترنج پستانک ❖
  - ❖ هله صوینجه واروب اوخشه یه رق یومشاتدق ❖
  - ❖ زیرنافنده اولان کیزلوشکافن ذوقن ❖
  - ❖ اچمدق کسه یه انجق قلمه چاتلاتدق ❖
  - ❖ کله مز قزدی کدوی میی ایتدکده شکست ❖
  - ❖ زاهدک بزدخی باشنده قپاق باتلاتدق ❖
  - ❖ درمیخانه یی شهنه قپامق استرایمش ❖
  - ❖ ایاغی دنکاله رق کیزلو قپاغی اتدق ❖
  - ❖ ویردی صهبا چیقروب پیرمغان چاشنی حلال ❖
  - ❖ بوش بولندق اینانوب کافره واردق طاتدق ❖
  - ❖ صرب ایکن وادیء ثابت بر اودیز کین ایدوب ❖
  - ❖ وهبیا آنده دخی آتمزی اویناتدق ❖
- 

- ❖ اشبو منتخبات آثار عثمانیه معارف نظارت جلیله سنه ❖
- ❖ شرفیپرا دولتلو صفوت باشا حضر تارینک ❖
- ❖ ثمره تشویق وهم علیه لریله ❖
- ❖ ترتیب وطبع وتمثیل ❖
- ❖ اولنمشدر ❖















# MAIN STACKS



